



8-53 33





105

8-53-B-3

TRACTATUS
DE
POENITENTIA

DISTRIBUTUS

In duas partes, alteram de VIRTUTE,
& alteram de SACRAMENTO.

AUTHORE

P. JOANNE BAPTISTA GORMAZ
Societatis JESU.

Dicatus Emin.^{mo} ac Rev.^{mo} Principi

PETRO
OTTHOBONO

S. R. E. CARD. VICECANCELLARIO.

PARS PRIMA.



ROMÆ M. DC. XCVII.

Typis Antonii de Rubeis propè S. Sylvestrum de Capite in Via Vitis.

SUPERIORUM PERMISSU.

ST. LOUIS
MISSOURI

AMERICAN

THE
ST. LOUIS
MISSOURI
AMERICAN
ST. LOUIS
MISSOURI
AMERICAN

ST. LOUIS
MISSOURI
AMERICAN
ST. LOUIS
MISSOURI
AMERICAN
ST. LOUIS
MISSOURI
AMERICAN



EMIN.^{MO} AC REV.^{MO} PRINCIPI

P E T R O
O T T H O B O N O

S. R. E. C A R D I N A L I
V I C E C A N C E L L A R I O .

Felicitatem .



U O D *Liberalium Ar-*
tium , quarum non unas
foves Mœcenas , Cultores
quamplurimi faciunt fe-
rè quotidie , se , suaque

EMINENTIAE VESTRAE rerum æquissimo
æstimatori sistere , potiori id mihi jure re-
lictum

lictum esse sensi , cùm de hac severioris
disciplinæ, & sanctioris studii parte , quam
de Pœnitentia appellamus , dicanda me-
cum ipse cogitabam . Illam enim , & in-
scribi tibi prior ipse quodammodò urge-
bas , & vebementer è re mea fore scie-
bam , si ita instantem audirem ; tùm ne
à proposito deflecterem gratitudinis leges
vetabant , cùm quod plus est officii mei me
admonebat justitia .

Neque id succensere mihi meritò pot-
es , quod te priùs ipsum quodammodò ur-
sisse dixerim , atque adeò suaviter impu-
lissee ad hoc qualecumque opus meum tibi
inscribendum . Scimus enim in id curas
te conferre quotidie , ut suus Templis sit
bonos , Majestas aris , atque ad eas fa-
cientibus Sacerdotibus par dignitati sit
Cultus : non alio Consilio , nec parco sinu
opes effundere , quàm ut multo auro , &
numerofo lumine ornatiora Tempia , &
Populum Romanum , & Patriâ longè dis-
sitos

sitos advenas ad supplicem Supremi Numinis venerationem invitent . Accedit, cujus sine ingenti Nominis tui commendatione recordari nemo potest , quod per te, atque etiam à te factum esse videmus, ut & decenti Comitatu , atque Ornatissimâ pompâ , quæ pietatis unumquemque , ac religionis commonefaciat , jam fortè è vita migraturis Sanctissimum Viaticum feratur : quibus illud in primis egisti , ut nemo de Ecclesiarum splendore , de Festis magnificè instructis , de Cultu pietatis promovendo , de institutis à servatore amoris tesseris , aut loqui , aut prælo commissis Libris agere possit luculentius , qui non aut tui cum Laude meminerit , aut operis fronti Nomen Tuum præfixum gerat : atque hujus equidèm necessitatis , quam probatissima virtus tua induxit, vim semper majorem expertus sum , quàm cui satis resistere possem .

Quamquam, ut ita possem , nollem.



tamen : etenim si ab iis , quibus Libri in-
scripti sunt , sæpè non parum Operi com-
mendationis accedere videmus , multum
sanè jam nunc meo polliceri posse videor ,
quod in te ea esse non ignoramus , quæ
istiusmodi laudum pondus ferè constituunt :
quid enim , quam hic potissimum à me com-
pellari decet , de singulari tua prudentia
satis pro illius magnitudine aptè comme-
morabo : Sanè quæ ætatem semel virtus
prævenerat , eam illa numquam non po-
steà superavit : gratulabundi excipimus il-
lius publicas Laudes , quas nulli referent
ampliores , quàm qui te in gravissimorum
Purpuratorum Patrum confessibus , negotiis-
que difficillimis sententiam dicentem au-
diverunt , non hoc tempore modò , cum Æ-
tas maturuit , & diuturnior exercitatio
accessit , sed vel à primis mensibus , quibus
Eminentissimorum Collegio adscriptus es ,
quando nihil præter virtutem , nisi juvenile
ferè præ te ferebas , quæ tamen non ita
parie-

parietibus, aut Urbe Romanâ, aut etiam Italiâ contineri potest, ut vel exteræ Nationes, vel Ecclesiæ rebelles illam, quod vel inviti non possunt, dissimulent.

Et hæc quidem præter cætera, ita excellis, ut inter antiquissimæ, atque illustrissimæ Propaginis tuæ decora, illam hæreditario quasi jure non immeritò propriam tibi gratulari possis. Sanè summam eam cum singulari eruditione conjunctam jam à sæculo in LEONARDO OTTHOBONO suspexit TRIDENTUM, cùm is inter REIPUBLICÆ VENETÆ Legatos Sanctissimi Concilii actis describendis vacaret. Ante illum verò in JOANNE FRANCISCO OTTHOBONO præter hæc Omnia, & raram in paucis doctrinam, & singularem Linguarum peritiam Græcæ, etiam & Hebræicæ, Eruditi omnes laudarunt. Quanto præterea Consilio, quantâ in rebus agendis dextertate valuerit LEONARDUS, testis est Hispania, Germania, Lusitania, aliæque Pro-



vinciæ quamplurimæ, in quibus Nobilissimæ Reipublicæ Venetæ Negotia ita gessit, ut nec digniorem Respublica mittere, nec Chariorum Provinciæ accipere se posse scirent. Vivit etiamnum in bonorum Omnium memoria, Pontifice Maximo dignissimus Parens MARCUS OTTHOBONUS, quem præter Germaniam, Hispaniam mirata est Anglia, Francia, Polonia, atque adeò tota propèmodum Europa annis pænè sexaginta, tam domi, quàm foris gravissimas Provincias pro Republicâ suâ sustententem: quàm rectè verò de illo sentiret Italia, publico Testimonio probatum est, dum eum illa eligi voluit, qui sequester pacis statueretur inter Pontificem Clementem VIII. ac Ferrariæ Ducem, & paucis post annis interjectis, inter Paulum V. & Rempublicam Venetam: quæ quidem Respublica ita horum virtutem amavit, ut singulos JOANNEM FRANCISCUM, LEONARDUM, MARCUM, Magni Cancellarii mune-

munere ornaverit , atque ita in Illustrissimâ , Sapientissimâque OTTHOBONI Familia tertium summam hanc dignitatem co-
luerit .

Sed licet hæc planè abessent , quæ tamen sunt maximè conspicua , dum in memoriam redeunt , & singularis affectus , & juncta affectui beneficia , quibus laudatissima Familia tua minimam nostram JESU Societatem prosequuta est , non hoc Opus tantum , quod sanè exiguum est , sed quæcumque sunt nostra ei non uno titulo deberi , lubenter fatemur : ut enim de te taceam , dum satis cætera loquuntur , & beneficia præstare magis , quàm commemorari desideras : scimus , & eo , quo debemus , animo recolimus , quantum debeamus Sapientissimo Patruo tuo Felicissimæ recordationis PONTIFICI MAXIMO ALEXANDRO VIII. Illum alii Orbis Catholici Patrem esse sciverunt , alii quâ decet Veneratione prosequuti sunt ; Nos ma-

✱

5.

gis.

gis etiam illis PATREM experti sumus: hæc pro me longè dissitæ Orationis, & Orientales plagæ copiosius referent, in quibus quicumque sunt Societatis Nostræ, Optimi Patris sui, & benevolum animum, & potens auxilium, gratissimo animo, & suavissimâ memoriâ repetunt: illius autem singularem prudentiam in hunc modum Universa Societas veneratur, ut ei maximè præsentissimum, idque non leve discrimen, à se sublatum esse, non sine ingenti lætitiâ adscriptum referat.

Accedit, quod id etiam jure aliquo exigere videatur Sapientissimus Pontifex, ut si quid in hac Sacræ Disciplinæ parte, quæ de Pœnitentiâ est, à Nobis edi contingeret, continuò Nepotibus suis, dum minus ipsi potest, inscriberetur: quod Nos eò convenit agere alacrius, quò non pauci alibi non satis ubique veritatis amantes laudatissimum ALEXANDRI VIII. nomen occultari volunt studiosius: sentiunt quip-

quippe, nullum ferè ex placitis superesse, quæ Principii loco erant, dum in præcipua hujus partis disceptatione versabantur, quod falli nesciâ sententiâ, notatum non sit, atque proscriptum. Alii quidè[m] ita statuebant: Quicumque actus cum Sacramento causat Gratiam bonus est: sed actus ille, qui Dei dilectio non est, bonus non est, eripuit ultimum hoc *ALEXANDER VIII.* hanc in Decreto 7. Decembris 1690. Ordine septimam Propositionem proscribens: Omnis humana actio deliberata, est Dei dilectio, vel Mundi, si Dei, charitas Patris est, si Mundi, concupiscentia carnis est, hoc est, mala est. Pronuntiabant alii: Actus detestans peccatum merè ob ejus turpitudinem, vel difformitatem cum natura rationali, sine ullo ad Deum offensum respectu, peccaminosus est. Quo posito nihil reliquum erat nisi, ut ex his ortus dolor, Attritio, Theologis dictus peccami-

caminosus haberetur: Erant qui ita sentirent: Detestatio mali, & complexio boni, merè ut quis obtineat gloriam, non est actio recta, nec Deo placens; quibus non omninò ab simile illud erat: Operans propter æternam mercedem, si careat Charitate, vitio non caret, & exindè timor Gehennæ non est supernaturalis, nec Attritio ex Gehennæ, & poenarum metu concepta, sine dilectione benevolentia Dei propter se. Verùm singula hæc Sanctissimus D. N. ALEXANDER VIII. damnat, & prohibet. Alterum quidè in Propositione decimâ. Intentio, quâ quis detestatur malum, & prosequitur bonum, merè ut Cœlestem obtineat gloriam, non est recta, nec Deo placens. Alterum in decimâ tertiâ. Quisquis etiam æternæ mercedis intuitu Deo famulatur, charitate si caruerit, vitio non caret, quotiès intuitu licèt beatitudinis operatur.

tur. *Et decimâ quartâ: Timor Gehennæ non est supernaturalis, & decimâ quintâ: Attritio, quæ Gehennæ, & poenarum metu concipitur, sine dilectione benevolentia Dei, propter se, non est bonus motus, ac supernaturalis.* Post quæ, fortè dolet horum Omnium Assertores, Veritatem nimis in aperto esse, atque indè non nisi cum hæterodoxis potiùs propriâ indignatione meminerunt laudatissimi hujus Decreti, quo unam supra triginta Propositiones proscripsit: Cujus fructum dum jam ante præsagiebant, fore arma Authoribus Nostris subministrata, quibus adversa jacula faciliùs retundi possent, magis quidè profuerunt, quàm velent, & gloriosius de Nobis senserunt quàm ipsi credebant.

Supereſt poſt hos plures, eosque optatissimos inſcriptionis meæ titulos, ut, quaecumque illud eſt, opus meum, eo, quo ſoles omnia proſequi, benevolo animo dicari
tibi

tibi patiare. Erunt intereà meæ illæ partes, ut illud Deum Optimum Maximum orem enixè, Eminentiam Vestram diù sospitem servet Ecclesiæ Romanæ, Univer-sæ Italiæ, Nobis Omnibus.

EMINENTIÆ VESTRÆ.

Humillimus, ac Devotiss. Servus.

JO: BAPTISTA GORMAZ.

THYRSUS GONZALEZ

Præpositus Generalis
Societatis Jesu.

CUM Librum , cui titulus, *Tractatus de Pœnitentiâ*, à Patre Ioanne Baptistâ Gormaz Societatis nostræ Sacerdote compositum, aliquot ejusdem Societatis Theologi recognoverint, & in lucem edi posse probaverint, facultatem facimus, ut typis mandetur, si iis, ad quos pertinet, ita videbitur; Cujus rei gratiâ has litteras manu nostra subscriptas, & sigillo nostro munitas dedimus. Romæ 8. Novembris 1696.

Thyrus Gonzalez.

APPRO-

APPROBATIO.

EX commissione Reverendiss. P. Paulini Bernardinii Sac. Apost. Pal. Mag. Ord. Prædicat. Ego infra scriptus attentè legi, & percurri opus, cui titulus *Tractatus de Pœnitentia &c.* & deprehendi doctrinam in eo traditam profundis Sac. Theol. principiis, Summorum Pontificum, Sacrorum Canonum, præsertim Oecumenicæ Tridentinæ Synodi Decretis solidè fulciri, graviores in materia de Pœnitentia difficultates accuratè discuti, & dilucidè resolvi, exquisita eruditione abundare, nihil bonis moribus, vel orthodoxæ Fidei adversum continere, dignumque planè esse, ut in lucem publicam edatur: Ita sentio. Romæ ex Collegio S. Isidori Ordinis Fratrum Min. Hibernorum Provinciæ Hiberniæ, hac die 27. Decembris 1696.

*Fr. Franciscus Porter Ord. Fratrum Min.
Hibernorum Sac. Theologiæ Lector bis
Jubilatus, Suae Majestatis Britannicæ
Theologus, & Historicus.*

IN-

I N D E X

DISPUTATIONUM,

ET SECTIONUM.

Quæ in hac Primâ Parte continentur.

DISPUTATIO I. De essentiâ, & existentiâ virtutis Pœnitentiæ. pag. 3.

SECTIO I. An, & qualis sit specialis Pœnitentiæ virtus? pag. 5.

SECTIO II. Solvuntur opposita. pag. 32.

DISPUTATIO II. Utrùm Pœnitentia Theologicè sumpta sit virtus specialis? pag. 66.

SECTIO I. An, & qualis sit specialis Pœnitentiæ virtus? pag. 67.

SECTIO II. Solvuntur opposita. pag. 110.

DISPUTATIO III. De objecto materiali, & formali virtutis Pœnitentiæ. pag. 163.

SECTIO I. Resolvitur controversia. pag. 164.

SECTIO II. Solvuntur opposita. pag. 188.

DISPUTATIO IV. De efficaciâ, subjecto, & Praxi Pœnitentiæ. pag. 207.

SE-

I N D E X.

- SECTIO I. An omnia peccata deleri possint per Pœnitentiam. pag.208.
- SECTIO II. Solvuntur opposita. pag.219.
- SECTIO III. De subjecto, & Praxi Pœnitentiæ. pag.236.
- SECTIO IV. Solvuntur opposita. pag.249.
- DISPUTATIO V. De contritione perfecta. pag.265.
- SECTIO I. An contritio sufficiens ad justificationem extra Sacramentum, debeat esse ex motivo charitatis. pag.267.
- SECTIO II. Solvuntur opposita. pag.283.
- SECTIO III. Quomodo contritio perfecta attingat motivum charitatis. pag.301.
- SECTIO IV. Solvuntur opposita. pag.323.
- SECTIO V. Quenam sit dilectio, quam cum Sacramento exigit Tridentinum ad impii justificationem. pag.358.
- SECTIO VI. Solvuntur opposita. pag.370.
- SECTIO VII. An perfecta contritio habeat semper adjunctam remissionem lethalis. pag.386.
- SECTIO VIII. Solvuntur opposita. pag.400.
- DISPUTATIO VI. De Attritione. pagina. 407.
- SECTIO I. An attritio ex metu gehennæ con-

I N D E X.

concepta sit actus honestus, & superna-
turalis? pag.409.

SECTIO II. Solvuntur opposita. pag.437.

SECTIO III. An attritio generalis superna,
ex metu gehennæ, sit sufficiens ad va-
lorem, & fructum Sacramenti Poeni-
tentiae? pag.478.

SECTIO IV. Prolegomenon pro praxi Ec-
clesiæ investiganda. pag.502.

SECTIO V. Illationes doctrinæ nostræ. pa-
gina 569.

SECTIO VI. Solvuntur opposita. pag.603.

Imprimatur,


**Si videbitur Reverendis. Patri Magist.
Sac. Pal. Apost.**

Sperellus Episc. Interamn. Vicesg.

Imprimatur.

**Fr. Paulinus Bernardinus Ord. Præd.
Sac. Apost. Pal. Magister.**


TRA-



TRACTATUS DE POENITENTIA

PARS PRIM A

De Virtute.

1.  UAS sub eodem titulo principes partes complectitur tractatus iste, alteram de Poenitentia virtute, alteram de Poenitentia Sacramento. Nec solum ad membra tituli divisio ista pervenit, sed litterarium etiam orbem transcendit, inter Doctores theologos dissidium inducens, quod in duas etiam eos partes distraxit, nimirum an recta differendi methodus exigat, ut prius de Poenitentia Virtute; vel prius de Poenitentia Sacramento agere incipiant. D. Th. 3. par. quaest. 84. prius agit de Poenitentia Sacramento: quaestione

De Poenit. Pars I.

A

stione

ſtione verò 85. uſque ad 89. *de Pœnitentia virtute*. Rurſus quæſt. 90. reſſumens iterum doctrinam de Sacramento, Juſtorum morte ad laborum ſuorum præmia vocatus diſputationem imperfectam reliquit. Cæterùm ſi ad claritatem doctrinæ attendamus longè commodior videtur methodus Eximii Doctoris, qui priùs de Pœnitentia virtute, poſtea de Sacramento diſputat: virtus quippe Pœnitentiæ ſe habet ſicut pars ſuperior ad inferiorem, cùm poſſit reperiri Pœnitentia virtus ſine Sacramento, at non è contra: unde quoad rationē virtutis in omni ſtatu exiſtit, licèt non fuerit Sacramentũ, ut docet Tridentinum ſeſſ. 14. cap. 1. Ordo autem doctrinæ poſtulat, ut priùs ab univerſalibus incipiamus. Virtutis itidem actus eſt pars Sacramenti, ac proinde ad cognoscendum totum oportet priùs naturam partis præmittere. Quod accuratè prænotavit Catechiſmus Tridentini titulo *de Pœnitentia*, dicens: *Ac primum quidem de ipſa ut virtutis parte agendum eſt, non ſolùm quia fidelis populus ad omne virtutis genus inſtitui à Paſtoribus debet, ſed etiam quia hujus virtutis actiones tanquam materiam præbent, in qua pœnitentiæ Sacramentum*

tum versatur: ac nisi prius, quæ sit pœnitentiae virtus intelligitur sacramenti etiam vim ignorari necesse est. Quapropter à Pœnitentia virtute incipiemus, ut ad Pœnitentiam Sacramentum progrediamur. Agunt de Pœnitentia virtute non solum Scholastici cum Magistro in 4. distint. 14. & cum D. Thom. ab ea qu. 85. sed etiam plures ex SS. PP. quos inter præcipuè Ambrosius in lib. *de Pœnitentia*, Cyprianus Sermone *de lapsis*, Chrysostomus duobus libris *de compunctione cordis*, & duodecim sermonibus *de Pœnitentia*, Auctor libri *de vera & falsa pœnitentia* apud Augustinum tom. 4. tum & Tertullianus in lib. *de Pœnitentia*.

DISPUTATIO PRIMA.

De essentia & existentia virtutis Pœnitentiae.

2. **N**OMEN istud *Pœnitentia* ad multa significata potest extendi. Primò umitur genericè pro retractatione actus præcedentis præscindendo ab eo quod vel per actum vitiosum, vel per actum virtuosum fiat retractatio, quo in sensu Matth. 26. de

Juda dicitur : *Pœnitentiâ ductus retulit triginta argenteos , & abjens laqueo se suspendit .* Secundò Philosophicè pro retractatione virtuosa actus pravi præcedentis quæ fieri potest ab actu cujusque virtutis peccato commisso oppositæ , licet motivum retractationis sit particulare , & non se extendens ad omnia peccata : sic peccatum furti quatuor juliorum retractatur , per actum , quo ex odio talis furti quatuor illi julii restituuntur , quo in sensu loquitur Aristoteles 7. *Ethicorum* cap. 7. Tertiò Theologicè pro retractatione virtuosa actus pravi præcedentis ex generali motivo se extendente ad omnia peccata saltem gravia : sic dolor detestativus peccati furti propter turpitudinem offensæ gravis Dei , vel ob metum poenarum , vel propter Dei Bonitatem peccato averfam , est actus Pœnitentiæ theologicè sumptæ , qui quidem actus , utpote ex generali motivo elicited ad omnia peccata saltem gravia se extendente , impossibilis est saltem virtualiter cum voluntate peccandi in posterum , ac proinde est propositum non peccandi de cætero . Cæterum cum voluntas sit potentia cœca , & egeat variis motivis secundum naturã actus
 eli-

eliciendi, ad hujus actus elicentiam præcedit ex parte intellectus actus Fidei, quo illuminatur Voluntas, & ex parte voluntatis actus Spei obtinendæ à Deo veniæ, imò & actus timoris: quo in sensu loquitur Tridentinum sess. 14. cap. 4. dicens: *Contritio, quæ primum locum inter dictos pœnitentis actus habet, animi dolor, ac detestatio est de peccato commisso cum proposito non peccandi de cætero.* Unde si talis actus est actus virtutis, habitus productivus istius actus erit virtus. Quapropter idem est quærere in præsentia an Pœnitentia theologicè sumpta sit virtus, quam quærere, an actus Pœnitentiæ theologicè sumptæ sit virtuosus.

SECTIO PRIMA.

An Pœnitentia theologicè sumpta sit virtus?

§. I.

3. **S**UPPONO primo adeo conformem esse naturæ ut rationali virtutem, & vitium adeo difforme, ut ipso naturæ lumine vel ipsis Ethnicis innotescat. Qua de causa antiqui Philosophi virtutem olim definirunt modo, quo postea Sancti Patres, & Do-

doctores Theologi eam definiunt: *Virtus enim est recta qualitas stabilis in potentia*, ac proinde est, *habitus ad eliciendos actus rectos, non verò incorrectos*: sub qua consideratione convenit cum donis Spiritus Sancti; à quibus distinguitur, si in rigore metaphysico loqui velimus, quia donum Spiritus Sancti est ad operandum juxta regulas extraordinarias rectæ rationis: sic Sancta Apollonia sese in flammam injecit ex extraordinario impulsu Spiritus Sancti, qui cum sit Dominus vitæ & mortis potest creaturæ suæ facultatem dare, ut ad majorem Dei gloriam sibi necem inferat, quod juxta ordinarias regulas rectæ rationis foret illicitum: Exinde virtus juxta ordinarias rationis regulas operatur, quo in sensu Plato apud Eximium Doctorem disp. de *Virtutibus* sect. 1. virtutem ita definivit: *habitus animi, quo unaquæq; potentia rectè exercet suas operationes*. Aristoteles verò 2. *Ethicorum* c. 6. sic: *habitus, qui bonum facit habentem, & opus ejus reddit bonum*: & infra: *Virtus est habitus electivus in mediocritate cōsistens prout prudens determinaverit*. Tum etiam 7. *Ethicorum* c. 3. *Virtus est dispositio Perfecti ad optimum*.

4. Antiquis Philosophis consonant Sancti

Et Patres & Theologi. Augustinus enim lib. 1. retract. cap. 9. apud Esparzam quest. 75. de Poenitentia: *Virtus est bona qualitas mentis, qua rectè vivitur, qua nemo malè utitur.* Exinde D. Thomas 2.2. quest. 55. art. 4. in corpore dixit: *Virtus autem est habitus semper se habens ad bonum, & ideo, ut discernatur virtus ab his, quæ se habent ad malum, dicitur qua rectè vivitur. Ut autem discernatur ab his, quæ se habent quandoque ad bonum, quandoque ad malum dicitur qua nullus malè utitur.* Tum etiam quest. 2. de Virtutibus art. 2. in corp. In definitione virtutis aliquid ponitur, quod spectat ad perfectionem actus, & aliquid ad perfectionem operantis: ad perfectionem actus duo requiruntur: requiritur autem quod actus sit rectus, & quod habitus non possit esse principium contrarii actus. Quomodo autem hæc omnia vera sint in virtutibus naturalibus, controvertunt Theologi in tractatu de Virtutibus. Ad nos autem solùm spectat rationem reddere in præsentia de Virtutibus per se infusis, cur scilicet non possint in actus prave influere.

5. Ratio est, quia Deus est causa specialis actus supernaturalis. Cum verò non possit esse causa specialis actus pravi, exinde

habitus virtuosus per se infusus non potest inclinare in actus pravos. Unde si mutantur circumstantiæ, in quibus actus eliciendus, non amplecteretur objectum rectum, sed incorrectum Deus non applicaret concursum illius habitus ad eliciendum actum pravam circa tale objectum: Sic ante adventum Christi per actum fidei credebatur Judæus Christum venturum, post adventum verò Christi non potest jam talem actum elicere ex eo habitu fidei: quæ ratio etiam militat pro habitu acquisito, si sit intrinsecè supernaturalis. Habitus verò per se infusus in eo distinguitur ab acquisito, quia habitus acquisitus, utpote ex actuum repetitione comparatus generatur ex actibus, ac proinde limitatur ad similes actus; imò cum actus, à quibus comparatur, supponant simpliciter posse, habitus acquisitus non deservit ad simpliciter, sed ad facile posse, ac proinde non se habet tanquam potentia, sed tanquam facilitas potentiæ: habitus verò per se infusus, cum sit qualitas per se stabilis à Deo infusa ad simpliciter posse, se habet tanquam potentia. Exinde

6. Suppono secundò magnum esse discrimen inter habitum per se infusum & acquisitum

tum

tum consistens in eo quod habitus acquisitus, utpote deserviens ad facile posse, potest esse diversus secundum diversam difficultatem. Cum autem diversa difficultas veniat non solum ex objecto formali, sed sæpe etiam exoriatur ex objecto materiali, ut constat experientia, qua videmus, multos esse faciles ad abstinentiam in cibo, non in potu; & è contra: Exinde probabile est, quod multi Doctores cum Arriaga & Bernal defendunt, nimirum non solum ex objecto formali, sed etiam posse multiplicari habitum acquisitum ex objecto materiali, è contra vero habitus per se infusus cum deserviat ad simpliciter posse, & se habeat tanquam potentia, solum debet multiplicari ad modum potentia ex objecto formali, in quod per suum actum tendit habitus cum potentia, licet potentia, utpote latius patens, quam habitus, habeat objectum formale magis extensum, quam objectum formale habitus: Sic quia lucidum coloratum est objectum formale potentia visiva, eadem potentia visiva se extendit ad omne lucidum coloratum: pariter potentia intellectiva ad omne intelligibile, sive affirmandum, sive negandum

dum, & volitiva ad omne bonum, five honestum, five utile; five delectabile; nec solum ad amplectendum illud, si sit naturæ rationali conforme, sed etiam ad fugiendum, si sit difforme.

7. Quapropter sicut potentiæ assignandum est objectum formale distinctum ab ipso actu, in quod tendat actus; ita pariter & virtuti per se infusæ: potentia siquidem non specificatur per actum in ordine ad actum, sed per actum in ordine ad objectum: sic potentia visiva non specificatur per visionem in ordine ad visionem, sed in ordine ad lucidum coloratum, nec potentia cognoscitiva per cognitionem in ordine ad cognitionem, sed in ordine ad objectum affirmatum vel negatum: sic potentia volitiva non specificatur per actum volitionis in ordine ad volitionem, sed per volitionem in ordine ad objectum volitum; cum autem potentia volitiva, sicut & reliquæ omnes intentionales, non solum habeat objectum bonum quod amplectatur, sed etiam objectum malum quod fugiat, & specificatur secundum formalitatem amplexivæ ab objecto bono, & secundum formalitatem averſivæ ab objecto

cto malo. Unde & virtus per se infusa voluntatis, qualis est virtus poenitentia, de qua agimus, non solum habet objectum malum, à quo fugiat, circa quod potest tendere actus, sed etiam objectum bonum, quod amplectatur, ideoque non solum potest se exercere fugiendo peccatum, sed etiam amplectendo bonum peccato oppositum.

8. Ratio autem horum omnium & quidem Philosophica, & Theologica est: quia ad eandem virtutem, ad quam spectat trahere ad se bonum, spectat etiam retrahere à se, sive impedire oppositum malum: etenim ut receptum est apud omnes Theologos proloquium illud Dionysii cap. 4. de divin. nom. *Bonum ex integra causa; malum autem ex quocumq; defectu.* Unde Divus Thomas 1. 2. quæst. 19. art. 7. ad tertium dixit: *Sive voluntas sit ejus quod est secundum, se malum, & sub ratione boni, sive sit bona sub ratione mali, semper voluntas erit mala: sed ad hoc quod sit voluntas bona, requiritur quod sit bona sub ratione boni:* sic malum est furari ad dandam eleemosynam, & recitare propter vanitatem. Rationem à priori assigna-

gnavit Eximius Doctor : quia bonum est perfectum , malum autem defectuosum ; & licet ad defectuosum sufficiat in uno deficere , ad perfectum verò requiritur , quod ex nulla parte habeat defectum . Quapropter si virtus non posset retrahere à se oppositum malum , neque ad se posset afferre suum speciale bonum , ex quo originem habuit premia illa celebris antiquorum : *Contrariorum eadem est ratio* . Exinde .

9. Suppono tertio objectum sive bonum sive malum morale , circa quod potest virtus tendere per actus amplexionis aut fugæ , duplex esse : alterum intrinsecè , & alterum extrinsecè bonum aut malum . Exinde est duplex bonitas , & malitia moralis objectiva , altera intrinseca , & altera extrinseca , ut constabit numero 11. Ratio est quia bonitas moralis objectiva stat in prædicatis objecti ex se conformis naturæ rationali ut rationali ; malitia vero in prædicatis objecti ex se difformis . Sicut enim spectat ad lineam sensitivam operari sensitivè , ita ad rationalem operari benè , vel malè moraliter . Unde sicut bonitas objectiva sensibilis , v. g. bonitas caloris respectu illius qui laborat frigore ,

re, non stat in approbatione, aut conformitate cum cognitione sensibili, sed in conformitate cum natura sensibili; ita bonitas objectiva moralis non stat in approbatione, aut conformitate cum cognitione rationali, sed cum natura rationali, ut rationali.

10. Discrimen verò quod intercedit maximum inter naturam ut sensibilem, & ut rationalem, nimirum quod natura ut sensibilis non operatur imputabiliter; bene verò ut rationalis, stat in eo quod natura sensibilis non operatur cum advertentia ad honestatem, bene vero natura ut rationalis. Et cum ista advertentia seu dictamen quod habet natura rationalis, vel quo caret pro culpa sua, sit lex naturalis, ea de causa omne peccatum, cum afferat imputabilitatem, arguit etiam transgressionem contra legem saltem naturalem: quod significavit Divus Paulus ad Rom. 2. dicens: *Cum enim gentes, quæ legem non habent naturaliter ea, quæ legis sunt faciunt ejusmodi legem non habentes ipsi sibi sunt lex.* Quod & in veteri Testamento significavit clarissime Script. Sacra Psal. 4. ubi ad illam interrogationem, in qua sermo est de bono honesto, nimirum
quis

quis ostendit nobis bona ? ita responder : Signatum est super nos lumen vultus tui Domine. Unde ipso naturæ lumine notum est amplexionem boni cogniti ut naturæ rationali conformis esse bonam & honestam ; amplexionem verò mali cogniti ut naturæ rationali difformis esse peccaminosam .

11. Ceterum cum sint aliqua objecta neque conformia , neque difformia intrinsecè naturæ ut rationali , sed indifferentia ut præcipiantur & sint bona : v. g. deambulatio præcepta à superiore ; vel ut prohibeantur & sint mala v. g. comestio carnis in die Veneris ; alia verò ita sint intrinsecè naturæ ut rationali difformia , ut quatenus concepta prout sunt in se , nunquam possint à dictamine rationis non reprobari , v. g. intemperantia , mendacium , odium Dei , &c. ea de causa altera dicuntur extrinsecè mala , sive mala , quia prohibita ; altera vero intrinsecè mala , sive prohibita , quia mala . Idcirco Innoc. XI. inter eas 65. propositiones jure merito damnavit 48. quæ sic habebat : *Tam clarum videtur fornicationem secundum se nullam involuere malitiam , & solum esse malam , quia interdictam , ut contrarium*

rium omnino rationi dissonum videatur . Tum & 49. quæ sic habet : mollities jure naturæ prohibita non est , unde si Deus eam non interdixisset sæpè esset bona , & aliquando obligatoria sub mortali . Nec refert quod prohibitio divina sit bona , ne reddat objectum extrinsecè malum : quia ut latè suo loco dicemus præceptum bonum afficit extrinsecè suū objectum per convenientiam , & sic denominat illud extrinsecè bonum ; prohibitio verò bona afficit suum objectum per contrarietatem , & sic reddit illud extrinsecè malum . His positis .

§. II.

12. Affero primo cum omnibus Theologis uno dempto Cajetano . Pœnitentia theologicè sumpta absolutè , & absque addito limitante est virtus . Probatur primo : actus pœnitentiæ theologicè sumptæ est absolutè virtuosus : ergo pœnitentia theologicè sumpta est absolutè virtus . Consequentia tenet ex dictis num. 2. Antec. verò probatur : actus pœnitentiæ theologicè sumptæ ex Tridentino citato eo num. 2. est *animi dolor ac detestatio de peccato commissio cum proposito non peccandi de cætero ;* sed talis actus est absolutè

lutè virtuosus: ergo, &c. Probatur Minor: actus conformis naturæ rationali ut rationali est absolutè virtuosus: sed talis actus est conformis naturæ rationali ut rationali: ergo, &c. consequentia tenet, & Major constat à nu. 8. Minor verò Probatur: non solùm est conformis naturæ ut rationali amplexio boni sibi conformis, sed etiam fuga mali sibi difformis: sicuti non solùm est conveniens naturæ ut sensitivæ alimentum, quo acquirit bonum, sed etiam medicina, qua expellit, & impedit malum: atqui actus penitentiae est vera fuga mali naturæ rationali difformis: ergo, &c.

13. Probatur secundò: Deus consulit, & præcipit pœnitentiam, ut constat ex Lucæ 13. *nisi pœnitentiam egeritis omnes simul peribitis.* Actorum secundo. *Pœnitemini, & baptizetur unusquisque vestrum:* sed quod Deus consulit, & præcipit est bonum, vel intrinsecè si est præceptum quia bonum, vel saltem extrinsecè, cum constituatur bonum quia præceptum, ex dictis num. 11. ergo, &c. Confirmatur primo ex Catechismo Tridentini tit. *De pœnitentia* dicente: *quod autem intima hac pœnitentia, ut antea diximus, ad virtutem*

tutem pertineat aperte ostendunt multa, quæ de pœnitentia tradita sunt præcepta. Lex enim de iis tantum actionibus, quæ suscipiuntur cum virtute præcipit: Ergo, &c. Confirmatur secundò quia actui pœnitentiæ convenit definitio actus virtuosus, ut constabit expendenti definitiones virtutis traditas à Philosophis Theologis, & SS. PP. à numero tertio: ergo &c. Confirmatur tertio ex S. Thoma q. 85. art. 1. dicente: *Unde manifestum est, quod pœnitentia, de qua nunc loquimur, vel est virtus vel actus virtutis.* Ubi Divus Thomas notanter addit: pœnitentia, de qua nunc loquimur propter rationes plurimas, quarum una est, quia non agit de pœnitentia physicè, aut philosophicè, sed theologicè accepta.

14. Respondebis cum Cajetano 2. 2. q. 144. art. 1. pœnitentiam non esse absolute virtutem, sed cum addito limitante *ex suppositione*; quia Divus Thomas 3. par. quæst. 85. art. 6. ait, pœnitentiam non pertinere ad perfectionem hominis simpliciter, sed ex suppositione peccati; & articulo primo dixerat, magis posse dici de pœnitentia, quam de verecundia quod sit virtus, ubi ly

De Pœnit. Pars I.

B

magis

magis significat neutram esse studiosi nisi ex suppositione. Contra tamen : suppositio, quæ non tollit rationem absolutam virtutis ab habitu pœnitentiæ, non impedit ne habitus pœnitentiæ sit absolutè virtus, & actus pariter virtuosus : Sic suppositio causæ productivæ ut detur Petrus à parte rei, quæ non tollit à Petro rationem absolutam hominis, non impedit ne Petrus sit absolutè homo : atqui suppositio præcedentis peccati, ut circa illud eliciatur actus pœnitentiæ, non tollit rationem absolutam virtutis ab habitu pœnitentiæ : ergo &c. Major & consequentia tenent : Minor autem patet : quia illa suppositio non tollit, ne habitus pœnitentiæ influat in actum rectum, vel quod actus pœnitentiæ non sit naturæ ut rationali conformis; sed habitus, qui non influit in actum irrectum, sed in actum rectum, & naturæ ut rationali conformem participat absolutam rationem virtutis, & actus est absolutè virtuosus ut constat à numero tertio, ergo, &c. Unde ista Cajetani responsio, neque D. August. neque D. Th. neque Philosophis & Theologis consona est, ut ex ibi dictis manifestè apparet.

15. Assè-

15. Afferro secundò : Actus poenitentiae theologicè sumptæ non includit solùm dolorem , neque solam peccati detestationem , sed simul complectitur saltem virtualiter formalitates doloris , detestationis , & propositi non peccandi de cætero . Probatur primo: actus poenitentiae theologicè sumptæ est ille contritionis actus , sive simplex , sive complexus , quem Deus peccatori præcipit , & per se necessarius est in hac providentia , ut à peccato vel extra , vel saltem intra Sacramentum resurgat : atqui talis actus neque est solus dolor , neque sola detestatio peccati , sed utramque formalitatem complectitur cum proposito non peccandi de cætero saltem virtualiter : ergo &c. Consequentia tenet , & Major patet : quia actus contritionis eatenus dicitur actus poenitentiae theologicè sumptæ , quatenus ex Scriptura Conciliis , & PP. cognoscitur à Theologis necessarius , ut aliquis verè dicatur poenitens , & rectè dispositus ad remissionem peccati saltem intra Sacramentum : Minor verò probatur ex Tridentino citato num. 2. & ex Florentino in decreto Eugenii dicente : *quartum Sacramentum est poenitentia,*

tentia , cujus quasi materia sunt actus pœnitentis , qui in tres distinguuntur partes , quarum prima cordis contritio , ad quam pertinet , ut doleat de peccato commisso cum proposito non peccandi de cætero : ergo &c.

16. Confirmatur illi Sanctorum clamores , qui ut actus pœnitentiæ à Sacra Scriptura laudantur peccatorum dolorem detestativum includunt cum proposito non peccandi de cætero : ergo &c. Probatur antecedens ex Psalmo 6. ubi David pœnitens ita fatur : *Laboravi in gemitu meo , lavabo per singulas noctes lectum meum , lacrymis meis stratum meum rigabo : ly etenim laboravi , dolorem , & detestationem significat : ly lavabo , & rigabo propositum non peccandi de cætero clarè præferunt.* Sic Ezechias Isajæ 38. *recogitabo omnes annos meos in amaritudine animæ meæ.* Quod satis significavit Deus in veteri Testamento Ezechiei 18. dicens : *Convertimini , & agite pœnitentiam ab omnibus iniquitatibus vestris : & non erit vobis in ruina iniquitas . Proiicite à vobis omnes iniquitates vestras , in quibus prævaricati estis , & facite vobis cor novum , & spiritum novum . Tum & Christus Dominus in novo Te-*

vo Testamento Matt. 11. dicens: *Si in Tyro & Sydone factæ essent virtutes, quæ factæ sunt in vobis olim in cilicio & cinere pœnitentiam egissent: ergo &c.* Vide num. 25.

17. Probatur secundò Beati non agunt pœnitentiam, neque damnati in Inferno, sed Beati habent detestationem magnam peccati, & damnati dolorem ratione peccati: ergo neque solus dolor, neque sola detestatio sufficit ad actum pœnitentiæ. Rursus plures peccatores dolent de peccatis commissis, quia se vident reos æternæ pœnæ; verùm cum adeo dediti sint delectationibus, non displicent in illis, sicut oportet, ideoque nec peccata detestantur, nec propositum firmum concipiunt ulterius non peccandi; imo etsi propter specialem turpitudinem aliqua detestentur, non detestantur omnia gravia, unde fit ut solùm eliciant pœnitentiā vel grammaticalitèr vel ad summum philosophicè sumptam, secus autem theologicè acceptam: ergo ad pœnitentiam theologicè sumptam neque sufficit solus dolor, neque sola detestatio, sed dolor efficax, sive detestativus peccatorum impossibilis cum voluntate peccandi de-



cætero . Confirmatur à SS. PP. per conceptum à nobis expositum pœnitentiam theologicè acceptam explicantibus . Sic Gregor. hom. 34. in Evangelia : *Pœnitentiam agere est perpetrata mala plangere , & plangenda non perpetrare .* Cypr. ser. de lapsis: *agite pœnitentiam plenam , dolentis , & lamentantis animi probate tristitiam .* Hieronym. in illud Psalm. 118. *exitus aquarum deduxerunt oculi mei ,* sic dicit: *vera est pœnitentia jugiter fletibus commissa diluere & diluta non iterare : ergo &c.*

18. Affero tertio: Ad complectendas formalitates doloris detestationis & propositi non opus est duobus actibus distinctis , sed in eodem actu possunt omnes conjungi . Probatur primò . Licet nulla sit repugnantia in eo, quod aliquis per unum actum eliciat dolorem , & detestationem de omnibus peccatis à se commissis , præsertim si Deus revelaverit , quæ sint peccata ab ipso commissa , & per alium actum propositum formale non peccandi de cætero ; nihilominus unus & idem actus potest etiam omnes istas formalitates rectè complecti : ergo &c. Probatur antecedens . Licet intellectus possit per
unum

unum actum cognoscere albedinem, & per alium nigredinem potest etiam per unum, & indivisibilem actum albedinem & nigredinem simul cognoscere: ergo licet possit voluntas per unum actum dolere, & detestari peccata, & per alium actum proponere nunquam peccare de cætero; poterit nihilominus per eundem, & indivisibilem actum dolere, detestando peccata, & proponendo nunquam peccare de cætero. Probatur consequentia: ideo potest intellectus cognoscere simul per eundem actum albedinem & nigredinem, quia expressio albedinis non est impossibilis in eodem signo cum expressione nigredinis: atqui dolor & detestatio peccati non est impossibilis in eodem signo cum proposito non peccandi de cætero, imò ut experienciâ constat ita semper, aut fere semper proponitur verè penitenti: ergo &c.

19. Probatur secundò. Voluntas ut potentia libera potest elicere actum, quo diverso modo tendat in objectum secundum diversam objecti propositionem: sic quando bonitas objecti proponitur ut absens potest elicere actum desiderii; si verò eadem bonitas proponatur ut præsens, & possessa,

potest circa illam elicere actum delectationis; si ut præscindens à possessione, actum amoris secundum se; si ut absens & non consequenda, actum desiderii diffidentialis, qui est desperatio; si ut absens, & consequenda, actum desiderii fiducialis, qui est spes, & sic de aliis affectibus secundum diversas objecti boni propositiones. Pariter etiam potest elicere diversos actus fugæ, vel mixtos ex fuga & prosecutione secundum diversas propositiones objecti mali, aut unius boni, & alterius mali: ergo quando voluntati proponitur objectum dignum simul dolore, & detestatione propter malitiam gravem, quam semper debet fugere voluntas; potest elicere actum, quo doleat detestando peccatum grave, & proponendo nunquam de cætero malitiam gravem committere. Ex dictis.

§. III.

20. Fit primò dolorem non se extendentem ad omnia peccata commissa non esse actum pœnitentiæ theologicè sumptæ; sed pœnitentiæ vel gramaticalitèr vel philosophicè acceptæ: unde si per diversos actus doleret quis de omnibus peccatis à se commissis
quo-

quorum nullus esset adhuc virtualiter propositum non peccandi de cætero, nullus eorum actuum, neque aggregatum ex illis cōstitueret poenitentiam actualem theologicè sumptam, benè verò simul cum proposito vel formali, vel saltem virtuali non peccandi de cætero, ut constat ex doctrina Tridentini tradita num.2. Licèt enim illi actus ab eadem virtute procederent, non ideò essent omnes actus poenitentiae theologicè sumptæ: sic in sententia ferè omnium theologorum, & omnium adversariorum, cum quibus infra contendemus ad eandem virtutem ad quam spectat elicere gaudium circa bonum, quod amplectitur, spectat etiam ante possessionem elicere desiderium illud consequendi, & post consecutionem delectationē de illo ut possessore ex dictis numero superiore. Unde sicut esset inutilis arguendi modus: hic actus elicitus ab hac virtute est desiderium: ergo omnes actus elicitus ab hac virtute sunt desiderium, pariter esset inutilis arguendi modus: hic actus elicitus ab hac virtute est actus poenitentiae theologicè sumptæ: ergo omnes actus elicitus ab hac virtute sunt actus poenitentiae theologicè sumptæ. vide num.75.

21. Fit

21. Fit secundo dolorem detestativum peccati commissi ob motivum generale se extendens ad omnia peccata; v.g. propter turpitudinem offensæ Dei, vel ne peccator incurrat pœnas inferni, quas peccatum grave meretur, vel ne amittat gloriam, quâ privat quodcumque lethale, & sic de aliis pœnis, ut à Deo ratione peccati infligendis esse virtualiter dolorem, & detestationem omnium peccatorum, & propositum non peccandi de cætero: ac proinde & se solo esse actum pœnitentiæ theologicè sumptæ: Ratio est quia propositum à Tridentino requisitum, ut habet sess. 14. cap. 4. est actus voluntatis ita fugiens peccatum, ut ex se voluntatem peccandi excludat; sed hæc omnia habet dolor detestativus peccati ob motivum generale, ut per se constat: ergo &c.

22. Fit tertio actum pœnitentiæ theologicè sumptæ esse supernaturalem. Ratio est quia cum illo dolemus, sicut oportet ad gratiam obtinendam, sed cum dolore naturali, utpote omnino improporcionado non possumus dolere sicut oportet ad gratiam obtinendam: ergo &c. Exinde Conc. Trid. sess. 14. cap. 1. 4. docet non solum cōtritionem perfectam

fectam, verum etiam contritionem imperfectam, sive attritionem esse donum Dei, & Spiritus Sancti impulsus, ac proinde est actus verè supernaturalis: cum autem talis actus sit homini omnino necessarius, & valde frequens, & ad actus necessarios, & valde frequentes detur virtus per se infusa; exinde ad talem actum eliciendum datur virtus per se infusa, quæ vocatur poenitentia ut ex Scriptura Conciliis, & PP. supra adductis manifestè constat. Quamobrem poenitentia sumpta in sensu Scripturæ, Conciliorum & PP. *erit virtus per se infusa voluntatis ad eliciendum dolorem detestativum de omnibus peccatis commissis cum proposito non peccandi de cætero.* Ex quo essentia, & existentia poenitentiae satis apparet.

23. Fit quarto mollem Lutheranorum resipiscentiam non esse virtutem poenitentiae theologicè sumptæ, de qua huc usque egimus, neque poenitentiae restrictè acceptæ, de qua loco suo dicemus: Lutherus enim & cum ipso Hæretici hujus temporis cum omnia aspera fugiant, & mollia quæque sectentur, pœnasque & satisfactiones pro peccatis commissis detestentur, consequenter docent poeniten-

nitentiam non importare dolorem , & detestationem peccatorum : imò talem dolorem, & detestationem facere hominem magis hypocritam , sed significare tantum fidem & propositum novæ vitæ inchoandæ, & simplicem resipiscentiam, vitæque novitatem , doloris de peccatis, & poenæ omnis expertem ; ideoque vocem *Metanaa* , quæ in textu græco Bibliæ habetur, & significat poenitentiam, vertunt resipiscentiam , quæ solam propositi , vel mentis emendationem significet . Hæc autem omnia esse figmenta inimicorum Dei clarè constat ex dictis num. 16. , ubi Scriptura Sacra cum laude proponit illos clamores dolorosos Sanctorum poenitentium, & ex num. 17. ubi SS. PP. per dolorem detestativum peccati explicant actum poenitentiae . Quin imò & talem actum esse honestum facile probatur rationibus adductis à num. 12. , cum sit naturæ ut rationali conformis vide à num. 25. & 370.

24. Quapropter quando Scriptura Sacra poenitentiam vocat *Metanaam* sive resipiscentiam , non loquitur de quacumque resipiscentia , sed de dolorosa à nobis explicata , cui optimè convenit ratio resipiscentiæ : sic

Basi-

Basilii or. 3. *de Siccitate pœnitentiam Nini-
itarum*, quæ ut dicitur Jonæ 3. in cinere, fac-
co, & jejunio fuit, *Metanæam* appellat: & La-
ctantius lib. 6. *diuinarum institutionum* c. 24.
Metanæam latinè reddit resipiscentiam ita
dicens: *Resipiscit, quem errati piget, ac se ip-
sum castigat dementiæ, confirmatque subinde
ad rectius vivendum*. Qua de causa authores
latini per expressionem doloris explicant pœ-
nitentiam. Sic Cicero in oratione pro Cælio:
id nunquam tam acerbè feret ut eum pœniteat.
Ovidius lib. 1. *de Ponto* eleg. 1.

Pœnitet ò si quid miserorum creditur uni:

Pœnitet & factò torqueor ipse meo.

Quod satis expressit Ausonius, dum fictæ it-
lius antiquitatis Deæ pœnitentiam expri-
mens propter mala, quæ fecit, & bona, quæ
non fecit ita dixit: *Sum dea, quæ facti, non
factique exigo pœnam, nempè ut pœniteat, sic
metanæa vocor*. Videatur Bellarminus lib. 2.
de Pœnitentia cap. 7.

25. Exinde apparet hujusmodi hæresim
ex hebetato cerebro, & excæcata dumtaxat
mente promanare potuisse, cum adeò clarè
se opponat latinitatis authoribus, Theologis,
Patribus, Conciliis, & Sacris Scripturis. Un-
de

de jure optimo Tridentinum sess. 14. cap. 4. istos hæreticorum errores per hæc verba damnavit: *Declarat igitur Sancta Synodus hanc contritionem non solum cessationem à peccato, & vitæ novæ propositum, & inchoationem, sed veteris etiam odium continere juxta illud: projicite à vobis omnes iniquitates vestras, in quibus prævaricati estis, & facite vobis cor novum & spiritum novum. Et certè qui illos Sanctorum clamores consideraverit tibi soli peccavi, & malum coram te feci: laboravi in gemitu meo, lavabo per singulas noctes lectum meum: recogitabo tibi omnes annos meos in amaritudine animæ meæ: & alios hujusmodi generis, facile intelliget, eos ex vehementi quodam antea actæ vitæ odio, & ingenti peccatorum detestatione manasse.*

26. Fit quinto dolorem detestativum, & propositum constitutivum hujus actus generalis pœnitentiæ theologicè sumptæ esse actum efficacem; aliter potius esset pura displicentia, quàm dolor detestativus, & potius esset velleitas, quàm voluntas impossibilis cum voluntate peccandi, quam requirit Tridentinum; adeoque licet dolor inefficax, & velleitas non peccandi possent aliquando con-

constituere actum poenitentiae vel genericè, vel philosophicè sumptæ; non valent constituere actum poenitentiae theologicè sumptæ. Fit sexto, peccatorem elicientem dilectionem Dei super omnia absque advertentia suorum peccatorum, adeoque absque illorum contritione, recepturum gratiam promissam dilectioni; exinde tamen non excusari ab obligatione eliciendi actum poenitentiae quando advertat se teneri illam elicere, aut quando velit confiteri: imò ut notant theologi impossibile est, quod cum aliquis Deum super omnia diligit, advertat se peccata commisisse, quin per eundem vel diversum actum ea detestetur: illa enim dilectio Dei est votum adimplendi omnia ad quæ homo tenetur, ac proinde & eliciendi poenitentiae actum, quando teneatur illum elicere. Unde in casu peccati solum per accidens ex accidentali inadvertentia potest peccator elicere dilectionem perfectam absque contritione, secus autem per se; ac proinde contritio semper est per se necessaria ex dictis num. 13. ut expresse definit Tridentinum sess. 14. cap. 4.

S E C T I O I I .

Solvuntur opposita .

§. I.

27. **O**BJICIES primo contra primam assertionem . Nullum aliud Sacramentum includit ut partem sui constitutivam actum virtutis : ergo neque Sacramentum pœnitentiæ , ac proinde neque actus pœnitentia erit virtuosus , neque pœnitentia erit virtus . Confirmatur primò : Ideò verecundia non est virtus ex Aristotele 4. *Ethicorum* cap. 9. quia est passio quædam appetitus sensitivi cum quadam corporis commotione ; nempe cum rubore , siquidem qui verecundantur rubescunt ; sed etiam pœnitentia est passio appetitus sensitivi cum corporis immutatione , hoc est cum fletu , ut constat ex Gregorio citato num. 7. ergo &c. Confirmatur secundò ex ipso Aristotele 7. *Ethicorum* , ideo verecundia non est virtus , quia virtus est dispositio perfecti ad optimum , verecundia verò non est dispositio perfecti , sed im-

perfe-

perfecti, cum sit de actu turpi, ac proinde supponat in subiecto actum turpem; sed etiam poenitentia supponit in subiecto actum turpem nempe peccatum: ergo &c.

28. Resp. conc. antecedens, & nego consequentiam: quia partes constitutivæ sacramentorum pendent à libito, & institutione Christi Domini: cum autem Christus Dominus determinaverit pro materia Poenitentiae Sacramenti actum virtuosum poenitentiae; secus autem pro materia aliorum Sacramentorum, exinde ad solum Sacramentum poenitentiae pertinet tanquam materia actus virtutis, secus ad alia Sacramenta; in his enim quæ à libito Christi Domini dependent inutilissimus est arguendi modus sumpta paritate unius ad aliud. Sic omnes meritò irriderent arguentem hoc modo: nullum Sacramentum præter Sacramentū Confirmationis habet pro materia remota chrisma: ergo neq; Sacramentum confirmationis. Pariter in nostro casu.

29. Ad primam conf. conc. Ma. & nego Min. actus enim poenitentiae nō est passio appetitus sensitivi, sed actus rectus, & electivus voluntatis, ut manifestè constat ex dictis à num. 12., licet ex illo non rarò sequatur pas-

De Poenit. Pars I.

C

sio

passio appetitus sensitivi ut fletus, & aliæ similes, quod fatemur cum SS. PP. & experientia satis ostendit, quâ videmus flere & tristari illos, qui ingenti pœnitentia moventur: hæc autem passio appetitus sensitivi, licet sit effectus actus virtuosus, non est actus virtuosus; adeoque in hoc effectu convenit pœnitentia cum verecundia, secus in ratione virtutis; si tamen pro verecundia sumeretur actus elicited voluntatis, naturæ ut rationali conformis, tunc jam esset virtuosus ut cum Arriaga & Vazquez communiter docent Recentiores. Ad secundam confirmationem nego Ma: verecundia enim ab Aristotele, & D. Thoma non excluditur à ratione virtutis, ex eo quod ante ipsam præcedat actus turpis, sed quia est motus indeliberatè consurgens ex apprehensione dedecoris ob turpe factum, quod in faciem nobis objicitur: sicque ejus turpitudine apparet præsens saltem intentionaliter, ex quo dimanat illa passio appetitus sensitivi, quæ vocatur verecundia, ideoque dum erubescimus, natura indeliberato pudore tacta sanguinem in faciem effundit.

30. Quamobrem D. Thomas 2.2.q.144. dicit verecundiam non esse virtutem, sed passio-

sionem laudabilem, tanquam indicium bonæ indolis. Actualis autem poenitentia (idem suo modo de habituali) est actus electivus voluntatis naturæ ut rationali conformis, ac proinde est virtuosus, & habet in se perfectionem suæ lineæ, quam subiecto communicat, & sic est dispositio perfecti non quidem præsuppositivè, sed constitutivè; sicuti albedo est forma albi, non præsuppositivè, sed constitutivè. Neque verba Aristotelis possunt intelligi de perfecto in omni linea, sed in linea actus virtuosus; aliter cum nullus actus afferat perfectionem in omni linea, nullus actus virtuosus esset virtuosus, quod implicatorium est: cum autem quicumque actus virtutis sit recta dispositio ad optimum modum agendi in linea illius virtutis, exinde dicitur dispositio perfecti ad optimum, quæ doctrina manifestè applicatur habitui in genere habitus sive virtutis:.

31. Objicies secundo: actus poenitentiae non est virtuosus; ergo Poenitentia non est virtus. Probatur antecedens: nullus actus virtuosus supponit in subiecto suum contrarium ante illius elicentiam; sed actus poenitentiae ante illius elicentiam supponit

fuisse in subiecto suum contrarium, nempe peccatum: ergo &c. Confirmatur: in Christo Domino fuerunt omnes actus virtuosus, sed non fuit actus pœnitentiæ: ergo &c. Respondeo nego antecedens: ad prob. nego Ma: perfecta enim contritio est actus virtuosus adeo perfectus, ut etiam extra Sacramentum sit ipsi promissa justificatio ut definit Tridentinum sess. 14. cap. 4. Et tamen ante illius elicentiam in subiecto præsupponitur peccatum: illa enim præsuppositio peccati cum non tollat nè actus pœnitentiæ liberè à voluntate elicitus sit naturæ ut rationali conformis, neque impedire potest ne sit virtuosus ex dictis num. 14. Ad conf. nego antecedens: nam in Christo Domino solùm fuerunt illi actus virtutis, qui ad illorum elicentiam non præsupponunt in subiecto ullam imperfectionem, & sunt cum statu ipsius composibiles, ex quo sicut à plurimis Theologis negantur Christo Domino actus fidei, & spei, quia impossibiles cum visione beata, quam Christus habebat; ita à nobis potiori jure negatur actus pœnitentiæ quia impossibilis cum perfectione impeccabilitatis, quam Christus habebat.

32. *Objicies tertio : actus poenitentiae theologicè sumptæ præsupponit metaphysicam necessitatem peccati : ergo non est virtuosus , ac proinde neque habitus poenitentiae erit virtus . Probatur consequentia : ex eo quod actus poenitentiae metaphysica necessitate præsupponat peccatum , bonitas illius actus secundum differentialem suum , & ultimum conceptum constituitur ex peccato præsupposito ; sed bonitas ex peccato constituta non est virtuosa ; implicat enim perfectiones constirui ex defectu sibi opposito : ergo bonitas actus poenitentiae non est virtuosa ; ac proinde poenitentiae actus virtuosus non est . Probatur Ma : præcisè non præsupposito peccato tollitur bonitas actus poenitentiae secundum differentialem , & ultimum conceptum , cum illa sine præsupposito peccato haberi non possit ; sed id , quo præcisè ablato , res tollitur est saltem pars illius constitutiva : ergo &c. Confirmatur primo : Punitio inflicta à iudice est bona & iusta , si præsupponit in reo delictum verum aut juridicum ; si autem non præsupponitur ex hac præcisa ablatione præsuppositionis est mala , & injusta , cum in primo casu punitio*

fit secundum jus judicis, & in secundo contra jus innocentis : ergo sicut punitio redditur non bona ex præcisa ablatione præsuppositi delicti, actus etiam pœnitentiæ bonitatem amittet ex præcisa ablatione peccati; ac proinde bonitas actus pœnitentiæ ex ipso peccato debet constitui .

33. Confirmatur secundò : Peccatum nequit esse medium omnino necessariū ad actū virtutis : finis enim virtutis efficaciter intentus, movet ad eligendum medium necessarium ad actum talis virtutis, & movere non potest ad eligendum peccatum : sic qui efficaciter intendit tanquam finem sanitatem ex illa efficaci intentione sanitatis movetur ad eligendam medicinam omnino necessariam ad sanitatem obtinendam; atqui peccatum est medium omnino necessarium ad actum pœnitentiæ; ergo actus pœnitentiæ non est actus virtutis . Probatur Mi: illud est medium omnino necessarium ad finem, sine quo finis existere non potest : atqui sine peccato finis pœnitentiæ existere non potest : ergo &c. Confirmatur tertio : non est actus virtutis qui pugnat cum statu perfectæ virtutis ; sicuti non est sapientia, quæ
non

non potest convenire sapienti: Sed actus poenitentiae propter omnino necessariam praesuppositionem peccati pugnat cum statu perfectae virtutis: v. g. cum statu Christi, & creaturae innocentis, v. g. Deiparae: ergo &c.

34. Mirum est in quot & quantos dicendi modos argumentum istud authores diviserit. Card. de Lugo disput. 2. *de poenit.* sect. 3. vi hujus argumenti convictus concedit bonitatem poenitentiae constitui ex peccato: ac proinde & peccatum esse amabile affectu aliquo honesto ab illo qui amat poenitentiam. Card. Pallavicinus lib. 7. *de virt. poenit.* cap. 3. §. ult. concedit in omni malo reperiri aliquam bonitatem: nam alioquin non esset permixtum à Deo, qui est infinitum bonum. Plures Recentiores licet negent Deum amare peccatum, concedunt bonitatem poenitentiae essentialiter constitui ex peccato. Alii cum Martino Perez disput. 17. *de poenitentia* sect. 3. negant constitui ex peccato; quia ut detur actus verus poenitentiae non requiritur quod praesupponatur in re peccatum, sed sat est, quod supponatur in existimatione qua aliquis invincibiliter judicaret se peccatum commississe, quando illud non commisit: ac pro-

inde docent peccatum ita judicatum in conscientia sufficere ad veram contritionem, & ad recipiendum validè Sacramentum pœnitentiæ. Cæterùm de hoc agendum nobis est in secunda parte hujus tractatus: Interim ne difficultatem fugere videamur præmittimus cum communi Theologorum non posse dari actum verum pœnitentiæ quin in re præsupponatur peccatum. Quo posito:

35. Respōdeo omitto antecedens, & nego consequentiam. Ad prob. nego Ma. Ad prob. dist. Ma: tollitur bonitas actus pœnitentiæ arguitivè concedo, formaliter nego Ma.; & distincta Mi: nego consequentiam. Ratio est quia si non præsupponatur peccatum non potest dari actus supernaturalis intellectus, utpotè verus ex num. 5. qui affirmet extitisse peccatum, quo debet illuminari voluntas ad eliciendum affectum detestativum peccati commissi: ac proinde nequit elicere affectum illum detestationis, in quo stat actus pœnitentiæ ex dictis à num. 12. Cum autem defectus formalis peccati non sit defectus formalis hujus actus detestativi; sicuti neque peccatum formaliter est formaliter actus detestativus; exinde ablatio formalis peccati
non

non est formalis ablatio bonitatis actus poenitentiae, benè verò arguitivè: quia deficiente peccato deficit id sine quo elici non potest poenitentiae actus: sicuti deficiente Deo non deficit formaliter creatura, sed arguitivè: quia deficeret id, sine quo non potest dari creatura. Vide à num. 40.

36. Ad primam confirmationē distinguo antecedēs: ex hac ablatione praesuppositionis est mala & injusta formaliter, nego; arguitivè, concedo antecedens, & nego consequentiam: quia punitio rei solùm est justa quando fit ab illo, qui habet auctoritatem ipsi concessam à Deo supremo Domino & gubernatore creaturarum, qui solus est Dominus vitae & mortis, juxta illud Sap. 16. *Tu es enim Domine, qui vitae & mortis habes potestatem.* Quando autem aliquis arrogat sibi auctoritatem, quam non habet, punitio est mala: hanc autem auctoritatem non concessit Deus omnibus, sed legitimis suis Ministris: Sic Judex licitè suspendit homicidam; & privatus homo peccaret mortaliter illum suspendendo, quia privatus homo non habet auctoritatem à Deo concessam, benè verò Judex: cum autem Deus talem auctoritatem non concedat,

cedat, nisi præsupposito delicto vero aut juridico, exinde deficiente delicto deficeret autoritas, qua deficiente non potest dari punitio iusta: ac proinde deficiente delicto deficeret bonitas punitiois, non quidem formaliter, sed argutivè ex defectu delicti. Quò respexit responsio Christi ad Pilatum quæ habetur Jo. 19. *Dixit ergo ei Pilatus: mihi non loqueris? nescis, quia potestatem habeo dimittere te? respondit Iesus: non haberes potestatem adversus me ullam, nisi tibi datum esset de super.*

37. Ad secundam confirmationem concedo Majorem, & nego Minorem: Ad probationem distinguo Majorem: sine quo ut ponendo, aut non præviso absolutè futuro, finis existere non potest, concedo; sine quo ut præviè jam posito aut præviso absolutè futuro ante voluntatem finis, nego Majorem, & distinguo Minorem: nequit existere sine peccato ponendo, nego, sine peccato præviè jam posito, aut absolutè præviso ante voluntatem finis, concedo Minorem, & nego consequentiam. Ratio autem est quia quando aliquid est positum pro priori ad affectum, quo voluntas vult aliud poste-

posterius, non est necesse, quod affectus voluntatis terminetur ad id quod est prius, ut terminetur ad id quod est posterius. Quando verò non est positum, neque prævium absolute futurum, ipse affectus voluntatis volens efficaciter finem, saltem interpretativè vult quod illud ponatur ne omittatur finis: tunc enim voluntas, cum velit quod finis non omittatur, exinde vult quod ponatur id, sine quo finis omitteretur, adeoque tunc dicitur medium; quando verò præsupponitur jam positum, aut prævium absolute futurum dicitur purus terminus. Rem explico exemplo; præsupposito peccato Petri Deus habet scientiam de illo peccato, in quo casu ego amo honestissime scientiam Dei de peccato Petri, quin anem peccatum Petri, & tunc peccatum Petri dicitur purus terminus præsuppositus ad meum actum; non autem medium ad actum. Si autem pro priori ad peccatum & scientiam Dei de peccato vellem ego quòd Deus haberet scientiam de peccato committendo à Petro, ille actus jam non haberet peccatum ut purum terminum, sed ut medium ponendum: ac proinde talis

lis actus esset volitio saltem interpretativa peccati, adeoque esset peccaminosus: cum autem in nostro casu actus pœnitentiæ præsupponat peccatum positum, exinde non respicit illud ut medium, sed ut purum terminum.

38. Ad tertiam confirmationem: distinguo Majorem, qui pugnat cum omni statu perfectæ virtutis concedo, cum aliquo statu, nego Majorem; & distincta Minore nego consequentiam, quæ adhuc in sententia adversariorum falsissima est, cum ipsi doceant Christum non habuisse habitum fidei, & habitus fidei non solum sit virtus utcumque sed altissima & theologica. Unde ad rationem virtutis non requiritur, quod sit compossibilis cum omni statu perfectæ virtutis, sed sufficit quod sit compossibilis cum aliquo statu veræ virtutis sive cum statu, in quo verè sit actus ille conformis naturæ, ut rationali: cum autem præsupposito peccato, pœnitentia sit naturæ ut rationali conformis, ut constat à numero 12. exinde participat veram rationem virtutis. Cæterum ad has & alias tricas, quæ hic admisceri possent, radicitus extirpandas notare oportet, quan-

quando quærimus bonum; aut malum morale objectivum contrapositum bono aut malo morali actus, idem esse ac quærere, quænam sint ea prædicata objectiva, quæ naturæ rationali aut conformantur, aut opponuntur: illa quippe sola prædicata, quæ opponuntur naturæ ut rationali sunt & dicuntur mala; illa verò quæ ipsi convenientia sunt & conformia, sunt & dicuntur bona ut constat à num. 9.

39. Quapropter cum in moralibus non solum valeat objectum denominari à sua forma vel quasi formà per convenientiam, sicuti Deus denominatur bonus à bonitate, sed etiam possit denominari per contrarietatem; sicuti comestio carnum die Veneris denominatur mala à Divina prohibitione, quæ prohibitio est bona; exinde malum morale quod tale fit per contrarietatem, non redditur malum à forma, quæ fit malitia, sed à forma, quæ fit bonitas. Pariter bonum objectivum morale v. g. punitio iusta objectiva peccati denominatur objectum bonum à peccato per contrarietatem: cum autem peccatum non sit bonitas, sed malitia moralis, ea punitio objectiva denomina-

minatur bona non quidem à bonitate, ſed à malitia . Vnde licèt concretum ex re denominata , & denominante includat bonitatem & malitiam ; res , quæ denominatur mala non includit bonitatem , ſed malitiam, & res , quæ denominatur bona non includit pro forma malitiam, ſed bonitatem ; ex quo diſſolvetur argumentum quod fieri poteſt in hac materia ſatis moleſtum , quod jam ſubiicio .

40. Obijcies quartò inſtando ſimul ſolutionem . Licèt non poſſit elici actus pœnitentiæ ſine prævio actu intellectus , quo voluntati repræſentetur commiſſum peccatum, v. g. comestio carnis contra præceptum in die Veneris , attamen ſtante præcepto , & poſita ea comestione nō poteſt rectum intellectus dictamē non reprobare eam comestionem ut malam : atqui malum formale objectivum talis comestionis conſtituitur per præceptum Sanctum & bonum : ergo licèt actus pœnitentiæ non conſtituatur formaliter per peccatum præſuppoſitum , nihilominus malum formale objectivum , circa quod verſatur actus pœnitentiæ conſtituetur formaliter per bonitatem ; ac proinde &
bo-

bonum objectivum punitionis quod posito delicto non potest intellectus Divinus non approbare tanquam condignum quod infligatur pro delicto, non poterit non constitui ex ipso delicto. Major & consequentia tenent. Minor verò Probatur: Ablato præcisè præcepto, licet reliqua dentur, non manet malum objectivum comestionis, neque rectum intellectus dictamen potest eam comestionem reprobare ut malam: superaddito autem præcisè præcepto jam ea comestio est mala, & rectum intellectus dictamen non potest non reprobare illam: sed id quo præcisè ablato res aufertur, & quo præcisè superaddito res ponitur est de intrinseco rei constitutivo: ergo &c.

41. Resp. distinguo Majorem: non potest non reprobare eam comestionem ut malam extrinsecè, concedo Majorem, ut malam intrinsecè, nego Majorem; & distinguo minorem: Constituitur per præceptum secundùm id quod est intrinsecum comestioni malæ, nego, secundùm id quod est extrinsecum, per quod denominatur mala, sive prout sumitur in concreto ex re, quæ denominatur mala, & forma denominante, con-

concedo Minorem; & distinguo consequens eodem modo. Ad probationem distinguo Majorem: non manet malum objectivum comestionis secundum id, quod comestio dicitur pro constitutivo intrinseco, nego; secundum quod dicit extrinsecè, quo denominatur mala, concedo Majorem, & distinguo Minorem: est de intrinseco constitutivo, si eo ablato intrinsecè, res aufertur intrinsecè, concedo, si eo ablato intrinsecè res aufertur solum extrinsecè, nego Minorem, & distinguo consequens eodem modo. Ratio: est quia cum præceptum denominet per contrarietatem comestionem malam ex n. 39. comestio illa nunquam manet mala intrinsecè, sed extrinsecè, ac proinde ablata ea ratione, qua comestio denominatur mala, non tollitur aliquid intrinsecum, sed extrinsecum comestioni, ideoque non tollitur aliquid quod sit de illius constitutivo. Cæterum cum tollatur forma, qua comestio denominatur mala extrinsecè, nimirum præceptum, tollitur concretum constitutum ex re, quæ denominatur mala, & forma denominante; ac proinde ablato illo concreto ex forma & comestione non manet comestio extrinsecè mala.

42. Quapropter deficiente prohibitionē, quæ est forma, per quam comestio denominatur extrinsecè mala, deficiunt simul duæ denominationes: altera, quâ natura rationalis denominatur benè affecta sive bona, cum nullum præceptum quin sit justum, & naturæ rationali conforme, possit esse obligatorium; & altera, quâ comestio denominatur mala: eadem namque forma respectu diversorum potest dare denominationes diversas; sic actus vitalis productus à creatura, & à Deo denominat creaturam viventem & non Deum. Sic actus visionis productus à potentia visiva denominat potentiam videntem, & non visam; objectum autem denominat visum & non videns. Pariter illa prohibitio bona denominat comestionem malam, & naturam rationalem bonam. Unde sicut deficiente visione deficit in objecto denominatio visi, quamvis visio non sit visa; ita deficiente prohibitionē deficit in comestione denominatio malæ, quamvis prohibitio non sit mala, & sicut objectum visum non est visio, sed denominatum per visionem, ita comestio mala non est prohibitio, sed ob-

De Pœnit. Pars I.

D jectum

jectum denominatum per prohibitionem.

43. Exinde sicut solùm potest dici visio constitutiva visi, non quidem sumpto *viso* pro re visa, sed pro concreto ex re visa & forma, quâ videtur; ita prohibitio solùm potest dici constitutiva mali, non quidem sumpto malo pro re mala, sed pro concreto ex re mala, & forma, quâ denominatur mala. Quinimo, cum voces accipiendæ sint secundùm significationem, quam habent in communi modo loquendi, cum juxta communem modum loquendi pro malo significetur res, quæ denominatur mala, & prohibitio non denominetur mala, nunquam concedendæ sunt absolutè istæ propositiones: *Malum formale objectivum, sive malitia formalis objectiva constituitur ex divina prohibitionem*, sed in sano sensu distinguendæ sunt modo explicato: in his enim rebus maximè attinet ad Theologum & cautè loqui, & ambigua explicare, ut diximus in tractatu de Sacramentis. Unde cum objectum, quando denominatur malum per contrarietatem sit naturæ ut rationali difforme, & forma, quâ denominatur sit naturæ rationali conformis, ea-

pro-

propter nunquam possumus licitè amare peccatum, neque odio habere formam, quā malum denominatur. Imò decentius forsan loqueremur dicendo, prohibitionem esse de constitutivo mali philosophicè sumpti, secus theologicè accepti: quia philosophicè sumptum significat concretum, theologicè acceptum subjectum, quod denominatur malum per formam illius concreti, quæ duæ denominationes ita connexæ sunt, ut deficiente philosophica, deficiat & theologica: ac proinde deficiente prohibitionem deficeret formaliter malum philosophicè sumptum; & arguitivè malum theologicè acceptum. Pariter cum ad justam permissionem peccati sat sit quod reperiantur in Deo justī tituli, quales sunt titulus causæ universalis, & alii similes manet permissio justas licèt res permissa sit omnino mala, quo præcaventur ea, quæ opponi poterant ex num. 34. Vide à n. 56.

44. Objicies quintò. Licèt actus poenitentiae non constituatur ex peccato, non potest non præsupponere peccatum, quod detestatur: ac proinde vult quod peccatum non extitisset; sed ex eo quod talis actus ve-

lit quod peccatum non extitisset , non est virtuosus : ergo actus pœnitentiæ non est virtuosus . Consequentia tenet , & Major patet : quia detestari peccatum est ostendere in affectu , quod si voluntas reperiretur in actu primo proximo cum præparatione animi , quâ modo reperitur non commisisset peccatum , quod tunc commisit , quando poterat illud non committere : ac proinde detestari peccatum est saltem virtualiter velle quod peccatum non extitisset . Minor verò Probatur : ex eo quod talis actus velit quod peccatum non extitisset vult etiam quod non extitisset ipsius actus bonitas , utpotè impotens existere sine peccato præsupposito : sed actus volens quod ipsius bonitas non extitisset non est virtuosus : ergo &c. Confirmatur : actus dolens de dolore peccati non est virtuosus : sed actus pœnitentiæ volens quod ipse actus non extitisset est actus dolens de dolore peccati : ergo &c.

45. Resp. distin. Major. vult quod peccatum non extitisset ex suppositione quod extiterit nego : vult quod non extitisset , quando potuit non existere , ut rectè ostenditur in probatione Majoris , concedo Major. & di-

& distincta Minore nego consequentiam. Ad Probationem dist. Major. vult quod non extitisset ipsius bonitas ex suppositione quod peccatum extiterit, nego, ex suppositione quod peccatum non extiterit, conc. Major. & distincta Minore nego consequen. Ratio est quia si ille actus vellet quod peccatum non extitisset in sensu composito quod extiterit, siue ex suppositione quod extitisset esset velle impossibile ut impossibile, ac proinde non esset virtuosus, sed implicatorius: velle autem quod peccatum non extitisset, quando potuit non existere, est velle quod non extiterit offensa Dei: cum ergo iste actus dicens, *potius vellem ego non esse, quam quod fuerit offensa Dei*, sit perfectissimus, & naturæ rationali valde conformis, exinde actus poenitentiae est virtuosus volens ex hoc motivo non extitisse. Ad Confirmationem dist. Major. actus dolens de dolore peccati non est virtuosus, si doleat propter motivum impossibile cum voluntate peccandi, nego: si doleat propter affectum peccati, concedo Major. & distincta Minore nego consequen. quia actus poenitentiae doleret ex eo quod extitisset offensa Dei quan-

do potuit non existere, quod virtuosum est, & impossibile cum voluntate peccandi, ac proinde & valde laudabile.

§. II.

46. Objicies sextò contra secundam assertionem. Pœnitentia theologicè sumpta stat in solo dolore: ergo &c. Probatur antecedens: deficiente solo dolore licèt maneat detestatio & propositum, non manet actus pœnitentiæ ut patet in Beatis: ergo actus pœnitentiæ stat in solo dolore. Confirmatur primò ex S. Thoma quæst. 85. art. 1. dicente: *Pœnitere est de aliquo prius à se facto dolere*: ergo stat in solo dolore. Confirmatur secundò: *pœnitere nihil aliud est, quam pœnam tenere*; sed pœnam tenere stat in solo dolore: ergo &c.

47. Resp. nego antecedens: ad Probationem concedo antecedens, & nego consequ. quia totum deficit deficiente parte, ac proinde deficiente dolore, qui est pars sive inadequate quatum constitutivum actus pœnitentiæ, deficit actus pœnitentiæ: sic deficiente animali deficit homo, ex quo pessimè arguitur

guitur solum animal esse de constitutivo hominis. Pariter manente dolore, & deficiente proposito deficit actus poenitentiae, ut patet in damnatis ex numero 17. quin exinde arguatur dolorem non esse de constitutivo actus poenitentiae. Ad primam confirmationem distin. anteced. est dolere ut oportet ad veram denominationem poenitentis, concedo, aliter nego antecedens & consequens quia Divus Thom. solum potest intelligi de hoc dolore à nobis exposito, de quo Scriptura & Concilia loquuntur & loquitur ipse D. Thomas videndus à num. 76. Ad secundam confirmationem distin. eodem modo Major. poenam tenere ut oportet ad veram denominationem poenitentis concedo, aliter, nego Major. & distincta Minore nego consequens. quæ falsa est ut satis constat ex dictis, & evidenter patet in illo, qui poenam teneret invitè, in quo reperiretur dolor, non autem actus poenitentiae theologicè sumptæ.

48. Obijcies septimò contra tertiam assertionem. Detestatio est affectus voluntatis tendens in malum ut præteritum: dolor verò in malum ut præsens: propositum au-

D 4

tem

rem in malum ut futurum : atqui nullum objectum potest esse simul præteritum, præsens, & futurum : ergo nullus actus potest esse simul detestatio, dolor, & propositum. Confirmatur ex eo quod idem objectum non possit esse simul præsens & absens, neque potest idem actus tendere circa illud ut delectatio, & desiderium : sed idem peccatum non potest esse simul præsens & absens : ergo neque potest idem actus tendere circa illud ut dolor, detestatio, & propositum.

49. Resp. distin. Major. tendens in malum ut præteritum, præsens, & futurum, vel physicè, vel intentionaliter, concedo, solùm physicè nego Major. & distincta Minore, nego consequen. Ratio est quia non solùm dolemus de malo pro ut in re habito, sed etiam prout imminente & in apprehensione altè concepto, ex qua excitatur dolor, præsertim si aliquã sui denominationem dolore dignam proponat : cum autem peccatum præteritum relinquat pravas sui reliquias, vel saltem denominationes illas : *Homo iste peccavit, fuit inimicus Dei, alienus à Deo, & alias similes, quæ in subjecto capaci & expedito sufficientes satis sunt ad concipien-*

cipiendum dolorem; Ea de causa non solum possumus concipere detestationem, sed etiam dolorem de peccato præterito, Dixi in subjecto capaci, & expedito, quia Beati ratione status non possunt concipere dolorem, ac proinde neque actum poenitentiae, licet de illis verum sit dicere quod peccaverint. Vide num. 53.

50. Pariter cum etiam dignæ sint denominationes istæ, quas in posterum natura rationalis refugiat: exinde possumus etiam tunc propositum verum & firmum concipere, adeoque quam optimè valent hæc omnia simul motiva proponi intellectui ita ut in eodem actu eas omnes formalitates conjungat. Ad confirmationem distinguo Major. si non possit esse præsens & absens secundum diversas sui considerationes, concedo: si possit, nego Major. & distincta Minore nego consequen. quia peccatum potest simul repræsentari ut præteritum in sua elicientia, & ut præsens in suis denominationibus moralibus, & effectibus ut constar ex numero superiori. Unde sicuti quando obiectum bonum cognoscitur ut possessum, & possidendum, possumus circa illud elicere
actum

actum delectationis circa possessionem, & desiderii circa futuritionem ex illo Petri Epistolâ primâ cap. 1. *In quem desiderant Angeli prospicere*: & ex Paulo ad Rom. 12. *spe gaudentes*: Sic etiam possumus circa idem peccatum concipere simul detestationem & dolorem cum proposito nunquam peccandi de cætero.

51. Objicies octavò ex Tridentino sess. 14. can. 5. Dolor contritionis habitus per detestationem peccatorum est liber: atqui non esset liber, si constitueret actum pœnitentiæ, cum talis dolor necessariò sequatur ad detestationem constitutivam actus pœnitentiæ: ergo &c. Propter hoc argumentum judicat P. Coninck disput. prim. de Pœnitentia cap. 2. num. 12. necessariò dicendum actum pœnitentiæ completum involvere utrumque actum, nempe & detestationem, & dolorem illamque esse magis liberam, hunc autem participativè ab illa; sicuti actus fidei completus includit actum piæ affectionis voluntatis, à quo denominatur liber. Cæterùm licèt ista doctrina locum habeat, quando actus sunt distincti, falsa omnino est quando actus est idem: ac pro

proinde falsò dicitur necessariò asserendum dolorem solùm esse participativè liberum: quapropter.

52. Resp. concedo Ma. & nego Mi: quia quando idem indivisibilis actus est dolor & detestatio repugnat quod sit libera detestatio, quin sit liber dolor. Quinimò licèt in actibus distinctis frequenter contingat detestationem esse causam doloris, existimo tamen posse aliquādo etiam dolorem esse causam detestationis. Ratio est, quia ex eo quod aliquis doleat de gravi malo quod patitur, connaturalissimè induci potest ad detestandam causam illius: ac proinde & dolor erit tunc causa detestationis: unde in actu, qui simul sit dolor, & detestatio, neque adhuc logicè debet semper subsequi dolor ad detestationem. Ex dictis

53. Fit primò: viatorem illum, cui revelatum fuisset peccata ei esse dimissa, adhuc posse elicere verum actum poenitentiae. Ratio est quia ratione status non impediretur ad concipiendum dolorem peccatorum detestativum cum proposito non peccandi de cætero; deinde ratione objecti maneret sufficiens motivum ad talem dolorem concipien-

piendum: hoc enim ipsum quod est hominem peccasse, & innocentiam perdidisse satis est ex parte objecti ad concipiendum talem dolorem, ut per se patet. In Beatis autem aliter res se habet: quia licet respectu illorum maneat hæc veritas, eos nimirum peccasse, & innocentiam perdidisse, ac proinde habeant quidquid requiritur ex parte objecti non habet quidquid requiritur ex parte status, cum status beatitudinis, & æternæ felicitatis sit doloris incapax.

54. Cæterum cum viator neque ex parte status, neque ex parte objecti tale habeat impedimentum, quam optimè potest conteri. Scio aliquos Recentiores contrarium sentire ex doctrina Comptoni & Arriagæ: mihi autem omnino displicet. Ratio est quia dum homo est in via satis sunt peccata commissa, ut licitè & validè accedat ad Sacramentum pœnitentiæ, ut constat ex Benedicto XI. in Extrav. 1. de privileg. dicente, *salubrem esse, atque adeo validam confessionem peccati, iterum validè confessi, ac proinde condonati*. Atqui ad Sacramentum pœnitentiæ non potest homo licitè accedere absque dolore, qui est pars sacramenti constitutiva: ergo sufficit

cit homini viatori, quod peccata commiserit ad concipiendum dolorem. Qua de causa, SS. PP. applicare solent animæ quæ peccavit illa Hieremiæ verba cap. 2. *Vide quia malum & amarum est reliquisse te Dominum Deum tuum.*

§ 5. Fit secundò: non esse idem dolere cum proposito delendi peccata, ac dolere cum proposito non peccandi de cætero, ac proinde non sufficere ad sacramentum poenitentiae solùm dolere cum proposito delendi peccata. Ratio est quia dolor requisitus ad Sacramentum poenitentiae est impossibilis cum voluntate peccandi: atqui solus dolor cum proposito delendi peccata non est impossibilis cum voluntate peccandi: ergo &c. Consequentia tenet, & Major constat ex dictis à num. 12. Mi: verò probatur in isto casu metaphysicè possibili, in quo aliquis crederet nullum peccatum deleri posse absque Sacramento poenitentiae reipsâ adhibito; & simul sciret esse peccatum mortale negare Christum coram tyranno. Tunc enim si tyrannus in hunc finem minaretur illi homini necem statim inferendam, si Christum non negaret, & aliundè confessarii copia destitutus

do potuit non existere, quod virtuosum est, & impossibile cum voluntate peccandi, ac proinde & valde laudabile.

S. II.

46. Objicies sextò contra secundam assertionem. Pœnitentia theologicè sumpta stat in solo dolore: ergo &c. Probatur antecedens: deficiente solo dolore licet maneat detestatio & propositum, non manet actus pœnitentiæ ut patet in Beatis: ergo actus pœnitentiæ stat in solo dolore. Confirmatur primò ex S. Thoma quæst. 85. art. 1. dicente: *Pœnitere est de aliquo prius à se facto dolere*: ergo stat in solo dolore. Confirmatur secundò: *pœnitere nihil aliud est, quam pœnam tenere*; sed pœnam tenere stat in solo dolore: ergo &c.

47. Resp. nego antecedens: ad Probationem concedo antecedens, & nego consequentiam quia totum deficit deficiente parte, ac proinde deficiente dolore, qui est pars sive inadequatum constitutivum actus pœnitentiæ, deficit actus pœnitentiæ: sic deficiente animali deficit homo, ex quo pessimè arguitur

guitur solum animal esse de constitutivo hominis. Pariter manente dolore, & deficiente proposito deficit actus poenitentiae, ut patet in damnatis ex numero 17. quin exinde arguatur dolorem non esse de constitutivo actus poenitentiae. Ad primam confirmationem distin. anteced. est dolere ut oportet ad veram denominationem poenitentis, concedo, aliter nego antecedens & consequens quia Divus Thom. solum potest intelligi de hoc dolore à nobis exposito, de quo Scriptura & Concilia loquuntur & loquitur ipse D. Thomas videndus à num. 76. Ad secundam confirmationem distin. eodem modo Major. poenam tenere ut oportet ad veram denominationem poenitentis concedo, aliter, nego Major. & distincta Minore nego consequens. quæ falsa est ut satis constat ex dictis, & evidenter patet in illo, qui poenam teneret invitè, in quo reperiretur dolor, non autem actus poenitentiae theologicè sumptæ.

48. Obiicies septimò contra tertiam assertionem. Detestatio est affectus voluntatis tendens in malum ut præteritum: dolor verò in malum ut præsens: propositum au-

D 4

tem

rem in malum ut futurum : atqui nullum objectum potest esse simul præteritum, præsens, & futurum : ergo nullus actus potest esse simul detestatio, dolor, & propositum. Confirmatur ex eo quod idem objectum non possit esse simul præsens & absens, neque potest idem actus tendere circa illud ut delectatio, & desiderium : sed idem peccatum non potest esse simul præsens & absens : ergo neque potest idem actus tendere circa illud ut dolor, detestatio, & propositum.

49. Resp. distin. Major. tendens in malum ut præteritum, præsens, & futurum, vel physicè, vel intentionaliter, concedo, solùm physicè nego Major. & distincta Minore, nego consequen. Ratio est quia non solùm dolemus de malo pro ut in re habito, sed etiam prout imminente & in apprehensione altè concepto, ex qua excitatur dolor, præsertim si aliquã sui denominationem dolore dignam proponat : cum autem peccatum præteritum relinquat pravæ sui reliquias, vel saltem denominationes illas : *Homo iste peccavit, fuit inimicus Dei, alienus à Deo*, & alias similes, quæ in subiecto capaci & expedito sufficientes satis sunt ad concipien-

ciendum dolorem; Ea de causa non solum possumus concipere detestationem, sed etiam dolorem de peccato præterito. Dixi in subjecto capaci, & expedito, quia Beati ratione status non possunt concipere dolorem, ac proinde neque actum poenitentiae, licet de illis verum sit dicere quod peccaverint. Vide num. 53.

50. Pariter cum etiam dignæ sint denominationes istæ, quas in posterum natura rationalis refugiat: exinde possumus etiam tunc propositum verum & firmum concipere, adeoque quam optimè valent hæc omnia simul motiva proponi intellectui ita ut in eodem actu eas omnes formalitates conjungat. Ad confirmationem distinguo Major. si non possit esse præsens & absens secundum diversas sui considerationes, concedo: si possit, nego Major. & distincta Minore nego: consequen. quia peccatum potest simul representari ut præteritum in sua elicientia, & ut præsens in suis denominationibus moralibus, & effectibus ut constet ex numero superiori. Unde sicuti quando objectum bonum cognoscitur ut possessum, & possidendum, possumus circa illud elicere actum

actum delectationis circa possessionem, & desiderii circa futuritionem ex illo Petri Epistolâ primâ cap. 1. *In quem desiderant Angeli prospicere*: & ex Paulo ad Rom. 12. *spe gaudentes*: Sic etiam possumus circa idem peccatum concipere simul detestationem & dolorem cum proposito nunquam peccandi de cætero.

51. Objicies octavò ex Tridentino sess. 14. can. 5. Dolor contritionis habitus per detestationem peccatorum est liber: atqui non esset liber, si constitueret actum pœnitentiæ, cum talis dolor necessariò sequatur ad detestationem constitutivam actus pœnitentiæ: ergo &c. Propter hoc argumentum judicat P. Coninck disput. prim. de Pœnitentia cap. 2. num. 12. necessariò dicendum actum pœnitentiæ completum involvere utrumque actum, nempe & detestationem, & dolorem illamque esse magis liberam, hunc autem participativè ab illa; sicuti actus fidei completus includit actum piæ affectionis voluntatis, à quo denominatur liber. Cæterùm licèt ista doctrina locum habeat, quando actus sunt distincti, falsa omnino est quando actus est idem: ac

pro

proinde falsò dicitur necessariò asserendum dolorem solùm esse participativè liberum: quapropter.

52. Resp. concedo Ma. & nego Mi: quia quando idem indivisibilis actus est dolor & detestatio repugnat quod sit libera detestatio, quin sit liber dolor. Quinimò licèt in actibus distinctis frequenter contingat detestationem esse causam doloris, existimo tamen posse aliquādo etiam dolorem esse causam detestationis. Ratio est, quia ex eo quod aliquis doleat de gravi malo quod patitur, connaturalissimè induci potest ad detestandam causam illius: ac proinde & dolor erit tunc causa detestationis: unde in actu, qui simul sit dolor, & detestatio, neque adhuc logicè debet semper subsequi dolor ad detestationem. Ex dictis

53. Fit primò: viatorem illum, cui revelatum fuisset peccata ei esse dimissa, adhuc posse elicere verum actum poenitentiae. Ratio est quia ratione status non impediretur ad concipiendum dolorem peccatorum detestativum cum proposito non peccandi de cætero; deinde ratione objecti maneret sufficiens motivum ad talem dolorem concipien-

piendum: hoc enim ipsum quod est hominem peccasse, & innocentiam perdidisse satis est ex parte objecti ad concipiendum talem dolorem, ut per se patet. In Beatis autem aliter res se habet: quia licet respectu illorum maneat hæc veritas, eos nimirum peccasse, & innocentiam perdidisse, ac proinde habeant quidquid requiritur ex parte objecti non habet quidquid requiritur ex parte status, cum status beatitudinis, & æternæ felicitatis sit doloris incapax.

54. Cæterum cum viator neque ex parte status, neque ex parte objecti tale habeat impedimentum, quam optimè potest conteri. Scio aliquos Recentiores contrarium sentire ex doctrina Comptoni & Arriagæ: mihi autem omnino displicet. Ratio est quia dum homo est in via satis sunt peccata commissa, ut licitè & validè accedat ad Sacramentum pœnitentiæ, ut constat ex Benedicto XI. in Extrav. 1. de privileg. dicente, *salubrem esse, atque adeo validam confessionem peccati, iterum validè confessi, ac proinde condonati*. Atqui ad Sacramentum pœnitentiæ non potest homo licitè accedere absque dolore, qui est pars sacramenti constitutiva: ergo sufficit

cit homini viatori, quod peccata commiserit ad concipiendum dolorem. Qua de causa SS. PP. applicare solent animæ quæ peccavit illa Hieremiæ verba cap. 2. *Vide quia malum & amarum est reliquisse te Dominum Deum tuum.*

§ 5. Fit secundò: non esse idem dolere cum proposito delendi peccata, ac dolere cum proposito non peccandi de cætero, ac proinde non sufficere ad sacramentum poenitentiae solùm dolere cum proposito delendi peccata. Ratio est quia dolor requisitus ad Sacramentum poenitentiae est impossibilis cum voluntate peccandi: atqui solus dolor cum proposito delendi peccata non est impossibilis cum voluntate peccandi: ergo &c. Consequentia tenet, & Major constat ex dictis à num. 12. Mi: verò probatur in isto casu metaphysicè possibili, in quo aliquis crederet nullum peccatum deleri posse absque Sacramento poenitentiae reipsâ adhibito; & simul sciret esse peccatum mortale negare Christum coram tyranno. Tunc enim si tyrannus in hunc finem minaretur illi homini necem statim inferendam, si Christum non negaret, & aliundè confessarii copia destitutus

tus existeret in lethali ; si ille inquam determinaretur cum dolore ad negandum Christum , & ad peccandum de novo lethaliter , ut sic conservatâ vitâ , posset habere locum , & tempus inveniendi confessarium ad delendum utrumque peccatum cum firmo proposito utrumque delendi , tunc in tali homine reperiretur dolor , & propositum delendi peccatum compossibile tamen , ut per se patet cum voluntate peccandi : ergo &c.

- 56. Fit tertio : objectum extrinsecè malum per cōtrarietatem non posse cognosci ut tale , quin cognoscatur forma per quam malum redditur : intellectus enim , utpote potentia necessaria , non potest cognoscere unum prout denominatū ab alio , quin cognoscat unum & aliud : ac proinde , cum nihil volitum quin præcognitum debet præcedere ejusmodi cognitio , ut voluntas eliciat actum averfivum mali (idemque suo modo de objecto denominato per contrarietatem bono à forma mala) cæterum cum illa prævia cognitio non repræsentet esse malam formam dominantem , sed solū repræsentet esse malum objectum denominatum , voluntas , quæ est potentia libera potens laudabiliter odio

odio prosequi malum & non bonum, quam optimè valet odio prosequi objectum denominatum, quin odio prosequatur formam denominantem. Unde si contra doctrinam nostram, & contra solutiones in tota ista sectione à nobis traditas aliquis per parallogismos instaret in hunc modum: *Voluntas odio prosequitur objectum ut malum: ergo odio prosequitur id, quo denominatur malum.* Responderi facilè potest: distingo antecedens: odio prosequitur objectum ut malum, cadente ly *ut* supra objectum expressionis intellectus, concedo: supra objectum aversionis voluntatis, nego antecedens & consequentiam.

57. Pariter quando objectum denominaretur bonum per contrarietatem à forma mala, v. g. à peccato, si aliquis instaret ita: *voluntas amat objectum ut bonum: ergo amat id quo denominatur bonum.* Responderi facilè potest distingo antecedens: amat objectum ut bonum, cadente ly *ut* supra objectum expressionis intellectus, concedo: supra objectum amplexionis voluntatis, nego antecedens, & consequentiam. Rursus si alter ita instaret. *Voluntas amat objectum ut constitu-*
tum

tum bonum : ergo amat constitutivum objecti in in esse boni . Responderi eodem modo potest distinguo antecedens:cadente ly *ut* supra objectum expressionis intellectus,cōcedo; supra objectum amplexionis voluntatis, nego antecedens, & consequentiam : Nam voluntas sicut non amat formam malam simulq; objectum bonum,quæ duo constituunt cōcretum illud, sive objectum expressionis intellectus, sed solùm amat objectum denominatum bonum; ita non amat adæquatum, sed inadæquatum illius concreti constitutivum. Quæ, si verum fatear,mihi,explicatis terminis,naturæ lumine videntur nota, & experienciâ ipsâ comprobata, quâ unusquisque scit se die Veneris odio prosequi comestionem carnis, secùs; autem divinam prohibitionem, licet intellectus proponat voluntati comestionem illam malam ratione divinæ prohibitionis. Unde cum hac sola distinctione à nobis exposita, verè & solidè omnes adversariorum paralogismi facilè evanescunt.

58. Fit quartò: Doctrinam nostram non solùm se extendere ad objectum per contrarietatem denominatum bonum aut malum; verùm etiam ad actum extrinsecè bonum vel ma-

malum , qui ita denominetur per contrarietatem : etenim si quando dictamen rectum rationis reprobatur actum , actus eliciatur , denominabitur malus per contrarietatem : pariter si quando dictamen rectum reprobatur amplexionem , eliciatur actus fugæ , denominabitur bonus : neque potest dari complexum ex recto dictamine reprobante , & actu reprobo , quin detur malum : ex quo benè penetrato , habetur solutio secunda firma & solida contra ea , quæ hucusque objecta sunt adversus nostram doctrinam .

Fit quintò : voluntatem detestantem peccatum commissum per affectum , quo voluisset illud non commisisse non respicere objectum sub conditione impossibili , sed sub conditione possibili , ut constat ex dictis num.45. Unde inferes quam stultè ad probandum actum poenitentiae non esse virtuosum , objiciant hæretici contra nos illud Aristotelis 4. Ethicor. *Nullus est stultus eorum , qui sunt secundum virtutem* . Eodem modo corrumpunt sensum Apostoli ad Galat.6. dicentis : *neque circumcisio aliquid valet , neque præputium , sed nova creatura* , intelligentes per novam creaturam solam novitatem vi-

tæ ab ipsis confictæ: quandoquidem deberent intelligere novitatem vitæ à Deo præceptæ, & à SS. PP. pœnitentibus, ex doctrina Scripturæ dolorosè inchoatæ, ut conſtat à n.23. ex quo & Hæreticorum argutiæ manent ſolutæ, & veritas catholica contra ipſos demonſtrata.

DISPUTATIO II.

*Utrum pœnitentia theologicè ſumpta ſit
virtus ſpecialis .*

59. **V**irtutes per ſe infuſæ ex dictis nu.6. eatenus diſtingvuntur, quatenus reſpiciunt diverſa objecta formalia. Quapropter idem eſt quærere an pœnitentia virtus theologicè ſumpta ſit una ſpecialis, ac quærere an omnes actus pœnitentiæ theologicè ſumptæ habeant idem objectum formale: etenim ſi unus actus doloris deteſtativi peccatorum commiſſorum cum propoſito non peccandi de cætero, poſſit elici ex uno motivo formali, & alter ex alio, unus proveniet ab una virtute, & alter ab alia, ſicque pœnitentia virtus non erit una ſpecialis.

cialis. Ad dignoscendam autem naturam virtutis maximè juvat scire in quo distinguantur virtutes theologicæ à moralibus, in quem finem suppono dari ex consensu Theologorum tres solas virtutes theologicas per se infusas in via, nimirum Fidem, Spem, & Charitatem; ac proinde reliquas omnes virtutes per se infusas, quæ dantur in viatoribus esse morales: Quapropter si actus pœnitentiæ proveniat à virtutibus theologicis erit theologicus; si autem proveniat à virtutibus moralibus, erit moralis. Quale autem sit fundamentum ad admittendas de facto virtutes morales per se infusas, statim dicemus.

SECTIO PRIMA.

An & qualis sit specialis Pœnitentiæ virtus.

§. I.

60. **S**UPPONO primò dari de facto virtutes morales per se infusas distinctas à Theologicis Fide, Spe, & Charitate. Hanc enim veritatem inferebant olim Theologi ex variis scripturæ, & PP. testimoniis. Cæterùm erat quæstio inter ipsos an infun-

derentur folis adultis , ut defendebant aliqui , vel omnibus tam parvulis , quàm adultis quando remittebatur illis peccatum , ut alii contendebant ex 2. *Petri cap. 1.* ubi per Christum nobis conferri ea dona in justificatione docemur, dum dicitur: *per quem maxima & pretiosa nobis promissa donavit , ut per hæc efficiamini divinæ consortes naturæ .* Quæ de causa qui negabant virtutes infundi parvulis docebant eis remitti peccatum sine infusione gratiæ , ac proinde non justificari, neque fieri divinæ naturæ consortes , adeoque neque infundi eis virtutes, utpote gratiam comitantes . Reliqui verò Theologi asseriebant, in hac providentia nunquam remitti peccatum sine infusione gratiæ, ac proinde & quin infundantur illæ virtutes comitantes gratiam, cum peccatum remittatur ex meritis Christi non minus potentibus applicari parvulis sine ipsorum dispositione, quàm adultis cum illa . Multo tempore in Ecclesia Dei agitata fuit hæc controversia , pervenit quippe ad tempora Innocentii III. , nec adhuc tunc fuit definita .

61. Sic enim proponit controversiam istam Innocentius III. *cap. majores de Bapt.*
Illud

Illud verò quod opposcentes inducunt Fidem, & Charitatem, aliasque virtutes parvulis utpote non consentientibus non infundi, à plerisque non conceditur absolutè, cum propter hoc inter Doctores Catholicos quæstio referatur; aliis assentientibus per virtutem Baptismi parvulis quidem culpam remitti, sed gratiam non conferri; Nonnullis dicentibus dimitti peccatum, virtutesque infundi habentibus illas quoad habitum, non quoad usum, donec perveniant ad ætatem adultam. Exinde temporibus Innocentii III. usque ad tempora Clementis V. permansit sub iudice lis.

62. Postea verò Concilium generale Viennense sub Clemente V. ut habetur Clementinâ primâ *de summa Trinit. & fide Catholica* expendendo utriusque sententiæ momenta, ita decrevit: *nos autem attendentes generalem efficaciam mortis Christi, quæ per Baptismum applicatur pariter omnibus baptizatis, opinionem secundam, quæ dicit tam parvulis, quàm adultis conferri in Baptismo gratiam informantem & virtutes, tanquam probabilior, & dictis SS. ac DD. modernorum Theologiæ magis consonam & concordem, sacro approbante Concilio duximus eligendam. Unde*

de cùm illa prima sententia teneret, ut ex relatis verbis Innocentii constet, Fidem & Charitatem, aliasque virtutes non infundi, & secunda quam Concilium approbat defenderet infundi Fidem, Charitatem, & alias virtutes, planè deducitur non solùm dari virtutes theologicas per se infusas, cum Spes, quæ ultra Charitatem & Fidem superest non sit aliæ virtutes, ac proinde non solùm dantur virtutes theologicæ Fides, Spes, & Caritas, sed etiam aliæ virtutes præter ipsas, cum non detur potior ratio ad admittendam unam virtutem moralem per se infusam, & non alias. Ex quo impugnandi sunt Scotus, Baconius, Almainus, & Marsilius virtutes morales per se infusas negantes.

63. Suppono secundò: virtutes posse induere diversas denominationes secundùm diversos actus ab eis elicitos: sic misericordia quando alicui elargitur eleemosynam ne incidat in paupertatem vocatur præservativa, & quando succurrit alteri ut ab indigentia liberetur, vocatur reparativa. Quod evenit etiam in potentiis, sic potentia humana dicitur sensitiva in ordine ad sensationes, & discursiva in ordine ad discursus. Pariter si
à vir-

à virtute Charitatis non solum possit provenire purus Dei amor super omnia, sed etiam actus perfectæ contritionis, in ordine ad purum Dei amorem super omnia, non dicetur poenitentia, sed charitas; in ordine verò ad actum perfectæ contritionis diceretur poenitentia. Suppono tertio: virtutes per se infusas voluntatis dividi in universales, & non universales. Virtus universalis dicitur illa, cujus objecto formali opponuntur omnia peccata: Sic inter virtutes theologicas Charitas habet pro objecto formali bonitatem Divinam, cui omnia peccata opponuntur. Spes habet pro objecto formali saltem Omnipotentiam auxiliantem in ordine ad Beatitudinem, cui innixa fiducialiter desiderat æternam Beatitudinem, cui opponitur quodcumque mortale, cum ratione cujuscumque peccati mortalis amittamus Beatitudinem.

64. Pariter inter virtutes morales Religio habet pro objecto formali honestatem reverentiæ, sive cultus debiti Deo, cui divino cultui singula peccata opponuntur. Obedientia respicit pro objecto formali honestatem objectivam rei præceptæ, contra

E 4

quam

quam militat quodcumque peccatum, cum sit contra præceptum divinum. Virtus gratitudinis habet pro objecto formali honestatem compensandi beneficium acceptum à benefactore, & quodcumque peccatum mortale est contra honestatem compensandi beneficia debita Deo. Justitia sive stricta, sive lata, quæ datur inter Deum, & creaturas habet pro objecto formali, vel honestatem objectivam juris Divini illæsi, ut aliqui explicant, vel honestatem habendi pacem cum Deo, ut alii contendunt. Cum autem quodcumque peccatum impediatur Divini juris illæSIONEM, aut integram pacem cum Deo, exinde unumquodque peccatum opponitur tali justitiæ inter creaturam & Deum; eodemque modo dicendum de aliis similibus virtutibus universalibus. Virtus non universalis est illa, cujus objecto formali non opponuntur omnia peccata: sic peccatum avaritiæ non opponitur cum objecto formali castitatis, nec peccatum intemperantiæ cum objecto formali liberalitatis, cum luxuriosus possit esse liberalis, & avarus castus; & sic de aliis. Unde hujusmodi virtutes dicuntur non universales.

65. Suppono tertio voces, quæ absolute sumptæ habent unam significationem posse habere aliam diversam, si cum aliqua restrictione accipiantur: Sic rationale absolute sumptum significat idem ac capax rationis, & intellectus, quo in sensu convenit non solum creaturis, sed etiam Deo, & multo quidem perfectius, quam creaturis, cum sit infinite perfectius capax rationis & intellectus, quam creaturæ. Si verò rationale sumatur in restrictione philosophica, solum significat intellectum potentem transire per discursum ex notis ad ignota, quo in sensu secum præfert ignorantiam, sive positivam, sive privativam: cumq; solæ creaturæ sint capaces ignorantiae, secus autem Deus; ea de causa rationale in restrictione philosophica sumptum convenit creaturis & non Deo: unde homo distinguitur à Deo per rationale restrictè sumptum; secus per rationale absolute acceptum. Pariter poenitentia actualis (idem suo modo de habituali) potest dupliciter considerari: primò theologicè sumpta prout ex Scriptura, Conciliis, & PP. accipitur ab omnibus ferè theologis, sive expositivis,

vis,

vis, five scholasticis, five moralibus, nimirum pro dolore detestativo peccati commissi cum proposito non peccandi de cætero, ut diximus à num. 12.

66. Secundò considerari potest in restrictione scholastica pro voluntate faciendi opera bona ex motivo formali satisfaciendi Deo per peccatum offenso. Etenim ut ait Carleton disp. 97. sec. 7. num. 5. iste est communis sensus restrictionis theologorum non autem Scripturæ, Conciliorum, aut PP. nam ut ait Arriaga disp. 10. de virt. poen. sec. 3. n. 15. nec verbum ullum est in tota S. Scrip. & PP. de eo speciali motivo, licèt de dolore, de proposito &c. multa sint: quod prius dixerat Eximius Doctor disp. 3. sec. 3. §. ult. eaque de causa ait Card. de Lugo disp. 2. de poenit. sec. 4. num. 65. *Est ergo ad salutem necessaria pœnitentia communiter sumpta (idest theologicè) prout comprehendit quemcumque actum doloris efficacis ex motivo sufficienti ad contritionem vel attritionem; non verò strictè, prout significat hanc specialem virtutem, de qua nunc loquimur. Quæ duo maximè distinguenda sunt, ne incidamus in æquivocationes, in quas ob defectum hujus distinctionis*

Etionis alii prolapsi sunt, ut infra constabit. Agemus ergo in hac disputatione de poenitentia theologicè sumpta, in qua sunt quæstiones de re, & postea de poenitentia in restrictione scholastica accepta, in qua sunt quæstiones de nomine, ut post alios Theologos notavit benè Maurus quæst. 232. num. 14. His positis.

§. II.

67. Assero primò: actus poenitentiae theologicè sumptæ elici potest à quacumque virtute per se infusa universalis voluntatis, ac proinde quævis universalis voluntatis virtus in ordine ad illum actum elicitedum denominabitur vera virtus poenitentiae. Ita communiter Theologi cum Eximio Doctore disp. 3. sec. 8. Probatur primò: ad eandem virtutem, ad quam pertinet trahere ad se suum peculiare bonum, spectat etiam retrahere à se oppositum malum, ut constat ex dictis à num. 8. Sic charitas, quæ habet pro objecto formali bonitatem divinam non solum amat propter divinam bonitatem ea, quæ sunt divinæ bonitati conformia, sed etiam

etiam propter divinam bonitatem fugit quidquid opponitur ipsi bonitati divinæ. Sic etiam obedientia, quæ adimplet omnia mandata, quia à Deo præcepta, fugit omnem transgressionem divinorum mandatorum; ac proinde voluntas instructa quavis virtute universalis, quando considerat malum commissum; illius virtutis fini oppositum potest detestari dolorosè illud malum cum proposito illud non committendi non solum propter objectum suum formale ut per aliud particulare motivum contractum ad specialem illius mali turpitudinem, verum etiam propter universalitatem sui motivi oppositi cum omni peccato; sed talis actus, ut per se patet, est actus pœnitentiæ theologicè sumptæ: ergo &c.

68. Confirmatur ab Eximio Doctore: velle formaliter unum objectum unicè propter rationem formalem æquè ab altero participatam est virtualiter velle alterum: sic qui formaliter amat Petrum unicè, quia est amicus Dei, virtualiter amat omnes, qui sunt amici Dei, neque in consortio illius amoris potest elicere odium vel unius amici Dei: Sic etiam qui assentitur Myste-
rio

rio Incarnationis unicè propter Testimonium Dei dicentis, virtualiter credit omnia, quæ Deus dicit, neque in sensu composito illius actus fidei potest dissentiri alteri objecto ut proposito, & dicto à Deo: ergo ille qui dolet, & detestatur unum peccatum cum proposito illud non committendi de cætero, unicè propter motivum virtutis universalis, virtualiter dolet, & detestatur omnia peccata, cum proposito non committendi illa de cætero, utpote eandem rationem formalem motivi æquè participantia, & æquè sub ea ratione formali comprehensa, sed in eo stat actus poenitentiae theologicè sumptæ ut constat à num. 12: ergo à quacumque virtute universalis potest elici actus poenitentiae theologicè sumptæ.

69. Probarur secundò: non potest voluntas efficaciter intendere consecutionem finis quin virtualiter velit remotionem illorum impedimentorum: sine qua non obtineretur finis: atqui finis virtutis universalis obtineri non potest si ponatur vel unum peccatum mortale; cum quodcumque mortale opponatur cum fine virtutis universalis, ut constat à num. 60: ergo nequit voluntas

luntas efficaciter velle conservare illæsum finem virtutis, contra quem opponuntur omnia peccata dolendo & detestando peccatum commissum prout oppositum objecto formali talis virtutis, quin volitio illa efficax sit virtualis saltem detestatio omnium peccatorum, & propositum saltem virtuale non peccandi de cætero: repugnat enim ex ipsis terminis, quod voluntas efficaciter velit conservare illæsum objectum formale virtutis, contra quod opponuntur omnia peccata, & simul velit peccare: sed talis actus est actus pœnitentiæ theologicè sumptæ: ergo à quacumque virtute universalis voluntatis potest elici actus pœnitentiæ theologicè sumptæ. Videatur August. tom. 4. de vera & falsa pœnitentia; ubi per totum tractatum doctrina nostra clarissimè confirmatur.

70. Confirmatur: non potest voluntas efficaciter detestari pœnas inferni, quin virtualiter detestetur omnia peccata: cum unum peccatum sufficiens sit ad eas pœnas incurrendas; neque potest odio prosequi unum peccatum, ne amittat Gloriam, quin virtualiter omnia detestetur, cum unum
pec-

peccatum sufficiens sit ad Gloriam amittendam: ergo quando omnia peccata opponuntur objecto formali unius virtutis non potest voluntas efficaciter odio prosequi, & dolere de peccatis commissis purè propter objectum formale talis virtutis, quin virtualiter detestetur omnia peccata, & sit ea volitio impossibilis cum volūtate peccandi, adeoque & actus pœnitentiæ theologicè sumptæ.

71. Respondebis cum Medina, Arriaga, Comptono, & pluribus Recentioribus, aliquando posse voluntatem amare unum objectum propter motivum universale, quin virtualiter amet cætera objecta, sic potest aliquis velle dare eleemosynam ut quatuor propter bonitatem eleemosynæ, quin velit virtualiter dare ut octo. Pariter potest velle confiteri, & communicare propter Deum, quin virtualiter velit jejunare. Sic etiam potest velle conscendere hanc navem, quia apta est ad navigandum, quin virtualiter velit conscendere alias, quamvis aptæ sint ad navigandum, & sic de millenis aliis. Unde poterit etiam voluntas detestari unum peccatum propter motivum universale, quin exinde dete-

detestetur alia peccata virtualiter . Verùm hæc responsio , ni fallor , vel non venit ad rem , vel confundit duo toto cœlo diversa , nimirum motivum comprehensum in universali , cum motivo universali , ut benè notaverat Eximius Doctor supra citatus , quem adversarii animosè impugnant , & citant , quin ipsius solutionem sibi objiciant vel solvant . Quapropter .

72. Contra primò : quando aliquis vult dare eleemosynam ut quatuor vel habet pro objecto formali illam honestatem ut quatuor eleemosynæ comprehensam in motivo universali ; vel honestatem præcisè ut honestas est eleemosynæ , sive quod idem est motivum universale . Si primum : ille actus non habet motivum universale , sed comprehensum in universali , ac proinde , licèt non sit virtualis volitio alterius eleemosynæ , perperam exinde infertur actum habentem motivum universale non esse volitionem virtualement alterius eleemosynæ . Si secundum : ergo ratio , propter quam vult istam eleemosynam omnino eadem militat in alia ; ac proinde erit etiam virtualis volitio alterius . Cæterum quia illi , qui dant eleemosynam
com-

communiter moventur à peculiari illius honestate majori vel minori, secundum maiorem vel minorem voluntatem dandi; & rarissimi sint, qui ex universali motivo moveantur, ea de causa sunt rarissimi, qui dant quantum possunt dare, & qui dando unam, habeant voluntatem virtualem donandi reliqua, ut fecerunt aliqui egregii, & SS. viri, qui tale generale motivum habebant: & quia communiter motivum formale est specialis honestas, ideo volitio unius non est virtualis volitio dandi omnia; quinimo, ut accuratè notavit Eximius Doctor disput. 3. sect. 8. num. 9. sæpissimè non attingitur motivum universale, quia non movetur voluntas ab illo secundum suam universalitatem, sed habendo etiam pro motivo aliquam specialem conditionem, quæ ad alia objecta non se extendit, vel saltem habendo pro motivo partiali, quo universale contrahitur, jus & facultatem ad exercendum se circa hoc objectum, ideoque non attingitur præcisè propter rationem æquè in omnibus objectis materialibus militantem. Exinde.

73. Contra secundò: quando aliquis vult
De Pœnit. Pars I. F con-

confiteri, & communicare propter Deum, vel movetur ab honestate illius operis, quæ placens est Deo, & quæ communis non est omnibus aliis objectis, vel unice à complacentia divina circa opera bona? Si primum: illud non est motivum universale, sed particulare, ac proinde nullam exinde rationem afferunt adversarii ad solvenda argumenta, quæ contra ipsos confecimus. Si secundum ergo motivum illius volitionis eodem modo ac confessione, & communione adest jejuniis & reliquis bonis operibus Deo placentibus, ac proinde erit volitio virtualis reliquorum, sive quod idem est ex se incōpossibilis cum aliorum nolitione: si enim voluntas alia formaliter non attingit, ideo est, quia tunc ab intellectu vel ratione inaduerrentiæ, vel ob aliam similem causam non repræsentantur. Cæterum quia hujusmodi volitiones solum habentur raro, sicuti legimus de S. Theresia, quæ voto se obstrinxerat ad faciendum in omnibus, quæ Deo placentiora judicaret, ea de causa rarò habet voluntas in ordine ad amplexionem ejusmodi motivum universale.

74. Pariter qui vult se committere huic
navi,

navi, & non alteri, non solum habet promotivo aptitudinem navis ad navigandum, sed aliquam contractivam conditionem respicientem hanc navem, & non alias ex dictis num. 72. aliter non eligeret hanc præ aliis. Sic qui vult emere omnes naves accedentes ad portum præcisè, quia aptæ sunt ad navigandum, non potest ex vi hujus voluntatis emere istam, & relinquere illam æquè aptam ad navigandum ut per se patet: ergo &c. Contra tertio detegendo æquivocationem adversariorum: Licet voluntas possit pro libito suo attingere objectum materiale, vel propter motivum purè universale, vel addendo conditionem non universalem omnibus objectis materialibus, attamen non est libera ad attingendum propter motivum purè universale, & quod simul eadem ratio non participetur æquè ab omnibus objectis materialibus: si enim volo hanc medicinam præcisè, quia necessaria est ad salutem non possum ex vi hujus volitionis respicere aliam omnino necessariam ad salutem: ergo volitio unius objecti præcisè propter motivum, quod æquè reperitur in aliis, est virtualis volitio aliorum.

75. Hæc autem est ratio à priori, inquit Eximius Doctor, propter quam quilibet assensus fidei est virtualis assensus omnium, quæ à Deo dicuntur, quia ut eliciatur actus fidei, requiritur quod unicè credat propter testimonium Dei loquentis, quæ ratio formalis æquè reperitur in omnibus fidei objectis: si autem aliquis non moveretur ad credendum propter solum testimonium Divinum, sed ut corroboratum alio motivo, jam non esset actus fidei, ut docetur in tractatu *De fide*, & constat ex ipsa fidei definitione. In objectis autem formalibus aliarum virtutum non ita contingit ex necessitate, cum non præcipiat Deus attingentiam objecti materialis semper propter universalitatem sui objecti formalis: potest enim voluntas intra lineam ejusdem virtutis magis vel minus extensè laudabiliter operari absque difformitate cum natura rationali: Sic natura rationalis non solum approbat voluntatem dandi eleemosynam ut octo, sed etiam ut unum, ac proinde & potest virtus cum voluntate concurrere ad illum actum eliciendum, etsi tunc voluntas annectat conditionem non se extendentem ad omnia objecta materialia-

terialia: virtus quippe ex se indifferens est, ut se conjungat cum conditionibus sibi non oppositis, licet voluntas non adeo perfectè operetur cum illa virtute, ac operaretur si moveretur ex universalitate motivi. Ex quo intelliges diversitatem actuum ab eadem virtute provenientium indicatam n. 20.

§. III.

76. Affero secundò: actus poenitentiae in restrictione scholastica secundum D.Th. usurpationem considerata non procedit ex motivo omnium virtutum universalium, sed ex motivo justitiae illius, quae inter Deum, & creaturas intercedit; ac proinde non se extendit ad omnes virtutes universales voluntatis. Probatur primò: juxta restrictionem D.Thomae ille dicitur actus poenitentiae, qui est dolor de peccato commisso in quantum est offensa Dei, ut non solum intendat cessationem offensae, sed ulterius exigat illius compensationem ex parte offendentis; atqui elicere actum ex motivo compensandi offensam contra Deum, est illum elicere ex motivo illius justitiae, quae inter Deum & creaturas reperitur: ergo &c. Con-

sequentia tenet, & præmissæ desumptæ sunt ex ipsius D.Thom. doctrina . Major enim constat ex quæst. 85. art. 3. in corp. ubi D.Th. ait: *Pœnitentia non habet quod sit virtus specialis ex hoc solo, quod dolet de malo perpetrato (ad hoc enim sufficeret charitas, sed ex eo quod pœnitens dolet de peccato commisso in quantum est offensa Dei cum emendationis proposito. Emendatio autem offensæ contra aliquem commissæ, non fit per solam cessationem offensæ, sed exigitur quædam recompensatio, quæ habet locum in offensis in alterum commissis, sicut & retributio: nisi quod recompensatio est ex parte ejus, qui offendit (utpote cum satisfactione) retributio autem est ex parte ejus, in quem est offensa commissæ. Ex quo patet veritas Majoris.*

77. Probatur etiam Minor ex eodem D.Thom. qui loc.cit. ita prosequitur: *utrumque autem ad materiam justitiæ pertinet, quia utrumque est commutatio quædam, unde manifestum est quod pœnitentia secundū quod est virtus, est pars justitiæ.* Quibus in verbis cōtinetur Minor nostri syllogismi . Ubi notare maxime oportet S.Thom. non requirere, ad pœnitentiam dolorem utcumque, sed de peccato

to

to perpetrato; ac proinde qui sit detestatio, ex dictis num. 48. nec solum requirere motivum utcumque, sed universale, in quantum est *offensa Dei*, ac proinde quod afferat propositum non peccandi de cætero ex dictis num. 21. & latiùs à num 67. Ex quo patet non posse aliter explicari D. Thom. sensum verum, nisi ut à nobis expositus fuit num. 47. Quapropter in hoc unico D. Thom. testimonio, si bene expendatur, invenietur eadem doctrina à nobis tradita tota disputatione prima.

78. Confirmatur. Ab eodem objecto formali, à quo procedit actus volens jus alterius illæsum servare, procedit etiam actus volens in quantum fieri potest compensare jus alterius læsum: sic apud homines eadem justitiæ virtus, quæ movet ad non furandum, movet etiam ad restituendum compensando furtum commissum: ergo ad eandem virtutem justitiæ repertam inter creaturas, & Deum, ad quam spectat evitare læsionem divini juris, quæ fieri potest per offensam contra Deum, spectabit etiam compensare injuriam contra Deum commissam, prout compensari possit; ac proinde actus, qui movetur ex honestate talis compensationis, uni-

cè spectabit ad motivum talis justitiæ: ergo sumpto actu pœnitentiæ restrictè prout elicitò ex motivo talis satisfactionis non pertinebit ad omnes virtutes universales, sed ad solam expositam virtutem justitiæ.

79. Probatur secundò. Licèt actus omnium reliquarum virtutum supernaturalium sint in actu exercito satisfactorii coram Deo, non eliciuntur ex motivo satisfaciendi, sed ex motivo cujuscumque peculiaris virtutis: Sic actus charitatis non elicitur ex motivo satisfaciendi, sed ex motivo bonitatis divinæ: ad eum modum, quo si Petrus furatus fuisset quatuor julios, eosque restitueret non quidem ex motivo satisfaciendi juri alterius læso, sed ex timore supplicii, esset materialis restitutio, non verò actus justitiæ, ad justitiam autem spectat non quomodocumque alterius jus compensare, sed ex motivo aut honestate compensationis: ergo sumptâ pœnitentiâ in restrictione supra exposita, pro virtute satisfactoria ex honestate compensationis, actus elicitus ex tali motivo pertinebit ad justitiam; ac proinde in ordine ad similem actum, justitia ea, quæ datur inter Deum, & homines dicetur pœnitentia in
hac

hac restricta significatione sumpta :

80. Confirmatur primò, ex communi modo loquendi, quo dicitur penitentiam agere illum, qui ex motivo compensandi injuriam Deo factam internam vel externam penam libenter assumit; atqui iste modus loquendi unicè fundari potest in hac restricta significatione; secùs in significatione absoluta poenitentiae, ut constat à num. 67. ergo &c. Conf. secundò ex August. tom. 4. lib. *de vera & falsa poenitentia* cap. 8. dicente: *Poenitentia est quaedam dolentis vindicta semper puniens in se quod dolet commisisse*, ubi non extendit illam ad quemcumque dolorem, sed ad dolorem ex motivo offensae compensativae; sed talis est poenitentia specialis à nobis exposita: ergo &c. Conf. tertio ex cath. Trident. tit. de poenit. dicente: *Sed id etiam ex his rebus colligi potest, quas sibi tanquam finem proponit is, quem verè peccati poenitet. Primum autem hoc ei propositum est, ut peccatum aboleat, omnemque animae culpam, & maculam abstergat. Alterum est, ut pro sceleribus admissis Deo satisfaciat: quod quidem ad justitiam referri perspicuum est: nam etsi inter Deum & homines propria Justitiae ratio intercedere non potest, cum tam longo intervallo*

vallo inter se distent, aliquam tamen esse justitiã constat, hujusmodi est inter Patrem & filium, inter Deum & servos: ergo si pœnitentia virtus in hac restrictione sumatur non conveniet omnibus virtutibus universalibus voluntatis, sed erit illa justitiæ virtus, quæ inter Deum & creaturas reperitur. Vide n. 313.

81. Respondebis primò talem virtutem justitiæ inter creaturas & Deum se sola satis non esse ad constituendam virtutem pœnitentiæ: nam virtus pœnitentia est virtus strictè sumptâ: illa verò Justitia non est virtus strictè, sed latè accepta, cum non sit justitia strictè, sed latè sumpta. Contra tamen primò: quia ista responsio est merus verborum lusus: etenim si benè expendatur, iste modus respondendi est similis huic modo arguendi: Petrus est albus & est homo: sed non est albus per identitatem: ergo non est homo per identitatem. Quod sic ostendo. Non minus sunt separabiles conceptus pœnitentiæ strictæ, & conceptus strictæ justitiæ, quàm conceptus hominis, & conceptus albi: etenim ad rationem actus strictæ justitiæ requiritur æqualitas satisfactionis cum magnitudine offense, & insuper quod offensus sit
in-

injustus, si posita ea æqualitate exigat ulteriorem satisfactionem; ad conceptum verò actus strictæ poenitentiae requiritur, ut constat ex Tridentino citato, quod sit animi dolor, ac detestatio de peccato commisso cum proposito non peccandi de cetero: atqui sicut Petrus participat per identitatem conceptum formalem constitutivum hominis, & non conceptum formalem constitutivum albi; ita actus justitiæ latæ à nobis assignatus participat per identitatem cōceptum formalem constitutivum illius doloris, & non conceptum formalem constitutivum æqualitatis cum magnitudine offensæ, neque ita exigit deletionem peccati, ut Deus esset injustus, si eum actum in satisfactionem non admitteret, ut peccatum deleteret: ergo &c.

82. Contra secundò. Licet eadem virtus sit justitia, & poenitentia, in ordine ad constitutivum justitiæ potest, & debet dici lata, & in ordine ad constitutivum poenitentiae potest & debet dici stricta; Sicuti Petrus existens Romæ respectivè ad Neapolim potest, & debet dici longè distans; respectivè verò ad se ipsum non potest dici longè distans: ergo &c. Probatur Antecedens: Licet
sa-

satisfactio facta ab homine longè distet ab æqualitate in actu secundo cum magnitudine lethalis offensæ factæ contra Deum, & ab eo quod Deus ita obligetur, ut non possit quin sit injustus admittere illud opus ex aliis mille titulis sibi debitum, quin admittat illud in compensationem, quod ad Justitiam strictam requirebatur; attamen non ex eo longè distat à dolore detestativo peccati propter motivum universale, cum sit talis dolor per identitatem, quod requiritur ad constitutum adæquatum actus rigorosæ pœnitentiæ: ergo licet secundum conceptum justitiæ dicatur actus justitiæ latæ, & non strictæ; secundum conceptum pœnitentiæ non potest dici actus pœnitentiæ latæ, sed strictæ. Quidquid tamen de hoc sit.

83. Contra tertio: Actus à nobis assignatus non minus est actus pœnitentiæ, quam sit actus, ut constat ex numero superiori: sed non est actus latè, sed strictè sumptus: ergo non est actus pœnitentiæ latè, sed strictè acceptus. Contra quarto: quia hic non quaerimus constitutum rigorosæ justitiæ, sed constitutum rigorosæ pœnitentiæ. Certum enim est peccatum esse contra jus Dei, ac pro-

proinde esse injustitiam contra Deum : an autem sit lata vel stricta pertinet ad tractatum *De justitia*. Rursus certum est, quod si ille actus habeat quod exigit Tridentinum ad actum rigorosæ poenitentiae erit actus rigorosæ poenitentiae, licet non sit actus rigorosæ justitiae; sed talis actus sive habeat, sive non habeat quod requiritur ad rigorosam justitiam, de facto certò habet quod requirit Tridentinum ad actum rigorosæ poenitentiae: loquimur enim de actu supernaturali, qui verè sit dolor, ac detestatio de peccato commisso cum proposito non peccandi de cetero: ergo sive sit actus justitiae latae, sive strictae erit actus non quidem latae, sed strictae poenitentiae.

84. Respondebis secundo cum plurimis Recentioribus, virtutē poenitentiae in restrictione scholastica acceptae non elicere actum doloris detestativi de peccato commisso cum proposito non peccandi de cetero; sed actum, quo imperet alias virtutes, ut eliciant talem dolorem, ac proinde non appellari poenitentiam à suo actu elicitò, seu imperante, sed à suo actu imperato. Contra tamen primò: virtus poenitentiae in restrictione scholastica acce-

acceptæ habet motivum universale non minus quàm aliæ virtutes universales voluntatis, ut constat ex dictis à num. 64. & 76. ergo non minùs potest elicere talem dolorem, quàm aliæ virtutes. Quamvis hæc ratio sufficiens sit ad responsionem impugnandam; nihilominus propter utilitatem doctrinæ oportet illam magis explicare. Quapropter

85. Contra secundò, & explicatur præcedens ratio. Qui vult efficacitèr finem consequi apponit media, quæ judicat utilia ad finem obtinendum: adeoque si ad finem obediendi Deo est utilis actus charitatis, potest virtus obedientiæ ex motivo obedientiæ imperare actum charitatis, & tunc actus Charitatis proveniet ex motivo charitatis elicitivè à charitate, sed ex motivo obedientiæ proveniet imperativè ab obedientia. Etenim hoc modo non solum potest virtus superior imperare inferiorem, sed etiam inferior superiorem. Sic amor erga proximum potest imperare actum charitatis aut religionis, ut si quis ob bonum aliquod proximi votum emittat, aut aliud opus hujusmodi præstet. Qua de causa cum ad hanc præbendam Deo

com-

compensationem pro peccato commisso conducant actus charitatis & aliarum virtutum, virtus poenitentiae ex hoc motivo quàm optimè potest imperare actus charitatis, & aliarum virtutum, usquedum facta compensatione, vel per sacramentum poenitentiae in re, vel per charitatem, aut contritionem perfectam, quibus promissa est deletio peccati quoad culpam, & reatum poenae aeternae, desit materia compensanda quoad culpam, & poenam aeternam.

86. Rursus cum remissa culpa & poena aeterna maneat reatus quoad poenam temporalem in hac vel in alia vita solvendam, potest poenitentia imperare poenas internas & externas ad poenas istas solvendas & compensandas; tum etiam potest imperare actus aliarum virtutum, cum omnes sint satisfactorii, ac proinde actus imperati possunt esse actus poenitentiae theologicè sumptæ. Hoc autem non impedit, ne ipse actus imperans sit etiam actus poenitentiae theologicè sumptæ, utpote procedens ex motivo universali offensæ Dei, sicque evadat impossibilis cum voluntate peccandi ex dictis num. 77. unde non dicitur actus poenitentiae specialis,

ex

ex eo quod ipsi deficiat constitutivum actus pœnitentiæ universalis, sed quia contrahitur ad motivum formale compensationis pertinens ad pœnitentiam specialem in restricta significatione acceptam.

87. Si verò ille actus non procederet ex motivo compensandi hanc pœnam particularem, ita ut neque ex parte actus imperantis, neque ex parte actus imperati daretur dolor detestativus peccatorum cum proposito non peccandi de cætero, tunc neque pœnitentia elicitæ, neque imperata esset theologica, de qua loquimur, sed vel philosophica, vel grammaticalis, de qua n.2. Cæterùm hoc non obstat ne pœnitentia, de qua loquimur possit elicere actum imperantem, qui sit verus dolor detestativus peccatorum cum proposito non peccandi de cætero, ut constat ex num. 84. ergo facultas ad imperandum non est impossibilis cum potentia ad eliciendum actum pœnitentiæ theologice sumptum, & qui ex motivo proprio compensationis ad specialem pœnitentiæ virtutem pertineat.

88. Respondebis tertio cum aliis Recentioribus ex doctrina P. Esparzæ, virtutem pœnitent-

nitentiæ ut à nobis expositam non posse dici specialem, quia virtus poenitentiæ specialis distinguere debet ab alijs virtutibus, quæ poenitentiæ sunt per conceptum proprium poenitentiæ; aliter non esset specialis in ratione poenitentiæ; sed reliquis poenitentiæ virtutibus communis: motivum autem Justitiæ non est proprium poenitentiæ, cum reperiatur in actu, quo justum alteri reddimus absque detestatione peccati: Sic Petrus in ratione animalis non distinguitur à Leone, quia ratione animalis nullum prædicatum continet, quod non contineat Leo. Quapropter poenitentiæ specialis erit virtus elicitiva doloris de peccato Theologico propter specialem honestatem doloris sanativi, & emendativi ejusdem peccati, sive ut ait Esparza, habitus purè deletivus peccatorum, quatenus sunt offensæ Dei. Multa displicent in hac responsione. Quapropter.

89. Contra primò: Ut virtus poenitentiæ restrictè sumpta distinguatur ab alijs poenitentiæ virtutibus in ratione poenitentiæ, non debet distinguere per conceptum constitutivum poenitentiæ absolutè sumptæ, sed per conceptum constitutivum poenitentiæ in restrictione.

De Pœnit. Pars I.

G

ne

ne exposita acceptæ, ut ex ipsis terminis notum est, & constat ex dictis num. 65. atqui ut distinguatur per hunc conceptum ab aliis pœnitentiæ virtutibus, satis est, quod dolor & detestatio de peccato commisso cum proposito non peccandi de cætero habeatur ex motivo satisfaciendi & compensandi peccatum perpetratum contra Deum, sive in quantum est offensa Dei, quod habetur ex motivo Justitiæ, ut constat à num. 76.: ergo &c.

Contra secundò: Constitutivum & distinctivum rei sunt realiter idem: atqui ut virtus pœnitentiæ restrictè sumpta habeat suum adæquatum constitutivum non debet addere supra rationem pœnitentiæ communem aliis pœnitentiæ virtutibus, nisi rationem specialem, quâ contrahatur ad speciem pœnitentiæ restrictè acceptæ, sive quod idem est tendentiam ex motivo compensationis, quod nulli ex aliis virtutibus convenit: ergo &c. Sic animal si non sumatur in significatione philosophica pro solo principio sensationis, sed in vulgari, quâ idem significare solet ac brutum, manifestum est non solum constitui in esse animalis ita sumpti per principium sensationis, sed etiam per principiū irrationabilita-

litatis : nec in rebus adeo notis oportet ulterius immorari.

90. Contra tertio : Omnes habitus per se infusi comitantur in præfenti Providentia gratiam habitualement, non folùm quando cõfertur adultis, fed etiam quando infunditur parvulis, ut conftat ex num. 62. fed habitus ad eliciendum dolorem dumtaxat delentem peccatum non infunditur parvulis : ergo talis habitus in præfenti Providentia non infunditur cum gratia ; ac proinde non datur talis habitus per fe infufus. Probatur Min: In præfenti Providentia nullus infunditur habitus ad delenda fola venialia ; aliter tot deberent admitti, quot funt fpecies peccatorũ venialium, imò & tot quot funt fpecies imperfectionum moralium, quod nullus hucusque Theologus dixit, neque adverfarii concedent, fed ille habitus infufus parvulis ad fumum defervire poffet ad delenda venialia : ergo &c. Probatur Min: quando parvulus accederet ad ufum rationis non poffet elicere actum, quo deleret mortale, antequàm mortale committeret ; deindè quando committeret mortale, amitteret illum habitum, utpote fine gratia non remanentem :

tem: ergo ille habitus non posset elicere actum delentem mortale, sed ad summū veniale. Videatur Eximius Doct. *in comment.* art.2. supra quæst.85. num.1. ex quo.

91. Contra quartò: Nulla est virtus per se infusa, cujus non solūm adæquatum, verūm nec primarium munus sit fugere malum operativè ad destructionem ejus: sed talis esset virtus ab adversariis assignata: ergo &c. Ma: est Eximii Doctoris: & Probat. Virtus per se infusa ita est radicata in gratia, ut nunquam reperiatur gratia, quin reperiatur virtus per se infusa; ac proinde in quocumque statu reperiatur gratia in homine expedito ad operandum, poterit exercere suum munus primarium virtus per se infusa: sed gratia potest reperiri in subiecto apto ad operandum, quin subiectum illud commiserit peccatum ullum nec mortale, nec veniale, ut patet in Deipara, quæ habuit gratiam ejusdem rationis cum nostra, & in parvulis, quando post Baptismum perveniūt ad usum rationis: tunc enim quando primò expediti sunt ad peccandum, vel non peccandum, nullum adhuc habent peccatum, & tamen possunt exercere primarium munus virtutis, ample-

plectendo ex motivo virtutis bonum, accedendo ad Deum, augendo gratiam, merendo gloriam: ergo &c. Confirmatur primò: Virtus non prærequirit, quod habens illam habuerit suum contrarium, aliter assignari deberet una virtus castitatis ad fugiendum malum, altera ad amplectendum bonum, & sic de aliis: ergo neque prærequirit suum contrarium ad exercendum suum munus primarium; ac proinde potest illud primarium munus exercere amplectendo bonum, quin peccatum præextiterit, licet postquam præextiterit possit ex eodem motivo peccatum illud detestari. Confirmatur secundò ex D. Thoma 2. 2. quæst. 79. docente esse duo inseparabilia virtutis officia declinare à malo, & facere bonum: ergo &c. Ex dictis.

§. IV.

92. Fit primò: virtutem poenitentiae theologicè sumptam nō esse unam virtutē specialem: Ratio est, quia sunt plures species virtutū, quarum quælibet est poenitentia theologicè sumpta, ut constat à num. 67. Ex quibus virtutibus aliæ sunt theologicæ, ut Spes, & Charitas, aliæ verò morales, ut Obedientia, Justitia, Gratitude, &c. ut constat ex nu-

mero 59. Vide à num. 95. Fit secundò: actum pœnitentiæ non solùm posse elici à peccatore , sed etiam à iusto ; Ratio est , quia non solùm peccator , sed etiam iustus potest dolere de peccatis commissis eliciendo actum contritionis , & attritionis , & recipiendo licitè , & validè sacramentum Pœnitentiæ , sed ad hoc requiritur verus actus pœnitentiæ: ergo , &c. Fit tertiò: virtutem specialem pœnitentiæ non dici specialem , quia non habeat motivum universale , sed quia habet motivum universale in linea iustitiæ , ex qua fit compensatio ex motivo satisfaciendi, quod in communi loquendi modo venit nomine pœnitentiæ , ut constat ex numéro 80. quo in sensu loquuntur Augustinus ibi citatus, & expressè S. Thomas num. 77. ex quibus sumimus restrictionis sensum : non enim est liberum unicuique illum confingere , sed ut à maioribus constitutum debemus vocis sensum exponere , & controversias instituere . Exinde

93. Fit quartò : Quodcumque lethale opponi motivo virtutis pœnitentiæ specialis, non minùs quàm motivo virtutis pœnitentiæ non specialis. Hæc autem oppositio alia est
ma-

materialis, quæ virtualiter opponitur cum motivo virtutis ex dictis à num. 63. alia formalis, quæ formaliter opponitur tali motivo, ut odium Dei cum charitate, desperatio cum spe, & infidelitas cum fide. In præfenti autem Providentia fides solùm amittitur per infidelitatem, per quam etiam amittitur spes, utpotè in fide fundata: fides enim vocatur in Scriptura: *Sperandarum substantia rerum*; amittitur etiam spes per desperationem, non autem per quodcumque lethale; benè verò reliqui habitus per se infusi, unde ea oppositio virtualis orta ex quocumque lethali non sufficit ad amittendos habitus fidei, & spei; benè verò ad amittendos aliarum virtutum habitus. Videatur Ripalda disp. 128. *de supernaturalitate*, & disput. 28. *de spe*.

94. Fit quintò: Actum poenitentiae elicitedum à peccatore non dici actum virtutis, ex eo quod runc effectivè procedat à virtute: actus enim disponens ad gratiam, ut in tractatu *de justificat.* docent communiter nostri contra Thomistas, non potest effectivè procedere à gratia, ad quam ultimò disponit: sed dicitur actus virtutis poenitentiae, quia

procedit ex motivo pœnitentiæ, quatenus propter motivum universale dolorosè detestatur peccatum: Deus autem quando deficit habitus per se infusus in peccatore supplet defectum habitus, vel per auxilia divinæ gratiæ, vel simul cum Omnipotentia extrinsecè applicata, ut possit elicere virtutum actus, & se disponere ad justificationem, vel eliciendo attritionem, quâ acquirat gratiam simul cum sacramento. Acquisitâ autem gratiâ acquirit etiam habitus virtutum, tanquam potentias stabiles supernas, ut connaturaliùs possit illos actus elicere, vel amplectendo bonum, vel simul detestando malum priùs commissum. Quapropter si actus respiciat unum solum objectum formale, proveniet ab una sola virtute; si verò attingat plura objecta formalia, concurrent etiam ad illum eliciendum plures virtutes: Sic potest quis jejunare ex motivo obedientiæ, quia est dies præceptus, & ex motivo Temperantiæ, nimirum propter honestatem, quæ in actione illa relucet. Sic etiam suo modo secundum diversas rationes, quæ reperiuntur in actu peccaminoso discurrendum est quoad oppositionem formalem, vel contra unam, vel

vel contra plures virtutes: Si enim formaliter sit iniustitia, & desperatio opponetur formaliter simul cum iustitia, & spe, & sic de aliis juxta dicta num. superiori.

95. Fit sextò: Virtutem specialem poenitentiae non esse theologicam, sed moralem. Ratio est, quia sicut fides est virtus intellectus, cum deserviat ad eliciendum assensum, quo revelatis credimus, & assensus non sit actus voluntatis, sed intellectus; ita poenitentia est virtus voluntatis, cum deserviat ad eliciendum actum, quo nolumus malum, aut quo volumus bonum juxta dicta à nu. 12. & actus, quo volumus, aut nolumus non sit actus intellectus, sed voluntatis. Exinde cum virtutes theologicae per se infusae pertinentes ad voluntatem sint duae dumtaxat, Spes nimirum & Charitas; & poenitentia specialis neque sit spes, neque charitas, sed iustitia ex dictis à num. 76. ea de causa specialis poenitentia virtus non est theologica, sed moralis. Cæterum quamvis tota ista doctrina adeo clara sit ex supra dictis, oportet præ oculis habere discrimen ex parte objecti formalis inter virtutes morales & theologicas, aliter facile posset implicari quamplurimis argu-
men-

procedit ex motivo pœnitentiæ, quatenus propter motivum universale dolorosè detestatur peccatum: Deus autem quando deficit habitus per se infusus in peccatore supplet defectum habitus, vel per auxilia divinæ gratiæ, vel simul cum Omnipotentia extrinsecè applicata, ut possit elicere virtutum actus, & se disponere ad justificationem, vel eliciendo attritionem, quâ acquirat gratiam simul cum sacramento. Acquisitâ autem gratiâ acquirit etiam habitus virtutum, tanquam potentias stabiles supernas, ut connaturaliùs possit illos actus elicere, vel amplectendo bonum, vel simul detestando malum priùs commissum. Quapropter si actus respiciat unum solum objectum formale, proveniet ab una sola virtute; si verò attingat plura objecta formalia, concurrent etiam ad illum eliciendum plures virtutes: Sic potest quis jejunare ex motivo obedientiæ, quia est dies præceptus, & ex motivo Temperantiæ, nimirum propter honestatem, quæ in actione illa relucet. Sic etiam suo modo secundum diversas rationes, quæ reperiuntur in actu peccaminoso discurrendum est quoad oppositionem formalem, vel contra unam, vel

vel contra plures virtutes: Si enim formaliter sit iniustitia, & desperatio opponetur formaliter simul cum iustitia, & spe, & sic de aliis juxta dicta num. superiori.

95. Fit sextò: Virtutem specialem poenitentiae non esse theologicam, sed moralem. Ratio est, quia sicut fides est virtus intellectus, cum deserviat ad eliciendum assensum, quo revelatis credimus, & assensus non sit actus voluntatis, sed intellectus; ita poenitentia est virtus voluntatis, cum deserviat ad eliciendum actum, quo nolumus malum, aut quo volumus bonum juxta dicta à nu. 12. & actus, quo volumus, aut nolumus non sit actus intellectus, sed voluntatis. Exinde cum virtutes theologicae per se infusae pertinentes ad voluntatem sint duae dumtaxat, Spes nimirum & Charitas; & poenitentia specialis neque sit spes, neque charitas, sed iustitia ex dictis à num. 76. ea de causa specialis poenitentia virtus non est theologica, sed moralis. Cæterum quamvis tota ista doctrina adeo clara sit ex supra dictis, oportet præ oculis habere discrimen ex parte objecti formalis inter virtutes morales & theologicas, aliter facile posset implicari quamplurimis argu-
men-

mentis, ut sectione sequenri constabit. Discrimen verò consistit in eo quod virtus moralis habet objectum suum formale ultimum purè creatum; virtus verò theologica habet pro objecto suo formali ultimato aliquid divinum.

96. Quapropter cùm objectum formale ultimum sit illud, quod est ultimum actus resolutivum, exinde ultimum resolutivum actus theologicici debet includere aliquid divinum. Sic quando ægrotus non vult sumere potionem nisi utilem ad salutem, cùm sibi propinatur in hunc finem aqua frigida ei valde grata, potest velle aquam propter suam bonitatem, tanquam propter objectum non ultimum, & sanitatem tanquam objectum formale ultimum. Tūc enim si interrogetur ægrotus, cur vis sumere aquam frigidam, & non aliam potionem tibi magis gratam? rectè respondebit, quia hæc, & non illa est utilis ad salutem, adeoque salus erit ultimum resolutivum, & objectum formale ultimum illius volitionis. Pariter in virtutibus theologicis. Si fidelis interrogetur, cur credis hoc adeo difficile, & non illud? rectè respondebit: quia Deus infinitè verax, & sapiens dicit

dicit hoc ita esse, & non dicit illud ita esse. Sic quando interrogatur ille, qui amat Deum super omnia: cur amas hoc & non illud delectabilius? rectè respondebit, quia hoc est conforme bonitati divinæ, & non illud. Eodem modo qui theologicè sperat. Si interrogetur, cur desideras beatitudinem cum fiducia illam obtinendi, & non habes fiduciam obtinendi alia minora bona? rectè respondebit, quia omnipotentia divina auxiliatur mihi, ut obtineam si velim beatitudinem, non ita ut obtineam etsi velim illa minora bona:

97. In virtutibus autem moralibus ultimum resolutivum est Bonitas purè creata. Sic religio respicit honestatem, quæ est in cultu & reverentia facta Deo. Obedientiæ honestatem, quæ est in prædicatis rei præceptæ conformem præcepto. Justitiæ honestatem, quæ est in re, quæ alteri offertur, ne lædatur jus illius, vel ut compensetur, si læsum fuerit, & sic de reliquis: vel quoad fugam, vel quoad prosecutionem. Unde licet ex parte intellectus prærequiratur aliquando propositio prædicati divini, ut voluntas sit expedita ad eliciendum actum virtutis moralis propter bonitatem creatam; resolutivum
at-

tamē illius actus intra lineam virtutis moralis nunquam extenditur ad prædicatum Divinū. Sic quando Deus præcipit Jejunium, aut prohibet comeſtionem carnis die Veneris, præcedit ex parte intellectus expressio Divinæ voluntatis, sive præcipientis, sive prohibentis; homo verò per actum virtutis moralis non amat illud prædicatum divinum propter suam bonitatem, sed amat jejunium propter suam honestatem, per quam præceptum adimplet: non enim adimplet homo præceptum ponendo præceptum, sed ponendo rem præceptam, vel omittendo prohibitam, ac proinde illa prædicata, prout adimpletiva præcepti dicuntur honestas purè creata, & objectum ultimum virtutis moralis.

98. Sic ut intellectus eliciat actum fidei præcedunt variæ cognitiones & signa credibilitatis, ex quibus cognoscimus dari revelationem circa hoc mysterium: attamen mysterium non credimus propter illa motiva, sed propter divinam revelationem. Ad eum modum, quo cum aliquis legit librum, quin sciat quis sit ejus author, si ab homine veridico certò assequatur Augustinum esse ejus libri authorem, legit, quæ ibi dicuntur, eisque

que assensum præstat, nō quidem ob testimonium illius hominis, sed purè ob authoritatē Augustini. Unde aliud est illuminatio ad credendum, & aliud motivum credendi. Pariter in nostro casu, aliud est illuminatio, & illuminationis motivum ad cognoscendum ista prædicata esse adimpletiva præcepti, & aliud est constitutivum præcepti, prædicata adimpletiva præcepti sunt honestas moralis objectiva purè creata, sive objectum formale ultimum virtutis moralis, cognitio verò præcepti, quæ præceptum supponit est illuminatio ad actum illum eliciendum. Quapropter illa adimpletio divinæ voluntatis non respicit divinam voluntatem tanquam objectum formale, sed tanquam obliquum sui objecti formalis: sic quando Petrus debet Paulo inimico suo centum pro equo, potest velle dare illi centum propter honestatem compensativam juris Pauli, quin Paulum amet, sed solùm habeat illum pro obliquo sui objecti formalis, ex qua doctrina facile dissolvemus plura, quæ fieri solent argumenta satis implicata, quæ juxta varietatem sententiarum suo ordine proponemus. Pro quibus sit.

SE-

S E C T I O II.

Solvuntur opposita.

§. I.

99. **O**BJICIES primò contra primam assertionem ex Lodulpho, Raymundo, & Sylvestro. Actus pœnitentiæ est verè detestativus omnium peccatorum, prout ad Justificationem, vel extra, vel intra Sacramentum oportet: sed non potest ita esse verè detestativus, nisi procedat ex motivo omnium virtutum: ergo pœnitentia theologicè sumpta non reperitur in aliquâ peculiari etsi universali virtute, sed in aggregato omnium virtutum. Ma: & Conseq. tenent. Mi: verò probatur. Inter peccata mortalia alia sunt majora, & alia minora, ut constat ex illo Christi ad Pilatum Jo:9. *Qui me tradidit tibi majus peccatum habet*: atqui majora & minora peccata non possunt verè detestari ex motivo unius solius virtutis, sed ex motivo omnium virtutum: ergo &c. Probatur Mi: Peccator debet magis detestari peccatum majus, quàm

iam peccatum minus: atqui per detestationem factam ex uno solo motivo non ita detestaretur peccata: ergo &c. Probatur Minor illam detestationem detestaretur peccata prout comprehensa sub ratione generali offensæ Dei, aut aliâ simili: sed quando homo detestatur peccata prout sub ratione generali comprehensa non detestatur unum magis, quàm aliud, sed omnia æquè detestatur: ergo &c.

100. Resp. concedo Ma: & nego Mi: Ad prob. conc. ant. & nego Mi: ad prob. dist. Ma: debet magis detestari peccatum majus, si *ly magis* significet impossibilitatem voluntatis ex vi detestationis non solum ad amplectendum minus, sed etiam impossibilitatem ad amplectendum majus concedo; Si *ly magis* significet comparisonem inter minus & majus nego Ma: & distin: Mi: nego conf. Ad prob. concedo Ma: & distincta Mi: nego consequentiam. Ratio est, quia si voluntas detestatur peccata prout sunt offensæ Dei, non solum manet impossibilis cum voluntate committendi peccatum minus, sed etiam cum voluntate committendi peccatum majus: cum ratio illa detestandi non solum

valeat ad fugiendum minus, sed etiam ad fugiendum majus, ut per se constat, & patet ex dictis à num.67. Ista autem, & non alia est majoritas, quæ ex Florentino & Tridentino citatis ad verum actum pœnitentiæ requiritur in detestatione.

101. Compatatio verò inter peccatum majus & minus, aut affectus voluntatis, quo ostendat non tantum fugere ab uno, quam ab alio nullatenus requiritur, imò & fortasse non posset talis actus absque magno periculo elici. Unde si hoc intenderent authores hujus Sententiæ, rem homini impossibilem ad justificationem requirerent, cum vix Theologi post longas disputationes sciant, quale sit majus, quale minus peccatum: neque homo timens mortis periculum posset in instanti contritionem elicere, cum prius deberet cogitare quot, & quanta essent sua peccata, quænam graviora, & quænam minora, ut in excessum illum comparativum prorumperet: nec peccata oblita comprehenderentur in illa generali detestatione contra firma theologiæ principia supra exposita, contra Ecclesiæ praxim, & contra Trident. sess. 14. cap. 5. dicens: *Reliqua autem peccata, quæ diligenter cogi-*

cogitanti non occurrunt in universum eâdem confessione inclusa esse intelliguntur . Quapropter si contrariæ sententiæ sensus esset , quod absque comparativa peccatorum detestatione non valet elici verus pœnitentiæ actus , nulla mihi in ea vel probabilitatis umbra appareret .

102. Objicies secundò ex Cano, Ricardo, & aliis: Licet possit elici actus veræ pœnitentiæ sive contritionis, sive attritionis per unam detestationem ex motivo universali; attamen quâdo adest opportunitas cogitandi singula peccata in particulari non potest dari actus verus pœnitentiæ per unam detestationem, sed debent esse tot detestationes, quot sunt peccata commissâ: ergo &c. Probatur antecedens: quot sunt peccata, tot sunt aversiones à Deo, & conversiones expressæ ad creaturas: ergo quando adest tempus, & opportunitas, ut sufficienter retractentur, debent esse è contrario totidem expressæ conversiones ad Deum, & aversiones à creaturis: Confirmatur primò ex Psal. 76. ubi dicitur. *Cogitavi dies antiquos; & meditatus sum nocte cum corde meo, & exercitabar, & scopebam spiritum meum, idest, ut legit Augustinus scruta-*

tabar spiritum meum . Tum etiam Ezech. 18. *Si impius egerit pœnitentiam ab omnibus peccatis suis , & fecerit iudicium , vitâ vivet , & non morietur : Sed in istis testimoniis scrutari , & iudicium facere est facere examen , & inquisitionem peccatorum ad eliciendas singulas eorum detestations : ergo &c.* Confirmatur secundò . Peccator cum convertitur exercet munus Judicis contra se : ergo necesse est , ut omnia peccata examinet ad eliciendum verum actum conversionis .

103. Respondeo nego antecedens . Ad probationem concedo antecedens , & nego consequentiam : quia sicut peccator, qui per plures annos averſus fuit à Deo , & conversus ad creaturas potest apud adversarios in uno, & indivisibili instanti averti à creaturis & converti ad Deum ; ita licet per plures actus averſus fuerit à Deo , & conversus ad creaturas ; potest per eundem , & indivisibilem actum averti à creaturis & converti ad Deum , uti fit per contritionem perfectam extra Sacramentum , & per perfectam , vel imperfectam simul cum Sacramento , quod in ipso sacramento evidenter apparet : licet enim peccator per quamcumque averſionem à
Deo

Deo demeritus fuerit gratiam sacramenti, non eget tot sacramentis quot fuerunt averfiones, ut istæ omnes remittantur, eo quod sacramentum habeat virtutem omnium remissivam. Sic etiam actus poenitentiae cum habeat virtutem ad retractandas omnes averfiones factas contra Deum, si eliciatur ex motivo generali, satis erit talis actus ad veram retractationem peccatoris, quin opus sit ea multiplicitate retractationum.

104. Ad primam confirmationem concedo Ma: & nego Mi: quia ex illis testimoniis nullatenus probatur necessitas cogitandi numerum peccatorum ad ea detestanda. Si autem David, aut alii ea divisim cogitarunt utiliter sanè fecerunt, cum ea consideratio deserviat ad intensius dolendum; nec aliud significant ista, & similia Scripturae & Patrum testimonia, quæ expendit Vasquez quæst. 86. art. 2. dub. 7. Etenim quando aliud significant, non loquuntur de detestatione, sed de confessione sacramentali à Christo Domino præcepta, in qua debemus omnia, & singula peccata seorsim exponere: quo in sensu loquuntur Chrysostomus & Augustinus multis in locis. Modò autem de his non controver-

H .2

timus,

timus , sed de detestatione ; cum autem ad veram detestationem actus pœnitentiæ constitutivā non requiratur major actus intensio, sed præcisè quod sit dolor detestativus peccatorum commissorum cum proposito non peccandi de cætero , ut habent Florentinum & Tridentinum, idque totum reperiatur in actu detestante propter generale motivum omnia peccata , ut constat à num. 67. exinde non requiruntur tot detestationes , quot fuerunt peccata commissa , sed sufficit una generalis detestatio . Ad secundam confirmationem nego antecedens: peccator enim dum conteritur , non agit contra se munus Iudicis, sed rei dolentis , & sua peccata detestantis: munus enim Iudicis intra Sacramentum pertinet ad sacerdotem , & ad Deum solum extra sacramentum .

105. Objicies tertiò ex Cajetano, & aliis. Licèt non requirantur, neque necessitate medi , neque præcepti non solùm in lege scripta , verùm neque in lege Evangelica semper , & in omni casu tot detestationes , quot fuerunt peccata commissa ad eliciendum verum actum pœnitentiæ ; attamen id requiri videtur ex præcepto ad verum actum pœnitent-

tentiæ , quando peccator sacramentaliter confitetur : ergo non sufficit in omni casu dolor detestativus ex motivo universalis ad verum actum poenitentiae . Probatur antecedens : licet non extet præceptum, ut peccator cogitet singillatim omnia peccata commissa, ut conteratur ; extat tamen præceptum, ut ea cogitet , quando vult sacramentaliter confiteri : ergo licet non extet præceptum exigens tot detestationes extra confessionem sacramentalem , negandum non est requiri eas ex præcepto ad verum actum poenitentiae in confessione sacramentali . Confirmatur . Quando peccator memor diversorum mortalium confitetur sua peccata , si unum detestetur propter universale motivum , v.g. propter Deum summè dilectum , non eliciet verum actum poenitentiae requisitum ad sacramentum : ergo &c. Probatur antecedens : si quis in praesentia duorum honestorum virorum unum tantum honoret, videtur eo ipso alterum contemnere : ergo pariter in nostro casu .

106. Resp. nego antecedens : ad probat. concedo antecedens , & nego conseq. Ratio est, quia ea cogitatio, & expressio singulorum

peccatorum requiritur ex singulari præcepto juxta Christi institutionem: etenim Christus Dominus instituit Sacramentum Pœnitentiæ per modum judicii, & sacerdotes illud administrantes reliquit ut Judices: Judices autem incognitâ causâ judicare non possunt, neque in pœnis injungendis servare æquitatem. Ex his Conc. Trid. sess. 14. cap. 5. ait: *Colligitur oportere à pœnitentibus omnia peccata mortalia, quorum post diligentem sui discussionem conscientiam habent, in confessione recenseri: Præceptum autem circa unam materiã perperam extenditur ad aliam, præsertim quando circa aliam omnino contraria ratio militat, ut patet in nostro casu, in quo detestatio non solum debet extendi ad peccata confessa, sed ad commissa, etsi inculpabiliter oblita, cum verè sint peccata commissa, in quem finem magis conducit unica detestatio ex motivo universali, quàm mille detestationes circa mille peccata, quæ memoriæ occurrunt, ut per se est evidens. Unde irrectè adversarii exigunt tot detestationes necessarias.*

107. Ad confirmationem respondet primò Eximius Doctor disput. 4. sect. 6. negando suppositum, nimirum posse hominem
in

in eo casu detestari propter motivum universale unum peccatum , non detestato alio . Cæterum ut quæstioni de voce aditus præcludamus: si adversarii loquantur de detestatione , quæ talis sit formaliter respectu unius peccati. Respondeo nego antecedens. Ad probationem distinguo antecedens : si honorem unum propter motivum æquè conveniens alteri , est alterum contemnere, nego , propter motivum non conveniens alteri, transeat antecedens , & nego consequen. Ratio est, quia quando sunt duo fratres , si aliquis laudaret unum propter sanguinis nobilitatem ex paterna origine habitam , cùm motivum hujus honorationis æquè conveniret alteri fratri, exinde planè fit honorationem unius non esse tunc inhonorationem alterius . Pariter in nostro casu , cùm detestatio unius peccati propter motivum universale sit ratio eodem modo aliis conveniens ad illa detestanda ; exinde detestatio unius peccati propter illud motivum universale non est approbatio , sed virtualis aliorum detestatio , ut per se patet , & constat ex dictis à num.67.

108. Objicies quartò ex Medina: detestari propter motivum universale non est suffi-

H 4

ciens

ciens ad virtuales detestationem aliorum : ergo neque ad actum veræ pœnitentiæ . Probat^{ur} antecedens : velle operari unum , quia est consentaneum rationi , non est virtualiter velle operari quidquid est rationi consentaneum : ergo neque detestari unum propter motivum universale erit virtualiter detestari aliud . Confirmatur . Possum velle aliquid facere , ut Petro inferam injuriam , quin exinde cogar velle omnem injuriam facere Petro : sic Pater potest legare Francisco centum , quia ejus filius est , quin exinde cogatur cuilibet filio legare centum : Sic video Joannem , quia est mihi præsens , quin exinde videam omnes mihi præsentes : ergo possum etiam detestari unum peccatum , quia offensa Dei est , quin exinde detester omnes Dei offensas .

109. Resp. nego antecedens . Ad prob. nego etiam antecedens : quia licet velle aliquod particulare bonum , ut inclusum in motivo universali consentaneo rationis , si illud non volo propter motivum universale , sed propter suam peculiarem bonitatem , non sit virtualiter velle quidquid consentaneum est rationi ; attamen velle illud præcisè ob genera-

nera-

nerale motivum est virtualiter velle alia in illo motivo inclusa, ut satis constat ex dictis à num. 72. Hinc ad conf. dist. primam partem antecedentis: si motivum faciendi sit generalis ratio injuriæ, nego, si sit ratio talis injuriæ, concedo. Deinde dist. eodem modo secundam partem antecedentis: Si Pater velit legare Francisco centum, quia præcisè filius ejus est, non tenetur legare centum alteri filio, nego; si quia talis filius est, concedo. Tandem tertia pars de præsentia, ut inquit Eximius Doctor, non venit ad rem: quia illa præsentia Petri necessaria ut videatur est peculiaris Petri, & non est communis omnibus visibilibus, unde consequentia nulla est, quia nos non asserimus motivum particulare inclusum in uniuersali sufficere ad volendum virtualiter reliqua in uniuersali contenta, sed ipsam rationem uniuersalem propter se ipsam attractam, ut satis constat ex dictis à numero 72.

§. II.

110. Objicies quintò contra secundam conclusionem ex Scoto & aliis. Virtus specia-

cialis pœnitentiæ est illa , quâ peccator sumit vindictam contra se propter peccata commissa : ergo virtus specialis pœnitentiæ non consistit in Justitia respiciente compensationem , quæ est species distincta Justitiæ commutativæ , sed in Justitia vindicativa . Resp. dist. antecedens : quâ sumit vindictam contra se liberè , & meritoriè concedo : coactè aut necessariò , nego antecedens , & conseq. Ratio est , quia sumere ita liberè vindictam , siue potius non solùm liberè facere , sed pati non est de constitutivo Justitiæ vindicativæ , quæ solùm exigit libertatem ad decernendum in Judice , non in reo . Hæc autem est de constitutivo Justitiæ meritoriè compensativæ , qualis est pœnitentia specialis in restrictione Scholastica juxta mentem D. Thom. acceptam . Quæ omnia constant ex ipso D. Thom. quæst. 85. art. 3. dicente : *Ad tertium dicendum , quod sicut est commutatio quedam in beneficiis , (cùm scilicèt aliquis pro beneficio recepto gratiam rependit) ita etiam est commutatio in offensis , cùm aliquis pro offensa in alterum commissa , vel invitatus punitur , quod pertinet ad vindicativam Justitiam , vel voluntariè recompensat emendam , quod pertinet ad pœnitent-*

tentiam, quæ respicit personam peccatoris, sicut justitia vindicativa personam judicis. Unde manifestum est, quod utraque sub justitia commutativa continentur.

III. Objicies sextò ex Esparza, & aliis Recent. Quotiescumque datur diversum objectum formale, datur diversa virtus per se infusa ad actum ex illo objecto formali elicendum: atqui datur diversum objectum formale exclusivè præ aliis, pertinens ad poenitentiam specialem, distinctum ab honestate compensationis: ergo poenitentia specialis stat in tali virtute, & non in virtute respiciente compensationem. Maior supponitur certa apud Theologos. Min: verò Probatur: honestas doloris sanativi, & emendativi peccati theologici, est objectum formale distinctum ab honestate compensationis unicè pertinens ad lineam poenitentiae: ergo &c. Confirmatur. Vel nulla alia virtus habet hoc objectum formale, vel aliqua alia simul habet: atqui utrolibet modo loqui placeat motivum formale assignatum convenit huic soli virtuti poenitentiae exclusivè præ aliis: ergo &c. Probatur Mi: si nulla alia virtus habet motivum formale assignatum: ergo hæc sola illud ha-

habet, si aliqua alia dicitur illud habere, illa non est alia, sed hæc ipsa in sensu præsentis controversiæ: ergo &c.

112. Resp. distin. Ma: Quotiescumque datur diversum objectum formale comitans gratiam Sanctificantem in primario suo exercitio concedo: non ita comitans, nego Ma: & distinctâ Mi: nego consequentiam. Ad prob. distinguo antecedens: est objectum formale comitans in primario suo munere, & exercitio gratiam Sanctificantem, nego, non ita comitans, concedo antecedens, & nego consequ. Ratio est, quia omnes virtutes per se infusæ sunt comites gratiæ, ac proinde in quocumque statu ille, qui habet gratiam expeditam ad operandum potest exercere primarium munus virtutis, ut constat ex dictis num. 91. Operari autem ad delendum peccatum commissum non ita fieri potest, ut pater in justo accedente ad usum rationis; ac proinde in hac præsentī Providentia tale objectum formale non potest specificare virtutem per se infusam. Quæ doctrina adeò certa est apud omnes Theologos, si ab hac præsentī controversia, vel petitione principii præscindamus, ut vel ipsi
ad-

adversarii eam concedere teneantur; quod ita demonstro.

113. Actus; quo ego assentirer objecto connexo cum actu fidei propter veritatem intrinsecam actûs fidei purè creatam, diversum motivum formale est à motivo fidei, & tamen non specificat virtutem per se infusam intellectûs, ex eo, quod ille habitus non posset exercere suum munus primarium in omni statu, in quo justus posset operari. Tum etiam actus, quo detestor peccatum propter peculiarem, & particularem hujus detestationis honestatem exclusivè præ aliis, diversum objectum formale habet à motivo doloris præcisè sanativi, & deletivi peccati theologici; & tamen apud adversarios nō specificat in hac Divina Providentia diversam virtutem per se infusam, pro quo non est assignabilis alia, nisi ratio à nobis assignata. Unde illa major, quam ut certam supponebant adversarii, si bene expendatur, & apud ipsos, & apud omnes est omnino falsa. Hinc ad confirmationem respondeo, nullam virtutem per se infusam habere tale objectum formale; nec juxta ordinem præsentis Divinæ Providentiæ esse assignabilem aliquam cum
tali

tali objecto formali: unde totus adversariorum discursus corrui.

114. Objicies septimo instando simul solutionem ex doctrina D. Thom. quæst. 85. art. 2. ubi hæc habet: *Species habituum distinguuntur secundum species actuum: & ideo ubi occurrit specialis actus laudabilis, ibi necesse est ponere specialem actum virtutis. Manifestum est etiam, quod in pœnitentia invenitur specialis ratio actûs laudabilis, scilicet operari ad destructionem peccati præteriti in quantum est Dei offensa; quod non pertinet ad rationem alterius virtutis. Unde necesse est ponere, quod pœnitentia est specialis virtus: Sed in hoc testimonio assignatur pro objecto formali virtutis pœnitentiæ objectum formale actus non potentis elici absq; præsupposito peccato: ergo ad virtutem per se infusam non requiritur quod possit exercere suum munus primum non præsupposito peccato. Confirmatur ex Ecclesia dicente: *Deus qui culpâ offenderis, pœnitentium placaris: sed objectâ hujus pœnitentiæ, quâ Deus placatur præsupponit peccatum: ergo virtus specialis pœnitentiæ ad suum munus primum exercendum præsupponit peccatum.**

115. Re-

115. Resp. concedo Major: & nego Minor: quia D. Thom. solùm dicit, operari ad destructionem peccati in quantum est offensa Dei esse actum laudabilem arguentem virtutem per se infusam. Quomodo autem, vel quale debeat esse motivum talis actus hic non explicat: declarat autem illud, & quidem perspicuè sequenti ar. 3. ubi dicit esse honestatem compensationis, ut constat ex verbis Angelici Præceptoris citatis num. 76. Ea autem honestas compensationis fit ex motivo illius justitiæ, quæ extat inter Deum & creaturas, ut ibidem explicat D. Th. justitia verò operari potest non præsupposito peccato, dando quod Deo debetur, ne ipse offendatur; ex quo testimonio clarè infertur mens D. Th. pro multiplicitate habituum, cum recurat ad quærendum objectum formale, circa quod exerceri potest virtus non præsupposito peccato, prout exigunt leges præsentis Divinæ Providentiæ. Quapropter si ita non se habeant actus laudabiles, non arguent multiplicitatem virtutum per se infusarum, ut ostendimus num. 113. Ad confirmationem concedo Major: & nego Minor: Quia licet actus supponat peccatum, virtus illud non
sup.

supponit; Sic actus compensativus furti ob motivum justitiæ supponit peccatum, & tamen Justitia virtus illud non supponit ad suum munus primum exercendum, ut latè constat ex dictis.

116. Objicies octavò instando iterum solutionem: Multò difficilius est hominem liberari à peccato commissio, quàm præcisè elicere actum adimpletivum Divinæ legis, quo peccatum non committat: ergo si actus adimpletivus Divinæ legis specificat habitum per se infusum cum suo munere primario; ita actus emendativus peccati commissi specificabit suum habitum cum munere primario emendandi peccatum. Confirmatur primò: Virtus Perseverantiæ ex eo est distinctus habitus per se infusus à reliquis virtutibus, quia perseverare affert secum majorem difficultatem, quàm præcisè primum virtutis actum elicere; sed etiam affert distinctam difficultatem retractare peccatum ab ea, quam afferebat elicere actum bonum, quo peccatum impediretur: ergo &c.

117. Confirmatur secundò. Virtus perseverantiæ non potest exercere suum munus
prima--

primarium statim, atque homo habet gratiam, & expeditus est ad operandum: prærequirit enim elicentiam actuum aliarum virtutum tempore præcedentium; sed hoc non obstat, ne sit virtus per se infusa: ergo licet habitus purè emendativus peccatorum, sive specialis poenitentia Virtus exclusivè præ aliis, non possit exercere suum munus primarium statim, atque justus expeditus est ad operandum, hoc non obstabit, ne sit habitus per se infusus. Confirmatur tertio: Virtus justitiæ vindicativæ est apud omnes Theologos vera virtus, & non minus per se infusa, quàm aliæ virtutes morales in sententia eorum, qui tales virtutes per se infusas admittunt: atqui non potest elicere suum actum primarium, nisi præsupposito peccato: ergo &c.

118. Resp. omitto antec. & nego consequ. Ratio est, quia virtutes per se infusæ, ut constat ex dictis à num.6. non multiplicantur ad multiplicationem majoris, aut minoris difficultatis; aliter ad credendum Mysterium Trinitatis deberet dari diversa virtus Fidei ab illa, quâ credimus existentiam unius Dei; sed multiplicantur ad multiplicationem di-

De Pœnit. Pars I.

I

versi

versi objecti formalis gratiam in hac divina Providentia comitantis: Cum autem habitus pœnitentiæ, qui ex suo munere primario solum deserviret ad eliciendum actum destructivum, & emendativum peccati commissi propter honestatem talis destructionis, & deletionis, non respiceret objectum formale ita comitans in suo exercitio gratiam habituales, exinde talis habitus per se infusus alienus est ab ordinatione præsentis Divinæ Providentiæ. Dixi omitto antecedens: nam absolutè est omnino falsum: quia ad delendum in hac divina Providentiâ peccatû, solum requiritur ponere id, cui Deus remissionem peccati promisit, nimirum vel contritionem perfectam, vel attritionem simul cum Sacramento; Et hoc planè non est difficilius, quàm sit elicere contritionem, quando tenemur illam elicere, vel attritionem recipiendo Sacramentum, quando ex præcepto tenemur sacramentaliter confiteri ad non peccandum.

119. Ad primam confirmationem, nego suppositum Ma: nam ad perseverandum non datur habitus per se infusus distinctus à virtutibus, quæ primos actus elicuerunt: eadem enim

enim virtus Charitatis (idem suo modo de reliquis), quæ fecit primum charitatis actum valet elicere secundum, & tertium, ac proinde & actum perseverantiæ: Neque debebant confundere adversarii duo toto cœlo diversa: homo enim attentâ illius fragilitate, & mutabilitate, tum etiam & occasionibus circumstantibus ad malum allicientibus, majorem sanè habet difficultatem ad perseverandum, quàm ad primum virtutis actum elicendum; ac proinde ne virtutem habeat otiosam, & ad alia declinans decidat, & ex prava sua operatione gratiam, & habitum virtutis amittat, eget speciali gratia auxiliante, à qua provenit magnum illud Perseverantiæ donum, ut sciunt omnes, qui legunt Tridentinum sess.6. can.22. dicens: *Si quis dixerit Justificatum, vel sine speciali auxilio Dei in accepta Justitia perseverare posse, vel cum eo non posse, anathema sit.* Unde licet auxilia sint diversa, virtus per se infusa non est diversa, sed eadem, & quæ potest suum primum munus exercere statim atque homo justificatus expeditus est ad operandum. Hinc

120. Ad secundam confirm. nego Ma:
I 2 quia

quia licet non denominetur Perseverantia à primo actu, sed à subsequentibus, potest ante actum subsequentem exercere suum munus primum. Videatur Eximius Doctor lib. 10. *de gratia* cap. 8. Ad tertiam confirm. concedo Ma: & nego Mi: Ratio est, quia ut ait Exim. Doct. citat. n. 90. Justitia vindictiva inter creaturam & Deum, quâ creatura voluntariè se punit in compensatione peccati, non distinguitur à Justitia commutativa, sive lata, sive stricta, ac proinde primum hujus virtutis munus non præsupponit peccatum. Quapropter idem suo modo dicendum est de Justitia vindictiva inter homines. Quænam autem hæc sit, controversatur in tractatu de Justitia, & Jure. Addit autem in præsentī Exim. Doct. fortasse etiam inter homines justitiâ vindictivam, prout servat æqualitatem commutativæ non esse distinctam à communi virtute Justitiæ commutativæ, licet fortasse addere possit imperium justitiæ legalis, de quo aliàs. Ex quo fit, hanc sicut, & alias virtutes per se infusas, ita habere suum primum exercitium, ut nullo præsupposito peccato exerceri possit: sic Justitia apud homines exerceri potest dan-

dando quod cuique convenit, licet secundum diversos actus diversas sortiatur denominationes: sic in ordine ad legem observandam dicitur legalis, & in ordine ad poenam, quam reo infligit iudex, dicitur vindicativa. Imò licet Iudex non posset exercere illam virtutem, quin præsupponeretur peccatum Rei, nihil exinde obtinerent ad suum intentum adversarii, cum peccatum commissum à reo non excludat gratiam, & virtutem in Iudice, sicut excludit in ipso peccatore.

121. Objicies nonò ex Card. de Lugo: Offensa contra Deum non affert ex conceptu suo formali offensæ injuriam Dei: ergo specialis poenitentia virtus non stat in Justitia compensativa offensæ Dei: Probatur antecedens: offensæ unius hominis contra alium non affert ex conceptu suo formali injuriam alterius: ergo neque offensæ contra Deum afferet ex conceptu suo formali injuriã Dei. Probatur antecedens: si amicus petat à me librum commodatum, quo ipse valdè indiget, & quem ego sine incommodo possum comodare, & tamẽ nolo id facere, procul dubio offendo amicum, & do sufficiens fundamentum, ut rationabiliter avertatur à me,

sed non facio illi injuriam, cùm nullum jus habeat in librum meum: ergo &c. Confirmatur: Si ab amico furarer librum, aut vestem, non solùm facerem injuriam, sed offensam distinctam ab illa injuria furti: illa enim furti injuria omnino cessaret restituto postea libro, vel veste; adhuc tamen maneret in estimatione prudentum sufficiens fundamentum, ut ille maneret aversus, donec illi etiam pro offensa satisfacerem: ergo &c.

122. Resp. primò nego antecedens. Ad prob. nego antecedens. Ad prob. dist. Ma: procul dubio offendo amicum, faciendo illud in circumstantiis, in quibus appareret aliquale vilipendium, inhonoratio amici, aut quid simile, conc. aliter nego Ma: & dist. Mi: nego conseq. Ratio est, quia dominium proprietatis pertinens ad Justitiam contrapositè ad dominium jurisdictionis pertinens ad obedientiam respicit omnia bona propria Domini, scilicet divitias, honorem, famam, auctoritatem, & id genus alia. Quapropter actio contra honorem alterius est læsio juris proprietatis, quod reperitur in altero, ac proinde quæcumque sit inhonoratio amici, est amici offensa, & injuria. Unde si apud homines

mines illa negatio libri reputaretur vilipendium, aut quid simile, esset offensa & injuria amici, & teneretur alter juxta inhonoratio-
nis qualitatem pro illa satisfactionem dare amico. Quapropter si contra nullum jus amici esset, non esset illius offensa. Hinc

123. Ad confirm. conc. antec. & nego
conseq. Duplex enim est offensa, ut expli-
cant Theologi in tract. de peccatis, & perpe-
ram adversarius in presenti confundit: alia
quippe est realis, & alia personalis. Offensa
realis stat in materiali rei entitate ablata do-
mino; Sic qui à Petro furatur equum, facit of-
fensam realem, & ablatio equi dicitur offen-
sa realis, quæ solùm mensuratur ad mensu-
ram rei ablatae, adeoque restituto equo cessat
offensa realis. Alia est offensa personalis, quæ
est inhonoratio personæ offensæ, & crescit
geometricè ad incrementum dignitatis per-
sonæ offensæ, & hæc in presenti consideratur
à Theologis: Dicitur enim offensa theolo-
gica, pro ut est contra Deum; quod accurate
prænotavit D. Thom. cit. num. 76. dicens,
quod poenitens dolet de peccato commisso,
in quantum est offensa Dei, cujus compensa-
tionem intendit specialis poenitentia virtus.

Hæc autem omnia respiciunt jus proprietatis Dei, sicut apud adversarios, & omnes Theologos jus jurisdictionis est bonum proprietatis superioris distinctum ab aliis, quia hoc est tale ad imperandum, & non alia proprietatis bona; Unde quævis offensa est contra verum jus offensi. Deus autem, quidquid sit apud homines, dimissâ offensâ personali, offensam realem etiam dimittit; ac proinde compensatio unius ex Divina ordinatione est compensatio alterius. Ex quibus apparet absque gravi fundamento discessisse adversarium à communi sententia Theologorum. Verùm neque indigemus his principiis quantumvis veris ad argumenti solutionem. Quapropter

124. Resp. secundò: omitto antec. cum suis probationibus, & nego conseq. Ad probationem, omissis etiam præmissis nego conseq. Ratio est, quia sive omnia peccata, sint stricta injuria contra Deum, sive non, adeoque sint contra strictam justitiam, sive non, certum est esse Dei offensam, ac proinde contra jus Divinum sive latè, sive strictè sumptum, contra quamcumque virtutem opponantur. Propterea si sit offensa levis, potest
Deus

Deus ex jure suo peccatorem punire, & si sit offensa gravis, non solum punire, verum etiam concipere rationabiliter aversionem adversus peccatorem, donec offensa remittatur. Cum autem ad remissionem illius destina-verit Deus compensationem per actum poenitentiae, quae sit perfecta contritio extra Sacramentum, vel attritio cum Sacramento, & sic de aliis operibus meritoriis, & satisfactoriis, virtus compensativa tendere potest ad ponendam compensationem offensaе, quam exigit illud jus, in quo stat ratio justitiae illius, quae intercedit inter creaturam, & Deum. Compensatio autem potest esse, vel praeservativa, quando apponitur, quod exigit jus Dei, ne offendatur, nimirum quando apponitur res praepcepta; vel reparativa, quando apponitur, quod destinavit Deus, ut offensa facta remittatur, nempe satisfactio ab ipso designata. Cum autem satisfacere, sive praeservativè, sive reparativè, sit munus justitiae, ea de causa haec poenitentia specialis est virtus justitiae.

125. Quare si ex hac virtute justitiae eliciatur actus poenitentiae, qui sit contritio perfecta, erit compensatio, quam & jure suo exigit

git Deus extra Sacramentum ad remittendum peccatum quoad culpam, & pœnam æternam. Eodem modo dicendum de attritione cum Sacramento. Ad satisfaciendum verò pro temporali pœna, quæ non sit remissa, admittit Deus reliquos supernaturales virtutum actus, sive à pœnitentia elicitos, sive ab ipsa imperatos ex dictis num. 85. Cùm autem totum hoc procedat à iustitia, sive eliciente, sive imperante, quando fit ex motivo compensationis pertinet ad iustitiam: licet enim idem peccatum secundum diversas formalitates possit opponi diversis virtutibus, ut sacrilegium iustitiæ, & religioni, adulterium temperantiæ, & iustitiæ, & sic de aliis, ex eo, quod Deus posita compensatione ab ipso misericorditer ordinata remittat totum peccatum, pro quo nulla creatura de condigno satisfacere poterat, exinde apparet clarum, quomodo tota compensatio à iustitia procedat. Hic autem est legitimus Tridentini sensus sess. 14. cap. 2. *De Sacramento Pœnitentiæ* dicentis: *Alius est præterea Baptismi, & alius pœnitentiæ fructus: per Baptismum enim Christum induentes nova prorsus in illo efficiuntur creatura, plenam & integram pec-*
cato-

catorum omnium remissionem consequentes, ad quam tamen novitatem, & integritatem per Sacramentum Pœnitentiæ sine magnis nostris fletibus, & laboribus, divinâ id exigente justitiâ pervenire nequaquam possumus. Expendantur illa verba divinâ exigente justitiâ, & apparebit universa doctrina nostra firmissimè roborata.

126. Objicies decimò. Habitus compensationis justitiæ non potest intendere compensationem, seu satisfactionem æqualem pro peccato, cùm ipsa sit impossibilis creaturæ, deinde non potest intendere inæqualem: ergo nullam. Probatur secunda pars antecedentis. Sicut est honestum velle satisfactionem æqualem, ita est inhonestum velle inæqualem, est enim perinde ac nolle satisfacere: ergo &c. Resp. distinguendo secundam partem antecedentis: non potest intendere inæqualem, quia inæqualem, concedo: quia hæc, & non alia est possibilis creaturis: imò & quia hæc est à Deo pro peccati remissione destinata, nego antecedens. Ad prob. dist. antecedens: est inhonestum velle inæqualem, quia inæqualem, concedo: quia à Deo destinata pro remissione peccatorum,

rum , & prout non est alia possibilis creaturis, neg. antec. & conseq. Ratio est, quia sic est naturæ rationali difforme , ac proinde inhonestum , quod creatura potens dare satisfactionem æqualem , nolit dare nisi inæqualem , ita est naturæ rationali conforme , ac proinde honestum , quod creatura non potens dare satisfactionem æqualem , sed inæqualem à Deo destinatam eam velit dare. Cùm autem ad hoc tendat specialis pœnitentia virtus, sive habitus compensativus, est honesta illius tendentia .

127. Objicies undecimò. Si specialis pœnitentia virtus intenderet compensationem juris divini offensi , prout à nobis explicatur, non esset virtus moralis , sed theologica : sed virtus justitiæ, quæ inter Deum, & creaturas intercedit non est theologica, sed moralis: ergo &c. Ma: prob. Si ita intenderet compensationem juris offensi , eo ipso nollet Deum esse offensum : sed nolle Deum esse offensum est amare bonum Dei, quod spectat ad charitatem : ergo &c. Hoc argumentum putat esse difficillimum Card. de Lugo , præsertim propter paritatem virtutis spei , ut infra constabit . Non parùm molestum fatetur Arria-

riaga : nec diffiteor difficillimum esse in eorum principiis . Est autem facile à nobis solubile ex principiis positis à nu. 96. ex quibus

128. Resp. nego Ma: Ad prob. dist. Ma: Nollet Deum esse offensum, quatenus Deum non esse offensum est bonum Deo, nego: quatenus est bonum poenitenti, concedo Ma: & dist. Mi: est amare bonum Dei, quia bonum Deo, nego Mi: quia poenitenti bonum, concedo Minorem, & nego conseq. Ratio est, quia amare bonum alterius, non quia alteri, sed quia mihi bonum, potius est amare me, quàm amare alterum: ad charitatem autem, quæ est virtus theologica attinet amare bonum Dei, quia bonum Deo, & odio prosequi offensam Dei, quia Deo malam. Ad justitiam verò, quæ est virtus moralis, attinet amare bonum compensationis, & illesionis juris Dei, non quia Deo bonum, sed quia satisfaciendi bonum. Sic quando vult aliquis satisfactionem facere inimico, quæ illi est bona, ex eo non amat illum, quia non vult eam satisfactionem, ut illi bonam, sed ut bonam satisfaciendi ex num. 98.

129. Objicies duodecimo instando solutionem. Spes est virtus theologica, sed solum
lùm

lùm habet pro objecto formali bonitatem visionis terminatã ad Deum: ergo ex eo quod specialis pœnitentia virtus habeat pro objecto formali bonitatem compensationis terminatã ad Deum erit virtus theologica. Respondeo, concedo Ma: & nego Mi. quia Spes theologica habet pro objecto Beatitudinem concretè sumptam constitutam ex formali, & objectiva, scilicèt ex ipso Deo possesso, & ejus possessione; quod concretum desideratur, & speratur per actum spei theologicæ, ac proinde habet pro objecto formali aliquid divinum. Tum etiam habet pro objecto alia prædicata divina, ut condonationem peccatorũ, & alia hujusmodi, ut dicitur in tract. *De spe*. Imò actus spei, cum non solum includat formalitatem desiderii, sed etiam fiduciam, habet secundum hanc formalitatem pro objecto formali ultimato Deum auxiliantem ex dictis num. 96. Unde licèt non induceret rationem theologicæ virtutis à formalitate desiderii, prout desiderat beatitudinem concretè sumptam, ut speranti bonam, illam planè inducit propter formalitatem fiduciæ, quæ verè innititur Deo ut auxiliatori. Specialis autem justitiæ virtus solum

solum exigit compensationem propter compensationis honestatem, quam amare possum, quin per illum actum amem Deum, ut constat ex numero superiori. Etenim non amo compensationem, quatenus per illam sum possessurus immediatè Deum, sed præcisè illam amo propter se ipsam, quia ipsa mihi bona est.

§. III.

130. Objicies decimotertiò instando iterum solutionem: Eatenus poenitens amat compensationem peccati, quatenus intendit peccati ablationem: atqui ablatio peccati non solum dicit honestatem compensationis, sed etiam divinam condonationem: ergo poenitentia non solum habet pro objecto formali honestatem compensationis, sed etiam bonitatem Divinæ condonationis, ac proinde erit virtus theologica non minus quàm spes. Confirmatur primò. Jus Dei eatenus se habet respectivè ad creaturas, quatenus materia prima respectivè ad formas, & sicut ignis respectivè ad combustionem ligni. Si enim materia prima non habet dispositiones
ad

ad formam ignis non exigit formam ignis; & ſi ignis non ſit approximatus ligno non exigit id comburere. Pariter ſi non detur præceptum Dei, non exigit jus Divinum compenſationem præſervativam, ne lædatur, bene verò poſito præcepto, cum tunc lædatur, ſi non apponatur res præcepta: tum etiam ſi non detur peccatum non exigit compenſationem reparativam, bene verò poſito peccato: ergo compenſatio reparativa, quæ intenditur à pœnitentia, formaliter reſpicit deletionem peccati, ac proinde & divinam condonationem, quæ eſt formalis deletio peccati. Confirmatur ſecundò: pœnitentia non poteſt intendere, quod peccatum præteritum non ſit præteritum, ſed ſolùm quod peccatum præteritum non ſit conditio, aut terminus, quo præſuppoſito jus divinum exigat, quod Deus concipiat averſionem contra peccatorem, eumque puniat. Sed hoc eſt formaliter velle divinam condonationem: ergo &c.

131. Reſp. diſt. Ma: quatenus intendit peccati ablationem, ita ut ablatio, & condonatio peccati ſit motivum actus ſpei præcedentis actum pœnitentiæ, concedo: ita ut ſit mo-

motivum actus poenitentiae, nego Major. & dist. Minor. dicit divinam condonationem, secundum quod dicit pro formali remissione peccatorum, quam spectat poenitens, concedo: secundum quod dicit pro honestate actus compensativi elicit, & imperati à poenitentia, nego Major. & conseq. Ad primam confirmationem, concedo antecedens, & dist. conseq. eodem pacto, quo supra. Ad secundam confirmationem, nego Major. nam virtus specialis poenitentiae solum intendit honestatem actus, quatenus compensativam ex ordinatione divina juris Dei offensi, licet ad illum eliciendum, aut imperandum praecedat spes remissionis peccati, & aliae dispositiones assignatae à Tridentino sess. 6. cap. 6. quas propter utilitatem doctrinae, & solidam nostrae explanationis solutionem, & breviter insinua-
bo.

132. Peccator enim ante actum poenitentiae cognoscit per fidem ea, quae divinitus promissa sunt in ordine ad remittendum peccatum, nempe deletionem peccati, si facti poeniteat. Exinde timens divinam iustitiam advertit poenitentiam esse necessa-

De Poenit. Pars I.

K riam

riam in hac divina Providentia ad remissionem peccati, eamque cum auxilio, quod Deus offert, posse liberè elici à peccatore. Tunc concipit spem remissionis, sicq; imperat actum pœnitentiæ. Unde licet actus spei imperans habeat pro objecto divinam condonationem, quam amat, adeoque sit amor Dei, actus pœnitentiæ imperatus non habet pro objecto formali divinam condonationem, sed honestatem, in quam tendit ut divini juris compensativam: Valde namque diversum est prærequiri eos actus ad pœnitentiam eliciendam, aut ea prærequisita esse objectum formale actus pœnitentiæ. Præcedunt quippè aut formaliter, aut virtualiter, ut docent Theologi in tractatu *De justificatione* actus fidei, actus timoris, actus spei, sive dilectionis Dei: Sed actus subsequens pœnitentiam non habet pro objecto formali objecta eorum actuum præcedentium, ut patet ex dictis à num. 97. Si autem aliquando idem actus habeat motiva plurium virtutum, non ab una, sed à pluribus elicietur.

133. Quapropter Concilium Tridentinum sess. 6. cap. 6. loquens de peccatoris præ-

præparatione ad justificationem, doctrinam nostram per hæc verba proponit: Disponuntur autem ad ipsam justificationem, dum excitati divinâ gratiâ, & adjuti, fidem ex auditu concipientes, liberè moventur in Deum, credentes vera esse, quæ divinitus revelata, & promissa sunt, atque illud in primis, justificari impium per gratiam ejus, per redemptionem, quæ est in Christo Jesu, & dum peccatores se esse intelligentes, à divinæ justitiæ timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi per Christum propitium fore, illumque tanquam omnis justitiæ fontem diligere incipiunt: ac propterea moventur adversus peccata per odium aliquod, & detestationem, hoc est per eam pœnitentiam, quam ante Baptismum agi oportet. Exinde si peccator imperet pœnitentiam sufficientem ad justificationem extra Sacramentum, necesse est, ut imperet contritionem perfectam, quæ est ultima dispositio ad gratiam. Si autem tendat in actum pœnitentiæ ex motivo compensationis, erit actus pœnitentiæ specialis, si verò ex alio motivo, erit actus

pœnitentiæ universaliter, & theologicè sumptæ, ut ex dictis tota sectione præcedenti constat.

134. Objicies decimoquartò: actus pœnitentiæ vult compensationem facere, non quidem hominibus, sed Deo pro offensa commissa: sed hoc ipso habet Deum pro objecto formali; adeoque compensationis actus est Theologicus: ergo. Probatur Ma: Ex eo quod velit facere compensationem Deo, compensatio respicit Deum tanquam objectum cui, sed non potest respicere Deum tanquam objectum cui, quin illud habeat tanquam objectum formale: ergo &c. Probatur Minor: actus, quo volo Petro bonum, quia ipsi bonum, habet pro objecto formali bonitatem Petri: sed non ex alia causa, ni si quia respicit Petrum ut objectum cui: ergo &c.

135. Respondeo distingo Major. sed Deo præsupposito, ut creditori, conced. representato. ut bono amabili nego Major. Minor. & consequen. Ad probationem, dist. Major. tanquam objectum cui præsuppositum ut creditorem, conced. representatum ut bonum amabile, nego Major. & distinctâ Minor. nego consequ. Ratio est, quia creditor est ille,

le, cui aliquid debetur, adeoque res illa, quâ debitum solvitur, habet in se suam bonitatem compensativam, quæ est totum illud bonum amabile, quod proponitur ad imperandum actum compensativum. Unde ille, cui debitum solvitur, non proponitur ut bonum amabile ad talem actum eliciendum, sed purè ut terminus *cui*, sive obliquum objecti formalis: purus autem terminus *cui*, sive obliquum objecti formalis non est objectum formale illius actus amoris: objectum quidem formale est illa bonitas movens ad amorem, quæ est distincta ab ipso creditore. Sic quando volo solvere centum, quæ debeo inimico, objectum formale est bonitas relucens in ea compensatione: inimicus autem est purus terminus *cui*, sive obliquum talis objecti formalis, proponitur enim ut creditor, & non ut bonum amabile ad eliciendum talem actum.

136. Quare Religio non est virtus theologica, sed moralis; quia solùm respicit Deum ut creditorem in ordine ad cultum, quem debemus præstare Deo, adeoque bonitatem relucens in cultu respicit ut objectum formale. E contra verò contingit,

quando volo Petro bonum, quia ipsi bonum, tunc enim bonitas Petri proponitur ut objectum formale talis actûs: implicat enim in ipsis terminis, quod aliquod objectum proponatur ut bonum amabile movens ad actum, quin sit objectum formale amatum per ipsum actum. Sic repugnat, quod sanitas proponatur mihi ut bonum amabile movens ad sumendam medicinam, quin actus, quo volo medicinam, non attingat ut objectum formale amatum sanitatem. Ex qua regula inferes plura principia ad dignoscenda varia objecta formalia voluntatis.

137. Objicies decimoquintò: in tantum peccat quis contra justitiam, & potest elicere actum compensativum propter honestatem compensationis, in quantum per illam actionem læditur jus, vel dominium alterius: atqui jus, vel dominium Dei lædi à creatura non potest: ergo &c. Confirmatur primò: jus proprietatis Dei est perfectissimum; sed si lædi posset, non esset perfectissimum: perfectissimum enim est illud jus, quod lædi non potest: ergo non potest dari virtus ad jus illud non lædendum, seu læsum

sum refarciendum, magis quàm castitas, seu virtus ad reprimendos motus inhonestos in Angelo. Confirmatur secundò: si daretur talis justitia inter creaturam, & Deum, qui equum alteri injustè abstulisset, injustus esset non solùm in Dominum equi, sed etiam contra Deum: ergo deficiente Domino equi teneretur eum restituere Deo, ac proinde commissio quocumque peccato, statim teneretur peccator poenitere, sicut in humanis teneretur statim restituere, ubi commodè potest. Confirmatur tertio: scienti, & volenti non fit injuria, quam quidem nullus patitur nisi invitus: ergo neque fit injuria Deo scienti, & non impediendi cum possit, hoc autem interpretativè, & moraliter est consentire in actionem illam.

138. Resp. dist. Major. in quantum læditur jus, vel illud diminuendo, vel utendo, aut non utendo rebus Domini invito Domino, conced. solùm diminuendo jus, nego Major. & distin. Min. nego conseq. Ratio est, quia cùm jus Dei sit in ordine ad actus nostros liberos, & consequenter in ordine ad eos, qui possunt à nobis poni, & non poni, quando exiguntur; si quando exiguntur, non

K 4

ponan-

ponantur, licet non lædatur jus Dei, diminuendo jus, cum in se sit inamissibile, læditur tamen non ponendo rem invito Domino, ad quam ex jure tenemur, ac proinde committitur injustitia. Ad primam confirmationem, concedo Major. & distinctâ ut supra Min. nego consequ. quia de ratione perfectissimi domini moralis non est, quod non possit physicè ab aliquo impediri in usu suarum rerum, sed solum quod habeat quis potestatem moralem aliquid exigendi tanquam suum, ita ut sine injuria negari ei non possit; alioquin non esset dominium morale perfectissimum, cum non esset dominium in actiones creatas liberas.

139. Ad secundam confirmationem, concedo antecedens, & nego consequ. quia Dominium est potestas utendi re aliqua: cum autem Deus semper habeat potestatem utendi equo, pro ut voluerit, sub cujuscunque sit potestate, non indiget ea restitutione, quâ indiget homo. Imò satis ostendit Deus in scripturis, se nolle eo modo satisfactionem sibi fieri, quo hominibus, quibus bona ablata restitui debent, sed solum petit sibi satisfieri per veram pœnitentiam. Quare
qui

qui peccavit contra Deum, non eliciendo actum charitatis, aut obedientiæ, non tenetur postea elicere alium actum charitatis, aut obedientiæ, ut ex fidelium praxi; & communi omnium sensu constat. Ex quo generalis ratio justitiæ transcendens omnia peccata non obligat erga Deum ad hanc restitutionem offensæ realis; neque opus est eam in confessione explicare, cum jam comprehendatur sub quocumque peccato, sicut generalis ratio inobedientiæ erga Deum.

140. Si autem contineret non solum eam generalem rationem; sed insuper peculiarem justitiæ v. g. si quis Deum infamaret, falsam de eo doctrinam spargens, & esset periculum, ne latius serperet, ex communi fidelium sensu deberet eam statim revocare, & errorem illum ex hominum mentibus, quibus ipsum insererat, tollere, illudque peccatum in confessione aperire. Satis enim ex hoc communi fidelium sensu infertur, Deum huic juri non cessisse, neque restitutionem ad aliud tempus prolongasse. Ex quo magno discrimine inter Deum, & homines tenet hodiè Thologorum Sententia apud Eximium Doctorem disp. 15. *De pœnitentia*

nitentia sect. 5. Tannerum disp. 6. quæst. 6. dub. 3. Carleton disp. 43. sect. 5. & alios, non obligari creaturam statim post peccatum commissum Deo pro illa injuria satisfacere, quia homines rebus suis spoliati, non possunt, per se loquendo, eam independentiam habere ab aliis, quàm si res suas retinerent: ideoque ad inopiam redacti, faciliùs contemnuntur, & vilipenduntur. Deus autem eam semper habet independentiam, nec omnia peccata provocant ad contemptum. Quare restitutio apud homines statim obligat; apud Deum verò ea solum, quæ peculiarem Dei contemptum, aut similem titulum haberet: de reliquis permittit hominibus compensationem pro tempore longiori, ut dicemus, cum agemus de præcepto pœnitentiæ.

141. Ad tertiam confirmationem, distinguo antecedens: scienti, & volenti non retinere jus, cui potest cedere, concedo, scienti, & volenti retinere jus, nego antecedens, & conseq. Ratio est, quia stante voluntate, quâ Dominus vult retinere jus ad rem suam, & omnes illius usus, facit injuriam alteri, qui invito Domino re illa utitur. Talis autem

tem

tem voluntas præsumitur stare, donec non innotescat Dominum cedere juri suo. Quæ de causa voluntas, qua cedit, dici solet voluntas *signi* contradistincta à voluntate non significativa cessionis: Recta enim ratio dicit, non esse utendum re aliena, nisi de licentia Domini, quæ per expositam voluntatem signi conceditur, non verò per puram voluntatem non impediendi, etiam cum commodè posset. Sic qui furem videns auferentem rem suam, non Prohibet, patitur injuriam, & datur ei juxta leges actio in furem, cumque de injuria postulare poterit.

142. Sic etiam, dum quis patienter fert alterum, qui eum conviciis lacerat, & infamat, quem tamen corripere, & impedire potest, non propterea liberatur infamans à peccato injustitiæ, nec ab obligatione satisfaciendi, & famam restituendi. Sic injuriam maximam intulere martyribus Tyranni, esto illi libenti animo passi sint, se torqueri, & occidi. Nec sufficit ad cedendum præcisa traditio physica rei suæ in circumstantiis, in quibus rectè præsumitur nolle Dominum juri suo cedere, ut patet in solven-
te

te usuras, cui in hoc fit injuria, & usurarius tenetur ad restitutionem. Quare sine voluntate signi à nobis exposita nō fit cessio, aut translatio juris. Exinde cū voluntas Domini nolit cedere juri suo, ne offenda-
tur, licet peccata permittat, non sufficit permissio, ne peccatum sit offensa Dei. Cæ-
terū de his latiū agemus in tractatu *De ju-
stitia*. Hæc autem satis sint ad solutionem
præsentis difficultatis. Ex dictis

§. IV.

143. Fit primò: non posse remitti offen-
sam pro ipso instanti, pro quo committi-
tur. Ratio est, quia in instanti, in quo com-
mittitur offensa est contra voluntatem offen-
si illam prohibentem, ac proinde contra ip-
sius jus satis manifestatum: adeoque repu-
gnat, quod pro eo instanti detur voluntas
signi cessiva illius juris: daretur enim in il-
lo instanti jus offensi, adeoque daretur, &
non daretur offensa, quod ex ipsis terminis
implicat, ut per se patet. Unde solū po-
test dari in illo instanti voluntas signi, quā
offensus ostendat, quod pro signo sequenti
desi-

desister ab illa voluntate, & cederet juri offensi, quo offensa destruat, & remittatur. Sic in instanti, in quo Deus vult efficaciter producere Petrum, non potest simul velle illum non producere, licet possit in illo instanti elicere voluntatem destruendi Petrum, vel illum non conservandi in instanti sequenti. Scio plures Recentiores in hac questione plurimum immorari, sed opus non est tempus impendere in re, quæ ex principiis nostris adeo clarè deducitur, & quæ nullam affert utilitatem, nec doctrinam ultra principia à nobis expolita. An verò remissio divinæ offensæ possit fieri non solum per formam intrinsecam, sed etiam per extrinsecam condonationem, solet hic exagitari. Cæterum quia anno proximè elapso tradita, & resoluta solidè, & ingeniosè fuit in tractatu *De gratia*, libenter illam omitto.

144. Fit secundò, pro instanti, pro quo committitur offensa gravis Dei, dari verum jus ad inimicitiam inter creaturam, & Deum. Ratio est, quia pro eo instāti datur vera offensa Dei, sive justitiæ strictæ, sive latæ opponatur: gravis autem offensa Dei, quandiu durat, indispensabiliter affert verum jus
ad

ad inimicitiam inter creaturam, & Deum: nequit enim Deus pro instanti, in quo durat illa offensa, eam non reprobare, ut legis suæ graviter transgressivam; ac proinde nequit non reprobare graviter causam per se illius actionis elicitivam, ex qua necessaria gravi reprobatione oritur necessaria gravis displicentia. Insuper actus ipse offensæ præfert creaturam creatori, & complacentiam creaturæ displicentiæ creatoris. Quibus positis exstat in Supremo Domino verum jus ad inimicitiam, *dixi in Supremo Domino*; nam hoc jus ad inimicitiam non exstat in creatura offensa, quæ utpote creatura subiecta est Deo ut Domino, qui inter viatores talem prohibet inimicitiam, præcipiens, ne odio habeamus inimicos, sed ut illos diligamus, & ipsi, qui est per essentiam Iudex, reservemus vindictam ex illo ad Rom. 12. *nulli malum pro malo reddentes, providentes bona non tantum coram Deo, sed etiam coram hominibus: Si fieri potest, quod ex vobis est, cum omnibus pacem habentes, non vos metipsos defendentes carissimi, sed date locum iræ, scriptum est enim: mihi vindictam, & ego retribuam: dicit Dominus. Hinc*

145. Fit tertio: offensam facti, & jus offensi esse metaphysicè inseparabilia. Ratio est, quia offensa facti stat in actione, quæ fit contra jus alterius nolentis tali juri cedere, imò prohibentis, ne fiat contra jus suum. Cæterum si non esset contra jus illius, jam non esset illius offensa: atqui est metaphysicè impossibile, quod actio sit contra jus offensi, & quod non detur jus offensi: ergo &c. Unde si actio est circa jus alterius, reverâ dabitur jus alterius: & si actio est contra jus alterius in existimatione, dabitur jus alterius in existimatione. Fit quartò: remissionem offensæ dicere etiam duo inseparabilia, nempe & offensam extitisse, & illam destrui. Cæterum, cum offensa, quæ extitit non perseveret physicè, sed moraliter, destructio non debet tendere ad faciendum, quod offensa non extiterit, sed ad tollendam denominationem moralem. Denominatio autem moralis stat in eo, quod offensa commissæ denominat peccatorem debitorem ad eum modum, quo furum commissum denominat furem debitorem, donec ponatur, & admittatur satisfactio condigna, vel donec creditor, sive offensus eliciat actum voluntatis æquivalentem
tali

tali ſatisfactioni condignæ , nimirum quo ſe placatum oſtendat eodem modo , ac ſi poſita, & admiſſa eſſet condigna ſatisfaction . Unde hic actus vocari ſolet ceſſio juris offenſi : ac proinde eſt vera remiſſio . Exinde

146. Fit quintò: non poſſe offenſam exiſtere phyſicè , quin exiſtat moraliter , benè verò è contra . Ratio eſt , quia exiſtere moraliter nihil aliud eſt , quàm exiſtere denominationem tranſgreſſionis juris offenſi non remiſſam . Cum autem ita exiſtat offenſa pro instanti , pro quo committitur , et exiſtit phyſicè ; exinde nequit exiſtere phyſicè , quin exiſtat moraliter . Pro instanti verò ſequenti , ſi non remittatur , et ſi non exiſtat phyſicè offenſa , manet tamen denominatio tranſgreſſionis juris offenſi non remiſſa , ac proinde exiſtet moraliter , quin phyſicè . Unde cum impoſſibilis ſit illa tranſgreſſio , antequàm offenſa committatur , etiam eſt impoſſibilis remiſſio offenſæ ante commiſſionem offenſæ : aliter pro instanti , pro quo offenſa committeretur , eſſet , & non eſſet offenſa , ſimulque eſſet , & non eſſet jus offenſi . Notandum autem eſt diſcrimen inter deſtructionem offenſæ habitam per condonationem offen-

offensæ positam ab offenso, vel per condignam satisfactionem positam ab offendente consistens in eo, quod offendens habet debitum solvendi, aut petendi; ac proinde, si non solvat, ipsi imputatur, quando non destruitur offensa: Offensus verò non habet debitum condonandi; ac proinde si offensa per condonationem non destruitur, non imputatur offenso. Quare offendens vocatur causa conservativa offensæ, secus autem offensus.

147. Fit sextò: de potentia absoluta posse Deum remittere unum mortale sine alio: Ratio est, quia potest cedere juri offensi respectu unius, & non respectu alterius pro libito suo. Hoc autem in præsentī Providentiā non fit, quia Deus decrevit non remittere unum mortale, alio non remisso, cū lethale remittatur per gratiam cum omni mortali impossibilem; ideoq; exigit Deus pœnitentiam omnium peccatorum ad peccati remissionem. Quare author libri *de vera & falsâ pœnitentiâ* apud August. tom.4. cap.9. rectè infert *Deum non fore fidelem in promissis, si aliter faceret*: postquam enim toto eo capite nono declaravit ea, quæ separant veram pœ-

nitentiã à falsã, & dixerit: totum enim hominem sanavit in sabbatho, quia & corpus ab infirmitate, & animã ab omni contagione liberavit, indicans pœnitentem oportere simul dolere de omni crimine orto in anima, & corpore, postea ferè ad finem capitis ita subjungit: *Quædam enim impietas infidelitatis est, ab illo, qui justus, & justitia est, dimidiam sperare veniam.* Quo in sensu, suppositã nimirum hac divina promissione, exponenda sunt testimonia dicentia, non posse Deum unum mortale sine alio remittere: homo autem, cui unum sine alio remitteretur, non exinde esset Dei amicus, sed inimicus, non quidem ratione peccati remissi, sed ratione non remissi: ad malum enim sufficit quicumque defectus. Unde illa cessio non esset amor amicitie, sed puræ benevolentie, quo afficitur etiam Deus erga peccatores.

DISPUTATIO III.

*De objecto materiali, & formali virtutis
Pœnitentiæ.*

148. **N**ON agimus in præsentī de objecto materiali Pœnitentiæ, sumpta virtute in tota sua latitudine; diximus enim à num. 20. & 67. omnes virtutes per se infusas voluntatis, utpote habentes objectum formale concomitans gratiam, posse exercere suum munus primum, quamvis nullum peccatum in subiecto præsupponatur, ac proinde posse elicere plures actus, qui neque sint dolor, neque detestatio de peccato commissio: adeoque neque actus pœnitentiæ theologice, aut restrictè sumptæ. Agimus ergo de eo objecto materiali, & formali, quod habet ille actus virtutis, à quo virtus illius elicitiva, aut imperativa appellatur Pœnitentiæ; sive quod idem est vocatur pœnitentiæ quæ talis. Cæterum cum verus, & rigorosus pœnitentiæ actus ex intrinseca, & essentiali sua tendentia non solum sit fuga mali, sed etiam, aut semper, aut ferè semper sit amplexio bo-

ni: communis enim Theologorum contra Lugo, & Arriagam negat actus purè averſivos; illi autem, qui eos admittunt, fatentur, rarò voluntatem purè averſivè ſe exercere, adeoque ità fugere malum, ut actus fugæ à malo ſit amplexio oppoſiti boni: ea de cauſa Theologi in præſenti quærunť, quodnam ſit objectum formale tum fugæ, tum proſecutionis Pœnitentiæ quã talis.

S E C T I O P R I M A.

Reſolvitur controverſia.

§. I.

149. **A**SSERO primò cum Eximio Doctore quæſt. 2. ſect. 1. Objectum materiale immediatum pœnitentiæ quã talis per modum fugæ, non ſolùm eſt peccatum à pœnitente commiſſum, ſed etiam lethalia omnia, quæ ab illo poſſunt committi. Probatuť primò: Illud eſt objectum materiale immediatum pœnitentiæ quã talis per modum fugæ, quod immediatè fugere poteſt pœnitentia per illum actum, per quem pœni-

ni-

nitentia denominatur : atqui pœnitentia per talem actum non solùm potest immediatè fugere peccatum à pœnitente commissum , sed etiam omnia lethalia, quæ ab illo possunt committi : ergo &c. Probatur Mi: Pœnitentia quâ talis, ut constat ex dictis à num. 15. & 94. elicit actum , qui est animi dolor , & detestatio de peccato commisso cum proposito non peccandi de cætero : sed talis actus , ut per se patet, non solùm immediatè fugit peccatum à pœnitente commissum , sed etiam omnia lethalia, quæ ab illo possunt committi , imò si non ità fugeret , non esset sufficiens ad impii justificationem , ut in secunda parte hujus tractatus constabit : ergo &c.

150. Confirmatur. Actus pœnitentiæ quâ talis sufficiens ad justificationem impii cum Sacramento , sive sit actus pœnitentiæ universaliter, & theologicè sumptæ, sive pœnitentiæ in restrictione scholasticâ acceptæ ita fugit offensam lethalem Dei , ut voluntatem peccandi excludat : atqui actus fugiens peccata commissa , simulque excludens voluntatem peccandi lethaliter non solùm respicit immediatè , tanquam objectum materiale per modum fugæ, peccatum à pœniten-

te commissum, sed etiam omnia lethalia, quæ ab illo possunt committi: ergo &c. Consequenter, & Mi: pater: quia si peccator proponat ex infinitis peccatis mortalibus possibilibus nullum lethale committere præter hoc, evidens est per illum actum non excludere voluntatem peccandi lethaliter. Maior probatur: actus pœnitentiæ theologicæ sumptæ expositus à Tridentino est contritio, sive perfecta, sive imperfecta: atqui ea contritio non solum dolet de peccato commissio, sed etiam excludit voluntatem peccandi lethaliter: ergo &c.

151. Prob. Min: Si est contritio perfecta, ita est impossibilis cum voluntate peccandi lethaliter, ut sit ultima dispositio ad gratiam, adhuc extra Sacramentum, ut definit Tridentinum. Si verò est contritio imperfecta, seu attritio, non potest esse verus pœnitentiæ actus ad justificationem impii in Sacramento sufficiens, si hanc voluntatem peccandi non excludat, ut constat ex ipso Tridentino sess. 14. cap. 4. dicente: *illam verò contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ, & pœnarum metu*
com-

communiter concipitur, si voluntatem peccandi excludat cū spe veniæ -- quamvis sine Sacramēto pœnitentiæ per se ad justificationem perducere peccatorem nequeat; tamen eum ad Dei gratiam in Sacramēto pœnitentiæ impetrandam disponit: ergo &c. Confir. In eo distinguitur actus pœnitentiæ sufficiens cum Sacramento ad justificationem impii ab aliis, qui possunt elici à pœnitente; quod iste, vel extra, vel saltem intra Sacramentum sufficit ad justificationem; alii autē non ità, sed ad remissionem venialis, aut quid simile, ut suo loco dicemus: atqui licet in hac Providentia possit remitti unum veniale, alio non remisso, non ita evenit in mortali, quod in hac providentia nequit remitti, alio mortali non remisso: ergo licet actus pœnitentis circa veniale non debeat esse fuga respectu omnis venialis; actus pœnitentiæ theologicè sumptæ circa mortale non remissum debet esse fuga respectu omnis mortalis.

152. Respondebis primò cum Dicastillo, non requiri ad actum verum pœnitentiæ theologicè sumptæ circa mortale non remissum propositum adhuc virtuale non peccandi de cætero, sed sufficere propositum non

committendi iterum peccata, de quibus se pœnitens accusat, aut quæ commisit: ac proinde Pœnitentiam non respicere tanquam immediatum obiectum materiale, aut virtuale peccata, quæ committi possunt. Ratio ejus est, quia ille est verus actus pœnitentiæ theologicè sumptæ circa mortale non remissum, qui ex Tridentino requiritur ad valorem Sacramenti, licèt non sufficiat ad sacramenti fructum; adeoque maneat Sacramentum validum, & informe, sicuti de Baptismo diximus in suo tract. à num.24. Ad valorem autem Sacramenti Pœnitentiæ sufficit propositum non committendi iterum peccata, de quibus pœnitens se accusat, aut quæ commisit, licèt non sufficiat ad fructum Sacramenti. Cæterùm responsio ista, & falsa est, & rationem nostram nequaquam dissolvit. Quapropter

153. Contra primò: Licèt ille actus nō haberet pro obiecto materiali omnia lethalia, quæ à pœnitente possunt committi, non repugnat alter actus à pœnitentia quā tali elicitus, qui fugiat ea omnia lethalia, sed hoc sufficit, ut ea omnia sint obiectum materiale pœnitentiæ per modum fugæ, ut per se patet:

tet : ergo &c. Contra secundò: Ut aliquod sit objectum materiale unius Scientiæ non requiritur, quod attingatur ab omni actu illius Scientiæ quâ talis, sed sufficit, quod ab aliquo actu illius scientiæ quâ talis attingatur, ut omnibus philosophis, & theologis notum est. Sic ut tres operationes intellectûs sint objectum materiale logicæ, non requiritur, quod per quemcumque actum logicæ attingantur omnes intellectûs operationes, sed sat est, quod per diversos actus logicæ attingantur. Pariter ut Astra sint objectum materiale Astronomiæ non requiritur, quod per quemcumque illius actum attingantur omnia Astra, sed sat est, quod circa ea per diversos actus versetur: atqui poenitentia quâ talis potest per aliquos suos actus versari circa omnia lethalia, quæ à poenitente possunt committi, ea nimirum fugiendo per actus, qui sint dolor de commissis, & propositum nunquam peccandi de cætero: ergo &c.

154. Contra tertio. Non peccare de cætero, est nullum peccatum in posterum committere saltem ex illis, quæ impediunt gratiam Sacramenti, de quo ibi Tridentinum agit, ut legenti constabit: atqui quodcumq;
letha-

lethale impediret gratiam Sacramenti: ergo propositum non peccandi de cætero, de quo ibi agit Tridentinum, se debet extendere ad quodcumque lethale. Contra quartò: Ut quis in hoc instanti præsentì dicatur non peccare lethaliter, non sufficit, quod in hoc instanti vitet unum, aut plura peccata ex his, quæ commisit, sed requiritur, quod omnia omnino peccata lethalia vitet: etenim si aliquod omittat, jam non est verum, quod non peccat lethaliter in hoc instanti: ergo ut non peccet lethaliter in posterum, requiritur, quod in posterum nullum lethale committat: sed non peccare lethaliter saltem de cætero est non peccare saltem lethaliter in posterum: ergo &c. Contra quintò: Ut paries in posterum non sit albus, non sufficit, quod sit privatus hac, vel illa albedine, sed requiritur, quod nullam albedinem habeat; & sic de millenis aliis exemplis: ergo ut homo proponat non peccare saltem lethaliter de cætero, non sufficit, quod proponat non patrare in posterum hæc, vel illa peccata lethalia commissa, de quibus se accusat, sed omnino requiritur, quod proponat nullum peccatum lethale in posterum committere. Ex quibus faci-

facilè impugnatur aliorum responsio, quam jam subjicio.

155. Respondebis secundò cum Gaspare Hurtado disp. 6. *de Pœnitentia*, quem aliqui Recentiores sequuntur, etsi fateantur nostram opinionem in praxi tenendam. Dicunt enim, neque ad valorem, neque ad effectum Sacramenti requiri propositum, aut virtuale, aut implicitum vitandi omnia mortalia, sed sufficere propositum non reincidendi in commissâ, cum carentiâ propositi actualis peccati. Ratio eorum est, quia pœnitens tantùm tenetur dolere de peccatis commissis, non verò de aliis, quæ non commisit: cum autem propositum solùm debeat correspondere dolori, sufficit, quod se extendat ad peccata commissâ, & non ad ea omnia quæ possunt committi; unde talis pœnitentiæ actus non debet habere pro objecto adhuc virtuali omnia lethalia, quæ pœnitens posset committere. Hæc autem responsio, sicuti & præcedens, & est falsa, & rationem nostram non dissolvit. Quapropter

156. Contra primò: licet non esset necessarium, quod pœnitentia quâ talis illum actum eliceret, posset tamen verè, & propriè

priè elicere illum actum, quo fugeret omnia lethalia, quæ à pœnitente possent committi: sed hoc sufficit, ut respiciat tanquam objectum materiale immediatū per modum fugæ ea omnia lethalia, ut constat ex num. 153. ergo &c. Contra secundò; quia ista responsio non benè consonat cum doctrina Trid. exigentis propositum vitandi omnia peccata, quæ Sacramenti gratiam impedirent, ut latè dicemus infra; & in secunda parte hujus tractat., quando agamus de actibus pœnitentis, qui ex Christi institutione sunt pars essentialis Sacramenti, & diximus aliquid à n. 154. ergo &c.

157. Afferro secundò: Peccata venialia sunt etiam objectum materiale immediatum pœnitentiæ, quâ talis per modum fugæ. Probatur: peccata venialia participant rationem offensæ Dei à penitente commissæ: etenim non solum sunt contra fervorem charitatis negativè, sicuti imperfectiones morales, & purus reatus pœnæ; sed etiam positivè, quatenus fundant jus ad aversionem divinam, etsi levem contra peccatorem: quæ de causa licet purus reatus pœnæ, aut imperfectiones morales non sint materia sufficiens

ciens Sacramento poenitentiae, peccata venialia sunt materia sufficiens, etsi non necessaria, ut docet Trid. sess. 14. cap. 5. dicens: *Nam venialia, quibus à Dei gratia non excludimur, & in quæ frequentius labimur, quamquam rectè, & utiliter, citràque omnem præsumptionem in confessione dicantur, quod piorum hominum usus demonstrat, taceri tamen citra culpam, multisque aliis remediis expiari possunt*: atqui actus poenitentiae quæ talis per modum fugæ immediatè fugit quidquid participat rationem offensæ Dei commissæ à poenitente: ergo &c. Ma: , & Consequen. tenent. Minor verò patet, quia actus poenitentiae, quæ talis, utpotè dolor, & detestatio de peccato commisso retractat offensam contra Deum commissam: ergo immediatè fugit quidquid participat rationem offensæ Dei commissæ à poenitente. Ex dictis

158. Fit primò: peccatum habituale esse objectum immediatum poenitentiae quæ talis per modum fugæ: Ratio est, quia est offensæ Dei nondum deleta, & à poenitente commissæ: sed talis offensæ Dei est objectum immediatum poenitentiae quæ talis: ergo &c.

Pro-

Propter eandem rationem opus externum constituens unum peccatum cum interno est objectum pœnitentiæ, quâ talis per modum fugæ, cum illud concretum ex interno, & externo sit vera Dei offensa auertenda à pœnitente, ut dicitur in tractatu *De peccatis*, & in confessione explicanda, ut in secunda parte dicemus. Imò & peccata, si dari possint absque advertentia ad Deum, erunt objectum pœnitentiæ, cum talia verè displicerent Deo, ejusque offensionem promererentur: ipse enim ut creator naturæ rationalis, ejusque caput morale, odio habet ea, quæ fiunt contra dictamen rationis naturalis; sicut pater, qui est caput filii, odio habet offensas contra filium sine advertentia ad ipsum patrem. Advertendum tamen est circa peccatum habituale: id, quod istud addit supra actuale non esse offensam, sed carentiâ destructionis offensæ commissæ, adeoque secundum illam reduplicationem non esse objectum pœnitentiæ quâ talis. Quæ ratio eodem modo militat pro lethali dimisso, quod pœnitens commisit: si enim confideretur reduplicando supra rationem remissi, non est objectum pœnitentiæ: benè verò, si
 confi

consideretur secundum rationem offensæ commissæ : eo namque modo est materia sufficiens Sacramento poenitentiae, ut constet ex num. 54. & dicemus in secunda parte hujus tract. , ac proinde & est objectum immediatum poenitentiae quâ talis.

159. Fit secundò : Peccatum Originale non esse objectum immediatum poenitentiae quâ talis per modum fugæ : Ratio est ; quia peccatum originale non est peccatum commissum, sed contractum ex pravâ alienæ voluntatis determinatione : sed actus poenitentiae, ut constet ex Trident. & Florent. citatis num. 2. & 15. est dolor, & detestatio de peccato commissio : ergo &c. Quæ est etiam ratio , propter quam non tenemur dolere de originali , neque tenentur adulti ad Baptismum accedentes . Confirmatur : detestatio de peccato commissio est retractatio peccati facti : sed poenitens non potest retractare, quod ab ipso factum non fuit : retractatio enim cadit supra actum, sive opus præviè elicitum ab eo , à quo postea retractatur (quo comprehendimus peccatum omissionis , si possibile sit) sic ego voluntatem Petri retractare non possum , quod etiam evenit in
pro-

proposito: propositum enim efficax, quod Petrus non peccabit de cætero, non elicitur à mea voluntate, sed à voluntate Petri, ut per se est evidens. Exinde

160. Fit tertio: peccatum alienum non esse objectum materiale pœnitentiæ quâ talis per modum fugæ. Ratio est, quia peccata aliena non sunt peccata à nobis commissa: atqui virtus solùm denominatur pœnitentia ab actu illius versante circa peccata à pœnitente commissa, ut ex Trid. & Floren. diximus num. superiori, & constat ex testimoniis scripturæ, & SS. PP. adductis à num. 16. & ex S. Thom. num. 76. in quibus dicitur actum pœnitentiæ versari circa iniquitates à pœnitente commissas: ergo &c. Quapropter Div. Thom. in 4. distinct. 17. art. 2. quæst. 2. ait. *Ad primum ergo dicendum, quod contritio non est de peccato ratione substantiæ actûs tantum, quod ex hoc non habet rationem mali, neque iterum ratione deformitatis tantum, quia deformitas de se non dicit rationem culpæ, sed quandoque importat pœnam. Debet autem de peccato esse contritio, in quantum importat utramque deformitatem ex actu voluntatis provenientem, & hoc non est in peccato originali,*

nali, & ideo de eo non est contritio. Et in eodem articulo: ad quintam questionem dicendum, quod illud idem conteritur, quod prius durum, & integrum fuit. Unde patet quod contritio pro peccato sit in eodem, in quo peccati duritia præcessit, & sic de alienis peccatis non est contritio. Et ibidem ad sextam. Quantum ergo ad principium contritionis, oportet, quod sit de singulis peccatis, quæ quis in memoria habet: sed quantum ad terminum, sufficit, quod sit una communis de omnibus, tunc enim ille motus agit in vi omnium dispositionum præcedentium: Unde

161. Fit quartò: malum poenæ prout contradistinctum à malo culpæ, & offensæ Dei, non esse objectum averſionis, & poenitentiae, quâ talis. Ratio est, quia actus poenitentiae, quâ talis non fugit illud malum poenæ: deinde reatus ad talem poenam contradistinctus à malo culpæ non est offensa, ut constat ex S. Thom. citato num. superiori: Sic Regulæ Religionum obligantes sub poena, & non sub culpa, relinquunt in transgressoribus reatum poenæ, & non reatum culpæ: reatus enim ad poenam pure talis stare potest inter amicos, nec affert

De Pœnit. Pars I.

M

ullum

ullum jus ad averfionem quantumvis levem amici, ficuti affert peccatum veniale. Sic quando duo amici ludunt, qui perdit in ludo habet reatum pœnæ, & tenetur alteri folvere debitum, quin reatus ille afferat jus ad averfionem, vel minimam amici. Quæ de caufa dolor de reatu puro pœnæ non eft dolor de peccato commiffo, ac proinde non eft fufficiens ad præftandam denominationem pœnitentiæ virtuti, à qua elicitur. Exinde cùm imperfectiones morales folùm afferant reatum pœnæ, non funt objectum immediatum pœnitentiæ, quæ talis. Quapropter licèt ab eadem virtute poffint elici ejufmodi actus circa imperfectiones, reatum pœnæ, peccatum originale, peccata aliena, & fic de aliis, non erunt actus pœnitentiæ, quæ talis theologicè fumptæ, fed virtutis, quæ per illos actus diverfas alias fufcipit denominationes, ut ex argumentorum folutione conftabit.

§. II.

162. Affero tertio: Objectum materiale immediatum pœnitentiæ, quæ talis per modum

dum prosecutionis sunt ea omnia bona, quæ actus poenitentiae ut talis elicere potest ad sui finis consecutionem. Probatur primò: actus poenitentiae, quæ talis non solum est dolor, & detestatio de peccatis commissis, sed etiam propositum non committendi peccata de cætero, atqui non committere peccata de cætero sæpe sæpius est facere bona: ergo illa bona continentur sub objecto materiali prosecutionis actus poenitentiae, quæ talis. Ma: & Conseq. tenent; Mi: verò Probatur: in instanti, in quo obligat præceptum amandi Deum, diligendi proximum, parendi superiori, succurrendi indigenti, & sic de aliis, non peccare est elicere actum amoris Dei, dilectionis proximi &c. ergo tunc non committere peccata de cætero est idem ac facere bona. Conf. omnia bona ut conducentia ad finem sunt objectum materiale prosecutionis virtutis respicientis finem: ergo ea omnia bona conducentia ad finem poenitentiae, quæ talis sunt objectum materiale prosecutionis virtutis poenitentiae quæ talis.

163. Prob. 2. Virtus poenitentiae, quæ talis, sive generaliter, & absolute, sive in restrictione scholasticâ consideretur, est elici-

M 2

tiva

tiva actûs averfivi à malo, & promotivi boni: ergo ficut habet pro objecto materiali fugæ mala, à quibus avertitur, habet etiam pro objecto materiali profecutionis ea bona, quæ promover. Conf. pœnitentia quâ talis tendit ad odium veteris vitæ, & ad propositum, & inchoationem vitæ novæ: fed hoc est tendere ad fugienda mala, & amplectenda bona conducentia ad finem pœnitentiæ quâ talis: ergo &c. Confeq. tener, & Mi: videtur per fe nota. Ma: verò conftat ex Trid. feff. 14. cap. 4. de actu pœnitentiæ, five contritione præfcindente à perfectâ, & imperfectâ ita dicente: *Declarat igitur Sancta Synodus, hanc contritionẽ non folùm ceffationem à peccato, & vitæ novæ propositum, & inchoationem, fed veteris etiam odium continere, juxta illud, proiicite à vobis omnes iniquitates vestras, in quibus prævaricati eftis: ergo &c.* Ex dictis

164. Fit 1. pœnitentiam univerfaliter, & theologicè fumptam habere pro objecto materiali immediato ea omnia, ad quæ fe extendere poteft actus contritionis, quâ talis ab illa virtute elicitus. Sic actus contritionis quâ talis elicitus à charitate poteft peccatum fugere, fimulque amare Deum
pro-

propter se ipsum, sive propter divinam bonitatem, adeoque divina bonitas non solum erit objectum formale, sed etiam objectum materiale per modum prosecutionis illius virtutis poenitentiae quã talis: idemque suo modo dicendum de aliis virtutibus universalibus voluntatis, ex doctrina tradita à num. 67. Fit 2. poenitentiam specialem in restrictione scholastica acceptam, utpote respicientem actum poenitentiae, à quo denominatur in ratione poenitentiae secundum rationem compensationis juris Dei offensi, respicere pro objecto materiali per modum prosecutionis omnes omnium virtutum actus, prout invenit in illis honestatem talis compensationis, ex dictis num. 79. & 85. poenitentia enim specialis non fugit eos actus poenales, & meritorios, sed potius eos amplectitur ad satisfaciendum pro offensa; si tamen eos respiceret non quidem ex motivo offensae, sed ex motivo satisfaciendi pro puro reatu poenae, jam ille actus cum non esset actus poenitentiae, quã talis ex n. 161. non est actus poenitentiae, de qua loquimur. Vide à n. 182.

165. Afferro 4. cum Exim. Doct. disp. 2. sect. 3. num. 2. Objectum formale poeni-

M 3

tentiae

tentiæ , quâ talis universaliter , & theologicè sumptæ non est unum, & idem pro omnibus pœnitentiæ actibus , sed diversum pro diversitate virtutum potentium elicere talem pœnitentiæ actum. Prob. facilè ex dictis à num. 67. Virtutes universales voluntatis potentes elicere verum actum pœnitentiæ universaliter, & theologicè sumptæ , aliæ sunt virtutes theologicæ , nimirum spes , & charitas , aliæ verò morales , nimirum obedientia, gratitudo, religio, justitia , & aliæ ex dictis à num. 63. ; atquæ objectum formale harum virtutum non est unum , & idem, sed est diversum pro diversitate talium virtutum : ergo actus pœnitentiæ , qui ab illis possunt elici non respiciunt unum, & idem objectum formale , sed diversum pro diversitate talium virtutum .

166. Afferro 5. Objectum formale pœnitentiæ in restrictione scholastica acceptæ est honestas compensativa divini juris , sive latè, sive strictè sumptæ. Prob. 1: virtus pœnitentiæ accepta in restrictione scholastica est illa , quæ operatur ad compensandam offensam Dei per verum pœnitentiæ actum ; sed talis virtus habet pro objecto formali honestatem

tem compensativam divini juris, sive latè, sive strictè sumpti: ergo &c. Conseq. tenet, & Ma: constat à num. 76. Mi: verò Probatur: objectum formale talis virtutis compensativæ tale est, ut ex illo elici possint non solùm actus, qui sunt vera actualis poenitentia, ac proinde, & supponunt peccatum à poenitente commissum, sed etiam actus, qui poenitentia non sunt, adeoque non supponunt peccatum commissum: sed talis est honestas compensativa Divini juris, sive latè, sive strictè accepti: ergo &c. Ma: constat à num. 90. Mi: Probatur: hujusmodi honestas compensativa divini juris ex se indifferens est ad compensationem, vel reparativam, vel præservativam, vel juxtà exigentiam, vel juxta juris condignitatem: a qui ex honestate ita indifferente possunt elici actus præsupponentes, & non præsupponētes peccatum, ut per se est evidens, & cōstat ex n. 124. ergo &c.

167. Prob. 2. Specialis poenitentiae virtus, utpote divini juris compensativa, solùm potest habere pro objecto formali, vel jus divinum, vel honestatem compensativam, ut ipsi adversarii, cum quibus disputamus, fatentur: atqui non habet pro obje-

cto formali jus divinum: ergo habet honestatem divini juris compensativam. Prob. Mi: divinum jus, utpote identificatum cum ipso Deo consistit in ipsa natura divina, ratione cujus Deus est Dominus, ac proinde est prædicatum divinum: atqui specialis pœnitentia virtus non habet pro objecto formali prædicatum divinum, aliter ex dictis à n. 95. esset theologica, & non moralis contrà id, quod ipsi adversarii defendunt: ergo &c.

168. Conf. non minùs prærequiritur ad actum obedientiæ prævia cognitio præcepti, aut insinuationis voluntatis superioris, quàm ad actum compensativum divini juris prærequiratur cognitio divini juris: atqui objectum formale obedientiæ non est voluntas superioris, sed honestas objectiva rei præceptæ: ergo neque objectum formale virtutis compensativæ erit jus divinum, sed honestas objectiva compensativa juris divini. Prob. Conseq. Ideo voluntas superioris non est objectum formale obedientiæ, benè verò honestas objectiva rei præceptæ, quia objectum formale obedientiæ est illa honestas præcepta, quâ adimpletur voluntas superioris, & voluntas superioris neque est præ-

præcepta, neque sui adimpletiva; adimpletur autem per honestatem objectivam rei, quæ præcipitur; atqui eadem omnino ratio militat in nostro casu, cum jus divinum non cõpensetur per se ipsum, sed per honestatem, quæ apponitur à compensante: ergo &c. Ex dictis

169. Fit primò: posse pœnitentiam exercere suum actum non solum circa peccatum à pœnitere commissum, & nondum condonatum, ut patet in veniali, sed etiam circa peccatum habituale, quamvis aliquis per revelationem scirèt esse jam condonatum. Ratio communis est, quia dum sumus in statu dolendi, semper possumus dolere, & detestari peccatum, quod contra Deum commisimus, ipsique offerre compensationem ex condignitate divini juris, licèt non ex exigentia, quatenus jam tunc illam non exigit jus divinum, quando peccatum est condonatum: peccator enim licèt per totam vitam intensissimos virtutum actus exerceret, nunquam posset de condigno satisfacere pro offensa lethali, adeoque quando remittitur, Deus condonat illam, & cedit juris exigentiæ. Qua de causa verè dicere potest peccator: peccavi, & non satisfeci pro offensa;

sa: ex quo manet ea, quæ vocatur condignitas juris ad offerendam majorem semper compensationem. Quinimo etsi peccator condignè satisfecerit pro veniali, ut multi defendunt ita fieri posse de facto, adhuc potest peccator de facto offerre satisfactionem, quasi superabundantem pro illo, cum dignum sit divinum jus tali compensatione. Sic qui beneficium accepit potest esse gratus, non solum præbendo æquale beneficio, sed etiam superabundans, ut magis hoc modo suam ostendat gratitudinem: ergo etiam pœnitentia, præsuppositâ cognitione juris divini, quod læsit, ut magis ostendat suum de peccato dolorem, etiam remisso jam perfectè peccato quoad omnia, potest offerre Deo majorem, & majorem compensationem. Sicut enim gratitudo non est indivisibilis, sed major, & major esse potest, dum gratificatio moveatur à beneficio accepto; ita & compensatio major, & major esse potest, dum moveatur contritio ab offensa contra Deum commissa. Video in hac communicatione posse immisceri plures quæstiones de voce, ea de causa aliam universaliorē dabimus num. 183.

170. Fit secundò: Virtutem poenitentiae quã talem theologicè sumptam semper respicere Deum saltem in obliquo. Ratio est, quia semper dolet de offensa Dei: sed dolor de offensa Dei necessariò respicit Deum saltem in obliquo: ergo &c. Quapropter poenitentia philosophicè sumpta de qua num. 2. cum indifferens sit, ut contrahatur ad opus factũ contra hominem, vel ad offensam contra Deum, etiam est indifferens, ut contrahatur ad poenitentiam particularem theologicam, vel non theologicam. Propter eandem rationem poenitentia grammaticaliter sumpta, de qua eo n. 2. cum indifferens sit, & ad bonam, & ad malam, ad naturalem, & supernam, ad hæc omnia membra contrahibilis est. Possibilem autem esse habitum poenitentiae naturalem communiter supponitur à Theologis. Ratio est, quia naturaliter cognoscitur peccatum esse difforme naturæ rationali, ut constat ex n. 10; ac proinde & capiti naturæ rationalis, quod est Deus, adeoque potest voluntas viribus propriis illud detestari per actum poenitentiae, neque hoc excedit ejus vires: atqui ex repetitione talium actuum gignitur habitus facilitans voluntatem ad similes actus

actus eliciendos, in quo stat habitus, seu virtus naturalis pœnitentiæ ex dictis à num. 3. ergo &c. Hæc autem est ratio, propter quam antiqui Philosophi cum Platone lib. 10. *de legibus* pœnitentiæ virtutem cognoverunt. Sic etiam Ovidius 1. *de Ponto* de Dijs suis agebat.

*Sæpè levant pœnas, ereptaq; lumina reddunt,
Dum benè peccati pœnituisse vident.*

S E C T I O I I.

Solvuntur opposita.

§. I.

171. **O**BJICIES primò contra primam assertionem. Plures sunt actus pœnitentiæ non se extendentes ad omnia peccata lethalia commissâ: ergo non sunt ea omnia objectum materiale immediatum pœnitentiæ per modum fugæ. Probatur Antecedens: qui commisit duo peccata, & unius invincibiliter obliviscitur, si eliciat contritionem contra unum propter peculiarem illius peccati turpitudinem, elicit verum actum pœnitentiæ, sed talis actus non se extendit
ad

ad omnia lethalia commissa: ergo &c. Respondeo, permitto Anteced. cum sua probatione, & nego Conf. quia licet illud peccatum non attingatur ab isto, potest attingi ab aliis poenitentiae actibus, quod sufficit, ut sit objectum immediatum poenitentiae, ex dictis à n. 153. Unde argumentum nullius est roboris. Dixi autem permitto Anteced: quia si sermo sit de poenitentia theologicè sumpta ad justificationem impii, & ad valorem Sacramenti requisita, est falsum omninò: nam ille dolor se debet extendere ad omnia commissa nondum condonata, ut latè dicemus infra, & in 2. parte hujus tract., & constat ex Trid. cit. n. 163. de contritione ad valorem Sacramenti requisitâ dicente, esse odium vitæ antea actæ: quod non haberet, si ad ea omnia peccata non se extenderet.

172. Objic. 2. instando simul solutionem ex doctrina P. Arriagæ: Licet poenitentia non attingat peccata aliena per omnes suos actus, potest tamen illa attingere per aliquos actus, de eis dolendo, simulque detestando: atqui hoc non obstante peccata aliena non sunt objectum materiale poenitentiae ex dictis n. 160: ergo licet per aliquos suos actus possit attingere

gere omnia lethalia, quæ à pœnitente possunt committi, non proinde erunt ea omnia peccata objectum materiale pœnitentiæ. Conf. 1. Pœnitentia potest fugere per suos actus ea omnia peccata, in quibus militat eadem ratio sui objecti formalis, nimirum offensæ contra Deum commissæ: sed ista ratio non solum militat in peccatis propriis, sed etiam in alienis: ergo &c. Conf. 2. Circa peccatum originale proprium pœnitentis, & circa purum reatum pœnæ potest exercere aliquos suos actus: atqui peccatum originale, & purus reatus pœnæ non exinde sunt objectum materiale pœnitentiæ: ergo &c.

173. Resp. dist. Ma: per aliquos actus pœnitentiæ quâ talis, nego; per aliquos actus, à quibus non denominatur pœnitentia, conc. Ma; & distincta Mi: nego Conseq. Ratio est, quia nulla virtus denominatur pœnitentia à quocumq; doloris actu, quem potest elicere circa peccata, sed debet esse circa peccata ab ipso pœnitente cōmissa, ut constat ex n. 159. Unde dolor circa peccata aliena nō est actus pœnitentiæ quâ talis, ac proinde peccata aliena non sunt objectū pœnitentiæ quâ talis. Sic apud adversarios in Christo, & Deipara non fuit

fuit poenitentia quâ talis, & tamen dolebant valde de peccatis alienis. Hinc ad 1. Conf. dist. Ma: per suos actus, qui omnes sint actus poenitentiae quâ talis, nego; qui ad hanc, vel ad aliam denominationem diversam pertineant, conc. Ma: & dist. Mi: nego Conseq. ut constat ex dictis: Sic ex eodẽ objecto Justitiae possunt elici plures actus, quin exinde sint omnes restitutio, neq; denominent Justitiam restituentem. Ad 2. Conf. distinctis præmissis ut supra, nego Conf. quia peccatũ originale, non est peccatum commissum, neque purus reatus poenae est offensa Dei, ut constat ex dictis à n. 159. ac proinde actus circa talia objecta elicit non sunt actus poenitentiae quâ talis.

174. Objic. 3. instando simul solutionem. Peccatum originale est commissum ab Adamo tanquam à capite, adeoque *inest unicuiq; proprium*, ut definit Trid. sess. 5. in decreto *de peccato Originali*: ergo possumus illud verè retractare non minus quàm peccata commissæ, ac proinde erit immediatum objectum poenitentiae quâ talis. Prob. Conf. Quando quis per procuratorem init contractum aliquem, potest postea propriè illum retractare:

re: ergo & nos poterimus retractare peccatum commissum ab Adamo tanquam à capite, sive tanquam à procuratore nostro. Conf. Adultus, qui plura commisit peccata, potest, antequàm baptizetur, elicere veram contritionem, quâ positâ, non solùm remittentur peccata commissa; sed etiam peccatum originale: ergo non solùm peccata commissa, sed etiam peccatum originale erit objectum pœnitentiæ quâ talis.

175. Resp. conc. Antec. & nego Conseq. Ad prob. conc. Antec. & nego Conseq. Ratio est, quia circa actum procuratoris habui ego voluntatem actualem propriam, quâ saltem dedi ei meas vices, & consensi in illius actionem; circa peccatum verò Adami nullam propriam habui voluntatem actualem, adeoque nullus manet locus propriæ retractationi: unde dolendo, & satisfaciendo pro illo, doleo, & satisfacio pro peccato contracto, non verò pro commissso, quod requiritur ad actum, & objectum pœnitentiæ quâ talis, ut ex Scripturis, Conciliis, & PP. diximus n. 160. Ad Cōf. dist. Antec: potest elicere veram contritionem circa peccata commissa, conc. circa peccatum originale, nego Antec. & Conf. quia

quia positâ ea contritione confertur gratia remissiva cujuscumque mortalis tam habitualis, quàm originalis: adeoque tunc originale remitteretur per gratiam obtentam à contritione, non quidem elicitâ circa ipsum, sed circa peccata commissâ. Vide à n. 179.

176. Objicies quartò contra secundam Assertionem. Si peccata venialia essent objectum materiale poenitentiae quâ talis, daretur habitus deletivus venialium: sed talis habitus non datur ex dictis à nu. 90: ergo &c. Resp. conc. Ma: & nego Min: quia in præsenti Providentia omnes habitus per se infusi sunt deletivi venialium: ad eandem quippe virtutem per se infusam, ad quam attinet trahere ad se suum bonum, spectat etiam retrahere à se oppositum malum, ut constat à num. 6. cum autem peccatum veniale sit malum oppositum bono virtutis, exinde potest virtus tendere ad illius deletionem. Ille autem habitus non esset purè deletivus venialium, ex dictis à n. 90, cum posset exercere suum munus primum nullo præsupposito peccato in subiecto. Quapropter habitus purè deletivus venialium esset supervacaneus in hac Providentia, cum in specie cujuscumq; virtu-

tis detur habitus nobilior præstans effectum quem ille præstaret, cùm se extendat ad delenda venialia, & impedienda mortalia.

177. Propter hanc rationem docent plures cum Arriaga disp. 4. sect. 3. non solum in hac Providentia; verùm etiam de potentia absoluta repugnare habitum virtutis purè deletivum venialium, quia tota malitia venialis continetur in mortali, & non è contra cum autem ille, qui virtuosè fugit venialia illa fugiat propter eorum inhonestatem, imperceptibile apparet, quomodo honestè se gerat, si curet fugere inhonestatem, quando sit minor, & non curet eam fugere, si sit major. Qualis enim habitus virtuosus esset, qui nollet furari unum obolum, & tamen non curaret furari centum duplones, ubi tota est turpitudine, quæ in furto unius oboli & alia incomparabiliter major? aut qui nollet pœnas Purgatorii, & non curaret de pœnis Inferni, ubi sunt illæ, & aliæ tantò majores? Qui nollet dolorem levem pati, & non curaret de gravi, aut qui vellet satisfacere Deo pro exiguis, & non pro majoribus? Sane virtus pœnitentiæ, etsi non offerat Deo satisfactionem æqualem pro mortalibus quia

quia non potest, ex se non refugeret æqualem si posset; ac proinde non refugit offerre illam, quæ continetur in sphæra suæ satisfactionis possibilis puræ creaturæ.

178. Objicies tamen quintò instando simul solutionem. Non repugnat, imò de facto datur in hac Providentia Sacramentum Pœnitentiæ per se primariò tendens ad delenda peccata commissa: ergo non repugnat, imò de facto dabitur in hac Providentia habitus pœnitentiæ per se primariò deletivus peccatorum. Retorqueo argum. primò: non repugnat, imò de facto datur in hac Providentia gratia habitualis absque consortio Sacramenti Pœnitentiæ: ergo & absque consortio habitûs Pœnitentiæ. Secundò: non potest dari in hac Providentia Sacramentum Pœnitentiæ sine actu pœnitentis, ergo neque habitus pœnitentiæ. Resp. deinde conc. Anteced. & nego Cónseq. Ratio est, quia habitus pœnitentiæ, sicuti & omnes habitus per se infusi in hac providentia radicanter in gratia, adeoque sunt per se in Anima, quandoque est gratia; cumque sint ad exercendum suum munus primarium, operando honestè, augendo gratiam, & merendo gloriam,

N 2

quod

quod per se non requirit, ut anima peccaverit: anima enim non indiget peccato ad operandum honestè augendo gratiam, & merendo gloriam: ea de causa habitus per se infusus non prærequirunt in hac Providentia ad exercendum suum munus primarium, quod in eorum subiecto peccatum præcesserit; at verò Sacramentum Pœnitentiæ non est comes gratiæ, neque datur per se ad augendam, sed ad acquirendam gratiam, cum sit Sacramentum mortuorum; eaque de causa est per se detestativum peccati, cum quo gratia non infunditur. Unde munus suum exercet in peccatore, quod habitus per se infusus exercere non posset ex dictis n. 90. cum talis habitus non sit habitus mortuorum, sed vivorum.

§. II.

179. Obijcies sextò contra tertiam Assertionem: Si pœnitentia virtus amplecteretur bona impeditiva peccati, non solùm esset detestativa peccati, sed etiam non peccati, quod intenderet fugere per ea bona: sed hoc repugnat ex dictis à num. 161. ergo &c. Probatur Ma: pœnitentia quâ talis amplecteretur ea bona, non solùm ad impediendum pec-

peccatum actuale, quod poenitens posset committere, sed etiam ad detestandum habituale, quod habet: posset enim talis actus elici à spe, quæ remanet in peccatore; vel si pertineret ad alias virtutes, posset elici ab Omnipotentia loco earum extrinsecè applicata ex dictis num. 94. atqui in eo casu non solum detestaretur peccatum, sed etiam non peccatum: ergo &c. Prob. Mi: peccatum habituale contradistinctum ab actuali non solum dicit peccatum commissum, sed etiam carentiam destructionis moralis illius, quæ non est peccatum: ergo detestando peccatum habituale, detestaretur peccatum, & non peccatum. Conf. primò: Poenitentia quæ talis dolere potest de peccato remisso; sed peccatum remissum supra peccatum actuale addit Divinam condonationem, quæ non est peccatum: ergo &c. Conf. secundò: Poenitentia quæ talis dolere potest de eo, quod non appofuerit impedimentum peccati, ut sic peccatum non commiserit: sed impedimentum peccati non est peccatum: ergo &c.

180. Resp. nego Ma: ad prob. dist. Ma: Sed etiam ad detestandum habituale secundum totum concretum peccati habitualis, ne-

go; secundum offensam Dei, quæ includitur in illo concreto, conc. Ma: & dist. Mi: nego Consequ. Ad prob. dist. Antec: Sed etiam carentiam destructionis tanquam constitutum offensæ, nego, tanquam constitutivum concreti coalescentis ex offensâ, & carentiam destructionis, conc. Antecedens, & ne: Consequ. ex dictis n. 158. Ad primam Conf. dist. eodem modo Ma: de peccato remisso, secundum adæquatam rationem constitutivam hujus concreti *peccatum remissum*, nego; secundum rationem offensæ Dei, quæ in illo concreto continetur, conc. Ma. & dist. Mi: nego Conf. u. ex eodem numero constat. Ad secundam Confirm. dist. Ma: de eo, quod non apposuerit impedimentum, prout non apposuisse impedimentum significat apposuisse peccatum concedo; prout præscindit, aut excludit positionem peccati, nego Ma. & concessâ Mi: nego Consequ. quia pœnitentia non dolet de impedimento peccati, sed potius de peccato quod est impedimentum sui impedimenti. Ex quo si benè perpendatur syllogismus appositus constat quatuor terminis, nam in maiori sunt pœnitentia, & non appositio impedimenti peccati; in minori sunt peccatum, &

im-

impedimentum peccati: Cùm autem impedimentum peccati, & non appositio impedimenti sint duo termini cōtradictoriè distincti; adsūt duo termini in majori, & alij duo in minori, ac proindè & quatuor in syllogismo.

181. *Objicies septimò contra 4. Concl.* Si unaquęque virtus universalis voluntatis eliceret actum pœnitentię ex objecto formali distincto ab aliis uirtutibus, unaquęque ex illis esset pœnitentia specialis: atqui unaquęque ex illis non est pœnitentia specialis, sed sola Justitia ex dictis num. 76. ergo &c. *Resp.* dist. Ma: esset pœnitentia specialis, sumptâ pœnitentiâ speciali pro specie virtutis potentis elicere actum pœnitentię, concedo; Sumptâ in restrictione Scholastica, nego Ma: & dist. Mi: nego Conseq. Ratio est, quia ex eo quod unaquęq; virtus universalis voluntatis possit elicere verum actum pœnitentię theologicè sumptum, unaquęq; illarum est vera species virtutis potentis elicere actum pœnitentię; adeoq; in hoc sensu erit pœnitentia specialis. Ceterùm in præsenti nō agimus de pœnitentia speciali in hoc sensu, sed in restrictione scholastica, ex qua uni virtuti præ aliis nomē hoc quasi per Antonomasiā in scho-

lis tribuitur, ut habet Exim. Doct. disp.v.art. 1. n.1. Hujus autem restrictionis sensum accipere debent Theologi à theologiæ principibus, uti nos accipimus à D. Thom. n.76. illiusque commentatoribus cum Exim. Doct. nec licet unicuique pro cerebro suo illam confingere, sicuti restrictionem rationalis philosophicè sumpti sumimus à principibus Philosophiæ ex dictis num.65.

182. Objicies 8.contra quintam Conclusionem. Virtus specialis pœnitentiæ talis est ex objecto formali, ut possit veros pœnitentiæ actus elicere circa peccata remissa; atqui si haberet pro objecto formali honestatem compensativam Divini juris, non posset circa peccata remissa elicere verum actum pœnitentiæ: ergo &c. Ma: patet, quia peccata remissa sunt materia sufficiens Sacramento pœnitentiæ ex n.54. Mi: verò prob. Ea pœnitentiæ virtus non potest talem actum elicere in peccatore, cum in illo non maneat; deinde neque in iusto, cum in illo offensa sit jam remissa, & condonata: ergo &c. Confirmatur. Justitia non potest suum actum exercere, nisi quando datur Jus exigens satisfactionē: etenim si debeo quatuor Petro, postquam

quam illa quatuor ei restitui, vel postquam ipse condonavit, & juri suo cessit, jam non possum ex justitia solvere, licet possim ex gratitudine, aut alio simili titulo: atqui virtus, quæ habet pro objecto formali compensationem divini juris est justitia, ut constat à num 76. ergo quando offensa est condonata, jam non possum compensare ex justitia, licet possim ex gratitudine, ac proinde in justo, in quo est offensa condonata, non potest justitia verum actum poenitentiae elicere.

183. Respon. conc. Ma: & nego Mi: Ad probationem nego secundam partem Antec. Ratio est, quia ut specialis poenitentia virtus eliciat in justo verum poenitentiae actum, solum requiritur, quod eliciat actum doloris detestativi peccatorum, quæ commissa, & condonata fuerunt cum proposito non peccandi de cætero, & quod talis actus ex motivo compensationis divini juris procedat, non quidem ad compensandum reparativè divinum jus efficaciter, & effectivè, cum in justo jam sit ita compensatum: reparativa enim compensatio, quæ fit per actum justitiæ, solum dicitur pertinere ad justitiam, quatenus habet objectum formale justitiæ; effe-

effectivè verò procedit, vel ab auxiliis divinæ gratiæ, vel ab omnipotentia extrinsecè applicata, ut diximus n. 94. In iusto autem solùm requiritur actus compensationis præservativæ, qui non effectivè, sed affectivè solùm est reparativus: cùm autem iustus ex eo, quod offensam contra Deum commiserit, & reus factus fuerit compensationis, pro tali offensa verè possit detestativè dolere, de tali offensa, quam commisit, eo quod reus factus fuerit eam compensandi Deo, ut constat ex num. 53. & 54. quod quidem est motivum justitiæ inter Deum, & homines intercedentis, exinde potest concipere in actu pœnitentiæ ex motivo justitiæ formalitates doloris, & detestationis. Insuper propositum non peccandi de cætero elici etiam potest ex motivo compensandi in posterum jus divinum, scilicet præservativè: unde quidquid ad actum veræ pœnitentiæ in iusto requiritur manifestè procedet tunc ex motivo justitiæ.

184. Quod adhuc evenire potest in humanis; Petrus enim, qui furatus est centum à Francisco, & sic contra justitiam peccavit, licèt Franciscus condonet furtum, potest verè

rè detestativè dolere de eo , quod furtum cominiserit , & justitiam violaverit , sive reus factus fuerit compensationis juris Francisci ab ipso Petro læsi , proponendo ex motivo justitiæ nunquam jus illud lædere in posterum , sive non se facere reum iterum talis compensationis , qui quidem actus , etsi non sit reparativa solutio efficax effectivè , eum jam offensa sit omnino soluta , ut supponimus , est formaliter efficax affectivè , & formaliter incompollibilis cum læsione effectiva talis juris in posterum , quod ad nullam aliam virtutem pertinet , nisi ad justitiam . Hinc ad Confirmat. distin. Ma: non possum reparativè ex justitia solvere efficaciter effectivè, conc. affectivè, sive efficaciter præservativè, nego Ma: & dist. Mi: nego Conseq. quia ut ille actus esset gratitudinis , debebat procedere ex motivo beneficii accepti , non quidem ex motivo compensativæ honestatis juris , sicuti procederet actus iste , de quo loquimur .

185. Objicies nonò: instando simul solutionem . Si actus pœnitentiæ compensationis reparativæ in peccatore , & præservativæ compensationis in justo , eo quòd ex tali moti-

motivo procederet, esset actus iustitiæ; actus iustitiæ quâ talis esset theologicus: sed hoc est falsum ex dictis: ergo &c. Probatur Ma: ex motivo compensationis reparativæ potest peccator velle suscipere Sacramentum pœnitentiæ, quatenus reparativè compensativum juris divini læsi per offensam, & iustus Sacramentum Ecclesiæ, & alia Sacramenta, quatenus sunt præservativè compensativa: sed talis actus essent theologici, utpote attingentes divinitatem, vel hypostaticè unitam cum corpore, & sanguine Christi in Eucharistia, ut in eo tract. diximus cum Trid. num. 39. vel moraliter cum actionibus Christi meritoriis, ex quibus habent impetrationis valorem omnia Sacramenta: ergo &c.

186. Resp. nego Ma: ad probationem dist. Ma: velle suscipere Sacramentum, ut Deo bonum, nego; ut bonum iusto, aut peccatori pœnitenti, conc. & dist. Mi. nego Consequen. Ratio est, quia volens Sacramenta, ut pœnitenti bona non habet pro objecto formali ultimato aliquid divinum, ac proinde talis volitio non est actus virtutis theologicæ, ex dictis à num. 95. Imò Sacramenta ut pœnitenti bona mensurantur ad mensuram valoris,

loris, qui juxta Christi institutionem poenitenti applicatur: Cùm autem ista applicatio non sit simpliciter infinita, adeoque neque sit prædicatum divinum, actus poenitentiae specialis nunquam respicit in Sacramentis pro objecto suo formali prædicatum divinum. Quod autem illud prædicatum divinum sit obliquũ illius objecti formalis, non sufficit ad specificandum actum theologicum, ut constat ex num. 98. Sacramenta verò formaliter, & constitutivè sumpta dicunt rem institutam, & institutionem, quæ non sunt aliquid divinum, etsi per unionem physicam, aut moralem afferant divinitatem. Sicuti res prohibita non est prohibitio, neque res præcepta est præceptum, ut constat ex dictis à num. 41. & 56. Exinde

187. Fit primò: Virtutem poenitentiae non denominari poenitentiam nisi per verum actum poenitentiae; sicuti intellectus non denominatur intelligens, nisi per verum actum intellectionis. Vnde sicut virtus ad intelligendum non est sufficiens, ut homo præcisè per illam denominetur intelligens; ita virtus elicitiva actus poenitentiae non est sufficiens, ut homo præcisè per illam denominetur
tur

tur pœnitens . Quapropter virtus illa in Christo, Deipara, & Innocentibus, cum non posset elicere actum doloris de peccato commisso, neque erat, neque denominabatur pœnitentia; adeoque non denominabat pœnitentem voluntatem, cui inerat, ut sequenti disputatione dicemus: denominabat autem secundum rationem absolutam virtutis, quam participabat, sive charitatis, sive iustitiæ &c. Ratio est, quia ista denominatio habetur ex objecto formali, quod ex intrinsicis suis respicit unaquæque virtus, ita ut absque tali objecto formali exerceri non valeat, ut charitas, quæ exerceri non potest nisi ex objecto formali bonitatis divinæ, idemque suo modo de aliis, licet possit ex suo primario munere exerceri, quin eliciat actum dolentem de peccato, adeoque quin sit pœnitentia; ea quippè virtus à tali actu denominatur pœnitentia, ut ex dictis constat. Imò si fugiat pœnam, non quidem ut debitam propter culpam commissam, sed propter purum reatum pœnæ; non exinde denominabitur pœnitentia, ut constat ex num.

161. Fit secundò: quod si Deus in alia Providentia ad compensationem peccati destina-

stinasset non quidem dolorem, sed alia objecta distincta, adhuc posset virtus justitiæ propter honestatem compensationis ea objecta amplecti, ab eorumque amplexione denominari poenitentia.

DISPUTATIO IV.

De efficacia, subjecto, & praxi Pœnitentia.

188. CERTVM est, nullum peccatum etiam post baptismum commissum posse esse ita grave, ut superet infinitam Dei misericordiam: cùm hæc major sit gravitate, & numero quorumcumque peccatorum, qua de causa ut blasphema reputantur illa Caini verba Gen. 4. *Major est iniquitas mea, quàm ut veniam merear.* Cæterùm ut refert Author de vera, & falsa poenitentia apud Aug. tom. 4. cap. 5. non defuerunt Hæretici, qui dicerent in hac divina Providentia non esse omnia peccata remissibilia, saltem ea, quæ post baptismum ritè susceptum committuntur. Qui quidem error tribui

bui solet Novato . Alii dixerunt aliqua peccata esse remissibilia, non verò omnia , idq; solùm semel post baptismum , qui quidem error attribui solet Novatianis , sive Novati discipulis . Eorum fundamenta nituntur variis scripturæ , & SS. DD. testimoniis in prævum sensum detortis , ex quibus inferebant , neque pœnitentiam perfectam charitatem formatam extra Sacramentum , neque attritionem unà cum Sacramento sufficientem esse ad ea peccata delenda : ac proinde dicebant, frustra homines agere pro illis peccatis pœnitentiam . Pro istorum errorum impugnatione sit .

S E C T I O P R I M A .

An omnia peccata deleri possint per pœnitentiam .

S. I.

189. **S** VPPONO primò: voces aliquando in scriptura non significare secundùm verborum corticem , sed secundùm sensum , quem in communi loquendi modo

do habent apud homines; eaque de causa cum apud homines vocari soleat impossibile, quod est difficillimum, & rarò evenit; tum etiam vocari soleat impotentia ea, quæ est consequens, præsertim conjuncta cum magna difficultate simpliciter antecedenti; exinde impossibile, & impotentia solent in ista significatione aliquando usurpari in scriptura. Sic ut unum ex multis proponamus exemplum clarum: sap. 12. v. 10. de perversitate Chananæorum dicitur: *quoniam non poterat mutari cogitatio illorum in perpetuum*: cum tamen infra in eodem cap. v. 20. dicatur: *Deus illos punivisse dans tempus, & locum, per quem possent mutari à malitia*. Exinde

190. Suppono secundò, quòd apud homines dici soleat etiam poenitens, qui retractat factum, ex quocumque motivo id faciat. Quapropter etiam aliquando poenitentia significari solet juxta hunc sensum in scriptura, nimirum grammaticalitèr, & non theologicè sumpta, de qua loquimur, ut constat ex num. 2. Talis fuit poenitentia Caini, & Judæ minimè ordinata ad veniæ consecutionem, sed elicitæ cum dispositione veniæ: tum etiam poenitentia Antiochi dolentis de

De Pœnit. Pars I.

O

pec-

peccatis ex fine inutili, ſicut & pœnitentia Eſau dolentis ſimiliter de amiſſa benediſtione paterna, ut cum D. Thom. dicemus n. 203: licèt enim Deus aliquando peccatori non det locum pœnitentiæ, ut patet in illis, qui in ipſo actu mortaliter peccandi moriuntur, vel in perpetuam amentiam incidunt, tamen dedit eis auxilia, quibus poſſent impedire peccata, ſimulque omnes Viatores ſui compotes habent parata auxilia, quibus à peccatis antea commiſſis per veram pœnitentiã poſſint reſurgere, juxta illud Apocal. 3. *ego ſto ad oſtium, & pulſo, & Matth. 11. venite ad me omnes, qui laboratis, & onerati eſtis, & ego reficiam vos*, ut latiùs dicemus à n. 195. His poſitis

191. Aſſero cum omnibus Catholicis: Pœnitentia perfectã, ſive ſumpta pro actu perfectæ contritionis extra Sacramentum, ſive pro ipſo Pœnitentiæ Sacramento ſufficiens eſt, ut peccatori juſtificationis gratia confeſratur, adeoque ut remittantur peccata, quin peccatorum numerus, vel qualitas obſit, quamvis poſt aliam pœnitentiam perfectam peccator ſæpiùs lapſus fuerit. Probatur primò ex Sacra Scriptura: Deus perfectè pœnit-

ten-

tentibus promisit remissionem peccatorum absq;ulla limitatione, five peccata sint pauciora, five plura; five post poenitentiam, five ante illam cōmissa: ergo perfecta poenitentia sufficiens est, ut gratia justificans cōferatur, & ea omnia peccata remittantur, aliter divina promissio non esset vera, quod est blasphemum. Probatur antecedens ex Joelis 2. ubi dicitur: *benignus est Deus, & misericors, & multæ misericordiæ, & præstabilis super malitia*; Isaia 59. *non est abbreviata manus Domini, ut solvere nequeat, neque est aggravata auris, ut non exaudiat*: Ex quibus Apost. ad Rom. 2. *An divitias bonitatis ejus, & patientiæ, & longanimitatis contemnis, ignorans quia benignitas Dei ad poenitentiam te adducit?* atqui misericordia Dei non promitteretur præstabilis super malitia, & parata ad exaudiendum poenitentem, si vera poenitentia sufficiens non esset, ut justificationis gratia ei conferretur, & peccata remitterentur: ergo &c.

192. Confirmatur primò ex Ezech. 18. *Nunquid voluntatis meæ est mors impii, & non magis ut convertatur, & vivat. Et Matth. 18. quoties peccabit in me frater meus, & dimittam*

ei uſque ſepties ? non dico tibi uſque ſepties , ſed uſque ſeptuagies ſepties , ubi ex vulgari , & communi modo loquendi ponitur numerus finitus pro infinito , ut ſignificetur pluries , & pluries in infinitum , ut ex SS. PP. habet Author de vera , & falſa pœnitentia apud Aug. cap. 5. ergo &c. Confirmatur ſecundò: magis abundat gratia in lege evangelica , quàm in lege veteri: ſed in veteri Deus erat ſemper paratus ad quæcumque peccata remittenda perfectè pœnitentibus , ut conſtat ex testimoniis adductis , & ex illo Ezech. 33. Si impius egerit pœnitentiam vitâ vivet, & non morietur: ergo &c.

193. Probatur ſecundò ex Conciliis: Lateranenſe enim , ut habetur cap. firmiter de ſumma Trinitate ſic habet: *Si quis prolapsus fuerit in peccatum poſt baptiſmum , poteſt ſemper per pœnitentiam reparari .* Florent. in decreto Eugenii . *Quod ſi per peccatum ægri tudinem incurrimus animæ , per pœnitentiam ſpecialiter ſanamur .* Trid. ſeſs. 14. de pœnitentia, canone 1. *Si quis dixerit, in Catholica Eccleſia pœnitentiam non eſſe verè , & propriè Sacramentum pro fidelibus, quoties poſt baptiſmum in peccata labuntur, ipſi Deo reconciliandis, à Chriſto Domi-*

no nostro institutum, anathema sit. Quod idem suo modo est de perfecta contritione extra Sacramentum, ut constat ex eodem Trid. sess. 14. cap. 4. dicente: Docet præterea, etsi contritionem hanc aliquando charitate perfectam esse contingat, hominemque Deo reconciliare prius, quàm hoc Sacramentum actu suscipiatur: ergo &c.

194. Probatur tertiò ex SS. PP. Author enim de vera, & falsa poenitentia apud Augustinum tom. 4. cap. 1. ita habet: *Tuæ itaque trado dilectioni quidquid de poenitentia sentio, autoritate PP. & illustratione Sancti Spiritus, & cap. 2. nullum peccatum poterit remanere ante poenitentiam, & cap. 5. ille enim solus diffidat, qui tantum peccare potest, quantum Deus bonus est. Pariter S. Leo ser. 4. de Epiph. dum in hoc corpore vivitur, nullius desperanda est reparatio, omnium est optanda correctio, auxiliante illo, qui erigit elisos, solvit compeditos, illuminat cæcos. Vide alia plura testimonia apud Eximium Doctorem disp. 8. sec. 1. & apud Bellar. lib. 2. de gratia, & libero arbitrio cap. 5. tum etiam sacros Expositores ad illa Christi Domini verba, Matth. 9. Non est opus valentibus Medicus, sed malè habentibus: eun-*

tes autem dicite, quid est: misericordiam volo, & non Sacrificium: non enim veni vocare justos, sed peccatores ad pœnitentiam. Ex dictis

§. II.

195. Fit primò:quemcumque viatorem sui compotem peccaturum mortaliter, si desperet de venia, cum semper habeat gratiam sufficientem, ut pœnitere possit, & Deus paratus sit ad eum recipiendum, ex testimoniis relatis. Sic super illa verba Ezech. 18. *Nolo mortem peccatoris, sed ut convertatur:&* 33. *Nunquid voluntatis meæ est mors impii,* advertit Hieron. dicta esse ad tollendam desperationem, quia Deus ex se semper est paratus ad vitam præstandam. Sic Greg. lib. 17. *Moral. c.4. quisquis delinquit, & vivit, idcirco hunc divina dispensatio in equalitate tolerat, ut ab iniquitate compescat.* Idem latè tradunt Epiphanius hæresi 59.. Leo Papa ep. 9. Fulg. ep. 7. & Prosper ad objectiones Vincentianas responsione 25. dicens: *ne mini Deus correctioni adimit vitam, neque quemquam boni possibilitate spoliatur, quæ inferunt ex 11. & 12. sapientiæ, ubi de Deo dicitur:*

tur: *diffimulans peccata hominum propter pœnitentiam*: Sic Cyp. lib. 4. ep. 2. ad Demetrianum: *Quando istinc excessum fuerit, jam non erit locus pœnitentiæ, hic vita, aut amittitur, aut tenetur, neque quisquam, aut peccatis retardatur, aut annis*: Sic lib. de prædestinatione, & gratia cap. 14. sub nomine Aug. dicitur: *sicpiè de Deo sentiamus, etiam Pharaoni non denegavit misericordiam suam*.

196. Fit secundò: in hac vita nunquam cessare respectu viatoris sui compotis præceptum pœnitendi, & præceptum etiam sperandi, ac proinde repugnare in hac Providentia totalem privationem auxilii sufficientis peccatori sui compoti. Ex quo clara patet disparitas ad casum peccatoris à tempore peccati usque ad mortem amentis, cùm ille, neque præceptis, neque prohibitionibus obligetur; sicuti obligatur, qui est sui compos: etenim in homine sui compote tota certitudo nostræ spei labefactaretur: nam juxta adversarios formidare posset peccator, ne justo Dei judicio privatus esset auxiliis sufficientibus ad pœnitendum. Quapropter D. Thom. adeo veram censet doctrinam nostræ illationis, ut quæst. 86. art. 1. ita habeat:

Unde dicere, quod aliquod peccatum ſit in hac vita, de quo quis pœnitere non poſſit, erroneum eſt. Primò, quia, quia per hoc tolleretur libertas arbitrii: ſecundò, quia per hoc derogaretur virtuti gratiæ, per quam moveri poteſt cor cujuſcumque peccatoris ad pœnitendum, ſecundùm illud Proverb. 21. Cor Regis in manu Dei, & quòcumque voluerit, vertet illud. Cæterùm Exim. Doct. licèt contrariam ſententiam falſam judicet diſputatione 8. ſect. 2. non audet illam cenſurâ inurere, cùm eam defendant Henricus, Abuleniſis, Medina, & plures alii Catholici, quorum, & Hæreticorum fundamenta ſequenti ſectiõne diſſolvemus. Exinde

197. Fit tertiò: quod licèt non ſemper Deus actu det gratiam, ut quando homo dormit, & ſic de aliis eventibus; at non habet ullum decretum abſolutum, quo ſtatuat non dare ampliùs gratiam ſufficientem, quidquid homo operetur, vel quomodocũq; cauſæ ſecundæ illam poſtulent, aut requirant: de hoc enim modo denegandi gratiam ſufficientem propter peccata commiſſa eſt tota præſens controverſia. Unde non ſolùm Sacramentum Pœnitentiæ eſt utiliter itera-
bile,

bile, sed etiam actus veræ poenitentiae, ad quem ex parte Dei parata sunt auxilia. Illa verò controversia, in qua quæritur, quomodo Deus parata habeat auxilia pro omnibus ex parte sui, tam adultis, quàm parvulis, tam fidelibus, quàm infidelibus, spectat ad tract. *de Providentia*, ubi cum Exim. Doct. communiter dicitur, Deum omnibus adultis conferre gratiam excitantem, quia si homo habet fidem potest orare cum communi auxilio gratiæ: oratio autem, si cum debitis circumstantiis fiat, habet promissionem certam in ordine ad ea, quæ necessaria sunt ad salutem ex illo Matth. 7. *petite, & dabitur vobis*. Si verò homo non habeat fidem, vel ille audivit aliquid de fide, vel non? si audivit: habuit auxilium excitans, nam cum illo auditu semper est conjuncta aliqua interior excitatio gratiæ, & tunc si non adhibeat diligentiam, ut ad fidem perveniat, per ipsum stabit. Si verò nihil audivit de fide, recipiet saltem aliquam motionem gratiæ, per quam ad emendationem vitæ, vel abiectionem errorum aliquomodo inducatur, cui si benè cooperetur, majorem recipiet, si autem restiterit, liberum erit

erit Deo, vel ultra progredi, vel ibi sistere: tunc enim cùm Deus habeat parata auxilia, si homo correspondeat, non minùs quàm Medicus, qui haberet contra omnes infirmitates parata medicamenta, si egrotus vellet; jam non per Deum, sed per ipsum hominem stabit, juxta illud Oseæ 13. *perditio tua Israel: tantummodo in me auxilium tuum*. Pariter respectu infantium infidelium (idem suo modo fidelium) qui ante rationis usum moriuntur, confert Deus auxilia, vel parentibus, vel aliis, ut possint impedire causas secundas inductivas mortis infantis, ut pervenire posset ad statum, in quo parata à Deo auxilia reciperet, vel ut parentes, aut alii pervenissent ad fidem, & sic remedium baptismi pro illis haberent. In quo stat mirabilis illa divinæ Providentiæ ordinatio, quâ de Deo verè dicitur primâ ad Tim. 2. *omnes homines vult salvos fieri, & ad agnitionem veritatis venire*.

S E C T I O I I.

Solvuntur opposita .

§. I.

198. **O**BJICIES primò . In hac Provi-
 dentia sunt aliqua peccata irre-
 missibilia : ergo non possunt remitti omnia
 per Poenitentiam . Prob. Antec. ex Paulo *ad*
Hebr.6. dicente : *impossibile enim est , illos qui*
semel sunt illuminati , gustaverunt etiam donum
cœleste , & participes facti sunt Spiritûs sancti,
gustaverunt nihilominus bonum Dei Verbum ,
virtutesque sæculi venturi , & prolapsi sunt , rur-
sus renovari ad pœnitentiam : ergo &c. Confir-
 matur primò ex eodem Paulo *ad Hebr.10.*
Voluntariè autem peccantibus nobis post acce-
ptam notitiam veritatis , jam non relinquitur
pro peccatis Hostia : ergo &c. Confir.2. ex
 Amos 1. ubi ait Deus : *Super tribus sceleribus*
Damasci , & super quartum non convertam eum.
 Quam sententiam hoc , & sequenti cap.
 contra alios sæpè repetit : ergo &c. Confir.3.
 ex August. lib.1. *de Ser. Domini in Monte ver-*
 sùs

sus finem dicente : *tantam esse labem illius peccati , quo post agnitionem Dei per gratiam , fraternitas , & ipsa gratia , agitantibus invidia facibus , oppugnatur , ut deprecandi humilitatem subire non possit .* Confirmatur quartò ex Isidoro cap. 5. de summo bono : *Nonnulli ita à Deo despiciuntur , ut deplorare sua mala non possint . ergo*

199. Resp. nego antecedens. Ad prob. nego Conf. quia Paulus in illo loco agit de pœnitentia , quæ non se solâ , sed cum baptismo peccatum remittit : agit enim verè , & propriè de baptismo : baptismus autem est animæ renovatio , quâ nova efficitur creatura , ut constat ex n. 42. de baptismo , & habet idem Paulus ad Titum 3. dicens . *Salvos nos fecit per lavacrum reconciliationis .* Docet ergo in eo testimonio Apostolus , lapsum post baptismum non posse iterum per baptismum renovari , quia baptismus non est Sacramentum , & lavacrum iterabile , sicuti sæpe iterabantur lavacra quædam purgatoria veteris legis , ad instar quorum volebant Hebræi baptismum Christi esse iterabilem . Hæc enim est vera , & germana hujus loci interpretatio . Sic apud Aug. Author de
vera

vera, & falsa pœnitentia cap. 3. vocat excæcatos illos Hæreticos, qui hoc Pauli testimonio abutebantur, dicentes, non manere pœnitentiæ locum iis, qui post baptismum lapsi fuerint, contra quos sic ingeniosè insurgit: *Sed si superbia eos non excecasset, viderent Apostolum non ita esse destructorem sui laboris, atque sui gaudii: quas enim per Epistolas correxit, nisi qui post baptismum ceciderant, & in peccato perseverabant? si non possent renovari per pœnitentiam, cur prædicare eam? Præterea Corinthum revocat post baptismum peccantem, & fornicationem gentium superantem. Quomodo præciperet pœnitentiam, si sic contra suum prædicaret præceptum? sed de baptismo hoc intellexit: non enim qui lapsi sunt per iteratum baptismum consequi veniam poterunt. Hinc*

200. Ad primam Conf. nego Consequen. quia cum ibi agat Apostolus de baptismo, qui iterari non potest, non manet hostia, si ve expiatio per alium baptismum illis, qui post baptismum lapsi sunt. Quasi diceret, ait Chrysostomus ep. 7. in ep. ad Hebr. *Non relinquitur peccatori alius Christus, cui per baptismum configuretur: Ad secundam Con-*

Confirmationem, nego Conseq. quia in co-
 textu non loquitur Deus de poena æterna,
 sed de temporali, quam etiam poenitenti-
 bus non semper remittit. Significat ergo
 Deus per illa verba, quod licet remisisset
 poenam temporalem devastationis debitæ
 pro tribus primis sceleribus Damasci, nole-
 bat remittere poenam devastationis debitæ
 quarto sceleri, sed volebat Damascum de-
 vastari ab hostibus. Quinimò si loquatur de
 peccato, ait D. Hieron. facile intelligitur de
 peccato impœnitentiæ finalis, à quo pro
 culpa sua non recederent, cum possent.

201. Ad tertiam Confirmationem nego
 Conseq. quia Aug. non agit ibi de non posse,
 sive de impotentia absoluta antecedente, sed
 de impotentia consequenti conjuncta cum
 magna antecedente difficultate, quæ ex di-
 ctis nu. 189. vocari solet impotentia. Hæc
 est expressa D. Thom. expositio quæst. 86.
 art. 1. ad secundum dicentis: *Ad secundum
 dicendum, quod illud verbum Aug. sic intelli-
 gendum est: tanta est labes illius peccati, ut de-
 precandi humilitatem subire non possit, scilicet de
 facili, secundum quod illud dicitur non posse sa-
 nari, quod non potest de facili sanari.* Ad quartã
 Con-

Cōfirmationem, nego Conseq. quia Isidorus, ut ex ipso contextu constat, non intelligit, non posse absolutè, sed non posse facilè, ut de Augustino cum D. Thom. diximus.

202. Objicies secundò: si peccata omnia essent remissibilia, Deus sæpe exaudiret orationes verè pœnitentis pro se ipso, aut sanctorum pro eo; sed aliquando has orationes Deus non exaudit: ergo, &c. Prob. Min. ex Hieremiæ 7. ubi Deus ait: *Tu autem noli orare pro populo hoc, nec assumes pro eis laudem, & orationem, quoniam non exaudiam te.* Tum etiam ex 2. Mach. 9. ubi de Antiocho dicitur: *orabat autem hic scelestus Dominum, à quo non esset misericordiam consecuturus.* Tandem ex 12. ad Hebr. ubi dicitur de Esau: *non enim invenit pœnitentiæ locum, quanquam cum lacrymis inquisisset eam:* ergo, &c. Respondeo dist. Ma. exaudiret orationes, in ordine ad omnes fines, quos intendit, qui orat, nego, in ordine ad remittendum peccatum verè pœnitenti, conc. Major. & dist. Min. nego Conseq. Ad prob. nego Conseq.

203. Ratio est, quia Deus non exaudit semper orationem, in ordine ad remittendam poenam temporalem, & in hoc sensu intelligi-

ligitur locus citatus ex Hieremia, unde perperam ex illo probatur esse peccatum aliquod irremissibile: orationes autem Antiochi, & Esau non exaudivit Deus, quia illi non orabant cum vera pœnitentia, ut habet D. Thom. loco citato num. superiori dicens: *Ad primum ergo dicendum, quod Esau non verè pœnituit, quod patet ex hoc, quod dixit: venient dies luctûs Patris mei, & occidam Iacob fratrem meum.* Similiter enim neque Antiochus verè pœnituit, dolebat enim de culpa præterita, non propter offensam Dei, sed propter infirmitatem corporalem, quam patiebatur.

204. Obiicies tertio: Matth. 12. dicitur de blasphemia contra Spiritum Sanctum: *Qui autem dixerit contra Spiritum Sanctum, non remittetur ei, neque in hoc sæculo, neque in futuro, & 1. Jo. 5. est peccatum ad mortem, non pro illo dico, ut roget quis: ergo talia peccata sunt irremissibilia.* Confirmatur primò ex Act. 8. ubi Simoni Mago dicitur: *pœnitentiam itaque age ab hac nequitia tua, & roga Deum, si fortè remittatur tibi hæc cogitatio cordis tui:* atqui ly fortè significat, quod illud peccatum potest esse ex remissibilibus, & non ex irremissibili-

sibilibus : ergo &c. Confirmatur secundò ex Amb. lib. 2. de poenit. cap. 10. dicente : *Reperiuntur qui sæpiùs agendam pœnitentiam putant , qui luxuriantur in Christo : ergo &c.*

205. Resp. nego Conseq. quia si per peccatum contra Spiritum Sanctum , & per peccatum ad mortem intelligatur peccatum impœnitentiæ finalis , in quo homo moritur, ut sentit Augustinus , nec dissentit D. Th. planum est, illud peccatum, neque in hoc sæculo , neque in alio remitti ; non quidem in hoc sæculo , quia peccator noluit agere pœnitentiam , quam potuit agere ante mortem , non in alio sæculo , quia post mortem jam non est ampliùs pœnitentię locus , unde non significatur peccatum irremissibile ; sed peccatum, quod erat remissibile, & post mortem nunquam remittetur : neque oportet orare pro tali peccatore , sive potiùs damnato . Quam expositionem de peccato ad mortem amplectitur Exim. Doct. disp. 8. sec. 1. cum magno censu SS. PP.

206. Si verò intelligantur peccata perpetrata ex magna malitia , quibus dæmoni tribuuntur illa opera facta ex gratia veram fidem comprobantia , & quæ debebant Spi-

De Pœnit. Pars I.

P

ritui

ritui Sancto tribui, adeoque contra Spiritum Sanctum commissa dicuntur, cui opera gratiæ tribuuntur, tunc non *remitti*, non significat *absolutè*, sed significat non *remitti de facili*, juxta phrasim scripturæ cit. n. 189. quæ est expositio D. Thom. ubi supra sic dicentis. *Ad tertium dicendum, quod illud verbum, vel blasphemia contra Spiritum Sanctum est finalis impœnitentia, ut Aug. dicit in lib. de Verbis Domini tom. 10. quæ pœnitus irremissibilis est, quia post finem hujus vitæ non est remissio peccatorum. Vel si intelligatur per blasphemiam, Spiritûs Sancti peccatum, quod fit ex certa malitia, vel etiam ipsa blasphemia Spiritûs Sancti, dicitur non remitti, scilicet de facili, quia tale peccatum non habet in se causam excusationis; vel quia pro tali peccato punitur aliquis, & in hoc seculo, & in futuro.*

207. Ad primam Confirmationem conc. Ma: & nego Mi: quia, ut ait Ambr. lib. 2. de pœnitentia, per *ly fortè* non significatur impotentia, sed difficultas juxta phrasim scripturæ. Sic Hieremiæ 26. ait Deus: *noli subtrahere verbum, si fortè audiant, & convertantur unusquisque à via sua mala; & Ezech. 3. Et dixit ad me: fili hominis omnes sermones meos*

*meos , quos loquor ad te, assume in corde tuo , & auribus tuis audi , & vade ingredi ad transmigrationem ad filios populi tui ; & loquêris ad eos , & dices eis : hæc dicit Dominus Deus; si fortè audiant , & quiescant , ubi ly fortè non significat conjecturalem scientiam , utpote Deo repugnantem , sed difficultatem , quam Deus optimè cognoscebat . Ad secundam Confirmationem nego Conseq. , quia Ambros. in eo tractatu non loquitur de pœnitentiâ interna theologicè sumpta , sed de externa , & solemni , quæ ex consuetudine Ecclesiæ non iterabatur , & erat una , sicut baptismus est unus . Sic D. Thom. quæst. 84. art. 10. *Ad secundum dicendum , quod Ambrosius loquitur de pœnitentiâ solemni , quæ in Ecclesia non iteratur .**

§. II.

208. Objicies quartò: Miracula, quibus Dominus infirmitates corporales sanavit, significant sanationes spiritualium infirmitatum, quibus homines liberantur à peccatis, sed non legitur, quod Dominus aliquem cæcum bis illuminaverit, vel quod aliquem leprosum bis mundaverit, aut ali-

P 2

quem

quem mortuum bis suscitaverit: ergo illi, qui semel per baptismum liberati sunt à Christo, non possunt in hac Providentia ulterius liberari, ac proinde eorum peccata erunt irremissibilia. Confirmatur primò ex Greg. cit. num. 17. *Pœnitentia est perpetrata mal-plangere, & plangenda non perpetrare*: erga si aliquis verè pœniteat, non iterum peccat, ac proinde post primam veram pœnitentiam non dantur peccata iterum remissibilia. Confirmatur secundò ex Isid. lib. de summo bono cap. 16., ut habetur de pœnitentia dist. 3. cap. irrisor.: *irrisor est, non pœnitens, qui adhuc agit, quod pœnitet*: ergo &c. Confirmatur tertio ex Ambr. ser. 8. in psalm. 118. ut habetur 23. quæst. 4. *facilitas veniæ incentivum præbet delinquendi*; atqui si peccatis semel remissis, possent nova peccata iterum remitti per pœnitentiam, Deus concedens facilè veniam præberet incentivum delinquendi: ergo &c.

209. Resp. dist. Ma: significant sanationes spiritualium infirmitatum, sumptâ significatione præcisè ex effectu saniratis, nego; ex virtute Medici sanantis, concedo Ma: & concessa Mi. nego Conseq. Ratio est, quia signi-

gnificatio non solùm provenit ab illis effectibus factis: quamvis enim Christus non sanasset omnes mortuos, qui erant in mundo, sed paucos, nimirum filiam Jairi, filium Viduæ, & Lazarum, exindè non solùm extenditur poenitentia ad resuscitandos solùm tres peccatores, sed ad omnes, qui eam verè facere volunt, ut vel ipsi Hæretici fatentur: aliter non ad omnes, sed ad solos tres Hæreticos posset inter omnes extendi poenitentiæ virtus. Sic etiam licèt unumquemq; ex illis solùm semel suscitaverit Christus, non solùm extenditur poenitentia ad suscitandum semel Poenitentem, sed ad suscitandum, quotiescumque verè poenitere voluerit: sumitur enim significatio à virtute Medici, quæ non solùm ad semel, sed ad multoties suscitandum est potens. Sic Author de vera, & falsa poenitentia cap. 5. & cum illo D. Thom. quæst. 84. art. 10. dicit: *sed qualis hic Medicus, qui malum iteratum nesciret curare? Medicorum, est centies infirmum centies curare: qui cæteris minor esset, si aliis possibilia ignoraret.*

210. Ad primam Confirmationem, nego Conseq. quia ad actum poenitentiæ solùm requiritur, quod ipso permanente non detur

peccatum in anima, neque cum illo possit componi. Cæterum cum voluntas, utpote libera, possit illum actum retractare, exinde potest peccare, postquam elicuerat veram pœnitentiam. Hinc ad secundam Confirmationem, dist. Antecedens: est irrisor, si adhuc peccat, dum dicit, se pœnitere, concedo Antecedens; si peccat postea, quando retractavit actum elicitedum pœnitentiæ, nego Antec. & Conseq. Neque alia est mens SS. Gregorii, & Isidori, ut ait D. Thom. cit. per hæc verba. *Ad quartum dicendum, quod pœnitere est anteacta peccata deslere, & flenda non committere, scilicet simul dum flet, vel actu, vel proposito: ille enim est irrisor, & non pœnitens, qui simul dum pœnitet, agit, quod pœnitet, vel proponit iterum se facturum, quod gessit, vel etiam actualiter peccat eodem, vel alio genere peccati. Quod autem aliquis postea peccat, vel actu, vel proposito, non excludit, quin prima pœnitentia vera fuerit: nunquam enim veritas prioris actus excluditur per actum contrarium subsequentem: sicut enim verè currit, qui postea sedet, ita verè pœnituit, qui postea peccat: huc usq; D. Th. qui & autoritate, & ratione solutionem nostram confirmat.*

211. Ad

211. Ad tertiam Confirmationem dist. Ma: incentivum præbet utentibus benè misericordiâ divinâ , nego ; abutentibus , sive potiùs facientibus incentivum pro culpa sua, concedo Ma: & dist. Mi: nego Conseq. Ratio est , quia, quod ex se est incentivum ad amandum Deum, fit à pravis hominibus, per abusum, incentivum ad odio habendum. Unde Deus nunquam præbet incentivum , sed præbet id, quod ab ipsis pravè fit incentivum. Deus autem per illam magnam misericordiam satis ostendit ; quantum sibi peccata displiceant , *qui semper præstò est ea destruere, ne solvatur quod creavit, nec corrumpatur, quod amavit* , ut cum Aug. ait D. Thom. loco cit. ad 6.

212. Objicies quintò ex Authoribus Catholicis citatis num. 196. Justitia divina non est minor , quàm misericordia, atqui misericordia ita se ostendit erga aliquos , ut eos confirmet in gratia, ne possint labi , aut relabi in peccatum : ergo justitia Dei ita se debet ostendere erga alios , ut eos obduret in peccato per subtractionem gratiæ , ut non possint post peccatum resurgere per poenitentiam , ac proinde in hoc sensu erunt plura

peccata in hac divina Providentia irremissibilia. Confirmatur primò ex Paulo ad Rom. 9. de Deo dicente: *Cujus vult miseretur, & quem vult indurat*: atqui sicut est magna Dei misericordia beneficiũ per confirmationem in gratia; ita est magnum supplicium obduratio per negationem sufficientis gratiæ ad pœnitentiam: ergo sicuti unum non repugnat in hac Providentia, neque repugnabit aliud.

213. Confirmatur secundò: ex Jo. 12. ubi de Judæis dicitur: *Propterea non poterant credere, quia iterum dixit Isajas: excæcavit oculos eorum, & induravit cor eorum, ut non videant oculis, & non intelligant corde, & convertantur, & sanet eos* Similia habentur de Esau ad Heb. 12. & de Antiocho 2. Mach. 9. atque universaliter Ecclesiastis 7. dicitur: *considera opera Dei, quod nemo possit corrigere, quem ille despexerit*: atqui peccatorem non posse credere, neque posse se corrigere, est non posse se convertere per pœnitentiam: ergo &c. Confirmatur tertio: nemo potest elicere actum pœnitentiæ, nisi dependenter à fide, ut constat ex Trid. cit. num. 133. ergo qui incidit in peccatum infidelitatis, incidit
in

in impotentiam pœnitendi, pro ut oportet, ac proinde peccatum saltem infidelitatis non poterit deleri per pœnitentiam.

214. Resp. concedo Ma: & dist. Mi. misericordia ita se ostendit ex necessitate: nego; ex puro beneplacito Dei, conc. Mi: & nego Conseq. Ratio est, quia beneplacitum Dei in ordine ad talem effectum confirmandi aliquos in gratia, ut Deiparam, & alios, constat nobis ex Scriptura, Conciliis, & SS. PP. beneplacitum autem negandi peccatori auxilia sufficientia, ut pœnitere possit, si velit, nobis non constat, sed oppositum: ut constat ex testimoniis adductis num. 190. in quibus, nullo excepto viatore rationis compote, vocat Deus ad se omnes, dicens: *venite ad me omnes, qui laboratis, & onerati estis, & ego reficiam vos*: quæ vocatio est gratia Dei; & venienti promittit pœnitentiam, ut habetur psalm. 50. & remissionem peccati: *cor contritum, & humiliatum Deus non despiciet*: & Zach. 1. *Convertimini ad me, & ego convertar ad vos*; ita ut ex dictis num. 193. solùm possit desperare ille, qui sit tam malus, quàm Deus bonus est. Quod ita non esset, si Deus cuicumque peccatori rationis compoti non

con-

conferret auxilia sufficientia. Hinc

215. Ad primam Conf. conc. Ma: & dist. secundam partem Mi. est magnum supplicium, quo Deus utitur in hac Providentia, nego, quo non utitur, concedo Mi: & nego Conseq. Ratio est, quia quod Deus dicitur obdurare, obcæcare, & despiciere peccatorem, nunquam verificatur ratione voluntatis divinæ, aut solius impotentia nostræ simpliciter antecedentis: nam Deus, & semper, & omnibus tribuit quantum sufficit ex parte actus primi, ut possimus emolliri, videre, & redire in dignitatem filiorum Dei, ex illo Joannis 1. *dedit eis potestatem filios Dei fieri:* ac proindè possumus semper, si velimus, agere pœnitentiam, per quam possumus prudenter sperare peccatorum remissionem. Ad secundam Conf. conc. Ma: & dist. Mi. est non posse impotentia absolutâ, & antecedente, nego, impotentia consequente conjuncta cum magna difficultate antecedente, concedo Mi. & nego Conf. ex dictis num. 189. quia sicut Deus neminem inducit in aliquod peccatum positivè voluntate antecedente, sed tantùm subsequitur peccatum purè permissivè, post illam voluntatem antecedentem; ita

ita nullum Viatorū obdurat in peccato commissō, aut impoenitibilem, & inemendabilem reddit voluntate antecedenti, sed id solū sequitur voluntate simpliciter consequente, & purē permissiva mali conjuncta cum illa magna difficultate antecedenti, cujus nos soli nobismetipsis sumus authores. Unde non in Deum, sed in nos refundenda est tota culpa.

216. Quapropter Alexander VIII. die 7. Decembris anno 1690. inter illas 31. propositiones, jure meritō damnavit sextam, quę sic habebat: *gratia sufficiens statui nostro non tam utilis, quā perniciosa est, sic ut proinde meritō possimus petere: à gratia sufficienti libera nos Domine.* Ad tertiam Confirmationem concedo Antecedens, & nego Consequ. quia infidelis potest redire ad fidem, & ex illustratione actūs fidei elicere salutarem penitentiam: habet enim gratiam sufficientem potentiae absolutæ antecedentis constitutivam, ut constat ex dictis. Quapropter idem Alexander VIII. inter supradictas damnatas propositiones damnavit quintam, quę sic habebat: *Pagani, Iudei, Hæretici, aliique hujus generis nullum omnino accipiunt à Iesu Christo influxum; adeoque hinc recte inferes, in illis*

*illis esse voluntatem nudam, & inermem, sine
omni gratia sufficienti.*

S E C T I O I I I.

De subjecto, & praxi Pœnitentiæ.

§. I.

217. **F**UNDAMENTA ad hujus sectionis
difficultates resolvendas desumen-
da sunt ex formalitatibus doloris, detesta-
tionis, & propositi actûs pœnitentiæ consti-
tutivis. Dolor enim, ut ex dictis constat,
est effectus anxietatis, tristitiæ, atque in-
quietudinis, quo animus tristatur, anxietur,
& cruciatur de peccato commisso, quod de-
testatur, & averfatur: & hoc est, quod dicitur
à Scriptura, Conciliis, & Patribus conteri,
compungi, & scindi: sicut enim voluntas
anxietur, tristatur, & dolet de malo præ-
senti physicè, vel intentionaliter; ita de præ-
senti peccato, & præsenti denominatione,
quam relinquit, ex dictis num. 49. Dolor au-
tem potest esse non solum in parte inferiori,
& sensitiva, quâ ratione prodit in lacrymas,
suspiria, singultus, aliosque similes effectus,
sed

sed etiam in parte superiori animæ, & purè spirituali, qui quidem dolor est, de quo in præsentī agimus. Sic dæmones, qui sunt purè spirituales habent veros dolores, tum & animæ in Purgatorio verè dolent de peccatis. Plerumque tamen in hominibus compositis ex corpore & anima, ex dolore purè spirituali facilè oritur dolor sensitivus in parte inferiori: unde non solùm de peccatis propriis, sed etiam de alienis haberi potest dolor, quatenus aliquomodo malum meum reputo offensam Dei, quem amo, vel ob aliud simile motivum.

218. Sic etiam Christus, & Deipara maximè dolebant de peccatis alienis, dum erant viatores, sive in statu dolendi. Dolor quippe spiritualis, de quo loquimur, cùm sit actus voluntatis, qui non potest tendere in objectum, nisi ut cognitum, prærequirit ad sui elicentiam cognitionem mali propriam principii non adhuc constituti in ultimo termino anxietatis exclusivo, ratione cuius motivi, ut volunt aliqui, prodit affectus anxietatis, tristitiæ, & inquietudinis ex intrinsecis suis, cùm exigentia, & tendentia uniuscujusque actus sit actui intrinseca. Alii verò
aliter

aliter discurrunt in tractatu de passionibus, dicentes hanc doloris tendentiam esse evidenter cognitam ex experientia, cum secum afferat asperitatem, quam purus amor secum non affert, & quâ spiritus non suaviter, sed durè torquetur, quod satis est ad discernendum actum doloris ab aliis, ex quocumque capite sumatur discrimen, sive à subjecto, sive ab objecto, sive à principio. Unde actus, qui ex intrinsecis suis talem effectum formalem præstare non potest, non est dolor. Ex quibus facile est inferre naturam actûs pœnitentiæ quoad formalitatem doloris, & quomodo in Beatis reperiri non possit.

219. Detestatio verò, ut constat ex nu. 49. est actus fugæ, sive odii, quo peccatum præteritum efficaciter averfamur, & abhorre-
inus, ideoque detestatio dici solet odium abominationis. Si autem detestemur peccatum à nobis commissum, dicitur retractatio, ut constat ex numer. 159. His verbis: *Nollem peccasse*: declarari solet detestationis actus, vi cuius ostenditur affectus voluntatis ad peccatum fugiendum, illudque impediendum, si reperiretur voluntas in circumstantiis, in quibus illud potuit evitari, ut constat ex nu. 45.

Ne-

Neque formalitas derestationis habet universalem dependentiam à præsupposita formalitate doloris , aut è contra , ut constat ex n. 52. Propositum non peccandi de cætero, est formalitas actûs pœnitentiæ excludens voluntatem peccandi de cætero .

220. Quatuor conditionibus præditum debet esse propositum . Prima est, ut sit firmum , ita ut quæcumque se offerret occasio peccandi mortaliter , manente illo actu propositi, homo non peccaret, neque posset cum illo peccatum conjungere , ut constat ex D. Thom. citato nu. 210. ubi cum communi DD. notat accuratè Valentia disp. 7. qu. 11. punct. 2. non obesse firmitati propositi, quod aliquis, consideratâ suâ fragilitate, meritò timeat , aut existimet se ad vomitum rediturum : propositum quippe est actus voluntatis ; illa vero existimatio est actus intellectûs, qui potest consistere cum firmo proposito voluntatis , cum ex eo quod voluntas libera sit, & mutabilis , meritò quis timere possit, ne mutetur de bono proposito in malum . Secunda conditio propositi theologicè sumpti est , ut sit universale, & supernaturale , quale est illud , quod concipitur ex universali motivo

tivo explicato à num. 18. quando fit ex impulsu Spiritûs Sancti, ex dictis num. 22. tunc enim, & est universale, & supernaturale.

221. Tertia conditio est : ut nullius mali metu, nulliusque boni amore velit quis in posterum peccare mortaliter, quod ex dictis à num. 18. & 68. habetur facile ex motivo universali. Ea de causa prudentes confessarii non curant, ut pœnitentes ad proponendum in particulari descendant, quando efficaciter ex motivo universali proponunt. Sicut enim terribilia in specie narrata majorem nobis terrorem incutiunt, adeoque voluntas difficilius movetur ad ea complectenda; sic etiam jucunda speciatim, & singillatim proposita multò fortius provocant ad sui amplexionem, adeoque & difficilius movetur voluntas ad propositum efficax ea vitandi, ac proinde utilius est ad generale motivum recurrere. Quarta propositi conditio est, ut ex efficacia sua sit fuga cujuscumque occasionis, quæ vitari debet: nam cùm talis occasio sit peccatum, qui non haberet voluntatem efficacem fugiendi talem occasionem, neque voluntatem efficacem haberet fugiendi omnia peccata. His positis.

222. Af-

222. Afferò primò . Virtus per se infusa poenitentiae , quà talis non reperitur in Christo , Deipara , Innocentibus , & Beatis ; benè verò in reliquis iustis , qui de peccatis , ut à se commissis contra Deum detestativè dolent cum proposito non peccandi de cætero . Probatur facilè Conclusio ex his , quæ hùc usque diximus in toto tractatu : Poenitentia quà talis , sive universaliter , & theologicè , sive restrictè considerata est illa virtus , quæ denominationem poenitentiae accipit ab actu suo , qui sit animi dolor , & detestatio de peccato commisso cum proposito non peccandi de cætero , atqui virtutes , quæ sunt in Christo , Deiparâ , Innocentibus , & Beatis non possunt suscipere denominationem à tali actu , cùm Christus , Deipara , & Innocentes nunquam peccatum commiserint , adeoque neque potuerunt de illo dolere cum proposito iterum non peccandi : Beati autem , cum sint incapaces doloris ratione statûs , non possunt elicere actum doloris ; reliqui autem iusti , qui peccarunt , & sunt in statu dolendi , quam optimè possunt talem actum elicere , ut per se patet . Sic etiam , & animæ in Purgatorio existentes : ergo , &c.

De Pœnit. Pars I.

Q

223. Af-

223. Afferro secundò: sufficit ad verum pœnitentiæ actum, & ad valorem Sacramenti Pœnitentiæ propositum, quod solet vocari virtuale, & continetur in contritione, vel attritione habita ex motivo universalis, quo quis detestatur omnia lethalia propter offensam Dei summè dilecti, vel propter motivum pœnæ omnino fugiendæ. Probatur primò: illud propositum est sufficiens, quod habet, quidquid ex parte propositi requirit Tridentinum ad verum pœnitentiæ actum sacramenti pœnitentiæ constitutivum; sed hoc habet propositum virtuale à nobis assignatum: ergo &c. Probatur Min. Trid. sess. 14. cap. 4. explicans, quale sit istud propositum, docet sufficere, *si voluntatem peccandi excludat*: atqui actus, quo pœnitens detestativè dolet de peccatis commissis propter motivum universale omnino, ut à nobis expositum, metaphysicè excludit voluntatem peccandi, ut constat ex dictis à num. 67. ergo &c.

224. Probatur secundò: quando pœnitens efficaciter, & detestativè dolet de peccatis commissis propter motivum omnino universale, vel potest mortaliter peccare in sensu composito illius doloris, vel non? Si primum:

num: ergo dolor ille non attingit motivum omnino universale, contra id, quod supponimus: repugnat enim in ipsis terminis, quod ego detester, & doleam de uno peccato præcisè, quia est offensa Dei, & simul velim committere offensam Dei. Unde si, eo actu perseverante, veniat in mentem, utrùm velim committere offensam Dei, voluntas statim se avertet ab omni lethali, respuetque omnino efficaciter Dei offensam, quod idem est, ac elicere formale propositum. Si autem non ita se gereret, signum erat, quod dolor ille non procedebat ex motivo omnino universalis, ut optimè notavit Exim. Doct. disput. 20. sect. 4. num. 33. ac proinde ex sola inadvertentia elicitur actus ille absque formali proposito: Si secundum: ergo ille actus doloris habet formalitatem propositi à Tridentino requisitam, ac proinde est certò sufficiens ad verum poenitentiae actum, & ad sacramentum poenitentiae constituendum. Vide num. 233. Reliqua, quæ hîc adjungi possent, constant ex dictis disp. 1. & 2. Exinde

§. II.

225. Fit primò: actum poenitentiae universalis non solum procedere ex motivo ex

Q 2

sc

se universali, verùm etiam ad actum illum eliciendum debere concurrere tale motivum, ut universale, & ut se extendens ad omnia peccata. Ratio est, quia si non cognosceretur ut universale se extendens ad omnia peccata, sed ut consequibile, quamvis homo actu peccet, affectus ad motivum ex se universale non respiceret motivum illud, ut universale, sed posset hic, & nunc conjungi cum affectu ad actuale peccatum, adeoque non excluderet omnem volūtatem peccandi. Sic casu, quo homo haberet revelationē de eo, quod esset prædestinatus, & quod intra totum annum non esset moriturus, sciret utique exinde, peccatū, quod in hoc instanti vellet committere, ne utiquam allaturum esse ipsi pœnam inferni.

226. Exinde motivum nudè sumptum fugiendi pœnas inferni in instanti, pro quo homo ille committeret tale peccatum, non repræsenteretur ipsi, ut motivum universale ad omnia peccata fugienda, cū illud peccatum, etsi afferat meritum ad pœnas, sicuti afferunt omnia lethalia, non afferret ipsas pœnas. Quapropter ut homo ille in eo casu ratione pœnarum conciperet motivum universale, debebat ob motivum pœnarum fugere

gere efficaciter, quidquid esset condignum tali poenâ, aut aliam similem tendentiâ elicere: tunc enim cùm quodcumque lethale esset condignum tali poenâ; actus ille verè excluderet voluntatem peccandi, sive committendi quodcumque lethale. Idem dicendum, si quis per ignorantiam judicaret, se non posse fugere poenas Inferni, nisi committendo modò peccatum: tunc enim motivum fugiendi poenas non repræsenteretur, ut universale ad fugienda omnia peccata, ut per se patet. Quod idem de aliis similibus casibus dicendum est, ut constabit à num. 235.

227. Fit secundò: ea omnia peccata, quæ cum desiderio fugiendi poenas Inferni committerentur in casibus assignatis num. superiori; quando motivum poenarum nudè sump-
ptū non attingebatur ut universale, posse verè postea fugi à peccatore ex motivo poenarum, si ut universale repræsenteretur postmodum in aliquibus circumstantiis: Sic casu, quo per ignorantiam peccasset homo, eliciendo hunc actum: *ego mallem peccare, quàm in perpetuum pati eas poenas*: considerando postea, per illum actum exposuisse se periculo eas patien-
di, & contraxisse condignitatem ad illas,

poterit quàm optimè ex motivo fugiendi condignitatem ad pœnas , aut ex timore se exponendi tali periculo, dummodo hæc motiva illi ut universalia repræsententur, fugere efficaciter omnia lethalia . Sic homo considerando, quod eo ipso, quod peccet, jam est dignus Inferni pœnâ , & quod aliunde est omnino incertus de tempore , & auxilio efficaci ad pœnitendum, potest moveri ex metu gehennæ, tanquam ex motivo universali ad omnia lethalia detestanda, ut dicemus num. 236. unde Authores, qui dicunt requiri formale propositum non peccandi de cætero, intelligendi sunt, quando motivum doloris non proponitur ut universale ad omnia peccata . Qua de causa Tridentinum non dixit, quamcumque attritionem conceptam ex metu gehennæ disponere ad gratiam cum Sacramento, sed illam, quæ impossibilis sit cum voluntate peccandi .

228. Fit tertiò : pœnitentem accedentem ad Pœnitentiæ Sacramentum cum contritione à nobis exposita, præscindente à perfecta, & imperfecta, nullatenus exponere frustrationi sacramentum ; licet ob inadvertentiam formale propositum non eliciat : si enim

enim advertat; imperceptibile apparet, ut non proponat ex dictis num. 224. Quapropter nullo modo comprehenditur doctrina nostra sub prima ex 65. propositionibus ab Innocentio XI. damnatis. Exinde Cardenas in expositione hujus propositionis dissert. 2. cap. 6. art. 2. quæst. 4. num. 80. ita habet: *Sed notandum est, aliter dicendum esse de proposito virtuali, quod continetur in contritione, vel attritione habita ex motivo universalis, quo quis detestatur omnia peccata lethalia propter offensam Dei summe dilecti, vel propter motivum gehennæ omnino fugiendæ. Est enim supra omnem probabilitatem omnino certum, quod hoc propositum virtuale sufficiat: nam Trid. sess. 14. cap. 4. affirmat illam attritionem, quæ voluntatem peccandi excludat, sufficere intra Sacramentum Pœnitentiæ ad gratiam sacramenti consequendam; sed ea detestatio peccatorum mortalium, ex eo motivo universalis concepta, excludit voluntatem peccandi: non enim est compossibilis cum tali voluntate: ergo talis detestatio continet virtualiter id propositum, & facit illud esse sufficiens ad valorem, & fructum Sacramenti.* Huc usque Cardenas, qui clariùs loqui non poterat pro nostra sententia. Et ratio ulterior est, quia

Q 4

licèt

licet ille dolor philosophicè vocetur propositum virtuale: theologicè tamen consideratus, est propositum formale, ut constabit à n. 468.

229. Fit quartò: Propositum præcisè quòd propositum universale non ita equivaleat contritioni universali, sicuti contritio equivaleat proposito. Ratio est, quia propositum præcisè quòd tale habet pro proprio effectu suo excludere voluntatem peccandi: cum autem generalis contritio hanc peccandi voluntatem excludat, evidenter equivaleat proposito quòd proposito. Contritio verò quòd talis habet pro proprio effectu suo tristitiam, anxietatem, inquietudinem, & cruciatum animæ, ex dictis à num. 217. Cum autem propositum quòd tale huic effectui non æquivalet, ut patet in eo, qui nullum peccatum commisit, & tamen habet propositum non peccandi de cætero, qui nullam habet tristitiam, nec dolorem, sed serenitatem, & pacem; ac proinde non dicitur habere contritionem, nec pœnitentiam; sicut nec Beati, quamvis habeant illud propositum; exinde propositum præcisè, ut propositum non equivaleat contritioni ut contritioni.

230. Quapropter communis sententia cum

Exi-

Eximio Doctore, Bellarmino, Coninek, & Bonacinâ docet, quod licet unus actus amoris Dei sit sufficiens ad justificationem extra sacramentum, non tamen est sufficiens ad sacramentum poenitentiae. Si autem propositum universale dolorosè procederet; ut contingere solet, quando elicitur ex recordatione peccatorum commissorum; tunc jam æquivaleret contritioni quâ tali; sicuti de amore Dei super omnia communiter docent Theologi, quando elicitur ex recordatione peccatorum commissorum, qui in eo eventu non potest nisi dolorosè procedere; ac proinde tunc tale propositum est sufficiens ad Sacramentum Poenitentiae, ut latè docet Arriaga to.7. disp.13.& tom.8. disp.38, & Moya in selectis theologicis disp. 5. q.12,

S E C T I O IV.

Solvuntur opposita.

231. **O**BJICIES primò contra primam Assertionem, Omnes virtutes per se infusæ, quæ nullam arguunt imperfectionem fuerunt in Christo Domino, Deiparâ, Innocentibus, & Beatis, ac proinde Charitas,

ras, Justitia, & aliæ similes : sed charitas
 est pœnitentia virtus universalitèr, & theolo-
 gicè sumpta ; Justitia verò est pœnitentia
 virtus restrictè accepta : ergo pœnitentia vir-
 tus, & universalitèr, & restrictè considerata
 reperitur in Christo, Deipara, Innocenti-
 bus, & Beatis. Resp. dist. Ma. fuerunt quoad
 entitatem, concedo: quoad denominationem
 supponentem subjecti sui imperfectionem,
 nego Ma. & dist. Min. Charitas, Justitia, &
 aliæ similes sunt pœnitentia virtus, si suman-
 tur præcisè quoad entitatem, nego, quoad
 denominationem desumptam ab actu dolo-
 ris, & detestationis de peccato commisso à
 Tridentino exposito, conced. Min. & nego
 Conseq. Ratio est, quia nulla virtus quoad
 munus suum primarium est pœnitentia, sive
 virtus pœnitentia quâ talis, ut constat ex
 dictis à num. 90. sed talis appellatur à mune-
 re suo secundario, quod quidem munus
 exercetur, postquam subjectum, in quo adest
 ea virtus, commisit peccatum: Cum autem
 reperiri nequeat tale munus in Christo, Dei-
 para, Innocentibus, & Beatis, utpote pec-
 cato carentibus, ut per se est evidens, & dixi-
 mus num. 187. exinde nequit in illis reperiri
 vir-

virtus poenitentiae, sive poenitentia quae talis.

232. Obijcies secundò contra secundam Assertionem: Tridentinum non solum meminit detestationis, & doloris de peccato commisso, sed etiam propositi non peccandi de cætero: ergo non solum dolor, sed etiam formale propositum requiritur indispensabiliter ad poenitentiam. Confirmatur. Si quis advertens se formale propositum non habere, & tamen nollet illud elicere, peccaret mortaliter, ita suscipiendo sacramentum: ergo formale propositum requiritur ad valorem sacramenti. Resp. conc. Antec. & nego Consequent. quia propositum, quod à Tridentino requiritur, ut explicat ipsum Concilium citatum num. 223. consistit in actu voluntatis efficaciter excludente voluntatem peccandi: cum autem non solum propositum formale, sed etiam propositum virtuale præstet hoc munus, exinde ad propositum requisitum à Trid. sufficit non solum actus propositi formalis, sed etiam virtualis.

233. Ad Conf. dist. Antecedens: peccaret mortaliter, si quando adverteret posse ex vi illius actus se conjungere cum voluntate peccandi, concedo; si ex vi illius actus cogno-
sce-

sceret, se excludere omnem voluntatem peccandi, nego Antecedens, & Conseq. quia in eo casu cognosceret, se habere quidquid à Trid. requiritur: imò interrogatus pœnitens statim respōderet, se nolle in posterum peccare, non minùs, quàm si formale propositum elicuisset, cum non minùs sit incomponibilis cum voluntate peccandi de cætero unus actus, quàm alter: ac proinde eliceret tunc formale propositum, respondendo interrogationi, ex dictis num. 224. Si tamen supponamus, quod imperceptibile apparet, nimirum ut in sensu composito illius generalis contritionis, & advertentiæ de defectu formalis propositi, adhuc maneret libertas ad non eliciendum propositum formale, sicuti manet libertas ad non eliciendum actum secundum formalis propositi, postquam primum elicit; non teneretur ad illum eliciendum; cum se cognosceret ex vi primi actus satis dispositum, & impossibilem cum voluntate peccandi.

234. Objicies tertio, instando simul solutionem. Dolor ex metu gehennæ non excludit omnem voluntatem peccandi: ergo quando contritio concipitur ex metu gehennæ sem-

semper requiritur indispensabiliter propositum formale. Probatur Antecedens: si quis commisisset hoc peccatum : *si esset necessarium eligere pœnas inferni ad vitandum peccatum lethale , ego potius peccarem , quàm infernum eligerem*. Propositum vitandi hoc peccatum esset propositum eligendi infernum, potius quàm peccatum; cum in illa hypothese non aliter posset peccatum vitari , quàm eligendo infernum , atqui metus inferni , & voluntas vitandi illum non potest movere ad eligendum illum: ergo neque ad propositum vitandi prædictum peccatum. Conf. detestatio dolorosa peccati ex motivo attritionis non sufficit ad fugiendum omne peccatum , etiamsi motivum sit generale: ergo ultra dolorem illum detestativum requiritur propositum formale. Probatur Antecedens: si quis considerans gravem acerbitatem pœnæ æternæ , dicat intra se: *ego malle peccare , quàm in æternum pati illas pœnas*: peccaret graviter: atqui in isto casu repugnaret fugere hoc peccatum ex odio pœnarum: esset enim velle simul duo contradictoria , scilicet: *nolo peccare, ne damner ; volo peccare , ne damner*: ergo &c.

235. Respondent primò aliqui Recentiores, dist. antecedens: dolor ex metu gehennæ ex motivo non universalis, concedo, ex motivo universalis, nego antecedens, & Conseq. Ad probationem, concedo Ma: & distinctâ, ut supra Mi: nego Conseq. Ratio est, quia quando homo consideret, quod per illud peccatum factus fuerat reus pœnarum inferni, simulque considerat præsentem divinæ Providentiæ ordinationem, facile poterit invenire motivum universale ad illud, & reliqua omnia peccata fugienda ex timore gehennæ: in hac enim divina Providentia electio inferni præ peccato est medium ad infernum vitandum, ac proinde ex metu inferni, quàm optimè potest quis de eo peccato dolere, simulq; proponere eligere infernum, potiùs quàm peccatum. Rem explicât exemplo: si aliquis reus mortis sciret, quod eligendo mortem, & ad illam se offerendo, mortem vitaret, benè posset ex metu mortis ad mortem se offerre, & eam eligere: ergo quando sciat peccator, quod eligere infernum est illi medium ad infernum vitandum, quàm optimè poterit, ex metu inferni, infernum eligere. Ad Confirmationem, negatur

Ante-

Antecedens. Ad probationem negatur Mi: quia in eo casu eligere infernum non esset velle, & nolle effectivè, sed velle affectivè, ut fugiat effectivè. Cæterùm ipsa explicatio pugnat contra istos Recentiores sic respondentes: nam ista pœnitentia talis esse debet non solum coram hominibus, sed coram Deo, qui intuetur cor, & videt illum affectum non esse efficacem, qualis debet esse verus affectus pœnitentiæ coram Deo. Quapropter.

236. Respondeo ipse, dist. Antecedens: dolor ex metu gehennæ in circumstantiis, in quibus metus gehennæ repræsentatur ut motivum universale, nego: in circumstantiis, in quibus non repræsentatur, ut motivum universale, conc. Antecedens, & nego Conseq. Ad probat. dist. Ma: esset propositum eligendi infernum, eligendo reatum condignitatis ad illum, nego; detestando reatum condignitatis ad illum, conc. Ma: & dist. Mi: voluntas vitandi infernum cum reatu condignitatis ad illum, non potest movere ad eligendum illum cum tali reatu, conc. ad eligendum illum sine tali reatu, nego Mi: & Conseq. Ad Conf. nego Antec. Ad probationem, conc.

conc. Ma: & dist. Mi: repugnaret fugere hoc peccatum ex odio pœnarum, conceptis pœnis sine reatu ad illas, conc. cum reatu condignitatis ad illas, nego Mi: & Conf. quia tunc non diceret homo ille absolutè, volo, & nolo pœnas, ne damner, sed volo pœnas sine reatu, ne damner cum reatu condignitatis ad illas, qui quidem actus nullatenus est implicatiorius, sed valdè honestus, & laudabilis, ut per se patet.

237. Explico solutionem: metus inferni per se loquendo, & seclusâ ignorantia, inadvertentiâ, extraordinario privilegio, aut revelatione, ex se affert in ista divina providentia circumstantias sufficientes ad constituendum motivum universale cuicumque lethali oppositum: seclusis enim illis circumstantiis, quæ per accidens supervenire possent, re per se consideratâ, & ut communiter evenit, scit peccator, quodcumque lethale afferre reatum condignitatis ad eas pœnas, illasque ipsi infallibiliter sustinendas, si in peccato lethali moriatur: cognoscit insuper contingentiam amittendi subitanè vitam; exinde ergo moveri potest ex timore gehennæ ad detestandum dolorosè quodcumque lethale:

lethale, neq; in sensu composito hujus motivi elicere potest actum, quo dicat, *vellem potius peccare, quàm eas pœnas incurrere*: neq; actum, quo dicat: *si non essent illæ pœnæ, peccarem*: & sic de aliis similibus: cum enim sciat, hujusmodi actus esse peccatum, manente eo affectu, quo propter timorem gehennæ detestatur omnia peccata, impossibile omnino est, quod eos actus eliciat. Qua de causa dolor ex metu gehennæ, si excludat omnem voluntatem peccandi, ut communiter concipitur (ait Tridentinum) satis est ad actum attritionis requisitæ ad poenitentiam.

238. Si autem ex aliquo accidenti deficiant circumstantiæ illæ, quibus proximè proponitur objectum universaliter, jam objectum non movebit ut universale; sicuti si deficiat applicatio, sive approximatio ignis ad comburendam stupam; tunc ignis non comburet stupam. Unde sicuti ut ignis stupam comburat, requiritur, quod si per istam viam non possit applicari, applicetur per aliam viam; ita si objectum non possit per unam viam applicari, ut universale, necesse est ad hoc, ut universaliter moveat, quod per aliam viam applicetur, ut universale. Ex-

De Pœnit. Pars I.

R

inde

inde cùm casu , quo per ignorantiam elicitâ fuissent illa peccata in argumento proposita, præclusa esset via , ut metus poenarum applicetur, ut universale, sicuti antea applicabatur, necesse est, ut per aliam viam applicetur ut universale, si debet movere ut universale. Applicabitur autem ut universale, si recursus fiat ad aliam circumstantiam, nimirum, si peccator sibi proponat, quàm malam gehennam cum reatu ad illam: etenim multò pejùs incomparabiliter est, pati poenam cum culpa, & reatu ad illam, uti patiuntur malefactores, & damnati in inferno, quàm sine culpa, & sine reatu ad illam; sicuti Sancti Martyres cum summâ lætitiâ mortem propter Christum patiebantur. Illud ergo motivum timendi poenam cum reatu ad illam esset in eo casu sufficiens ad eliciendum dolorem detestativum omnium lethaliū ex motivo universali, & sufficiens certissimè ad propositum virtuale.

239. Quod idem suo modo dicendum est in aliis circumstantiis, quæ fingi possunt: si enim motivum ex uno capite non possit proponi, ut universale, vel non movebit ut universale, & sic non satis erit ad dolorem, qui
fit

fit virtuale propositum nunquam peccandi de cætero, vel quærenda est circumstantia, in qua possit ut universale movere. Hæc autem doctrina non solum est peculiaris pro nostro casu, sed communis pro omnibus motivis universalibus. Exemplum sit in motivo bonitatis divinæ, quæ apud omnes certissime sufficit ad vitanda omnia peccata, si proponatur, ut motivum universale omnibus peccatis oppositum; & tamen si non ita proponatur, non sufficit, v. g. quando quis per ignorantiam invincibilem judicaret, jurare cum mendacio ad salvandam vitam proximi, non esse peccatum lethale; tunc ex desiderio fugiendi omnia lethalia propter bonitatem Dei, non fugeret homo illud mendacium, neque illud juramentum falsum.

240. Quapropter motivum bonitatis divinæ debebat approximari, non per istam, sed per aliam circumstantiam, ad fugiendum istud mendacium, & perjurium. Exinde adversariorum argumentum non solum est invalidum, verum etiam omnino extraneum, quam agimus: nam in casu, & circumstantiis ab adversariis assignatis, vel me-

tus gehennæ proponitur ut motivum unive-
 rsale omnibus peccatis oppositum, vel non ? si
 primum: jam proponitur sufficiens ad elicien-
 dum dolorem universalem, ac proinde, & qui
 certò sit virtuale propositum non peccandi
 de cætero . Si secundum: cùm ex illa appro-
 ximatione non possit elici dolor universalis,
 neq; elicietur dolor, qui sit virtuale propo-
 situm non peccandi de cætero . Verùm exinde
 quomodo probabitur, quod quando appro-
 ximatur sufficienter ad eliciendum universa-
 lem dolorem, non approximetur sufficienter
 ad eliciendum virtuale propositum? Sanè hoc
 neutiquam sequitur, sed oppositum; adeoq;
 ex hoc argumento, si benè expendatur, po-
 tiùs confirmatur, quàm impugnetur nostra
 sententia .

241. **Objicies quartò:** Dolor de peccatis
 ex motivo universali non inducit ad vitan-
 dum peccatum: ergo non est propositum
 virtuale . Probatur Antecedens: ad vitandam
 gehennam non est medium necessarium non
 peccare hic, & nunc; sufficit enim, vel non
 peccare, vel si committatur peccatum, de-
 lere postea illud per pœnitentiam: ergo in
 illa detestatione non includitur propositum
 vitan-

vitandi peccata in futurum, sed vel vitandi, vel delendi postea illa per penitentiam. Confirmatur: si aliquis ex revelatione sciret, se esse predestinatum, dolor, quem conciperet de peccatis ex metu gehennæ, non afferret secum tale propositum virtuale, cum enim sciret, se postea deleturum illa peccata per penitentiam, etsi laberetur in illa, non apprehenderet, tanquam medium necessarium ad salutem, vitare peccatum subsequens: ergo ex metu gehennæ non determinaretur ad vitanda peccata in posterum.

242. Resp. nego Antecedens. Ad probationem dist. Antecedens: ad vitandam gehennam per affectum elicited ex illa, tanquam ex motivo universalis, nego: per alios diversos affectus; conc. Antecedens, & nego Conf. ut constat ex dictis; etenim licet Deus possit me salvare, etiamsi ego peccem, & possit mihi dare tempus penitentiae; hoc tamen non est in mea potestate, possum enim subito mori: exinde si ego volo efficaciter salvarı ex metu gehennæ tanquam ex motivo universalis, volo non ponere impedimentum, quo posito non esset in mea potestate salvarı, ac proinde nolo ponere peccatum. Sic si

R 3

volo

volo efficaciter vivere, non proiicio in mare unicum panem, quem habeo ad vitam; licet conjecturam habeam, quod Petrus fortasse dabit mihi dimidium sui panis: at cum id non sit certum, neque in mea potestate, non impedit ad concipiendum, modo exposito, motivum universale.

243. Ad Confirmationem dist. Antecedens: ex metu gehennæ concepto, ut motivo universali, nego, non ita concepto, conc. Antecedens, & dist. Conf. eodem modo. Ratio est, quia in illo casu posset ille homo concipere dolorem de peccatis commissis, quatenus afferebant condignitatem ad gehennam: sciret enim, quod si committeret vel unum peccatum in posterum, haberet condignitatem ad gehennam, quam deberet delere, ut revelatio verificaretur, & adimpleretur, & quod ita melius esset, talem condignitatem vitare, ex quo dolor ille jam esset impossibilis cum quacumque condignitate ad gehennam, ac proinde, & cum quocumque lethali. Si autem non conciperet motivum universale, non esset casus, de quo agimus, ut dixi n. 240.

244. Objicies quintò: Propositum ex mo-

motivo universalis, ad omnia peccata se extendente, non est impossibile cum voluntate peccandi: ergo neque dolor ex motivo universalis. Probatur Antecedens: potest voluntas præscindere peccata præterita à futuris, & de præteritis gaudere, proponendo firmiter vitare futura. Sic sæpe senes proponunt firmiter in futurum castè vivere, & tamen illis non displicet lascivia juventutis; Item sæpe gaudent, & jactant bella inita præterita, & tamen proponunt non iterum ire ad bellum: ergo &c. Resp: nego Anteced: ad probationem dist. Antecedens: proponendo ex motivo universalis, ad omnia peccata se extendente, nego: ad sola futura, & non ad præterita, conc. Antec. & nego Conf. etenim si Senex proponat castè vivere ex odio turpitudinis contra castitatem, quod est universale motivum, ad peccata præterita, & futura se extendens in linea castitatis, non potest simul cum illo actu complacere in luxuria præterita. Pariter si proponat non iterum ire ad bellum, ex motivo æquè se extendente ad detestanda bella præterita, & futura, non potest simul cum illo actu gaudere de bello præterito.

245. Cæterùm cùm illi, qui ita se jactant, non proponant ex motivo universalì, se extendente ad præterita, & futura, sed ad sola futura: solent enim prononere non redire ad bellũ, & ad luxuriam cum viribus extenuatis, & facilè amissibilibus in peccatis, & laboribus belli, quas antea non ita extenuatas habebāt: ac proinde sic, vel aliter cōtrahunt suum motivum ad futura, & non extendunt ad præterita: quapropter solùm detestantur futura, & gaudent de præteritis. Si autem detestarentur futura ex motivo eodem modo se extendente ad præterita, simul cum illo actu nequaquam gaudere possent de præteritis: sic Senex, qui verè dolet de suis peccatis ex motivo universalì, non complacet in peccatis juventutis, secùs autem si non doleat ex motivo universalì. Pariter, qui proponit non committere futura, ex motivo universalì æquè se extendente ad præterita, detestatur virtualiter præterita, secùs si non proponat ex tali motivo universalì. Unde nulla manet vis argumento. Quæri poterat in præsentì, an merita per peccatum mortificata reviviscant per veram pœnitentiam. Cæterùm quia hujus difficultatis resolutio nullam

iam habet connexionem cum principiis antecedentibus, aut consequentibus, illam modò omitto, commodiùs alibi soluturus. Nunc verò ad actus proprios poenitentiae, & obligationem illos eliciendi progrediamur.

DISPUTATIO V.

De Contritione perfecta.

246. **C**ONTRITIO ex Tridentino scss. 14. cap. 4. alia est perfecta, & alia imperfecta. Perfecta est illa, quæ etiam extra Sacramentum est sufficiens dispositio ad justificationem, & est dolor de peccatis commissis propter Deum super omnia dilectum, ut ex dicendis constabit. Imperfecta, quæ vocatur attritio, est dolor ob alia motiva conceptus, sive ob metum inferni, amissionis gloriæ, sive propter peccati turpitudinem. Exinde attritio, & contritio distinguuntur essentialiter, cum unaqueque ex intrinsecis suis respiciat diversum objectum formale: contritio enim respicit bonitatem divinam, ut Deo bonam; attritio verò respicit suum objectum formale, non quidem

ut Deo, sed ad summum, ut peccatori bonum : unde peccator magis unitur cum Deo ex vi contritionis, quàm ex vi attritionis, adeoque & peccata nobiliori modo manent detestata per contritionem. Qua de causa D. Thom. in suppl. quæst. 1. art. 2. ad. 2. dixit: *Attritio non dicit accessum ad perfectam contritionem; unde in corporalibus dicuntur attrita, quæ aliquomodo diminuta sunt; sed non adhuc sunt comminuta, sed contrita dicuntur, quando omnes partes tritæ sunt simul per divisionem ad minima, & ideo attritio significat in spiritualibus quandam displicentiam de peccatis commissis, sed non perfectam; contritio autem perfectam.* An autem ad hanc perfectam contritionem requiratur indispensabiliter, quod ex motivo charitatis procedat? Negant Soto, & alii apud Cardinal. de Lugo disp. 5. sec. 1. qui etiam conatur ostendere esse probabile, quod procedat ex motivo Religionis, Obedientiæ, Justitiæ, aut alio simili, licet P. Vazquez hanc sententiam erroneam appellaverit. Eximius Doctor disp. 4. sec. 2. num. 13. ait, sibi aliquando placuisse, eamque appellat probabilem, pro cuius resolutione sit.

SE-

SECTIO PRIMA.

*An contritio sufficiens ad justificationem extra
sacramentum debeat esse ex motivo
Charitatis.*

§. I.

247. **A**SSERO cum communi. Contritio sufficiens ad justificationem extra sacramentum debet esse ex motivo charitatis. Probatur ex Tridentino sess. 14. cap. 4. *de Contritione* sufficienti ad justificationem extra Sacramentum, ita dicente. *Si contritionem hanc aliquando charitate perfectam esse contingat, hominemque Deo reconciliare, priusquam hoc Sacramentum actu suscipiatur.* Ergo ex mente Concilii non aliter contritio extra Sacramentum sufficiens est ad justificationem, nisi quatenus dolor de peccatis commissis perficitur charitate, sive quod idem est, formalitas illa doloris, quæ ex genere suo est ignobilior, identificetur cum formalitate dilectionis Dei super omnia, sive charitatis, quæ nobilior est, sicuti de animali hominis dicitur, quod non est animal imperfectum, sed

sed perfectũ, idest identificatũ cum rationali : ergo ex mente Concilii contritio sufficiens ad justificationem extra Sacramentum procedere debet ex motivo charitatis . Confirmatur : Concilium eo cap. 4. contradistinguens contritionem perfectam , quæ extra sacramentum justificat, ab imperfecta , quæ non justificat extra sacramentum , docet esse charitate formatam , adeoque in re adeò gravi diminutè procederet , si esset aliqua contritio non formata charitate , quæ extra sacramentum justificaret : sed hoc nemo audebit dicere : ergo , &c. Vide num. 252.

248. Respondebis primò. Concilium non processisse diminutè, cùm ibi doceat, imperfectam contritionem esse, quæ vel ex turpitudinis peccati consideratione, vel ex gehennæ, & poenarum metu communiter concipitur . Unde contritio illa , quæ concipitur de peccato , quia est irreverentia , vel injuria Dei, aut contemptus Divini præcepti in sensu Concilii non est contritio indigens sacramento ad justificationem , adeoque est contritio in sensu Concilii potens extra sacramentum justificare. Contra tamen primò. Concilium ibi contradistinguens contritionem perfectã

ab

ab imperfecta, non dicit, perfectam esse, quæ communiter est charitate formata, sed absolute dicit esse illam, quæ est charitate formata. Imperfectam verò non dicit, quæ semper, sed quæ ex ibi assignatis motivis communiter concipitur; per quæ verba indicat non concipi semper ex illis motivis, sed etiam posse ex aliis: ergo, ex mente Concilii perfecta contritio solum potest concipi ex motivo charitatis; imperfecta verò ex aliis motivis.

249. Contra secundò. Qui dolet de peccato ex motivo Religionis, Justitiæ; vel Obedientiæ, etiam dolet de peccato ob ipsius turpitudinem; nimirum, quia privat honestate Religionis, Justitiæ, &c. Sicut qui amat actionem aliquam ex motivo Religionis, vel Justitiæ, amat honestatem creatam, quam respiciunt illæ virtutes: ergo dolor de peccatis ob illa motiva est attritio in sensu Concilii. Contra tertio. Quando aliquis dolet de peccatis, prout sunt offensa Dei, vel considerat offensam Dei, ut poenitenti malam, & sic non est actus Theologicus, sed Moralisis, & pura attritio, ut constat à num. 128. & 135. vel considerat illam ut Deo malam, & sic

& sic est actus charitatis, sive dolor, aut contritio charitate formata, ut Concilium loquitur, & loquuntur SS. PP. qui dicunt, dolorem de peccatis, prout sunt offensa Dei, esse contritionem: ergo in sensu Concilii, & SS. PP. nullus actus est contritio, qui non procedat ex motivo charitatis.

250. Respondebis secundo. Concilium ibi nomine charitatis intellexisse gratiam habituales, sive ipsum habitum charitatis, nam loquitur de contritione, cui contingenter advenit, ut informetur charitate; dicit enim: *Si contritionem hanc aliquando charitate perfectam esse contingat*: at actui charitatis, cum sit ipsa charitas actualis, non advenit contingenter, sed essentialiter informari charitate actuali, solumque advenit ipsi contingenter informari charitate habituali: hoc autem modo etiam advenit contingenter actui contritionis elicito à Justitia, Obedientia, &c. ut informetur Charitate, adeoque quando ita informetur, erit perfecta contritio in sensu Concilii, non minus, quam actus Charitatis. Contra primo: ibi loquitur Concilium de contritione, quâ ut ultima dispositione se disponit peccator ad recipiendum habitum gra-

gratiæ, & charitatis, quam dispositionem dicit satis disponere, si sit charitate formata: atqui dispositio charitate formata ad recipiendum habitum charitatis, nequit esse formata charitate habituali, sed actuali, aliter esset informata habitu pro priori ad habitum, cum sit dispositio ad habitum pro priori ad habitum: ergo nomine charitatis non intellexit Concilium habitum, sed actum: ac proinde solùm vocat contritionem actum illum, qui ex motivo charitatis procedit.

251. Contra secundò. Si Concilium nomine contritionis formatæ charitate, intelligeret contritionem conjunctam cum habitu gratiæ, aut charitatis; cùm habitus charitatis sit, vel idem realiter cum habitu gratiæ, vel, ut verius judico, cum ille in hac Providentia metaphysicè connexus, nihil aliud definiret, nisi quod illa contritio est ultima dispositio extra Sacramentum ad habendum habitum gratiæ, & charitatis, quæ extra Sacramentum conjungitur cum habitu gratiæ & charitatis, quod idem esset, ac definire, contritionem esse conjunctam cum gratia, quando est conjuncta cum gratia: sed talis definitio, utpote identica est ridicula, & indigna

digna Concilio: ergo non loquitur Concilium de contritione formata charitate habituali, sed actuali, ac proinde de actu contritionis ex motivo charitatis, cum nullus actus dicatur formari nisi à suo modo tendendi in suum motivum.

252. Contra tertio. Actus contritionis perfectæ, utpote actus vitalis identificatur cum suo modo tendendi, ac proinde solum potest formari charitate actuali, ex suo modo intrinseco tendendi identificato cum charitate actuali, sive quod idem est ex intrinseco suo modo tendendi in motivum charitatis: ergo quando dicit Concilium. *Si contritionem hanc aliquando charitate perfectam esse contingat*, non loquitur de contingentia physica, quam habet subiectum, ut idem numero manens jam sit album, jam nigrum, jam calidum, jam frigidum; sed de contingentia logica, quam habet genus, ut ad hanc speciem ignobiliorem, vel ad illam nobilio-rem contrahatur, quo in sensu dicitur contingere animali esse rationale. Patet Conseq. quia ibi Tridentinum agit de contritione in genere, præscindente à perfectâ, & imperfectâ: post cujus considerationem contrahit illam
ad

ad utramque speciem perfectæ, & imperfectæ contritionis, atqui differentia, quâ genus contrahitur, non advenit generi contingenter physicè, sed logicè, ut per se est evidens: ergo, &c.

253. Contra quartò: Eo cap. 4. agit Concilium de contritione, quatenus charitate formata includit votum confessionis: atqui habitus gratiæ, vel charitatis non includit votum confessionis: ergo non loquitur de charitate, quæ sit habitus gratiæ, aut charitatis. Contra quintò: postquam Concilium consideravit contritionem præcisam à perfectâ, & imperfectâ, contrahit perfectam ad eam, quæ est charitate formata; imperfectam verò ad illam, quæ concipitur ex metu gehennæ, aut peccati turpitudine, similibusque motivis, de qua dicit, quod sufficiat solùm intra sacramentum: ergo ex mente Concilii contritio perfectâ, quæ est charitate formata, habet nobilius motivum, quàm contritio concepta ex metu gehennæ, aut turpitudine peccati, sive oppositi religioni, sive justitiæ, sive obedientiæ; dummodò non eliciatur ex motivo charitatis, ac proinde ibi duo definit, nimirum, per actum illum ex motivo charita-

tis obtineri justificationem extra sacramentum, & per alios inferioris motivi, non nisi intra sacramentum, ideoque sunt attritio, quamvis in sacramento cum ipso habitu gratiæ, & charitatis jungantur.

254. Probatur secundò Conclusio: pœnitentia, quæ à peccatore fit, & est ultima dispositio ad gratiam, contradistincta à Pœnitentiæ Sacramento, quod non fit à peccatore, sed à ministro, ex dictis à n. 193. de sacramentis, est actus elicited ex motivo charitatis, juxta doctrinam Scripturæ, & SS. PP., ita ut sine illo motivo, per pœnitentiam à peccatore factam, non habeatur justificatio: ergo contritio sufficiens ad justificationem extra sacramentum debet esse ex motivo charitatis. Probatur Antecedens exprimâ Joan. 3. *qui non diligit, manet in morte.* Ad Cor. 3. *Sine charitate nihil sum.* Luc. 7. ubi Christus de Magdalena ait: *Remittuntur ei peccata multa, quoniam dilexit multum: cui autem minus dimittitur, minus diligit:* quasi diceret: etsi omnia mortalia remittantur per contritionem habitam ex charitate, venialia autem, vel plura, vel pauciora remittentur, quò major, vel minor fue-

rit

rit dilectio. Ad istum Scripturæ locum, multi PP. expressè requirunt charitatem pro vera pœnitentia sufficiente ad Justificationem extra sacramentum. Sic August. *de vera, & falsa pœnitentia* cap. 9. *Sine amore nemo unquam gratiam invenit, nec veniam assecutus est: &* tom. 7. lib. 2. cap. 12. contra Cresconium, ubi de modo, quo peccatores mundantur, ait; *Mundantur ipsâ, quæ supereminet omnibus, charitate, ab illo, qui per Apostolum Petrum ait; charitas operit multitudinem peccatorum, quæ una si adsit, omnia illa recta fiunt, si autem desit, illa omnia frustra fiunt.* Et to. 10. ser. 7. *de temp.* qui est 3. *de nat. Salvatoris: Pœnitentiam certam non facit, nisi odium peccati, & amor Dei: ergo, &c.*

255. Probatur tertiò istâ ratione conjecturali: etenim cùm hoc solùm dependeat ab ordinatione divina, non possumus reddere rationem, cur ita debeat fieri, sed solùm conjecturam pro convenientia, ut ita ordinatum fuerit: quæ autem à Theologis communiter traditur, ad hanc formam potest ita reduci. Peccatum mortale est maximum malum; & summa offensa, & injuria ex parte hominis erga Deum: ergo ut Deus tale

peccatum remittat, congruentissimè exigit ab homine, ut efficiat nobilissimum in specie actum, quem potest, qualis est amor Dei super omnia. Confirmatur: congruentissimum est ad remissionem peccati extra sacramentum, ut requirat Christus Dominus magis, quàm exigit in sacramento, in quo voluit singularem favorem ostendere pro lege gratiæ, quem non ostenderat Deus pro lege scripta, aut lege naturæ, applicando nimirum sua merita; facilioremque reddendo justificationem peccatori: sed in sacramento exigit actum pœnitentiæ; licèt non eliciatur à charitate: ergo extra sacramentum congruenter exigit actum pœnitentiæ elicitum à charitate. Ex dictis

§. II.

256. Fit primò contra Cajetanum: attritionem nunquam posse fieri formaliter contritionem. Ratio est: quia contritio ex intrinseco suo modo tendendi in bonitatem divinam, tanquam in objectum suum formale, distinguitur ab attritione, utpote non habente modum tendendi, tanquam in objectum formale, in bonitatem divinam: sed modus tendendi unius actûs nequit mutari
in

in modum tendendi alterius, sicut neque cognitio solius Petri fieri potest cognitio solius Pauli: ergo, &c. Quapropter commune illud theologicum axioma: *homo in Sacramento Pœnitentiae de attrito fit contritus*: non intelligitur: de attrito actualiter, actualiter contritus: sed contritus habitualiter, quatenus recipit charitatis habitum, qui est principium per se infusum ad contritionis actum eliciendum, & simul admittitur ad amicitiam divinam habituales, non minus quàm si contritionem extra sacramentum elicuisset. Unde non dicitur: attritio fit contritio: quia hoc est impossibile, cùm significet mutationem intrinsecam attritionis in contritionem, sed dicitur: homo attritus fit contritus: prout denotatur mutatio quoad denominationem ex parte subiecti, quod de attrito in actu, fit contritum in habitu, ut bene notavit Soto in 4. distinct. 17. qu. 2. art: 5. concl. 2.

257. Fit secundò: contritionem indispensabiliter detestari peccatum supra omne malum poenæ, non verò attritionem: Ratio est, quia contritio nunquam fugit peccatum propter illud malum solum poenæ, sed propter bonitatem divinam, quam supra omne malum

lum pœnæ appretiativè diligit; at verò attritio concipi potest ex motivo gehennæ, si-
 ve ex timore, ne pœnam illam incurrat. Cùm autem nullus actus excedat motivum, sub quo fertur in objectum, utpote ab illo habens totam vim, & efficaciam; exinde, qui detestatur peccatum propter malum pœnæ, non detestatur plùs peccatum, quàm malum pœnæ. Cæterùm non ex eo ista detestatio (quod maximè notandum est) est conditionata voluntas admittendi peccatum, si non esset pœna. Ratio est evidens, quia simul cum ista detestatione attritionis, componi potest in voluntate alter actus amoris Dei super omnia, ut sæpè contingit, & experientia docet, quo voluntas detestetur peccatum supra omne malum pœnæ: atqui cum voluntate admittendi peccatum, si non esset pœna, nequit componi voluntas detestandi peccatum, licèt non esset pœna: ergo ea attritio non est voluntas admittendi peccatum, si non esset pœna: unde solùm est voluntas incompossibilis cum voluntate peccandi ex suo motivo, & compossibilis cum perfectiori peccatorum detestatione, etenim in sensu composito illius actus elicit ex motivo

pœ-

poenarum , ut universaliter applicato, nequit homo componi cum voluntate peccandi , ut ex dictis à num. 223. constat, & 237.

258. Fit tertiò: non solùm contritionẽ immediatè liberam, sed etiã contritionem imperatam mediatè liberam, esse ultimam dispositionem ad justificationem , juxta sententiam illorum Theologorum , qui cum Scoto, Ripalda , Oviedo , &c. docent actum mediatè liberum augere meritum supra meritum actus imperantis immediatè liberi, quinimo, & præcipuè propter hunc casum in tractatu *de actibus humanis*, & in tractatu *de merito*, admittunt distinctum meritum in actu imperato graviores Theologi : Ratio est : quia peccator morti proximus , & copiã confessarii destitutus , advertens se teneri ex præcepto elicere contritionem , flagrans desiderio suæ æternæ salutis , & obediendi Deo , potest per actum obedientiæ imperare efficaciter contritionem : atqui si contritio imperata non haberet tunc meritum distinctum à merito actus obedientiæ imperantis ; ille homo coràm Deo solùm haberet meritum actus obedientiæ ; quod satis non est pro ultima dispositione ad justificationem . Si autem

non haberet adeò flagrans desiderium obediendi Deo , eam contritionem immediatè liberam eliciendo , haberet meritum contritionis , quod est ultima dispositio ad justificationem : ergo flagrans desiderium obediendi Deo impediisset salvationem illius hominis , quod est fatìs absurdum .

259. Scio P. Vazquez docere, contritionem perfectam esse ultimam dispositionem ex destinatione divina , sive liberè fiat , sive necessariò , quod etiam docet Arriaga *de actibus humanis* disp. 4. sect. 3. subsect. 2. Huic autem sententiæ non acquiesco , eamque latè impugnavi in tract. *de merito* , quia homo non se avertit à Deo sine libertate, ac proinde, neque se convertit ad Deum, nisi cum libertate : Tridentinum enim eandem exigit libertatem ad conversionem, quam ad aversionem à Deo : Sic sess. 6. cap. 5. dixit : *Declarat præterea, ipsius justificationis exordium in adultis à Dei per Jesum Christum præveniente gratia, sumendum esse , hoc est ab ejus vocatione , quâ nullis eorum existentibus meritis, vocantur , ut qui per peccata à Deo aversi erant , per ejus excitantem , atque adjuvantem gratiam, ad convertendum se ad suam ipsorum justificationem, eidem*

eidem gratiæ liberè assentiendo , & cooperando disponantur . Et infra . Unde in Sacris litteris cùm dicitur : convertimini ad me , & ego convertar ad vos : libertatis nostræ admonemur : cum respondemus : cōverte nos Domine ad te , & cōvertemur : Dei nos gratiâ præveniri confitemur . Ex qua doctrina plura inferri possunt scitu digna , & ad peccatoris justificationem requisita .

260. Fit quartò : in hac Providentia per se requiri ad justificationem peccatoris ex divino præcepto actum poenitentiae . Hoc autem præceptum divinum ex Scriptura , & Conciliis, satis nobis constat, ut diximus n. 13. & in tractatu *de Sacramentis* num. 258. Quapropter peccator suorum peccatorum memor , nunquam eliciet actum perfectæ dilectionis Dei , nisi dolendo simul de peccatis commissis , idque non solum , ut poenitentiae præceptum adimpleat , si enim nollet poenitentiae præceptum adimplere , sanè neque eliceret perfectam Dei dilectionem : verum etiam, quia impossibile apparet, ut ex natura rei aliter fieri possit : si enim peccator cognoscit se esse inimicum Dei ratione offensæ, quā contra ipsum commisit , quomodò poterit Deum super omnia diligere , quin offensam
illam

illam dolorosè detestetur ? Vide num. 269.

261. Si autem sit invincibiliter immemor suorum peccatorum ; facile credam , Deum applicantem suam omnipotentiam ad actum charitatis , excitaturum memoriam alicujus peccati , ut charitas sit dolorosa , & vera contritio . Dolor enim formalis respectu unius peccati ex generali motivo , est verus virtualis dolor omnium commissorum , non minùs quàm actus formaliter impossibilis cum uno peccato ex motivo generali sit virtuale propositum respectu omnium : ex eo enim , quod Deus velit in hac Providentia veram contritionem ad remissionem peccatorum , & paratus sit ad concurrendum cum peccatore , quotiès ille velit converti , paratus est etiam ad ea omnia , sine quibus non extat vera conversio , à fine usque ad finem dirigens omnia fortiter , & disponens omnia suaviter , utpotè perfectissimus providens . Ceterùm quia communiter supponunt Theologi , non repugnare casum , in quo peccator eliciat perfectum amorem cum omnimoda accidentali ignorantia , & inadvertentia peccati ; addo , quod tunc per accidens poterit ex illa accidentali ignorantia , & inadvertentiâ ob-

tinere justificationem sine dolore: Ratio est, quia actui perfectæ charitatis est promissa in Sacris litteris justificatio, ut constat ex testimoniis adductis num. 254. tum ex Prover. 8. *diligentes me diligo*: Eccl. 34. *oculi Dei in diligentes se*: & 1. Joan. 4. *Qui manet in charitate, in Deo manet*. Exinde poterit per accidens in eo casu extra Sacramentum obtineri justificatio sine dolore, secus autem per se, cum per se requiratur contritio, ut habet Trident. sess. 14. cap. 4. dicens: *Fuit autem quovis tempore ad impetrandam veniam peccatorum hic contritionis motus necessarius*, quæ verba saltem de necessitate per se debent intelligi. Quænam autem contritio cum martyrio sufficiat, & per se, & per accidens, constat ex num. 4. *de Baptismo*.

S E C T I O II.

Solvuntur opposita.

§. I.

262. **O**BJICIES primò: Antiquiores Theologi, & aliqui Patres, explicantes contritionem perfectam, dicunt esse dolorem de offensa Dei, ut videri potest apud

apud Eximium Doct. disp. 4. sect. 1. Vazquez quæst. 85. art. 2. & Lugo disp. 5. sect. 1. atqui dolor de offensa Dei non solum potest procedere ex charitate, sed etiam ex omnibus aliis virtutibus universalibus voluntatis: ergo contritio perfecta, quæ extra sacramentum sit ultima dispositio ad justificationem, non solum potest procedere ex motivo charitatis, sed etiam ex motivo aliarum virtutum. Confirmatur ex Soro: iste actus: detestor dolorosè offensam Dei, quâ talem: est perfecta contritio: atqui non solum potest procedere ex motivo charitatis, sed etiam ex motivo aliarum virtutum: ergo, &c.

263. Respondeo dist. Ma. de offensa Dei, prout bonitas divina est illi averfa, sive prout offensa est mala Deo, concedo; prout est mala pœnitenti, nego Ma. & dist. Min. nego Conseq. ex dictis num. 128. & 135. Ratio est, quia sicut velle malum alicui, quia ipsi malum, est formaliter illum odio prosequi, ita nolle malum, quia malum ipsi, est, formaliter illum amare, adeoque nolle offensam Dei, quia divina bonitas est illi averfa, est formaliter Deum amare: quo in sensu locuti sunt antiquiores Theologi, & SS. PP. Ad

Con-

Confirmationem, dist. Ma. Si ly *quà talem* reduplicet supra bonitatem divinam, ut aver-
sam offensæ; conced. Ma. si solùm redupli-
cet supra malitiam, aut bonitatem purè
creatam, nego Ma. & dist. Mi. nego Conf.
quia si ille actus ita reduplicet supra bona-
tem divinam, erit actus charitatis, adeoque
non pertinebit ad alias virtutes universales
voluntatis, aliter cùm ex metu gehennæ pos-
sit peccator detestari offensam Dei *quà ta-*
lem, dolor ex metu gehennæ esset perfecta
contritio contra expressam doctrinam Tri-
dentini citati num. 248.

264. Objicies secundo: Sæpè in Sacra
Scriptura promittitur justificatio pœnitenti
absque ulla mentione charitatis, ut Ezech.
18. & 33. ubi dicitur: *Si impius egerit pœniten-*
tiam, vitâ vivet, & non morietur, ibi enim
nulla fit mentio de motivo charitatis, idque
etiam docere videntur Chrysoft. hom. 6. in
Genes. & alii PP. ergo ad contritionem perfe-
ctam non requiritur indispensabiliter moti-
vum charitatis. Confirmatur: per religionem
(idemque suo modo de justitia, aliisque simi-
libus virtutibus) ita amat homo cultum Dei,
ut si necessaria esset ipsius hominis annihila-
tio

tio ad illum cultum , eam vellet ; sed nihil aliud requiritur ad perfectam contritionem : ergo , &c.

265. Retorqueo argumentum : In illis Scripturæ verbis nulla fit mentio de contritione præ attritione: ergo non potius requiritur attritio,quàm contritio ad justificationem peccatoris extra sacramentum. Respondebis, nego Conseq. quia licèt non fiat explicitè, fit implicitè mentio de contritione , cùm ibi sermo sit de actu pœnitentiæ sufficiente ad justificationem extra sacramentum , qui quidem non est attritio , sed contritio. Verùm ecce jam solutio nostra . Resp. eodem modo dist. Antecedens, absque ulla mentione explicita, conc. implicita , nego Anteced. & Consequ. quia ibi est sermo de actu pœnitentiæ sufficiente ad justificationem extra sacramentum , qui quidem, non nisi ex motivo charitatis, potest procedere , ut constat ex Conciliis , Scripturis , & PP. adductis à num. 247.

266. Ad Confirmat. retorq. argum. Per actum virtuosum conceptum ex metu gehennæ , ita timet homo Deum , ut infligentem inferni poenas propter peccatum , ut si necessaria esset ipsius hominis annihilatio ad
 eas

eas poenas fugiendas, eas vellet, juxta illud Christi Matth. 26. *Bonum erat ei, si natus non fuisset homo ille*: Sed nihil aliud requiritur ad perfectam contritionem; ergo timor virtuosus conceptus ex metu gehennæ sufficiens est ad perfectam contritionem; quod expressè est contra Tridentinum, ut & ipsi adversarii fatentur. Respondebis, timorem ex metu gehennæ, quantumvis virtuosum, ut definit Tridentinum, non respicere Deum eâ nobilitate motivi, quæ requiritur ad perfectam contritionem. Sed ecce iterum solutio nostra. Resp. igitur, dist. Ma. eam vellet, prout Deo bonam, nego Ma. prout peccatori bonam, permitto Ma. & dist. eodem modo Mi. nego Conseq. quia nobilitas motivi bonitatis divinæ requiritur ex Scripturis, Conciliis, & PP. ad actum perfectæ contritionis, ut constat ex num. 247. & 254. Hæc solutio adeo efficax est ad homines, ut & ipsi adversarii, velint, nolint, eam veram esse fateri teneantur. Cæterùm pro re adeò gravi, non solum est satis retorsisse contra adversarios vim argumenti; sed oportet ostendere, quàm falsum sit, quod ipsi assumebant, nimirum virtutem religionis, aut aliam præter charitatem,

tatem, habere vim ad eligendam anihilationem sui subjecti, ut habeatur bonum à se amatum, qua de causa dixi: permitto Major. quæ quidem absolutè est falsa.

267. Ratio est: quia Religio (idem suo modo de aliis præter charitatē) solūm amat cultū præcisè ut honestum, & quidem non per modum substantiæ, sed per modum accidentis, scū ut honestum homini rationali, idest sibi colenti Deum; adeoque repugnat quod illum amet magis, quàm se, aut quod velit anihilationem sui in ordine ad illum: solūm namque potest homo, prout se concipit sine virtute imperfectum, velle potius non esse, quàm esse imperfectum, & sic eligere anihilationem sui, potius quàm conservationem defectuosam. Quod, ut ex ipsis terminis patet, non est eligere non esse, ut illa perfectio sit, sed eligere non esse, quia ipse est sine illa perfectione, quam intendit: Sicuti qui amat sanitatem sibi, quam obtinere non potest, eligere valet potius anihilationem, quàm infirmitatis molestias pati; non potest autem eligere sui anihilationem, ut detur ea salus: annihilatus enim, & sanus sunt termini contradictoriè pugnantes, eodem

dem prorsus modo, ac si diceret: *Volo ego annihilatus exercere actum religionis, & Deum colere, atque servare castitatem, &c.* Quapropter hujusmodi actus, non quidem ab alia virtute, sed à sola possunt procedere charitate, quæ quia non fertur in Deum, ut bonum homini amanti, sed ut bonum in se, neque amat solùm obsequia à se facta, sed quidquid est per se bonum Deo, potest eo ipso amore velle citiùs annihilari, quàm Deum offendere.

268. Objicies tertio: Contritio ex motivo Charitatis non est per se unicum medium in hac divina Providentia ad justificationem extra Sacramentum: ergo quando Tridentinum loquitur de illa, non loquitur tanquam de unico medio per se, ac proinde sine ulla oppositione cum doctrinâ Tridentini designari possunt plures alii actus, qui sint ultima dispositio ad justificationem extra Sacramentum. Probatur Antecedens: Purus Dei amor super omnia, qui non sit dolor, non est contritio: atqui est dispositio per se sufficiens: ergo &c. Probatur Mi: si non esset per se, sed solùm per accidens sufficiens, ideò esset, quia solùm posset elici

De Pœnit. Pars I.

T à pec-

à peccatore ex accidentali ignorantia, aut inadvertentia peccati commissi: atqui purus Dei amor sine dolore potest etiam elici à peccatore, quantumvis sui peccati memore: ergo &c. Probatur Mi: Si peccator recorderetur peccati commissi in eo instanti, in quo non obligat pœnitentiæ præceptum, ex eo, quod amet Deum super omnia, non tenetur dolere de peccato commissio, ac proinde potest elicere amorem Dei super omnia sine dolore: ergo &c. Confirmatur: qui diligit Deum super omnia, non tenetur dolere de omnibus malis, quæ Deo displicent: aliter teneretur dolere de omnibus offensis ab ipso commissis, & de peccatis alienis, quod est contra experientiam: ergo &c.

269. Resp. nego Antecedens. Ad probationem conc. Ma: & nego Mi: Ad probationem, nego Antecedens. Ratio est, quia amor charitatis super omnia diligit Deum appretiatiwè supra omnia creata, suprâque ipsum diligentem, ejusque voluptates, & bona, ut constabit à num. 286.: ac proinde in eo, qui doloris est capax, fert necessariò secum dolorosam detestationem mali, quod cognoscit, se contra Deum fecisse, præsertim si ma-

si malum illud non est adhuc deletum : cum autem in signo priori , in quo peccator habet cognitionem supernam illuminativam voluntatis , & constitutivam actus primi proximi ad amorem , vel carentiam amoris , cognoscat se peccasse , & ob levem suam voluptatem graviter aversum à Deo , & non adhuc videat offensam Dei deletam , implicat , quod moveatur ex illa cognitione ad eum amorem , quin simul dolorosè eam offensam detestetur : etenim quando offensa moraliter perseverat , protrahitur actualiter antiquum malum , eodem omninò modo , ac si tunc physicè committeretur . Qua de causa iudicant plures Theologi non solum necessitari peccatorem in eo casu ad dolendum de peccatis à se commissis nondum deletis , sed etiam de remissis , & de peccatis alienis , si veniant in mentem , quando determinatur ad Deum super omnia diligendum .

270. Hanc autem vim ejus amoris nullo alio aptiori modo cognoscere possumus , quàm ex ipsa experientia : Videmus enim illum , qui filium vehementer diligit , si videat , illi aliquod grave malum accidere , ex naturali illo affectu prorumpere necessariò in

odium ejus mali, sive à parente ipso, sive ab alio inducti, statimque concipere voluntatem, quantum est ex se efficacem illud malum propulsandi, præsertim si amatus id exigat, sicut exigit Deus dolorem nostrum, & pœnitentiam. Exinde ad Conf. dist. Antecedens: non tenetur dolere, si mala illa veniant in mentem, quando à Deo præcipitur dolor, vel secundùm conceptum, quem habebant divinæ averfionis, præscindendo à remissione, nego; si non veniant in mentem, concedo Antecedens; & nego Conseq. ut constet ex dictis. Quinimò adhuc Antecedente permisso, Consequentia nulla esset, quia malum jam deletum non nocet, sicuti nocet, quod perseverat: quapropter mater (idem de amico respectu amici) extremè amans filium, si illum videat aliquid grave actu patientem, non potest non dolere de eo malo; si tamen hoc malum non apprehendatur, ut præsens, sed ut præteritum, & sanatum, non movetur necessariò ad dolendum de illo. Pariter respectu peccati alieni est magnum discrimen: quia sicut ille, qui Deum super omnia diligit, præscindit ab eo, quod alii proponant non offendere Deum in posterum, & solùm

curat

curat, ut ipse nunquam Deum in posterum offendat, sed ut illum rebus omnibus præferat, ita potest non curare de malo, quod alii intulerunt, sed de malo, quod ipse intulit, illudque dolorosè detestari.

§. II.

271. Objicies quartò : ille actus sufficit ad justificationem extra Sacramentum, qui est sufficiens, ut homo redeat ad amicitiam cum Deo: sed ad hoc non est necessaria contritio ex motivo charitatis, quâ Deum super omnia diligamus: ergo sufficit actus alterius inferioris virtutis. Probatur Mi: potest Petrus esse verissimus Pauli amicus, & cum eo, tanquam cum amico, se gerere, esto non sit paratus ad amittendum suum honorem, & omnia sua in gratiam Pauli: multò autem magis, etiamsi non sit paratus alios omnes offendere citiùs, quàm Paulum: ergo pari ratione poterit peccator fieri per poenitentiam à se elicitam amicus Dei, licèt non sit paratus omnia omninò illi postponere, vel propter illum vitam, omniaque sua amittere. Resp. concedo Ma: & nego Mi. Ad probationem concedo Antecedens, & nego

Conseq. quia amicitia humana non est digna eâ prælatione ; secûs amicitia divina . Quinimò apud homines plura opera egregia merentur ex se amicabilem alterius amorem ; apud ipsos verò homines nulla sunt opera , quæ ex se mereantur amorem amicabilem Dei , solùmque eleventur ad hanc dignitatem ex gratia , misericordia , & destinatione divina , quæ ex scripturis dumtaxat , Conciliis , & PP. potest nobis innotescere : cùm autem ex scripturis , Conciliis , & PP. habeamus , Deum ad hunc finem destinasse eam contritionem , quæ procedit ex motivo charitatis , & non alios actus inferiorum virtutum , ut constat à num. 247. exinde inferimus hanc contritionem esse sufficientem , secûs autem alios inferiores actus .

272. Quinimò paritas ab amicitia humana ad divinam est à longè petita ; ratio est , quia ut amicitia vera , & honesta sit , debet esse juxta regulas rationis , ita ut amicus injusta non petat ab amico : cùm ergo homines , etsi amici possint sæpe injusta petere , non possum ex vera amicitia esse paratus ad omnia facienda , quæ ille petierit , sed debeo esse amicus , ut dicitur , usque ad aras.

Ex-

Exinde cùm amico non tenear omnia mea dare, multò minùs alios sine causa offendere ratione amicitiae erga illum; At verò ut nullum peccatum lethale contra Deum committam, ipsa ratio naturalis independenter à lege amicitiae me obligat: unde non est mirum, si ratione amicitiae in Deum, tenear ita eum amare, ut omnibus præferam, hoc est ut malim omnia amittere, quàm ullum mortale committere; neque aliud nunc dicimus, requiri in eo amore super omnia ad justificationem necessario, sed id ipsum, quod juxta rationis regulas tenemur efficere, ne Deus rationabiliter sit nobis graviter aversus propter offensam. Quapropter si amor Dei non ita esset super omnia, non excluderet omne peccatum, neque esset perfecta conversio ad Deum, ac proinde talis debet esse, ut sit ultima dispositio ad justificationem extra Sacramentum.

273. Obiicies quintò: si perfecta contritio ex motivo charitatis requireretur per se ad justificationem extra Sacramentum, amor Dei super omnia, qui non esset perfecta contritio, non sufficeret adhuc per accidens ad talem justificationem, sed talis amor sufficit

ex dictis num. 261. ergo perfecta contritio ex motivo charitatis non est per se requisita. Probatur Ma: posito illo amore, cùm homo maneret justificatus, haberet finem intentum per præceptum pœnitentiæ, & per testimonia scripturæ, & Conciliorum, in quibus præcipitur pœnitentia, sed obtento fine præcepti, jam non obligat præceptum: ergo ille homo non teneretur ad eliciendam contritionem, ac proindè nullo modo requiretur per se contritio. Hoc argumentum non tam impugnat Conclusionem nostram, quàm efficaciam puri amoris Dei super omnia: Ex illo enim intendunt plures, neq; per accidens sufficere ad justificationem extra Sacramentum amorem Dei super omnia, qui non sit perfecta contritio. Ceterùm hæc debilia sunt: quapropter

274. Resp. ex dictis num. 26. nego Ma: ad probat. nego Ma: quia licèt homo ille maneret justificatus, non ex eo adimplevisset omnem finem intentum per præceptum pœnitentiæ: etenim à præcepto isto intenditur tanquam finis, dolorosa retractatio peccatoris, quæ ex dictis à n. 217. est de constitutivo actûs pœnitentiæ. Hæc autem, ut per se pa-

patet, non habetur per purum amorem; bene verò per perfectam contritionem, quæ est verum odium antiquæ vitæ, ut definit Tridentinum citatum n. 25. Unde si adveniente tempore, in quo præceptum istud obligat, homo ille advertens nollet dolere, nec retractare peccatum, peccaret mortaliter, & cessaret amor Dei, ut cum nostris docent etiam Thomistæ cum Gonetto disp. 7. art. 1. n. 18. Unde ille amor non est poenitentiae in re, sed in voto, ac proinde absq; poenitentia, vel in re, vel in voto, nequit haberi justificatio. Quando verò obliget præceptum istud, constabit infra, quando agamus de præcepto poenitentiae. Sic in Sacramento poenitentiae, ex eo quod non intendatur sola iustificatio peccatoris, sed etiam quod manifestentur Confessario omnia peccata, licet verè iustificetur, qui accedit ad istud Sacramentum invincibiliter oblitus alicujus lethalis; si tamen postea, quando advenit tempus, in quo obligatur ad confitendum, & recordatur illius lethalis, nolit illud in confessione aperire, peccabit mortaliter, & amitteret gratiam, quam acceperat.

275. *Objicies sextò: potest dari dolor, qui*

qui sit ultima dispositio ad justificationem, & tamen non sit amor Dei formalis, sed ad summum virtualis: ergo saltem ad perfectam contritionem non requiritur, quod sit formalis Dei amor super omnia. Probatur Antecedens ex psal. 31. ubi dicitur: *Dixi: confitebor adversum me iniquitatem meam Domino, & tu remisisti impietatem peccati mei*: tum etiam 2. Reg. 12. statim atque David dixit: *peccavi Domino*; subjunxit Propheta: *Domine quoque transtulit peccatum tuum*: atqui in his similibus testimoniis, quæ passim reperiuntur in scriptura, solùm assignatur pro ultima dispositione ad justificationem dolor sine amore: ergo &c. Confirmatur: ex motivo bonitatis divinæ possum detestari peccatum per actum, qui solùm sit odium peccati, & non sit amor Dei; sicuti possum amare medicinam propter sanitatem, etiamsi non tangam intrinsecè per eum actum ipsam sanitatem: ergo potest voluntas elicere istum actum: *detestor pro Deo hoc malum, quia illi malum est*: ita ut iste actus solùm sit odium peccati, & non sit amor Dei: atqui talis actus esset ultima dispositio ad justificationem; haberet enim eandem virtutem, quam
Dei

Dei amor, cùm odium mali sit virtualiter amor boni oppositi; ergo &c. Propter hoc argumentum existimant plures cum Exim. Doct. posse dari dolorem charitatis, absque formalitate amoris, Cæterùm cùm ille actus jam procederet ex motivo charitatis, nequit ex hoc capite impugnari nostra Conclusio. Nihilominus pro majori claritate, & rei veritate.

276. Resp. nego Antecedens, Ad probationem concedo Ma: & nego Mi; quia licet ibi non fiat explicitè, fit tamen implicitè mentio de motivo charitatis, ex dictis à num. 265. Ad Confirmationem, nego Antecedens, & paritatem de medicina. Ratio est, quia licet permittamus, quod plurimi negant in philosophia; nimirum posse aliquem velle medicinam propter salutem, quin per illum actum amet salutem, attamen quando ita contingeret, salus se haberet ut finis intentus, & amatus, ex quo amore salutis oritur electio medii, nempe medicinæ; ac proinde quatenus ille amor medicinæ penderet ex intrinsecis suis ab amore salutis, dici posset virtualis, sive implicitus amor salutis. Hæc autem ratio cessat omninò in nostro casu; nam

nam ſi dolor ille oritur, & pendet ab amore Dei ſuper omnia, jam per amorem ipſum ſupponeretur remiſſum peccatum.

277. Si autem non oritur, non habet unde dicatur pertinere potiùs ad charitatem, quàm ad aliam virtutem, niſi ſuperaddatur tendentia, quam in ipſo argumento aſſignât adverſarii, nimirùm quia fugit peccatum pro ut Deo malum: Cæterùm falſò ſupponunt, hanc tendentiam eſſe puri odii, & non formalis amoris, quandoquidem nolle malum alteri, quia ipſi malum, eſt formaliter illum amare, ex dictis num. 263. Quinimò cùm ipſa divina bonitas ſit objectum cui, & ratio formalis amandi, non aliter movet, quàm ut bonum amabile, ac proinde nequit movere ad actum, qui deteſtetur peccatum, quia Deo malum, quin ille ipſe actus ſit Dei amor; ex quo habetur ſecunda diſparitas ad paritatem de fine, cùm finis non moveat, ut objectum cui, ægrotus enim non vult medicamentum, ut bonum ſanitati, ſed ut bonum ſibi ad obtinendam ſanitatem, quam amat per actum, à quo pendet electio.

S E C T I O III.

*Quomodo contritio perfecta attingat moti-
vum Charitatis ?*

§. I.

278. **S**UPPONO primò : actum charita-
tis apud Theologos esse actum
amicitiæ ex illo Prov. 8. *ego diligētes me diligo*:
adeòque bonitatem divinam non specificare
actum charitatis utcumque attactam , sed
ita debere attingi , ut affectus ipse quatenùs
ex eo motivo procedens, maneat impossi-
bilis cum actu legum amicitie divinæ trans-
gressivo . Ratio est, quia ut constat ex dictis à
n. 73. voluntas , utpotè potentia libera, pot-
est attingere motivum bonitatis divinæ , vel
secundùm totam suam universalitatem , pro-
ut se extendens ad omnia , quæ Deo placent,
vel cum aliqua restrictione , prout se exten-
dens ad fugienda graviter displicentia ; vel
cum majori restrictione , prout coarctatur
ad fugiendum unum, & non aliud, quo in sen-
su potest voluntas ex eo motivo ita restricto
fugere unum peccatum lethale, & non aliud,
ut

ut optimè notavit Exim. Doct. tom. i. *De gratia* lib. i. cap. 34. num. 19. atqui ad actum impossibilem cum affectu transgressivo legum amicitia divina, licet non requiratur, quod divina bonitas attingatur secundum totam suam universalitatem absque ulla restrictione, cum amicitia Dei non amittatur per venialia; requiritur tamen, quod saltem attingatur, prout averfa omni lethali, cum per quodcumque lethale amicitia Dei amittatur: ergo &c. Exinde

279. Suppono secundò cum Arriaga disp. 8. sect. 2. num. 5. & 7. omnem actum charitatis esse actum amoris Dei; non verò è contra, sicuti omnis homo est animal, at verò omne animal non est homo. Ratio est, quia ideo omnis homo est animal, & non è contra, quia nullus potest dari homo, qui non sit animal; at verò potest dari animal, quod non sit homo; atqui etiam nullus potest dari actus charitatis, qui non sit amor Dei, cum debeat amare bona saltem debita intra leges amicitia, quia Deo bona; at verò potest dari amor Dei, qui non sit charitas: v. g. si quis propter bonitatem divinam, quam amat, nollit jurare, etsi vellet simul gravi-
ter

ter furari: talis enim actus, cum esset composibilis cum affectu transgressivo legum divinæ amicitiae, non esset charitas, sed amor valde imperfectus: ergo &c. Quapropter actus charitatis amat Deum super omnia: Cæterum cum particula *super omnia* sit respectiva, potest dupliciter sumi, vel pro amore super omnia, idest supra leges amicitiae; vel pro amore super omnia, idest juxta leges amicitiae. Ad actum verò charitatis non requiritur, quod sit super omnia in primo; benè verò in secundo sensu, cum non debeat esse supra, sed juxta leges amicitiae divinæ, ex dictis numero superiori. Exinde.

280. Suppono tertio: actum charitatis esse verum Dei amorem super omnia. Ratio est, quia, eo durante in anima, potiùs omnia contemneret, quàm leges divinæ amicitiae transgrederetur: nihil enim præcipi potest, ut necessarium ad legum istarum adimpletionem, quod non sit rationis naturalis regulis valde conforme, in quo distinguitur amicitia erga Deum ab amicitia erga creaturam, ex num. 272. Unde si id, quod modò prohibetur sub levi, prohiberetur postea sub gravi, non posset voluntas, durante eo
amo-

amore , labi in talem rem prohibitam , in quam modò labitur , quia nunc lapsus ille , ex ipso Deo legislatore , non est transgressio legum Divinæ amicitiae : non enim amittitur gratia , aut amicitia divina per veniale peccatum . Quinimò cum per actum charitatis non amet homo ista , ut sibi , sed ut Deo bona , si opus esset , potiùs eligeret sui , quàm Dei destructionem , aut gravem offensam contra ipsum committere : in eo namque distinguitur , ex num 267. actus charitatis ab actibus aliarum virtutum , quia actus aliarum virtutum possunt amplecti suum objectum tanquam bonum elicienti ; actus verò charitatis purè amplectitur suum objectum , tanquam bonum Deo , eâque de causa aliæ virtutes sunt elicitivæ actûs concupiscentiæ ; secùs autem charitas .

281. Suppono quartò : magnitudinem amoris dividi à Philosophis , & Theologis in intensivam , & appretiativam . Intensiva est ea , quæ fit , vel per additionem gradûs ad gradum , vel per tendentiam omninò similem . Unde sicut gradus intensus non addit appretiationem objecti supra appretiationem gradûs remissi , sed majorem vim , aut tencritu-
dinem

dinem affectivam, seu amplexivam objecti juxta illam præviam appretiationem; ita etiam, si per gradum remissum objectum non præferebatur omnibus, sed tribus solis objectis; per gradum pariter intensum non præferetur omnibus, sed illis tribus dumtaxat objectis; si autem per gradum remissum nulli alteri objecto præferatur, pariter per gradum intensum nulli alteri objecto præferetur. Appretiativa verò est illa, quæ non ex majori intensione, aut teneritudine, sed ex natura intrinseca ipsius actus procedit, ita ut sive tendentia sit intensa, sive remissa suum objectum præferat aliis ex vi illius specificæ tendentiæ actus. Quapropter si actus intensus appretiat suum objectum super omnia; pariter, & actus remissus appretiabit suum objectum super omnia. Qua de causa potest dari unus actus valde intensus, qui suum objectum non appretiet super omnia, & alius valde remissus, qui super omnia illud appretiet, ut dixi in Prol. à num. 1.

282. Exemplum sit in patre, qui sæpe solet amare magis intensè equum, quàm filium, & filium, quàm Deum: ex qua amoris intensione prodit in lacrymas, si amittat filium, & nō

De Pœnit. Pars I.

V

plo-

plorat , quando amittit Deum , & tamen amat magis appretiativè filium , quàm equū , & Deum , quàm filium , nam si in sua electione esset , potius eligeret amittere equum , quàm filium , & filium , quàm Deum . Quod etiam plures Doctores explicant in facto Jonathæ cum Davide 1. Reg. 18. ubi dicitur : *Anima Jonathæ conglutinata est animæ David , & dilexit eum Jonathas quasi animam suam.* Credibile namq; est Ionatham , sive ex admiratione virtutis , sive ob similitudinem morum inter juvenes bellatores , amore teneriori , ac magis intenso Davidem , quàm Saulem parentem dilexisse ; suadet tamen præclara Regii adolescentis indoles , & sapientia , amatum ab eo Saulem magis appretiativè , quàm Davidem ; hoc est paratum illum fuisse , Patris salutem , & commoda , Davidis saluti , & commodis anteponere , ac si casus urgeret , promptius , ac majori studio patri , quàm amico subvenire . Exinde cùm bonitas divina movere possit ad amorem super omnes intensum , vel ad amorem super omnia appretiativum , quærimus quomodò contritio perfecta attingat bonitatem divinam ?

283. Prima Sententia est Adriani asse-

ren-

rentis, ad contritionem perfectam, & ad perfectam dilectionem Dei, quæ sit ultima dispositio ad justificationem extra Sacramentum, requiri summum conatum, ac proinde debere esse summum dolorem, & summum amorem intensivè. Ratio ejus est, quia alioquin non amabitur Deus plusquam omne bonum, nec peccatum odio habebitur, plusquam omne malum. Secunda Sententia est Petri Soti, cum Bonavent. & aliis, docentis non requiri, ut sit summus dolor, aut amor intensivè; requiri tamen, ut sit intensior quovis alio actu doloris, vel amoris: Ratio ejus est, quia cum æstimatio alicujus rei sit amor illius, quò aliquis intensiùs rem aliquam amat, eò illam magis æstimare videtur. Unde si aliquis intensiùs creaturam, quam Deum amaret, magis æstimaret creaturam, quam Deum. Quapropter ut quis diligat Deum super omnia, necesse est, ut Deum intensiùs amet, quam alia objecta, & similiter, ut doleat de peccato super omnia, oportet, ut dolor iste sit intensior quovis alio dolore. Tertia Sententia est Cajetani exigentis aliquam durationem notabilem. Ratio ejus constabit n.

plorat , quando amittit Deum , & tamen amat magis appretiativè filium, quàm equū, & Deum , quàm filium , nam si in sua electione esset, potius eligeret amittere equum, quàm filium, & filium, quàm Deum . Quod etiam plures Doctores explicant in facto Jonathæ cum Davide 1. Reg. 18. ubi dicitur: *Anima Jonathæ conglutinata est animæ David , & dilexit eum Jonathas quasi animam suam.* Credibile namq; est Ionatham, sive ex admiratione virtutis , sive ob similitudinem morum inter juvenes bellatores, amore teneriori, ac magis intenso Davidem , quàm Saulem parentem dilexisse; suadet tamen præclara Regii adolescentis indoles, & sapientia, amatum ab eo Saulem magis appretiativè, quàm Davidem ; hoc est paratum illum fuisse, Patris salutem , & commoda, Davidis saluti, & commodis anteponere , ac si casus urgeret, promptius, ac majori studio patri, quàm amico subvenire . Exinde cùm bonitas divina movere possit ad amorem super omnes intensum, vel ad amorem super omnia appretiativum , quærimus quomodò contritio perfecta attingat bonitatem divinam ?

283. Prima Sententia est Adriani asseren-

rentis, ad contritionem perfectam, & ad perfectam dilectionem Dei, quæ sit ultima dispositio ad justificationem extra Sacramentum, requiri summum conatum, ac proinde debere esse summum dolorem, & summum amorem intensivè. Ratio ejus est, quia alioquin non amabitur Deus plusquam omne bonum, nec peccatum odio habebitur, plusquam omne malum. Secunda Sententia est Petri Soti, cum Bonavent. & aliis, docentis non requiri, ut sit summus dolor, aut amor intensivè; requiri tamen, ut sit intensior quovis alio actu doloris, vel amoris: Ratio ejus est, quia cùm æstimatio alicujus rei sit amor illius, quò aliquis intensius rem aliquam amat, eò illam magis æstimare videtur. Unde si aliquis intensius creaturam, quam Deum amaret, magis æstimaret creaturam, quam Deum. Quapropter ut quis diligat Deum super omnia, necesse est, ut Deum intensius amet, quam alia objecta, & similiter, ut doleat de peccato super omnia, oportet, ut dolor iste sit intensior quovis alio dolore. Tertia Sententia est Cajetani exigentis aliquam durationem notabilem. Ratio ejus constabit n.

301. Quarta ferè omnium Theologorum Sententia docet, contritionem perfectam non debere esse dolorem, aut amorem super omnia intensivè, benè verò appretiativè, etsi non omnes convenient, neque in probanda, neque in explicanda natura appretiationis. Ad clariorem horum omnium decisionem.

§. II.

284. Afferro primò contra primam sententiam: contritio perfecta non debet esse elicitæ ex summo potentiæ conatu quoad intensiorem. Probatur: amor Dei super omnia requisitus ad adimpletionem præcepti diligendi Deum, non debet esse elicitus ex summo potentiæ conatu quoad intensiorem: ergo neque perfecta contritio. Consequentia tenet, quia præceptum diligendi Deum obligat ad illum diligendum per verum actum charitatis, qua de causa Innoc. XI. inter 65. propositiones damnavit 6. quæ sic habebat: *Probabile est ne singulis quidem rigorosè quinquenniis per se obligare præceptum charitatis erga Deum*: Antecedens verò probatur: nullum est divinum præceptum, de cuius adimpletione nullam habere possit pro-

probabilitatem ille , qui præceptum vult adimplere : tale enim , ut per se patet , esset nimis severum , & si non esset absolutè impossibile , saltem fragilitati humanæ esset minimè consentaneum : atqui nullus scire probabiliter potest , quando elicit actum veræ dilectionis Dei , an ille actus in intensione adæquet intensiorem habitûs charitatis , adeoque sit summus in intensione actus , & conatu potentiæ : ergo &c. Confirmatur primò : Per maiorem amorem intensivum non tantùm æstimatur res , quàm per maiorem amorem appretiativum , vt constat à num. 281. ergo ex titulo majoris æstimationis non requiritur major amor intensivus. Confirmatur secundò ex D. Thom. in suppl. quæst. 5. art. 3. in corp. dicente : *Sic ergo dicendum, quod quantumcumque parvus sit dolor, dummodo ad contritionis rationem sufficiat, omnem culpam delet: ergo &c.* vide Prol. à n. 1.

285. Afferro secundò contra secundam sententiam : Contritio perfecta non debet esse intensior quovis alio amore , aut dolore elicitò ab operante . Probatur . Qui magis intensè dolet de morte filii , quàm de peccato commisso contra Deum , non offendit ex

eo Deum, si actus doloris de peccato sit magis appretiativus Dei, quàm filii, aut sit appretiativus Dei super omnia, quod non habet amor filii: sic enim magis perfectè Deum, quàm filium diligeret, repugnatque ex ipsis terminis, quod aliquis peccet diligendo Deum, & filium, ex eo quod magis perfectè Deum, quàm filium diligat: sed talis amor appretiativus, utpote sufficiens ad amicitia divinae leges adimplendas, sufficiens quoque est ad perfectam contritionem: ergo &c. Confirmatur primò ex D. Thom. in suppl. quæst. 5. art. 3. §. *sed contra* dicente: *quælibet contritio est gratiâ gratum faciente informata: ergo quantumcumque sit parva, delet omnem culpam; ergo &c.* Confirmatur secundò: si ad perfectam contritionem requireretur major amor intensivus, & non sufficeret amor super omnia appretiativus, possent duo ita elicere omnino æqualem amorem, ut unus eliceret amorem sufficientem ad justificationem, & alter non; sed hoc ex ipsis terminis implicat: ergo &c. Probatur Ma: unus ex illis duobus elicientibus eundem omnino æqualem amorem posset simul habere actum amoris intensio-

fiolem circa aliud objectum, & alter non; ergo juxta principia adversariorum, amor ab uno elicitus esset sufficiens dispositio ad justificationem; secùs autem amor omnino æqualis ab alio elicitus. Confirmatur tertio: major æstimatio non stat in majori intentione, sed in majori appretiatione: ergo sine fundamento requiritur major intensio amoris ad perfectam contritionem.

286. Afferro tertio contra tertiam sententiam. Ad contritionem perfectam non requiritur notabilis ulla duratio, sed talis est in ipso instanti, in quo elicitur. Probatur: sicut Deus nullam exigit determinatam intensiorem, neque in Scripturis, neque in Conciliis ad perfectam contritionem, ita neque exigit ullam durationem: ergo talis duratio ad perfectam contritionem non requiritur. Confirmatur exemplo Davidis 2. Reg. 12. qui vix dixerat *peccavi*, & statim audivit à Propheta; *Dominus quoque transtulit peccatum tuum*: vix enim potest esse brevior duratio, quàm illa fuit: ergo, &c. Confirmatur secundo: quia cum ex nullo testimonio constet adhuc probabiliter, quanta sit illa duratio, homo teneretur sub præcepto ad con-

tritionem , quin ſcîret probabiliter , quando poſſet deſiſtere ſine peccato (quod etiam militat pro intenſione) adeoque neque vicinus morti, eliciendo contritionem, in inſtanti poſſet juſtificari , quod eſt contra perſuaſionem fidelium , & contra teſtimonia ſuperiùs adducta , & contra alia ſtatim adducenda à num. 299. ergo , &c. Confirmatur tertio ex S. Th. 3. part. q. 89. art. 2. in corp. dicente: *Motus liberi arbitrii , qui eſt in juſtificatione impii, eſt ultima diſpoſitio ad Gratiã : Unde in eodem inſtãti eſt gratiæ infuſio*: ergo, &c. Omitto plura quę ſatis cõſtabunt ex ſolutione argumẽtorũ.

287. Aſſero quartò cum quarta ſententia . Ad perfectam contritionem ſufficit , & requiritur , quod actus ſupernus elicitus ſit doloroſa deteſtatio de peccato commiſſo , & amor Dei appretiatiwè ſuper omnia; adeoque perfecta contritio attingit ſecundum iſtũ reſpectũ motivũ charitatis. Probatur primò: Perfecta contritio continet formalitatem amoris charitatis erga Deum, ut conſtat ex Trid. cit. n. 247. ac proinde eſt adimpletiva legum amicitie divine ex dictis à n. 278. atqui affectus adimpletivus legum amicitie divine debet eſſe deteſtatio doloroſa peccati , & dilectio Dei

ap-

appretiativè super omnia: ergo, &c. Prob. Mi: ille affectus, qui non detestaretur appretiativè peccatum super omnia, compossibilis esset cum appretiatione peccati magis, quàm Dei, si posset existere sub alia hypothese; & ille, qui non amaret Deum appretiativè super omnia, compossibilis pariter esset cum appretiatione alterius objecti magis, quàm Dei, adeoque cum hoc sit lethale, talis affectus in ea hypothese esset compossibilis cum lethali: atqui affectus compossibilis sub quacumque hypothese cum commissione peccati lethalis, non esset adimpletivus legum amicitiae divinae, cum per quodcumque lethale contrahatur meritum inimicitiae cum Deo: ergo, &c. Confirmatur. Perfecta contritio non solum est incompossibilis cum voluntate peccandi: hoc enim etiam convenit attritioni, dum ipsa existit in hypothese praesentis providentiae, ut constat ex Tridentino citato num: 223. sed ulterius habet ea peccata fugere, quia graviter mala extrinseca respectu Dei, sive ex amore debito legi amicitiae erga Deum: atqui non potest ita detestari peccata, quin ea appretiativè super omnia detestetur, & Deum appretiativè super omnia diligat: ergo, &c.

288. Resp.

288. Respondebis, non satis esse, quod contritio ita sit impossibilis cum voluntate peccandi, ut detestetur peccatum appetitivè super omnia : cùm attritio concepta ex metu pœnæ inferni sit etiam impossibilis cum voluntate peccandi, quin detestetur peccatum appetitivè super omnia, cum non detestetur illud supra pœnas inferni, ex num. 257. Contra tamen primò : & ut magis appareat veritas, ex ipsa eorum responsione arguo contra adversarios sic : Ideo actus, quo aliquis fugit peccatum ob metum pœnarum inferni, nō detestatur magis peccatum, quàm pœnam, quia nullus actus potest excedere motivum, sub quo fertur in objectum, utpote ab illo habens totam suam vim, & efficaciam, ut diximus à num. 257. ergo cùm perfecta contritio habeat pro motivo divinam bonitatem, quam appetitivè amat super omnia, accipit à suo motivo efficaciam ad detestandum peccatum super omnia. Contra secundò . Ratio communis contracta ad differentias inæquales participat in una specie rationem nobiliorem, quàm in alia : sic animal contractum ad hominem, & leonem reperitur nobiliori modo in homine, quàm

quàm in leone : licèt enim quàm animal præscindat ab identitate cum rationali ; quàm tale animal habet veram identitatem cum rationali : ergo licèt poenitentia , ut sic præscindat à detestatione peccati super omnia , contracta ad perfectam contritionem non præscindet , sed identificabitur cum vera detestatione peccati super omnia :

289. Probatur secundò Conclusio ex Eximio Doctore. Detestatio contritionis est proportionata amor non minus , quàm unum identificatum cum alio sit ei proportionatum ; atqui amor prout tendit in Deum , amat Deum super omnia , ut constat ex num. 286. ergo detestatio , prout tendit in peccatum , detestatur peccatum super omnia . Confirmat. Amor Dei requisitus ad contritionem perfectam , est ille , qui cadit sub præceptum , ne leges debitas amicitiae divinae transgrediamur , juxta illud Deut. 6. *Dilige Dominum Deum tuum ex toto corde tuo , & ex tota anima tua , & ex tota fortitudine tua , eruntque verba hæc , quæ ego præcipio tibi hodie , in corde tuo , & narrabis ea filiis tuis .* atqui præceptum amoris obligat ad actum adimpletivum legum amicitiae divinae , adeoque ad diligendum Deum
 appre-

appretiativè super omnia, ex illo Christi Matth. 10. *Qui amat patrem, aut matrem plusquam me, non est me dignus*: ergo hæc detestatio, quam secum fert talis amor, debet detestari super omnia peccatum, quod transgrederetur leges divinæ amicitiae.

290. Affero quintò cum Exim. Doctore tom. 1. *De gratia* lib. 1. cap. 31. à num. 12. Contritio perfecta catenus est tendentia appretiativa super omnia, quatenus ex divina bonitate est amor obedientialis, sive divinæ amicitiae legum adimpletivus. Probatur primò. Amor ex divina bonitate obedientialis, sive divinæ amicitiae legum adimpletivus est ille, quo voluntas non solùm vult Deo bonitatem, quam in se habet, sed etiam propter illam vult Deo ita placere in omnibus, ut fugiat omnia contraria, solùm, ut ei ita placeat; atqui talis actus est appretiativus super omnia: ergo, &c. Probatur Mi. talis actus non solùm vult Deo bona sua intrinseca, sed etiam extrinseca, nec solum hæc, vel illa, sed omnia, quæ Deo placent, ne contrahatur debitum inimicitiae: non quidem quia hoc amanti est bonum, sed unicè, quia bonum est Deo, penès quem est præscribere quascumque voluc-

luerit amicitiae leges; atqui talis actus est appretiativus super omnia: praeferit enim bonitatem Dei omnibus aliis rebus, & detestatur super omnia detestabilia, quidquid ex lege amicitiae est ipsi contrarium: ergo, &c.

291. Probatur secundò: Amor ex divina bonitate obedientialis, utpote elicitus circa bonitatem divinam, ut Deo bonam, & circa bona extrinseca, ut bona ipsi Deo, verè unit affectivè voluntatem amantis cum voluntate Dei, ac proinde in hac Providentia manet exinde voluntas divina unita cum voluntate amantis ex illo Prov. 8. *Ego diligentes me diligo: & ex 1. Jo. 4. Caritas ex Deo est: & omnis qui diligit, ex Deo natus est: quo fit, ut talis actus sit formalis, aut saltem virtualis voluntas servandi omnes amicitiae leges, juxta verbum Christi Jo. 14. Qui diligit me, mandata mea servabit. Unde hujusmodi actus impossibilis est cum actu postponente Deum, aut sua bona extrinseca ullis aliis rebus: talis enim postpositio afferret inimicitiae debitum, quod cum tali actu est impossibile; sed hoc est formaliter diligere Deum super omnia, & peccatum super omnia detestari, ut constat ex dictis: ergo, &c.*

292. Con-

292. Confirmatur primò: iste actus: *ma-*
lo te, ò Deus, propter tuam bonitatem non offen-
dere, quàm omnia alia bona possidere, aut mala
fugere: est actus dilectionis Dei, & detestationis
 peccati super omnia, atqui amor ex divina
 bonitate obedientialis à nobis expositus hanc
 præfert tendentiam, ergo, &c. Confirmatur
 secundò: iste amor obedientialis non minùs
 habet pro fine amplecti omnia Dei bona,
 quia Deo bona, & fugere omnia Dei mala,
 quia Deo mala, quàm amor scissionis venæ
 propter salutem habeat pro fine salutem, sive
 subjectum sanum: sed amor scissionis venæ
 propter salutem amat appretiativè magis sa-
 lutem, sive subjectū sanum, quàm ipsam scis-
 sionem, ex illo Aristotelis, *propter quod unum-*
quodque est tale, & illud magis: ergo iste amor
 obedientialis, amat appretiativè magis bona
 Dei, quia ipsi bona, sive ipsum Deum bonum,
 quàm reliqua alia, pariterque detestatur o-
 mnia ipsi Deo contraria, quia ipsi mala, plus-
 quam reliqua omnia, quæ quidem, ut per se
 patet est vera tendentia appretiativa super
 omnia. Ex dictis.

§. III.

293. Fit primò: amorem Dei super omnia, adeoque & contritionem perfectam esse actū, vel formaliter, vel saltem virtualiter comparativum ad eum modum, quo actus quo dico: appretio magis Petrum, quàm Paulum: est appretiatiuè cōparativus formaliter inter Petrum, & Paulum, vel ad eum modū, quo actus, quo dico: *amo medicamentum unice propter salutem*: est virtualiter comparativus, appretiendo magis salutem, quàm medicamentum. Sic contritio perfecta, quā amor appretiat magis Deum, quàm reliqua omnia, & similiter quā detestatio detestatur magis peccatum, quàm reliqua detestabilia. Quapropter si unum de duobus malis eligendum esset, potius homo contritus eligeret quodvis aliud malum, quantumvis esset poena inferni, quàm peccatum. Sic Anselmus lib. de similitud. cap. 190. ferventer, & nervosè dixit: *Si hinc peccati pudorem, & illinc cernerem inferni horrorem, & necessario uni illorum haberem immergi: prius me in infernum mergerem, quàm peccatum in me immitterem: mallet enim purus à peccato, & innocens gebennam intrare, quàm peccati sorde pollutus cælorum regna tenere.*

294. Fit

294. Fit secundò, nullum actum in circumstantiis, in quibus sit lethale peccatum esse compossibile cum perfecta contritione, licèt compossibilis esset, si reperiri posset in circumstantiis, in quibus peccatum non esset: Sic de homine inculpabiliter necessitato ad alterutrum è duobus malis omnino æqualibus, v. g. vel ad relinquendum ægrotum, ut audiat sacrum, vel ad omittendum sacrum, ut assistat ægroto, quando per ignorantiam judicat, utrumque esse peccatum, & omnino æquale, docent communiter Theologi non peccaturum: sive unum, sive alterum eligat, quia nullam habet libertatem moralem; cùm malitia moralis eadem omnino sit in utroque extremo, adeòque solùm habet libertatem purè physicam conjunctam cum necessitate ad moralitatem. Supposito ergo, quod tunc non peccet homo, non est ratio, cur non possit, vel perfectam elicere contritionem, ad cujus moralitatem veram habet libertatem, vel saltem conservare perseverantiam moralem contritionis elicite. Eodemque modo discurrendum est de suppositionibus impossibilibus, quæ fieri solent circa bona, & mala jam intrinseca, jam extrinseca

Deo:

Deo: si enim illæ suppositiones afferant circumstantias, in quibus actus elicit non sint peccaminosi, poterunt componi cum contritione saltem moraliter perseverante; secus autem si peccaminosi persistant, quantumvis illis positis subsequi possent aliqua bona: etenim, ut habet axioma theologicum ex Augustino desumptum: *non sunt facienda mala, ut veniant bona*. Exinde

295. Fit tertio: posse componi cum perfecta contritione aliquos voluntatis actus pure speculativos circa aliquod objectum, quamvis componi non possint actus voluntatis practici circa illud, juxta sententiam illorum, qui docent tales actus speculativos esse honestos, licet actus practici sint vitiosi. Ratio eorum est, quia sæpè contingit, ut actus voluntatis pure speculativus circa aliquod objectum non sit peccatum; benè verò actus practicus circa ipsum: actus quippe speculativus, cum non sit inductivus malitiæ, potest illam respicere, ut purum terminum, adeoque non sumit ab ea malitiam; sicuti actus, quo amo scientiam, quam Deus habet de peccato Petri, non accipit malitiam à peccato Petri, quia respicit illud, ut purum terminum. Qua de

causa Cardinalis de Lugo , & plures alii do-
cent , licitum esse desiderare , per desiderium
speculativum , homicidium , ex quo sequi-
tur magnum Reipublicæ bonum , quamvis sit
illicitum illud procurare : Sic Arriaga disp. 8.
sectione 3. docet , te posse optare desiderio
purè speculativo , quod peccet Petrus ad hoc,
ut vitet graviora peccata , licèt non possis licitè
id procurare . Unde affectus detestandi peccata
super omnia necessarius contritioni solùm se
extendit ad ea , quæ sunt vera peccata , & le-
gum divinæ amicitiae transgressiva . Exinde

296. Fit quartò contra aliquos recentio-
res: contritionem perfectam , quæ est Dei amor
super omnia , non habere pro fine Deum , ut
amicum homini contrito . Ratio est , quia ta-
lis amor esset actus concupiscentiæ , & vellet
Deum , quia amanti bonum , quod multum
distat à perfectione actûs charitatis erga Deû.
Quin imò per talem actum non posset Deus
amari super omnia . Non enim amaretur su-
pra ipsum amantem : neque posset cum illo
affectu componi actus , quo amans potius o-
ptaret non esse , quam quod deficeret Deo ,
quod per illum actum attingitur : non enim
possum desiderare meam annihilationem ,

ut

ut habeam divinam bonitatem mihi bonam, ut constet ex num. 267. Lex enim amicitiae erga Deum ideo exigit, ut animum potius meam annihilationem, quam gravem offensam Dei, quia exigit, ut ea bona, quae amo, non ideo animum, quia bona mihi, sed quia bona Deo; & pariter quod non detester mala, quia mala mihi, sed quia mala Deo. Unde licet actus charitatis non debeat esse amor Dei super omnia, sumpto ly *super omnia*, pro amore supra leges amicitiae, qualis esset amor impossibilis cum venialibus, & cum imperfectionibus moralibus; debet nihilominus esse super omnia, sumpto ly *super omnia*, pro amore, juxta regulas amicitiae ex dictis numero 279. Hic autem amor, licet ex intrinsicis suis non excludat inimicitiam Dei effective, excludit illam affective, ut constabit n. 305.

S E C T I O · I V.

Solvuntur opposita.

§. I.

297 **O**BJICIES primò contra primam Afferit. ex Adriano: per contritionem amatur Deus plusquam omne bonum,

X

2

&

& peccatum odio habetur plusquam omne malum: sed non posset ita fieri, si contritio non eliceretur ex summo conatu potentiæ, essetque summa intensivè: ergo, &c. Resp. dist. Ma. plus intensivè, nego, plus appretiativè, conced. Ma. & distinctâ eodem modo Min. nego Conseq. Ratio est, quia per contritionem, ita amatur Deus plùs aliis, ut præferatur reliquis omnibus (idemque suo modo de detestatione peccati). Cum autem ad istum finem non conducat intensio, sed appretiatio, ut constat à n. 281. exinde perfecta cōtritio, opus nō est, quod sit super omnia in intensione; benè verò in appretiatione.

298. Objicies secundò contra secundam Conclusionem ex Petro Soto, & aliis: Amor objecti est objecti æstimatio: ergo, quò major sit æstimatio, erit major amoris intensio, adeoque amor Dei super omnia erit supra omnes alios amores intensior. Confirmatur. Ut homo se disponat ad justificationem, tenetur facere quantum potest: sed non solùm potest elicere amorem appretiativum, verùm etiam potest elicere amorem appretiativum, qui sit magis intensus: ergo ad eliciendam contritionem, debet elicere amorem appretiativum,

tivum , qui inter omnes ab ipso elicitos sit magis intensus . Resp. dist. Antec. est objecti aestimatio secundum naturam appretiativam amoris, concedo ; supra naturam appretiativam amoris, nego Anteced. & Conseq. quia major intensio non trahit majorem naturam appretiativam amoris, sed majorem teneritudinem secundum eandem naturam appretiationis , ut constat à num. 281. Ad Confir. distin. Major. tenetur facere quantum potest, ad ponendum id , quod destinavit Deus , ut necessarium ad justificationem, concedo , ut nō necessarium, nego Ma. & distinc. eodem modo Mi. nego Conf. Ratio est , quia à Deo non est destinata ea major intensio , sed contritio perfecta legum amicitiae adimpletiva , ut constat ex Trident. citat, ex num. 247. ubi nec minima fit mentio de actūs intensione , sicuti , neque de aliis piis operibus , quæ peccator, operando ex tota sua fortitudine, posset apponere : aliter , ut justificaretur , teneretur facere rigorosissimas omnes , quas posset, poenitentias .

299. Objicies tertio , instando simul solutionem. Non solum exigitur ad justificationem extra Sacramentum, in Sacra Scriptura ,

quæcumque contritio, sed illa, quæ sit ex *tota fortitudine*, ut constat ex num. 282. tum etiam ex 4. Deuter. ubi dicitur: *Cùm quæsieris Dominum Deum tuum, invenies eum; si tamen toto corde quæsieris, & totâ tribulatione animæ tuæ*; atqui in istis testimoniis non solùm requiritur contritio appretiativa, sed etiam magis intensa: ergo, &c. Confirmatur ex Cypriano tract. *De lapsis*, & Ambrosio ad *virginem lapsam*, c. 18. dicente, pœnitentiam esse fortiolem culpâ: ergo non solùm est magis appretiativa, sed etiam magis intensa.

300. Resp. concedo Ma. & nego Min, quia in his testimoniis sermo est de præcepto charitatis, quod per actum charitatis, sub gravi, adimplere tenemur, ut constat ex nu. 284. & 289. Cum autem Deus non obliget sub gravi ad vitandum veniale, sed solùm ad actum legum amicitiae adimpletivum; exinde manifestè fit, in illis testimoniis sermonem non esse de majori intensione, sed de majori Dei appretiatione supra reliqua omnia, aliter cùm ille, qui operatur ex tota sua fortitudine, & tribulatione, posset opera rigorosissima facere, & ingentes mortificationes, ad ea omnia ex præcepto teneretur, quod
ma-

maximum esset absurdum, & contra omnium Catholicorum certam doctrinam. Ad Conf. conc. Anteced. & nego Conseq. quia ad culpam non requiritur appretiatio objecti supra reliqua omnia: ille enim, qui furatur octo, peccat mortaliter, licet non appretiet illa magis, quam millia; ad contritionem verò perfectam, requiritur appretiatio Dei super omnia, adeoque in hoc sensu fortior est poenitentia, quàm culpa, sed exinde non probatur necessitas majoris intensiōis, sed potius oppositum, cum possit dari major appretiatio absque majori intensiōe.

301. Objicies quartò: contra tertiam Assertionem ex Cajetano. Si non requireretur aliqua certa duratio in contritione, ut esset ultima dispositio ad justificationem extra sacramentum; posset homo facile scire, se esse in Gratia: sed hoc repugnat doctrinæ Sacrae Scripturae Jobi 9. ubi dicitur: *Etiam si simplex fuero, hoc ipsum ignorabit anima mea.* Prover. 20. *Quis potest dicere, mundum est cor meum, purus sum à peccato?* Eccl. 9. *Sunt justī, atque sapientes, & opera eorum in manu Dei, & tamen nescit homo, utrum amore, an odio dignus sit.* 1. Cor. 4. *Nihil enim mihi conscius sum, sed nō in*

hoc justificatus sum; qui autem judicat me, Dominus est: ergo, &c. Ex his Scripturæ testimoniis facultates Parisiensis, & Lovaniensis condemnarunt sententiã Catherini opusculo *De certitudine Gratiæ* docentis, justum posse esse certum certitudine fidei de sua gratia, & justificatione. Quinimò Innoc. III. contra Episcopum Bissentinum, jurantem se immunem esse à quibusdam criminibus, quæ patraverat, quia jam per pœnitentiam erant ipsi dimissa, sic ait: *presumimus, quod volebat sub ea forma jurare, videlicet, quod immunis erat ab illis criminibus, de quibus fuerat infamatus, tanquam dimissis per pœnitentiam, jam esset immunis ab illis: sed hoc jurare non parvæ temeritatis existeret, cùm B. Job dicat: etiamsi simplex fuero, hoc ipsum ignorat anima mea.* Rejectâ igitur istâ Catherini doctrinâ, quæ non solum prædictis testimoniis, verùm etiã Conc. Trid. clarè adversatur, ut statim constabit.

302. Resp. nego Ma. quia ex his, quæ controvertimus, nec scientiã ullã, nec certitudinẽ habemus de existentia gratiæ, sed solam probabilitatem, licet enim judicemus, sententiam nostram probabiliorem esse præ aliis, etsi major certam; adeoque, etsi juxta illam operãdo, ha-

habeamus probabilitatem de eo, quod simus in gratia, & excusemur à transgressione præcepti, quod satis est ad non peccandum: hoc autem satis non est, ut habeamus certitudinem de gratia; etenim, ut benè notat Card. de Lugo, sæpè in rebus inferioribus putamus nos habere hunc, vel illum actum, cùm verâ illum non habeamus ob defectum alicujus circumstantiæ, vel propter tendentiam minùs rectam, quam postea advertimus. Unde potiori jure contingere potest in actu charitatis superno habente, tam excellens, & altum motivum: quapropter nullo modo habemus certitudinem, cui falsum subesse non possit. Sic Trident. sess. 6. cap. 9. dixit: *Sicut nemo pius de Dei misericordia, de Christi merito, deque Sacramentorum virtute, & efficacia dubitare debet; sic quilibet, dum seipsum, suamque propriam infirmitatem, & indispositionem respicit, de sua gratia formidare, & timere potest; cùm nullus scire valeat certitudine fidei, cui non potest subesse falsum, se gratiam Dei esse consecutur.*

303. Quapropter perfecta charitas non excludit à se alium actum elicitum ex motivo timoris, sed à suo ipsius motivo excludit timorem, cum non eliciatur ex motivo timoris

moris, sed ex motivo bonitatis divinæ, quo in sensu intelligitur illud Joan. 4. *Timor non est in charitate, sed perfecta charitas foras mittit timorem*. Sæpè autem contingit, quod aliqui viri sancti hunc timorem non habent, non quidem per se ratione actûs charitatis, sed per accidens, quia absorpti in bonitate divina, non advertunt ad motiva timoris. Si autem advertat aliquis, se probabiliter elicuisse actum charitatis, quia ex nullo capite invenit, quod non fecerit quantum potuit, poterit quam optimè concipere probabilitatem suæ justificationis: etenim, ut sæpè repetebat S. Francisc. Borgia, nihil erat in hac vita, quod ipsius animam adeò quietam, & tranquillam redderet, quàm actus amoris Dei, & contritionis perfectæ. Ratio est, quia defectus, qui in apponendis aliis mediis admisceri possunt, cessant ex magna parte in amore Dei super omnia: etenim quando aliquis accedit ad absolutionem sacramentalem, contingere potest, quod ille, qui dat absolutionem non sit sacerdos, vel non habeat intentionem absolvendi, vel quod pœnitens non habeat dispositiones necessarias ad valorem, & fructum sacramenti, & sic de aliis
con-

conditionibus, quæ ex magna parte in amore Dei super omnia cessant, ut per se patet.

304. Obicies quintò ex aliis contra quartam Assertionem, Actus poenitentiae præscindens à perfectâ, & imperfectâ, est genus ad contritionem, & attritionem, ut constat ex Tridentini doctrinâ sæpiùs repetitâ: sed ratio generica contracta ad suas species æquè ab illis participatur; aliter non esset generica, cùm non esset univoca; unde cum sit univoca, ratio detestandi peccatum æquè convenit attritioni, & contritioni: ergo si attritioni non convenit detestari peccatum appretiativè super omnia, neque conveniet contritioni. Confirmatur primò: attritioni conceptæ ex timore poenæ non cōvenit detestari appretiativè peccatum super omnia, cùm non detestetur peccatum supra penam, ut constat ex numero 257. ergo ratio illa generica contracta ad amorem, nequit facere, ut amor Dei, sive contritio perfectâ detestetur peccatum appretiativè super omnia. Confirmatur secundò: si actus perfectæ contritionis amaret Deum, & detestaretur peccatum appretiativè super omnia, esset ex naturâ suâ destructivus offensæ contra Deum commissæ;

ſæ; atqui actus, qui ſolùm eſt diſpoſitio ultima ad amicitiam, ſive ad gratiam, nequit eſſe ex ſuâ naturâ deſtructivus offenſæ commiſſæ contra Deum: ergo, &c.

305. *Reſpondeo*, conceſſis præmiſſis diſting. *Conſequens*: neque conveniet contritioni per conceptum communem ipſi cum attritione, conc. per conceptum diſtinguentem ipſam ab attritione, ne. *Conſ.* Sic ratio expreſſionis abſtracta ab apprehenſione, judicio, & diſcurſu participatur æquè à ſuis ſpeciebus; adeòque judiciũ non enunciat unum de alio, præciſè quâ expreſſio; benè verò quâ talis expreſſio; paritèr etiã in noſtro caſu. Hinc ad primam *Confirm.* conc. *Antec.* & diſt. *Conſ.* nequit facere per conceptum communem attritioni, & contritioni, conc. per conceptum peculiarem contritioni, nego *Conſ.* Ad ſecundam *Confirm.* diſt. *Ma.* eſſet ex ſua natura deſtructivus offenſæ, affectivè, concedo; effectivè, nego *Ma.* & diſt. *Mi.* nego *Conſeq.* Licèt enim homo velit offenſam contra Deũ commiſſam deſtruere, non exinde tenetur Deus illam remittere independentèr à ſua promiſſione, cùm malitia offenſæ ſit incomparabiliter major, quàm bonitas illius obſequii

sequii , ut docent Theologi in tractatu *de Incarnatione* ; offensa quippe eò est major, quò major est dignitas personæ, cui fit offensa ; obsequium verò est minus , quò major est dignitas personæ, cui fit obsequium : cùm autem compensari non possit id , quod est majus per id , quod est minus ; exinde offensa commissa à creatura contra Deum nequit compensari ex natura rei per obsequiu in factum à creatura erga Deum, ac proinde actus ille , licèt ex natura sua esset destructivus offensæ, affectivè, non esset destructivus effectivè ; neque traheret effectivè honorem ablatum per peccatum cōtra Deum commissum .

306. Objicies sextò : Si quis in casu metaphysicè possibili appposito num. 55. invincibiliter judicaret, se damnandum, si non committat lethale , per cujus commissionem haberet tempus ad resurgendum ab omnibus lethalibus , & obtinendam salutem æternam, posset in eis circumstantiis lethale committere : ergo perfecta contritio non excludit peccatum , quod in illis circumstantiis committeret homo , qui modò conteritur ; ac proinde non est detestatio peccati super omnia . Confirmatur primò : in nullo casu potest homo

mo eligere infernum ad vitandum peccatum, aliter, cum infernus sit necessitas moralis peccandi, posset eligere moralem necessitatem ad committendum peccatum: ergo perfecta contritio non est detestatio peccati super omnia. Confirmatur secundò: in suppositione, quod per invicibilem errorem judicaret homo contritus, Deum amissurum aliquod prædicatum intrinsecum, si homo non peccaret, posset committere peccatum, aliter non amaret Deum super omnia: ergo contritio perfecta, vel non amat super omnia Deum, vel non detestatur peccatum super omnia.

307. Respondent aliqui primò, dist. Antecedens: posset lethale committere, si talis actio in eis circumstantiis maneret, & cognosceretur lethalis, nego; si neque maneret, neque cognosceretur lethalis, concedo Antecedens, & nego Conseq. Ratio est, quia plures judicant, & probabile esse fateatur Arriaga disp. 8. sec. 3. num. 24. hominem inter ea duo extrema constitutum, debere considerari, tanquam constitutum inter duo gravissima mala, quorum alterum solum affert unum lethale; alterum verò, nempe infernus, cum sit necessitas moralis ad plura
pec-

peccata, secum affert plura peccata : homo autem constitutus inter duo gravissima mala, tenetur majus malum fugere, adeoque teneretur fugere infernum, & exinde ea actio, quâ infernum vitaret tunc, jam non maneret peccatum, licet extra illas circumstantias peccatum esset : unde cum juxta istam sententiam ea actio circumstantiis illis vestita non maneret peccatum, non est cur contritio perfecta debeat extendi ad illam detestandam. Hæc autem responsio patitur non levem difficultatem, quæ ex solutione nostra statim innotescet. Quapropter.

308. Resp. ipse, nego Antecedens : nam cum ea actio verè lethalis maneret, extendi debet contritio, vel formaliter, vel virtualiter ad illius detestationem. Ratio est, quia infernus non affert physicam necessitatem ad peccandum, sed solum moralem conjunctam cum physica libertate ad evitandum peccatum ; aliter nulla actio damnatorum posset illis imputari ad peccatum ; cum nullus committat peccatum absque libertate vitandi illud : præsertim cum antiqua peccata, jam supponantur in nostro casu retractata. Unde tunc maneret homo cum libertate phy-

physica ad omnia peccata vitanda , adeoque & deberet omnia vitare : posset autem sperare prudenter , se in inferno victurum eam moralem necessitatem , & Deum , pro cuius amore admittebat eam poenam , adiuturum , ne in posterum illum offenderet , sicuti sperabant Sancti , qui huiusmodi conditionatos actus eliciebant , ut constat ex Ansel. cit. num. 293. Addo , quod si reverâ hic casus quandoque contingeret , & homo ille , ne Deum offenderet , eliceret veram contritionem , quâ mallet mori , & poenas æternas subire , reverâ salvaretur , licet ex eo errore , quem in eo supponimus , putaret se damnari : talis enim error coram Christo Iudice detegeretur , & homo ille appareret cum gratia debita ex divina promissione contritioni perfectæ . Hinc

309. Ad primam Confirmationem, nego Antecedens : talis enim homo , qui in casu assignato infernum eligeret , non eligeret illum ex animo peccandi , & succumbendi necessitati morali , sed ex animo impediendi peccatum , & vincendi eam necessitatem moralem , cuius victoriam prudentissimè poterat sperare : sicuti enim necessitas physica

sica vinci potest metaphysicè , ut patet in Eucharistia , in qua accidentia panis sunt absque substantia panis , quam physicè exigunt , & in fornace Babylonicâ , in qua ignis non comburebat pueros , licèt physicè exigeret eam combustionem ; Sic etiam necessitas moralis potest vinci physicè . Quinimò , & ipsa contritio perfecta , dum perseverat , est victoria physica talis moralis necessitatis , ac proinde neque in via , neque in inferno est compossibilis cum actuali peccato . Ad secundam Cōfirmationem , nego Antecedens , quia si in eo casu homo ille cognosceret , id esse lethale , sciret utique adhuc in eo casu à Deo prohiberi , & esse transgressivum legum amicitiae debitæ Deo ; adeoque ex eo , quod Deum super omnia amaret , conformari debebat ejus rectissimæ , & perfectissimæ voluntati . Si autem pro eo casu impossibili objectum mutaretur de bono in malum , sicuti supponitur mutari Deum de indefectibili in defectibile , absque dubio amplecteretur illud objectum , ne Deo sua perfectio deficeret .

310. Objicies septimò : Si contritio perfecta ex amore Dei super omnia , esset dete-

statio peccati super omnia, adeoque, & supra pœnas inferni, non solùm haberet tendentiam exclusivam omnis voluntatis peccandi, & admittendi potiùs infernum, quàm peccatum, si daretur occasio ad unum è duobus necessitans; sed etiam esset desiderium, ut talis occasio daretur ad destruendum peccatum commissum: atqui contritio perfecta non includit tale desiderium: ergo neque amorem Dei super omnia. Probatur Ma. pater magis dolens de morte filii, quàm de jactura mercium, ex eo, quod amaret magis filium, quàm merces, eo ipso habet, non solùm voluntatem impossibilem cum desiderio occidendi filium, sed etiam desiderium, ut daretur occasio ad revocandam vitam filii, per jacturam mercium: ergo ex eo, quod contritio perfecta detestetur peccatum supra pœnas inferni, non solùm includit illam tendentiam admittendi infernum, si daretur talis occasio, sed etiam includit desiderium, ut talis occasio daretur. Resp. nego Ma. Sicut enim potest quis optare, ne occurrat occasio martyrii, & tamen ex amore Dei super omnia esse paratus, ut si ea occurrat, velit tolerare citiùs martyrium, quàm Deum

Deum offendere ; Sic etiam respectu inferni se habet homo contritus comparativè ad peccatum . Ad probat. dist. Anteced. ex eo præcisè , quod amabat magis filium , quàm merces, nego ; ex eo , & aliquo alio , quod non reperitur in nostro casu, conc. Anteced. & nego Conseq.

311. Ratio est , quia homo contritus restituitur per contritionem ad vitam animæ , quâ mors peccati destruitur ; Pater verò , per illum dolorem , non ita restituit vitam filio , sed adhuc jacturam filii patitur de præsentī . Quid ergo mirum , si optet de præsentī per jacturam mercium recipere filium ? In nostro autem casu , homo jam supponitur liber à peccato : quinimò si adhuc liber non supponeretur , posset nihilominus per alia media facilia , quàm per incursum poenarum inferni , ab eo liberari , adeoque intentio efficax destruendi peccatum non est connexa cum desiderio absoluto patiendi poenas inferni . Sic etiam casu , quo ille parens haberet alia media longè facilia , quàm sit mercium jactura , ad iterum habendum suum filium , ex desiderio habendi filium , non teneretur ad volendam mercium jacturam , ne-

que multùm curaret de eo desiderio impediendi præteritam mortem, per mercium jacturam: pariter ergo in casu nostro.

312. Objicies octavò ex Tannero: Actus charitatis non est per se ultima dispositio ad justificationem extra Sacramentum, nisi in consortio actûs doloris compensativi, procedentis à virtute Justitiæ, quo contritio imperetur: ergo non est sufficiens, quod procedat ex motivo charitatis, appretiando Deû super omnia, ut sit ultima dispositio per se ad justificationem. Probatur Antecedens. Nullus datur actus in hac Providentia, qui sit ultima dispositio per se ad justificationem, si non sit actus pœnitentiæ; atqui nullus est actus pœnitentiæ, nisi procedat à Justitia, quæ sola est pœnitentia virtus: ergo, &c. Confirmatur. Sola Justitia operatur ex motivo compensationis: atqui si peccator non operetur ex motivo compensationis, non satisfacit, neque extinguitur jus Dei; sicuti apud homines, si quis det creditori, non quidem ex titulo satisfaciendi, sed ob motivum gratitudinis, aliove simili titulo, non ex eo satisfacit, nec creditor amittit jus: ergo, &c. Hac ratione, ni fallor, abutuntur adversarii,
quæ

quæ cum solùm sit congruentia , ut Justitiæ præ aliis virtutibus nomen Pœnitentiæ in restrictione scholasticâ imponatur , extenditur ad excludendas à ratione Pœnitentiæ alias virtutes , quod quàm alienum sit à mente Scripturæ , & Conciliorum satis constat ex dictis.

313. Resp. igitur nego Antecedens. Ad probat. dist. Ma. Si non sit actus pœnitentiæ , vel theologicè, vel restrictè sumptæ, concedo; solùm restrictè sumptæ ; nego Ma. & dist. Min. nego Conf. quia licèt actus pœnitentiæ restrictè sumptæ solùm procedat à Justitia , ut constat ex dictis à num. 76. actus verò pœnitentiæ theologicè acceptæ , & ad justificationem requisitæ, non solùm procedit à justitia ; sed etiam à charitate , & à quacumque alia virtute voluntatis universali , ut constat ex dictis à num. 67. Quinimò Tannerus , & alii , qui cum ipso sentiunt , maximâ in hoc puncto laborant æquivocatione , eo quod non agnoscant aliam Pœnitentiam virtutem , nisi quam scholastici vocant Pœnitentiam restrictè sumptam : Meminisse quippe deberent, Tridentinum, ad actum Pœnitentiæ, solùm exigere dolorem detestativum peccati

commissi cum proposito non peccandi de cetero. Cùm autē talis dolor procedere possit ex motivo plurium virtutum, & non solūm ex motivo justitiæ, exinde planum fit, non solūm justitiam, sed plures etiam alias virtutes elicere posse veros actus pœnitentiæ.

314. Ad Confirm. conced. Ma. & nego Min. quia homines non possunt plenè satisfacere pro offensa contra Deum commissa, ita ut, ea satisfactione posita, debitum cesset, sicuti debitum quatuor juliorum cessat apud homines, solutis quatuor juliis: offensa autem contra Deum commissa solūm cessare potest, apponendo, quod Deus requisivit, & quo posito promisit remissionem. Exinde, quando quærimus, quænam sit ultima dispositio extra sacramentum ad justificationem, non debemus inquirere, ad quam virtutem pertineat operari ex motivo satisfaciendi, sed ad quam virtutem spectet elicere actum, quo posito promisit Deus remissionem peccati: cùm autem Deus remissionem peccati promiserit extra sacramentum, apposita contritione perfecta; ea de causa satis est elicere contritionem perfectam ad obtinendam peccati remissionem, quin ex ullo capite

pite necesse sit operari ex motivo *Justitiæ*, sive ex motivo satisfaciendi. Quinimò si aliquis homo in promissis suis fidelissimus, cui Petrus deberet mille, solùmque posset dare unum, promiserit Petro remittere statim mille, si ex titulo gratitudinis daret unum, planè in eo casu non erat opus, ut Petrus daret unum ex alio, quàm ex motivo gratitudinis: etenim si ita faceret, quamvis de nullo alio motivo cogitaret, statim obtineret totius debiti remissionem. Pariter ergo in nostro casu. Si autem debitor nolit dare ad extinguendum debitum id, quod dat ex gratitudine; neque creditor eo posito teneatur debitum remittere, quid mirum, quod in eo casu debitum non remittatur? Cæterùm quantùm iste casus distet à nostro, nemo est, qui non videat.

§. II.

315. Objicies nonò contra quintam Conclusionem ex Christiano Lupo, Joanne Episcopo Castoriensi, aliisque quamplurimis Lovaniensibus: dilectio Dei super omnia, sive perfecta contritio non est ultima dispositio ad justificationem, si non sit valdè intensa,

adeoque solùm dicetur charitas inchoata necessaria ad justificationem cum sacramento : ergo ad amorem Dei super omnia , qui est ultima dispositio ad justificationem extra sacramentum , non sufficit amor ex divina bonitate obedientialis à nobis explicatus . Probat^{ur} Antecedens : aliqua perfecta contritio, sive dilectio Dei super omnia , est necessaria ad justificationem cum Sacramento ; sed illa, quæ est necessaria ad justificationem cum sacramento , non est ultima dispositio ad gratiam extra sacramentum ; solùmque dici potest charitas inchoata, sive minùs intensa : ergo , &c.

316. Confirmatur: illa contritio, quæ requiritur in peccatore adulto ad licitam, & fructuosam susceptionem Baptismi, requiritur, saltem in homine baptizato, tanquam pars Sacramenti Pœnitentiæ, ut inferitur ex Trid. sess. 6. cap. 14. ubi dicitur, pœnitentiam in Baptismo, & in hoc Sacramento differre, quòd hæc includat etiam confessionem, satisfactionem, & absolutionem; ex parte verò doloris nulla differentia assignatur: atqui ad fructuosam susceptionem Baptismi, requiritur in peccatore adulto contritio perfecta, ut
con-

constat ex ipso Trid. sess. 6. cap. 6. dicente: *in spem eriguntur, fidentes, Deum sibi propter Christum propitium fore; illumque, tanquam omnis justitiæ fontem diligere incipiunt: ac propterea moventur adversus peccata, per odium aliquod, & detestationem, hoc est per eam pœnitentiam, quam ante Baptismum agi oportet: denique dum proponunt suscipere Baptismum, inchoare novam vitam, & servare divina mandata: illa enim verba: illumque, tanquam omnis justitiæ fontem diligere incipiunt: perfectam significant contritionem: ergo, &c.* Hoc argumentum est unicum adversariorum fundamentum, & effugium, ad quod recurrunt, ut dissolvant omnia argumenta, quæ contra ipsos, in hac, & in sequenti disputatione conficiemus, qua de causa opus est, ut plenè, & integrè illud in præsentì dissolvamus.

317. Resp. nego Anteced. Ad prob. nego Ma. Ratio est, quia cùm perfecta contritio non possit esse appretiativa Dei super omnia in gradu intenso, quin etiam sit appretiativa in gradu remisso, ut constat à num. 281. neque potest esse adimpletiva legum amicitix in gradu intenso, si adimpletiva non esset in gradu remisso. Cùm autem nihil aliud
requi-

requiratur ex destinatione divina, pro ultima dispositione ad justificationem extra sacramentum, neque à Scriptura, neque à Conciliis, neque à SS. PP. ut constat à num. 284. eâ de causâ, contritio perfecta, non solùm quando est intensa, verùm etiam quando est remissa, est ultima dispositio ad justificationem extra sacramentum. Quod manifestè patet ex Tridentino citato num. 247. nullam prorsus exigente intensiorem pro tali dispositione, adeoque ad justificationem cum sacramento nulla est necessaria contritio perfecta. Hinc ad Confirmat. nego Min. in illis enim Concilii verbis: *illumque, tanquam omnis justitiæ fontem diligere incipiunt*, vel sermo non est de contritione perfecta, prout plures, & gravissimi Theologi defendunt, ut statim constabit; vel si sermo sit de contritione perfecta, solùm intelliguntur de dispositione sufficiente ad justificationem extra sacramentum, ut alii Theologi docent.

318. Cæterùm, ut res adeò gravis, & hac nostra tempestate apud Theologos acriter, hinc, indè discussa, plenius omnibus innotescat, operæ pretium erit, verum, & genuinum Tridentini sensum inquirere, &
simul

simul ostendere, quàm alienum sit à vero Tridentini sensu exigere contritionem perfectam, sive dilectionem Dei super omnia, ut necessariam ad justificationem cum sacramento. Tripliciter enim possunt ea Trid. verba explicari, juxta triplicem probabilem Theologorum sententiam. Prima quidem sententia, quam cum plurimis nostris, novissimè tenet Bonetus, dissertatione *De timore pœnitente* part. 1. Tum etiam, & cum plurimis Thomistis, Gonetus disput. 7. *De contrit.* art. 3. à num. 64. Ysambertus ad illud 6. caput Tridentini disput. 15. *De pœnit.* docet, Trid. in his verbis, solùm agere de illa dispositione, quæ est ultima dispositio ad justificationem extra sacramentum Baptismi in adultis, nondùm baptizatis; vel extra Sacramentum Pœnitentiæ, ex contextu, in baptizatis; unde illa verba: *diligere incipiunt*: significant amorem Dei super omnia.

319. Ratio hujus sententiæ est, quia ibi agitur de illa dispositione, quâ positâ causatur ipsa justificatio; ut constat ex ipso Tridentino, ibi dicente: *de hac dispositione scriptum est: Accedentem ad Deum, oportet credere, quia est, & quod inquirentibus se remunerator sit.*

fit. Et, Confide fili, remittuntur tibi peccata tua.

Postquam autem addidit alia similia Scripturæ testimonia, quibus hoc sextum caput concludit, Concilium incipit cap. 7. per hæc verba: *hanc dispositionem, seu præparationem justificatio ipsa consequitur*: atqui si illa dispositio, de qua agit Concilium, non esset sufficiens ad justificationem extra sacramentum, illâ positâ, non posset Concilium dicere: *hanc dispositionem justificatio ipsa consequitur*: ergo, &c. Quapropter quando capite 14. ejusdem sessionis, comparat dispositionem ante Sacramentum Pœnitentiæ in baptizato, cum dispositione ante Sacramentum Baptismi in non baptizato, loquitur etiam de dispositione sufficiente ad justificationem extra Sacramentum Pœnitentiæ, quæ distinguitur in eo, quod, cùm contritio sit votum adimplendi omnia, ad quæ homo tenetur, in non baptizato est votum suscipiendi baptismum; in baptizato est votum suscipiendi Sacramentum Pœnitentiæ; ac proinde illa est baptismus in voto; ista verò Sacramentum Pœnitentiæ in voto. Unde in peccatore non baptizato, nunquam obtinetur justificatio, absque Sacramento Baptis-

ptismi, vel in re, vel in voto; neque in Baptizato, absque Sacramento Pœnitentiæ, vel in re, vel in voto.

320. Quod autem iste sit genuinus, & verus Trid. sensus, ex eo manifestiùs apparet, quod contritio, quæ habetur, quando baptismus in re suscipitur, cùm tunc adimpleatur obligatio suscipiendi baptismum; jam ea non est votum suscipiendi baptismum: sicuti contritio, quæ elicitur, quando quis confessus est peccata, jam non est votum confitendi ea peccata: atqui Tridentinum loquitur de ea dispositione, quâ recipitur gratia, & est votum suscipiendi baptismum, ut constat ex illis verbis citatis n. 316. nimirum: *dum proponunt suscipere baptismum: ergo &c.* Pariter quando cap. 14. ejusdem sess. 6. loquitur de dispositione baptizati, dicit esse illam, quæ continet votum Sacramentalis confessionis: sic etenim habet: *Christiani hominis pœnitentiam post lapsum multò aliam esse à baptismali, eaque contineri, non modò cessationem à peccatis, & eorum detestationem.... verùm etiam eorundem sacramentalem Confessionem saltem in voto, & suo tempore faciendam.* Si enim Concilium ad pœnitentiam, quæ pro-

proximè, & immediatè disponit ad baptismum, & confessionem, hanc Sacramenti sponfionem, & votum postulasset, præscripsisse utique videretur vitiosam hanc formulam, quam in rudioribus hominibus reprehendere solent Confessarii: illi enim, ubi sua peccata Sacerdoti in aurem declararunt, doleo, inquiunt, ex toto corde, de his meis peccatis, & simul spondeo, me ea emendaturum, & Sacerdoti quantociùs cōfessurum. En fanè in ipso confessionis usu redundantem, & supervacaneam additionem. Absit tam iniqua suspicio à celeberrimæ Synodi sapientiâ.

321. Hæc, quæ solida satis apparent ex ipsa expositione Concilii, non parum acquirunt roboris, si ad ipsius Concilii historiam aliquantulum advertamus, quam refert Cardinalis Pallavicinus lib. 12. cap. 10. Disceptatum quidem fuit in cætu PP. ad sess. 14. prævio, an cum eo dolore, qui ad Sacramentum sufficiat, Dei dilectio necessariò conjuncta sit. Affirmabant nonnulli Doctores, suamque sententiam aliquot scripturæ, & SS. PP. locis, ad rem, ut ipsis quidem videbatur, accommodatis exornabant, horumque Theologorum suasu, sive aliam ob causam

pa-

paratum fuerat decretum, inquit idem Pallavicinus in hanc formam: *Illam contritionem, quam attritionem Theologi vocant, quod imperfecta sit, & solum, vel ex turpitudinis peccati consideratione, vel ex gehennæ, & pœnarum metu cōcipiatur, statuit hæc Sancta Synodus, non solum non facere hominem hypocritam, verum etiam sufficere ad Sacramenti hujus constitutionem, ac donum Dei esse, quo pœnitens adiutus, cum sine aliquo dilectionis in Deum motu esse vix queat, viam sibi ad justitiam munit, &c.* Quidam ex illis PP. sive Illustrissimus Petrus Guerrero Archidiaconus Granatensis, sive alius ex illis, ut alii iudicant, restitit valde, protestans falsum esse, vix posse dari veram attritionem absque dilectione Dei, sive dilectionis motu in Deum. Auditis itaque in Concilio Theologorum disputationibus, & requisitis PP. sententiis, Synodus jubet expungi illa verba: *Cum sine aliquo dilectionis in Deum motu esse vix queat* : & approbatum fuit decretum modo, habetur sess. 14. cap. 4. Unde quando Concilium exigit Dei dilectionem in dispositione ad justificationem, non loquitur de dispositione necessaria ad justificationem cum Sacramento, sed ad justificationē extra Sacramentum

tum , & quam oportet agere adultum ante baptismum , quando baptismum in re recipere non potest , ut ei justificationis gratia extra Sacramentum conferatur . Et hæc pro prima Theologorum sententia ad hujus Tridentini loci expositionem .

322. Secunda Theologorum sententia, quam defendunt plures Recentiores cum Ledent, docet, Tridentinum illis prioribus verbis enumerasse plura motiva timoris, spei, & amoris , ex quibus singulis concipi potest detestatio, & odium peccati efficax: nam hic, ut ipsi adversarii concedunt, agit Concilium contra Lutherum negantem, quod contritio perfecta, & dilectio possit præcedere justificationem; ideoque nec ad illam posse disponere. His ergo enumeratis motivis, subjungit Concilium: *ac propterea à adversus peccata moventur*: ubi *ly propterea à* intelligitur de odio, & detestatione ex aliquo ex his motivis, nec solum refertur ad motivum dilectionis, sed vel ad istud, vel ad aliquod ex prius enumeratis: Verba enim illa: *per aliquod odium*: manifestè ostendunt, posse dari diversa odia pro diversitate motivorum.

323. Ratio, est quia ista verba Concilii:

hoc

hoc est per eam pœnitentiam, quam ante baptismum agi oportet, non possunt rectè intelligi de solâ contritione perfectâ; nam contritio imperfecta sufficit, nec possunt intelligi de sola contritione imperfecta, nam etiam contritio perfectâ est sufficiens dispositio ad baptismum. Quapropter probabiliùs est ibi agi de quacumque pœnitentia, sive quæ sit ex motivo perfectæ dilectionis, & charitatis Dei, adeoque, & perfectum votum baptismi, quam consequitur justificatio, sive quæ sit ex motivo pœnarum, & gehennæ, quâ posita conjunctim cum Sacramento in re, adest etiam justificatio. Unde nunquam datur justificatio absque Sacramento, vel in re, vel in voto, pro quo requiritur dispositio, vel contritionis, vel attritionis. In quo autem distinguatur contritio perfectâ ab imperfectâ, noluit Concilium hîc explicare, sed distulit usque ad sess. 14. ibi enim c. 4. dilucidè explicat discrimen inter cōtritionem, & attritionē, appellans contritionē illam, quæ est charitate perfectâ; attritionem verò, quæ voluntatem peccandi excludat, & non sit formata charitate. Unde actus attritionis ex mente Concilii non debet procedere ex motivo charitatis.

324. Cæterùm mens, & verus Concilii sensus perspicuus fiet, si sessio hæc 14. aliquantò attentius perlegatur, & simul intentio, quam in ea doctrina tradenda, Sacra Synodus habuit, non animo litigandi, sed veritatem inveniendi perspiciatur. Propalat Synodus intentionem suam in ipsius sessionis exordio, ita dicens: *Quamvis in decreto de justificatione multus fuerit de pœnitentiæ Sacramento, propter locorum cognationem, necessariâ quadam ratione sermo interpositus: tanta nihilominus circa illud nostra hac ætate diversorum errorum est multitudo, ut non parum publicæ utilitatis retulerit, de eo exactiorem, & pleniorẽ definitionem tradidisse; in qua demonstratis, & convulsis, Spiritûs Sancti præsidio, universis erroribus, catholica veritas perspicua, & illustris fieret, quam nunc Sancta hæc Synodus Christianis omnibus perpetuò servandam proponit.* Postmodum incipit cap. 1. in quo actum pœnitentiæ theologicè sumptæ æquè necessarium agnoscit ad remissionem peccati actualis in baptismo, & pœnitentiâ; sic etenim habet: *Fuit quidem pœnitentia universis hominibus, qui se mortali aliquo peccato inquinassent, quovis tempore ad gratiam,*

&

& justitiam assequendam necessaria, illis etiam, qui baptismi sacramēto ablui petivissent. Ex quo apparet intentionem Concilii esse pleniorē hīc definitionem tradere de actu pœnitentiæ necessario ad justificationem, vel extra, vel intra Sacramentum Baptismi, & Pœnitentiæ.

325. Rursus cap. 2. assignat differentiam inter Sacramentum Baptismi, & Pœnitentiæ, jam ex parte materiæ, & formæ, jam ex parte finis, & effectuum. Deinde cap. 3. agit de partibus, & fructu Sacramenti pœnitentiæ; cujus præcipua pars, inter actus à pœnitente appositos, est contritio præscindens à perfectâ, & imperfectâ, quam ad fructum baptismi, & ad Sacramentum pœnitentiæ Concilium exegerat. Demum cap. 4. hanc contritionem explicat, & dividit in perfectam, quæ vocatur contritio, & imperfectam, quæ appellatur attritio: ad utramque autem requirit, quod sit: *animi dolor, ac detestatio de peccato commisso cum proposito non peccandi de cætero*: Dum verò eos actus inter se distinguit, & ad suas species contrahit, ait Sacra Synodus, illum doloris actum charitate perfectum esse contritionem; adeoque illum, qui non est charitate

perfectus, esse attritionem. Unde manifestè constat ex mente Concilii, attritionem non debere esse dilectionem Dei, seu actum charitate perfectum. Et hæc pro secunda Theologorum sententia.

326. Tertia sententia Theologorum, quam defendunt plures cum Esparza quæst. 89. defendit, nullum requiri formalem amorem ad attritionem sufficientem cum sacramento ad justificationem, neque in locis citatis illum unquam exegisse Tridentinum: non enim loquitur ibi Concilium de dilectione Dei super omnia, sive de dilectione Dei absolutè sumpta; quo in sensu solet intelligi dilectio ex charitate, sed cum addito limitante de dilectione Dei tanquam *fontis omnis justitiæ*. Quinimò de hac non loquitur, tanquam de dilectione formali, sed initiali, ut constat ex illis verbis: *diligere incipiunt*: Dilectio autem initialis, inquit Esparza, est quicumque actus virtutis supernus, ex quovis motivo eliciatur, cum charitas sit finis omnis virtutis ex illo: primâ ad Timoth. 1. *Finis autem præcepti est Charitas*. Unde omnes alii actus virtuosæ voluntatis sunt, tanquam medium respectu charitatis, ac proinde

de , sicut medium dicitur participare aliquid de fine ; ita quicumque actus virtuosus participat aliquid de charitate , ut habet D.Th. in 3. dist. 26. art. 2. ad 3. dicens : *omnes aliæ virtutes participant aliquid à charitate*. Cujus ratio sumitur ex Philosopho 7. *Ethic.* capit. 5. dicente : *sicut se habet primum principium in intelligibilibus, & prima causa in effectibilibus, ita se habet ultimus finis in appetibilibus*.

327. Quapropter cùm quicumque actus poenitentiae theologiae , sive sit contritio, sive attritio debeat esse virtuosus, debet habere aliquid de charitate , sive formalitèr, sive participativè : ad dilectionem autem initialem , satis est, quod sit charitas participativè , adeoque dilectio , & contritio benè convertuntur , ita ut si sit dilectio Dei perfecta , sit etiam perfecta contritio ; Si verò sit dilectio Dei initialis solùm , & participativa, sit contritio imperfecta , sive attritio . Qua de causa Tridentinum, quando apposuit in Canone 3. doctrinam illius cap.6. non dixit, requiri ad justificationem necessariò dilectionem , & poenitentiam ; sed dilectionem, aut poenitentiam , ut constat ex illis verbis : *Si quis dixerit, sine præveniente Spiritûs Sancti*

inspiratione , atque ejus adjutorio hominem credere , sperare , diligere , aut pœnitere posse , sicut oportet , ut ei justificationis gratia conferatur , anathema sit . Unde ex illo Tridentini testimonio perperam infertur , requiri dilectionem Dei super omnia ad attritionem sufficientem cum sacramento ad justificationem . Et hæc pro tertia sententia . Quænam autem ex his expositionibus verisimilior appareat , non est facile definire ; verùm ne quicquam indecisum relinquamus , sit

S E C T I O V.

*Quenam sit dilectio , quam cum Sacramento
exigit Tridentinum ad impii
justificationem .*

§. I.

328. **E**X sententiis , & doctrinis Theologorum , superiori sectione relatis , clarè constat plures esse solutiones , ex quibus perspicuum fit , nunquam exegisse Tridentinum perfectam contritionem ad justificationem impii cum sacramento . Cæterùm relictis illis in sua , quam habent probabilitate ;
viam

viam aliam ingrediemur conformiorem, ni fallor, doctrinæ, & definitionibus Tridentini, exindeque manifestè apparebit, qualis fuerit Tridentini sensus in hac materia. Pro quo habendum est præ oculis, quod notavimus. 323. nimirum Tridentinum sess. 6. incoepisse declarare dispositiones ad justificationem requisitas: Sessione verò 14. cap. 4. quidquid reliquum erat, ad majorem præjactæ doctrinæ claritatem decisisse. Unde cum una definitio Tridentini alteri contraria esse non possit, illa erit vera expositio, & ab omnibus tenenda, in qua, & omnino coherentes appareant doctrina tradita sess. 6. & tradita sess. 14. Cum autem in utraque sessione, quando homo advertit ad peccata sua, requirat Tridentinum spem, tanquam præviam dispositionem ad actum poenitentiae; declarandum breviter est, quemnam spei actum requirat.

329. Actus etenim spei theologicæ continet duas formalitates, nimirum fiduciæ, & desiderii: desiderium autem est amor objecti: quando enim objectum nolumus, non desideramus, sed timemus illud; at si desideramus absque fiducia obtinendi non est.

Z 4

spes,

spes, sed purum desiderium. Qua de causa, ut eliciatur actus spei, debet proponi objectum, ut probabiliter futurum, saltem prohibito sperantis, ut sic desiderium illud præcedat amor fiducialis objecti. Per spem autem theologicam, possumus sperare, vel aliqua bona creata à Deo promissa, ut nobis bona; vel ipsum Deum, ut nobis bonum, innitendo Deo, ut auxiliatori. Qua de causa actus ille, secundum formalitatem fiduciæ, semper habet pro objecto formali Deum; secundum formalitatem verò desiderii, est amor objecti desiderati, ac proinde si est desiderium rei creatæ, erit amor rei creatæ; si autem sit desiderium Dei, ut nobis boni, erit amor Dei; at quia respicit desiderantem, ut finem cui non ultimum, vocatur amor concupiscentiæ. Nullus quippe actus virtutis potest respicere creaturam, ut finem ultimum, cum sit medium ducens ad Deum ultimum finem, & ad ejus amorem, & dilectionem perfectam, adeoque cum quocumque virtutis actu componi optimè potest dilectio Dei perfecta, & eò faciliùs, quò plures alios virtutis actus homo elicuerit. Unde cum præceptum positivum charitatis diligen-

ligendi Deum super omnia, non obliget semper, & pro semper, licet obliget præceptum negativum non præferendi rem alteram Deo; ea de causa, sicut non pecco, quando nullum actum elicio; ita non pecco, quando per actum virtuosum concupiscentiæ, non præfero positivè Deum omnibus aliis rebus, sed de his, & variis spei acceptionibus, latè agitur in tractatu *De spe*. Quibus positis

330. Affero cum pluribus Doctoribus. Dilectio, quam exigit Tridentinum ad justificationem cum sacramento, præscindit ab eo, quod sit solus amor spei, vel amor etiam charitatis. Probatur primò. Trident. illam exigit dilectionem, quâ *Deum, tanquam omnis justitiæ fontem diligere incipimus*: ut constat ex num. 316. sed talis dilectio præscindit ab eo, quod sit, vel solùm amor spei, vel amor etiam charitatis: ergo, &c. Probatur Min. Deum, ut omnis justitiæ fontem diligere possumus, vel tanquam nobis bonum, misericordem, largitorem gratiæ, & condonatorem peccati, quæ dilectio pertinet ad spem, non autem ad charitatem; vel tanquam justitiæ fontem, ut bonum sibi, quæ dile-

dilectio pertinet ad charitatem. Quando autem elicitur contritio perfecta, tendit in Deum, ut bonum sibi; quando verò elicitur attritio, adest amor Dei, ut nobis boni: licet enim possim per virtutem spei sperare aliquod bonum extra Deum, qui actus non erit amor Dei, neque continebit hanc utramque formalitatem, nimirum sperandi, & diligendi Deum, ut constat ex num. superiori. At verò quando spero Deum, ut mihi bonum, & condonatorem mei peccati, desidero fiducialiter illum, ut meæ justitiæ fontem, & cum desiderium objecti sit objecti amor, talis actus spei est vera dilectio, & amor Dei, adeoque continet hanc utramque formalitatem sperandi, & diligendi Deum, quod exigit Tridentinum citatum num. 327. Sed exinde manifestum est, dilectionem Dei tanquam omnis justitiæ fontis, præscindere ab eo, quod sit solum amor spei, vel amor etiam charitatis: ergo, &c.

331. Probatur secundo: Tridentinum sess. 14. cap. 4. contrahens contritionem ad perfectam, quæ iustificat extra Sacramentum; & ad imperfectam, quæ solum iustificat cum sacramento, ait, illam esse charita-

te

te perfectam; istam verò ait esse attritionem, si voluntatem peccandi excludat: *cum spe veniæ*; atqui hoc idem est, ac dicere talem attritionem deservire ad justificationem cum sacramento, si conjungatur cum fiducia divinæ Misericordiæ, ut nobis bonæ; adeoque sit dilectio Dei, tanquam fontis justitiæ, ut boni nobis, ut constat ex num. 399. ergo eodem modo intelligendum est Concilium sess. 6. cap. 6. quando, inter dispositiones ad justificationem requisitas, exigit amorem, *quo Deum, tanquam justitiæ fontem diligere incipimus*: ita nimirum, ut illa dilectio tendat in Deum, ut sibi bonum, si sufficiens sit ad justificationem extra sacramentum, vel saltem tendat in ipsum, ut nobis bonum, tanquam fontem justitiæ, sive gratiæ, ut cum attritione disponatur sufficienter homo ad justificationem cum sacramento.

332. Probatur tertio: Contritio præscindens à perfecta, & imperfecta est necessaria ad justificationem impii, sui peccati memoris, in hac divina Providentia; atqui talis contritio contracta ad attritionem semper fert secum, saltem per concomitantiam, dilectionem Dei, pertinentem ad spem, non minùs, *quàm*

quàm ferat ſecum, quando contrahitur ad contritionem, dilectionem Dei per identitatem pertinentem ad charitatem: ergo non minùs requiritur dilectio Dei, pertinens ad ſpem, ut attritio diſponat ad juſtificationem cum ſacramento, quàm requiratur dilectio Dei, pertinens ad charitatem, ut contritio diſponat ad juſtificationem extra ſacramentum. Conſequentia tenet, & Ma. conſtat ex num. 269. & admittitur ab omnibus adverſariis: Minor verò conſtat ex Tridentino ſeſs. 14. cap. 4. dicente: *Fuit autem quovis tempore ad impetrandam veniam peccatorum, hic contritionis motus neceſſarius, & in homine poſt Baptiſmum lapſo, ita demum præparat ad remiſſionem peccatorum, ſi cum fiducia divinæ Miſericordiæ, & voto præſtandi reliqua, conjunctus ſit, quæ ad ritè ſuſcipiendum hoc ſacramentum requiruntur.* Ex dictis

§. II.

333. Fit primò contra primam ſententiam appoſitam nu. 318. Tridentinum ſeſs. 6. cap. 6. non ſolùm agere de diſpoſitione ſufficiente ad juſtificationem extra ſacramentum; ſed etiam de diſpoſitione ſufficiente ad juſtificationem cum ſacramento. Ratio eſt, quia
ut

ut habetur eadem sess. 6. cap. 7. Tridentinum agit ibi de ea dispositione ad gratiam justificantem, cujus gratiæ Baptismus est causa instrumentalis, ut constat ex illis verbis: *hujus justificationis causa sunt : instrumentalis item sacramentum Baptismi*. Istud autem dupliciter est causa instrumentalis, nimirum, vel in voto, vel in re susceptum, ut certum est apud omnes Theologos, & constat à num. 1. *De Baptismo*. Sed illa dispositio, quæ, ut votum Baptismi sufficiens est ad conferendam gratiam, antequàm Baptismus in re suscipiatur, est dispositio ad gratiam extra sacramentum; illa verò dispositio, quâ causatur gratia cum sacramento solùm in re suscepto, est dispositio ad gratiam cum sacramento: ergo, &c. Quod evidens apparebit, si attentè legatur illud 6. cap. Trid. citat. in quo apponit Concilium non solùm testimonia Scripturæ, in quibus est sermo de dispositione, quâ confertur gratia, & remittitur peccatum extra sacramentum; sed etiam de illa, quâ confertur gratia, & remittitur peccatũ intrà sacramentum. Sic enim habet: *de hac dispositione scriptum est. Confide, fili, remittuntur tibi peccata tua, & pœnitentiam agite, & baptizetur*
unus

unusquisque vestrum in nomine Jesu Christi i remissionem peccatorum vestrorum.

334. Qua de causa cùm hujusmodi pœnitentiæ actus in eo, qui se disponit ad suscipiendum baptismum præcedat susceptionem baptismi, de quo casu loquitur Concilium optimè infertur, esse propositum suscipiendum baptismum: sicut pœnitentiæ actus in eo, qui se disponit ad confitenda peccata, est votum & propositum ea confitendi: unde paritas quam ex dispositione ad Sacramentum pœnitentiæ assumebat ista prima sent. num. 32 manifestè pugnat contra illam: nam ibi agitur Tridentinum de dispositione sufficiente remissionem peccati, aut solum cum Sacramento; aut etiam sine illo, ut constat ex ipsius Concilii verbis, quæ sic habent: *Christiani minis pœnitentiam post lapsum multò aliam esse baptismali, eâque contineri satisfactionem, neque quidem pro pœna æterna, quæ vel Sacramento vel Sacramenti voto unâ cum culpa remittitur.* Neque quod ante approbationem decreti puncta fuerint illa verba citata nu. 321. nisi: *cum sine aliquo dilectionis in Deum motu esse vix queat:* favet ullo modo adversariis. Nam ille modus loquendi supra dilectionem spe

spei, sive spem veniæ, quæ in eadem decreti parte comitando attritionem apponebatur, videbatur significare dilectionem ex charitate, quæ ex mente Concilii necessaria non erat, cum ad justificationem cum Sacramento sufficiat talis attritio designata in ipso decreto, ex quo potiùs roboratur nostra sententia.

335. Fit secundò contra secundam sententiam citatam num. 322. nunquam dari veram attritionem sufficientem ad conferendam gratiam cum Sacramento absque consortio alicujus dilectionis Dei. Ratio est, quia licet attritio concipi possit ex quocumque ex illis motivis à Tridentino assignatis, quin ex motivo amoris concipiatur, ut clariùs constabit num. 347. at verò in hac divina providentia semper præcedunt dispositiones à Deo ordinatæ ad illius fructuosam elicentiam: cùm autem una ex illis sit Dei dilectio, quâ Deus per amorem concupiscentiæ, sive per amorem spei ametur, ut constat à nu. 330. exinde nunquam reperietur in Sacramento absque aliqua Dei dilectione. Neque favere potest adversariis fundamentum, quod assument ex Tridentino dicente, sufficere cum Sacramento baptismi illum poenitentiae actû, qui

qui sufficit cum Sacramento pœnitentiæ. Nam cùm Tridentin. exigat ad Sacramentum pœnitentiæ dilectionem aliquam procedentem saltem à spe, ex ipso adversariorum fundamento inferendum est, etiam requiri eandem saltem dilectionem cum Sacramento baptismi.

336. Fit tertio contra tertiam sententiam: non solum dari amorem Dei participativum, quando homo attritus justificatur cum Sacramento; verum etiam amorem Dei formalem, sive charitatis, sive concupiscentiæ. Quapropter sicut ille, qui videre incipit, reipsa videt, & qui intelligere incipit, reipsa intelligit; ita etiam qui diligere incipit, reipsa diligit. Unde fundamentum istud amoris initialis, quod pro se assumebat ista sententia, reipsa pugnat contra illam. Nec refert, quod Tridentinum non dicat: *diligere, & pœnitere*, sed potius: *diligere aut pœnitere*: quia cum ibi extrahat doctrinam, de qua egerat cap. 6. absque eo, quod contradistinguat dispositionem sufficientem extra Sacramentum ab illa, quæ solum sufficit cum Sacramento; non debet exigere dilectionem cum pœnitentia contradistinctam ab ea, quæ includitur in actu spei,

spei, si contrahatur poenitentia ad illam, quæ sufficit cum Sacramento; cum ista sufficiens sit, si jungatur cum dilectione elicitæ à spe. Quod satis est ad intentum Concilii ibi damnantis eos, qui dixerint, actum salutarem poenitentiae, sive sufficientem ad justificationem cum Sacramento; sive etiam extra Sacramentum posse elici sine præveniente Spiritûs Sancti inspiratione, atque ejus adiutorio.

337. Fit quartò: quamcumque contritionem theologicè sumptam, sive perfectam, sive imperfectam esse votum præstandi omnia, ad quæ homo tenetur. Ratio est, quia contritio quævis theologicè sumpta debet excludere voluntatem peccandi: sed contritio excludens voluntatem peccandi est votum præstandi omnia, ad quæ homo tenetur: ergo &c. Quapropter si aliquis per unum actum doleret de peccatis commissis propter motivum particulare, & per alium proponeret nunquam peccare de cætero, uti in casu posito num. 18. cum illud propositum esset votum præstandi reliqua, conjungeretur illi dolori per physicam concomitantiam votum illud; Si autem dolor sit universalis conjungi-

tur illi per identitatem metaphysicam: Quovis autem modo fiat, satis est, ut ibi diximus, & constat ex Trid. cit. num. 332. Unde in hoc sensu attritio potest dici contritio in voto, sive votum contritionis, & amor Dei super omnia in voto, cum sit propositum, vel formale, vel virtuale eliciendi amorem Dei super omnia, quando adsit obligatio, quo in sensu admittimus sententiam eorum, qui ad justificationem cum Sacramento exigunt amorem saltem imperfectum Dei super omnia, nimirum in voto; secus autem si intendant formalem Dei amorem super omnia: exigere namque hujusmodi amorem, valdè alienum judico à vera Trident. doctrina.

S E C T I O V I.

Solvuntur opposita.

S. I.

338. **O**BJICIES primò: Trid. explicans dispositiones ad justificationem necessarias, annumerat non solum spem, sed etiam dilectionem, ut constat ex num. 327. ergo sola dilectio elicità à spe non est sufficiens

ciens cum attritione ad justificationem in Sacramento. Confirmatur: Tridentinum multis in locis evidenter significat, nunquam justificationis gratiam, sive extra sacramentum, sive in Sacramento Pœnitentiæ adultis conferri, nisi contritio antecedat: Sic sc̃s. 14. cap. 3. docet, materiam Sacramenti Pœnitentiæ esse contritionem, eamque ad peccatorum remissionem, ex Dei institutione requiri. Et Canone 4. anathemate damnat eos, qui negaverint, contritionem, confessionem, & satisfactionem esse tres partes pœnitentiæ; tum etiam cap. 6. dicit, eum, cui nulla adest contritio, non benè absolvi in sacramento pœnitentiæ: ergo ad remissionem peccatorum, sive extra, sive intra sacramentum pœnitentiæ requiritur verus amor contritionis, sive dilectionis Dei super omnia.

339. Resp. dist. Antecedens, non solum spem, sed etiam dilectionem, contradistinguendo omnem actum spei, ab omni actu dilectionis Dei, nego; aliquem actum spei ab aliquo actu dilectionis Dei, conc. Anteced. & nego Conf. quia cum possit dari actus spei theologicæ, qui non sit dilectio Dei, ut constat ex num. 329. & Tridentinum ad dispo-

sitionē justificationis requirat dilectionē, non solum requirit, quod homo speret, sed quod speret, & diligat Deum: Si autem hæc dilectio in aliquo spei actu cōtineatur, satis est, ut habeatur quidquid Tridentinum exigit. Quinimò cum ibi agat, non solum de dispositione sufficiente cum sacramento, sed etiam extra sacramentum, ut constat ex num. 336. non solum fecit mentionem de dilectione, quæ possit contrahi ad spem, sed etiam de ea, quæ possit contrahi ad charitatem, declarans, quancunque ex his dilectionibus fieri non posse, sine preveniente Spiritûs Sancti inspiratione, atque ejus adjutorio. Ad Confirm. dist. Antec. Nisi antecedat contritio præscindens à perfectâ, & imperfectâ, conc. solum perfectâ, nego Anteced. & Conseq. Ratio est, quia Tridentinum in illis locis agit de contritione generatim sumpta, ut constat ex eadem sess. 14. cap. 4. ubi hanc contritionem universaliter sumptam dividit in perfectam, quæ absolutè vocatur contritio, & in imperfectam, quæ vocatur attritio, dicens, illam sufficere ad justificationem extra sacramentum; hanc verò cum sacramento. Unde nullibi Tridentinum exigit ad justificationem

nem

nem cum sacramento dilectionem contritionis, sive amoris Dei super omnia .

340. Objicies secundò : licet contritio perfecta valdè intensa sufficiens sit ad justificationem extra sacramentum, si tamen non sit adeo intensa, sufficiens non est extra sacramentum; sed omnino requisita ad justificationem cum sacramento: ergo dilectio concupiscentiæ, sive spei sufficiens non est cum attritione. Probatur Anteced. Peccati malitia sita est in pravo amore, quo homo creaturas Deo præposuit, easque magis, quàm summum bonum, & finem ultimum dilexit: ergo ad justificationem etiam cum sacramento, debet dari talis retractatio, quâ homo Deum magis diligat, quàm reliqua omnia: quæ quidem retractatio, ut per se patet, est verus actus charitatis. Confirmatur primò ex Augustino citato num. 254. dicente: *Pœnitentiam certam non facit, nisi odium peccati, & amor Dei*: ergo quicumque actus pœnitentiæ fert secum amorem charitatis. Confirmatur secundò ex D. Thoma in 4. dist. 17. quæst. 3. art. 4. quæstiunculâ 1. dicente: *Confessio est actus virtutis, & pars sacramenti. Secundum autem, quod est actus virtutis, est*

actus meritorius propriè , & sic confessio non valet sine charitate , quæ est principium merendi. Quod quidem variis in locis etiam repetit : ergo , &c.

341. Resp. nego Anteced. Ad probat. concedo Antec. & nego Conf. quia ea peccatoris retractatio, & quæcumque alia assignabilis, ex se satis non est, ut remittatur peccatum independenter à promissione divina : Unde ad peccati remissionem, frustra requiritur ex parte peccatoris alius actus retractativus præter illum, qui annexam habet divinam promissionem de remissione peccati : Cum autem non solum promiserit Deus remittere peccatum extra sacramentum, si detur perfecta Dei dilectio in quacumque exigua intensione, ut constat à nu. 284. & 350. sed etiam illud remittere, si detur vera attritio, cum sola dilectione spei in sacramento, ut clarè constat ex Tridentino sæpè citato. Exinde non solum sufficit illa contritio extra sacramentum; sed etiam hæc retractatio per attritionem cum sacramento, ad remissionem peccati. Ad primam Confirm. conc. Antecedens, & nego Conseq. quia, ut diximus eo num. 254. Augustinus in illo, & similibus

libus testimoniis non tractat de poenitentia, quam homo suscipit ad justificationem, sed de illa, quam homo agit, ut justificetur, quod nunquam notarunt, vel notare noluerunt adversarii, adeoque non agit de poenitentia sufficiente cum sacramento, sed extra sacramentum, quæ est verus amor Dei, ejusque dilectio super omnia, ut constat ex dictis. Ad secundam Confirmat. nego Conf. quia in illo, & aliis similibus locis loquitur S. Thomas de confessione meritoria ex charitate, quæ talis esse non potest, charitate deficiente, ut ex ipsis terminis notum est. Quando verò loquitur præcisè de remissione peccati per sacramentum, nequaquam requirit contritionem, ut infra se evidenter explicat Angelicus Doctor dist. 22. q. 2. art. 1. quæstiunc. 4. in corp. dicens. *Quando aliquis accedit ad confessionem attritus, non plenè contritus, si obicem non ponat, in ipsa confessione, & absolutione sibi gratia, & remissio peccatorum datur*: quo nihil clariùs dici poterat pro nostra sententia, neque Tridentino conformius.

342. Objicies tertio: Actus fidei, & spei sunt præcisè necessarii in adulto, tanquam præcisæ dispositiones ad infusionem habi-

tûs fidei, & spei : ergo & actus charitatis est eodem modo necessarius, pro omni eventu, ad infusionem habitûs charitatis, adeoque, & ad remissionem peccati, quæ absque infusione habitûs charitatis nunquam datur, Confirmatur primò. Sicut non potest esse dispositus ad magisterium divinum, & affectum divinarum promissionum, qui nihil Deo credit, nihil sperat in Deo, seu nihil fidit promissionibus Dei; ita nequit esse dispositus ad ineundam amicitiam cum Deo, qui Deum propter se non amat, sed solùm, quia amanti bonum : ergo sicut prærequiruntur actus fidei, & spei ad infusionem suorum habituum; ita etiam requiretur actus charitatis, ad infusionem habitûs charitatis. Confirmatur secundò. Attritio, quæ ex metu gehennæ concipitur cum sola dilectione Dei, ut nobis boni, & absque dilectione Dei propter se, non est honesta : ergo necessariò requiritur amor charitatis, sive dilectio Dei propter se. Probatur Antec. Dilectio Dei, ut nobis boni præfert amorem creaturæ amoris Creatoris, sed talis dilectio non est honesta, sed inhonesta, ergo, &c.

343. Resp. concedo Antec. & nego Conf.
quia

quia actus fidei, & spei sunt dispositiones à Deo destinatae in hac divina Providentia, pro adulti justificatione in quocumque casu, ut constat ex Tridentino, non solum exigente fidem, & spem extra sacramentum; sed etiam cum sacramento, ut de spe habetur à n. 313. & *De fide* sess. 6. cap. 8. *Fides est humanae salutis initium, fundamentum, & radix omnis justificationis, sine qua impossibile est placere Deo, & ad filiorum ejus consortium pervenire: ut diximus num. 110. de sacramentis. At verò actus charitatis non est dispositio à Deo destinata, ut conferatur gratia cum sacramento; cum hæc ex ipso Tridentino conferri possit, absque actu Poenitentiae charitate formato, ut constat ab eo num. 330. Cum autem, quando confertur gratia, detur habitus charitatis, exinde non est pro omni eventu necessarius actus charitatis, ut charitatis habitus conferatur. Ad primam Confirmat. nego Anteced. nam homo benè disponitur ad divinum magisterium, dum apponat conditiones à Deo in hunc finem destinatas; Cum autem Deus ad istum finem, licet designaverit actum fidei, & spei cum sacramento, non designaverit actum charitatis, exinde;*

ut

ut Deus exerceat magisterium divinum, quo doceat animam modum obtinendi Deum, necesse non est, ut anima eliciat actum charitatis erga ipsum.

344. Ad secundam Confirmationem, nego Anteced. Ad probat. nego Anteced. in hac enim materia, rudi, & ingente æquivocatione adversarii laborant: aliud enim est, quod per illum actum concupiscentiæ, Deum non præferamus positivè omnibus rebus, & aliud est, quod illum aliis rebus postponamus. Primum est verum: non enim tenemur Deum, per quemcumque nostrum actum, positivè præferre omnibus rebus, aliter teneremur ad continuum exercitium actûs charitatis. Secundum verò est omninò falsum: nam per actum, quo ego diligo Deum, ut bonum mihi, nequaquam præfero me ipsi Deo; imò talis actus est optimè composibilis cum actu, quo amem Deum super omnia, illumque positivè rebus omnibus præferam, ut notavi num. 329. Qua de causa jure merito Alexander VIII. inter illas 31. propositiones damnavit decimam, quæ sic habebat. *Intentio, quâ quis detestatur malum, & prosequitur bonum, merè ut cœlestem obtineat gloriam,*

non

non est recta, nec Deoplacens. Et 13. Quisquis etiam æternæ mercedis intuitu Deo famulatur, charitate si caruerit, vitio non caret, quoties intuitu licet Beatitudinis operatur; Tum & 15. Attritio, quæ gehennæ, & pœnarum metu concipitur sine dilectione benevolentiae Dei propter se, non est bonus motus, ac supernaturalis.

345. Ex quibus benè perpenſis, nulla mihi manet ratio, quâ intrinsecam ullam probabilitatem agnoscere possim in sententia contraria. Quod, & ipsos agnoscere, satis innuunt adversarii, postquam Alexand. VIII. has damnavit propositiones, & librum Episcopi Castoriensis, cujus titulus: *Amor pœnitens*: maculâ inussit. Quapropter in novo factionis Jansenianæ foetu, qui in lucem prodiit hoc insignitus titulo: *Nona pars difficultatum propositarum D. Steyart de prohibitionibus librorum, & quibusdam aliis materiis*: trecentas, & quinquaginta sex paginas complectens, tantâ est audaciâ, ut dicere non erubescat Author suo, & sociorum nomine, nullatenus velle Pontificiæ definitioni, & condemnationi se submittere. Pag. enim 21. loquendo de hoc Alexandri VIII. decreto contra lib. cit. Castoriensis, sic habet: *An*

sibi

tibi persuades, nos post unum, donec corrigatur, quod vocas solemne decretum Pontificis jussu editum, debere S. illius Præfulis (idest Castoriensis Episcopi) excellens volumen rejicere, tanquam noxium? Et pag. 63. inter præcellentię opera D. Neercassel Episcopi Castoriensis plena SS. PP. doctrinâ, & unctiōe, quæ in animos influunt, ultimum, & præstantissimum est, Amor pœnitens. Et pag. 123. Nihil magis malignum, & infidum, quàm expositio propositionum 31. ut ex variis exemplis fiet evidens, quibus demonstrabimus decretum illud Alex. VIII. considerari debere, ut subreptitium. Utinam illius libri Author, omnesque factionis suæ defensores sapiant, & resipiscant, memores verborum Domini, Lucæ 20. Omnis, qui ceciderit super illum lapidem, conquassabitur: super quem autem ceciderit, comminuet illum. Et memoriâ pariter retinentes, quod de Petro, ejusque successoribus, ipse Dominus dixerat Matt. 16. Tu es Petrus, & super hanc petram ædificabo Ecclesiam meam. Hæc enim attentè meditantes non solùm nos, verùm etiam, & ipsi colligent fructum hujus sanctissimi decreti, quem Author cognovit pag. 127. dicens: *En fructus, quem producet decretum*
pro-

propositionum 31. videlicet , quod Molinistis intra , & extra Societatem arma subministratum sit , quibus impugnent . Quid quæso præstantius dici poterat pro schola nostra , quàm quod ipsi fatentur , nimirum ad eos impugnandos , uti nos armis Pontificiis : dicam , & ego : Obtinuimus tandem salutem ex inimicis nostris .

§. II.

346. Objicies quartò : Si rebellis adversùs Regem , veniam deinde ab eo peteret , protestatus se velle ad obedientiam , & fidelitatem redire , quia Rex petenti veniam bonus est , & propter metum pœnarum , quas eidem Rex infligere potest , profectò non esset benè dispositus , nec prudenter admitteretur ad reconciliationem amicabilem , & familiarem cum ipso Rege , atque ad filiationem , & hæreditatem ejusdem , sed ulterius exigeretur pro tali , ac tantò dignitatis affectu , amor subditi erga Principem propter ipsum Principem : ergo similiter in peccatore respectu Dei. Confirmatur: actus pœnitentiæ, quicumque sit, deserviens ad justificationem , debet esse detestatio peccati super omnia : atqui actus non procedens ex
moti-

motivo charitatis , nequit esse detestatio peccati super omnia : ergo , &c. Conseq. tenet , & Min. constat , ex num. 257. Ma. verò probatur . Si non sit detestatio peccati super omnia , erit actus composibilis cum voluntate peccandi : atqui actus composibilis cum voluntate peccandi non est sufficiens ad justificationem , ut constat ex num. 223. ergo , &c.

347. Resp. dist. Antec. Si Rex promississet admittere rebellem illum ad suam amicitiam , & filiationem , eâ solâ positâ dispositione , nego ; si non promississet , omitto Antec. & nego Conf. quia in casu nostro positâ in peccatore eâ dispositione , unâ cum sacramento , promisit Deus gratiam illi conferre , & ad filiationem admittere , ut constat ex dictis , unde paritas nullius est roboris . Dixi enim omitto Anteced. quia Reges possunt , si velint , remittere injuriam nullâ præviâ in rebelle dispositione , adeoque malè arguitur : ille non disponitur : ergo Rex non potest injuriam remittere . Deus autem etsi possit , de facto promisit , non remittere injuriam adultæ absque prævia ipsius dispositione à Deo destinata , ut videas , quàm frustra in his rebus

bus sumatur paritas ab humanis ad divina. Ad Confirmat. nego Ma. Ad probat. nego etiam Ma. quia ad attritionem sufficientem cum sacramento, satis est, quod ex suo motivo, ita detestetur peccatum, ut reddat hominem impossibilem cum voluntate peccandi, adeoque licet in eo casu non esset detestatio peccati super omnia, cum non esset supra suum motivum; nihilominus esset satis ad justificationem cum sacramento: illud enim motivum, prout propositum, & approximatatum est ad elicientiam talis actus, nunquam deservire potest ad committendum peccatum, ut satis constat ex nu. 236.

348. Objicies quintò, instando simul solutionem: ordinare majus bonum ad minus bonum, malum ac vituperabile est; cùm in eo fiat injuria majori bono, quod ordinetur ad minus: sed ille, qui dolet de peccatis propter solum gehennæ metum, comitante amore concupiscentiæ sine amore charitatis, ordinat majus bonum; scilicet vitiationem peccati ad minus bonum, nimirum ad vitiationem poenæ: ergo malè agit, & peccat: adeoque, sine amore charitatis, nequit dari actus sufficiens cum sacramento ad justificationem.

tionem. Resp. disting. Ma. ordinare tanquam ad finem ultimum, conc. non ultimum, nego Ma. & distinctâ Min. nego Conf. Ratio est, quia cum Deus solus sit ultimus finis noster, ordinare unum medium ad aliquid creatum, tanquam ad ultimum finem, esset maxima perversitas utpote averfio à Deo ultimo fine: ordinare autem unum ad aliud, tanquam ad finem non ultimum, præcisè est uti uno ad consequendum aliud per ordinationem compossibilem cum consecutione ultimi finis. Cum autem Deus reliquerit creaturæ potestatem, ut licitè possit ipsum obtinere, vel per medium perfectius, vel per medium minùs perfectum, licitè potest creatura amplecti medium minùs perfectum; adeoque si ad illius consecutionem agnoscat, esse utile medium magis perfectum, licitè potest uti medio magis perfecto, ad obtinendum minùs perfectum intra eam viam, sibi à Deo licitè permissam.

349. Qua de causa, & apud adversarios, & apud omnes possumus ordinare sacrificia, & orationes, ut media ad obtinendam sanitatem corporalem, vel aliquod aliud temporale: Sicut Deus ordinavit tanquam in finem

non

non ultimum Incarnationem, & Passionem Christi in nostram salutem, & gloriam, ut dicitur in Symbolo Nicæno: *Qui propter nos homines, & propter nostram salutem descendit de Cælis.* Sic plures judicantes, se non obtenturos matrimonium sibi conforme, nisi castè vivant, possunt ordinare castitatem ad matrimonium, neque illud esset appetere magis honestatem matrimonii, quàm honestatē castitatis, sed eligere pro sua libertate, & licita potestate, quam habent à Deo, viam matrimonii minùs perfectam compossibilem cum tendentia ad Deum, relinquendo viam castitatis magis perfectam, ad quam non tenentur. Unde sicut electio matrimonii, ut fide certum est, non est conditionata voluntas amittendi Deum, si solùm esset consequibilis per castitatem; ita electio medii minùs perfecti non est conditionata voluntas relinquendi Deum, si solùm esset consequibilis per medium magis perfectum: adeoque si actus elicitus à creatura, quo vel amplectitur bonum, vel fugit malum, sit compossibilis cum tendentia ad suum ultimum finem, nequaquam est peccaminosus, etsi absque ullo formali respectu in Deum eliciatur.

De Pœnit. Pars I.

B b

tur.

tur. Quapropter Alexander VIII. inter prædictas propositiones jure merito damnavit nonam, quæ sic habebat: *Revera peccat, qui odio habet peccatum, merè ob ejus turpitudinem, & disconvenientiam cum natura, sine ullo ad Deum offensum respectu.* Reliqua, quæ hic objici possunt, faciliùs constabunt ex his, quæ statim dicemus.

S E C T I O VII.

An perfecta contritio habeat semper adjunctam remissionem lethalis?

§. I.

350. **P**RIMA sententia negat; Ita Episc. Castoriensis, pluresque, ut ipse ait, Lovanienses cum Sylvio, qui ad qu. 5. suppl. D. Thomæ art. 10. docuit, contritionem perfectam, non semper, sed rarò habere annexam remissionem mortalis, ante realem susceptionem sacramenti: etsi sæpè afferat secum jus ad justificationem, quatenus si novo peccato non impediatur, in fine vitæ dabitur gratia propter illam: extra articulum verò mortis, ait hic Author, solùm quando est

est intensissima, conferri statim gratiam, aut quando nonnisi difficillimè haberi potest copia confessarii, extra hujusmodi autem casus, nunquam dari gratiam positâ contritione perfectâ, nisi simul cum sacramento. Secunda ferè reliquorum omnium Theologorum sententia docet, quamcumque contritionem perfectam statim ferre secum gratiam, imò teste Goneto disp. 3. art. 3. n. 27. idem Sylvius, qui in impressione facta Duaci anno 1618. primam illam sententiam traderat, postea in tertia editione ejusdem operis, eam retractavit, seu correxit, dicens, se id non intellexisse de contritione perfectâ, sed de imperfectâ, quæ communiter attritio appellatur. Quidquid tamen de hoc sit, illam primam Sylvii sententiam P. Coninck tomo 1. *De sacramentis* disp. 68. art. 2. ait, esse erroneam, Vazquez to. 2. in 3. part. disp. 152. num. 3. dicit esse contra sententiam Catholicam: Alphonsus Curiel, teste Lugo, judicat eam esse periculosam, & parùm tutam in fide. Arriaga disp. 12. sect. 2. num. 15. ait; si non possit dici omnino hæretica, videri saltem erroneam, Verùm abstinendo à censura.

351. Afferro cum secunda sententia. Contritio perfecta, quâ homo lethalia sua nondum remissa detestatur propter Deum summè dilectum, statim infallibilitèr secum affert remissionem peccatorum. Probatur primò ex Scriptura, & SS. PP. Isajæ enim 30. juxta versionem septuaginta Interpretum, dicitur: *Cùm reversus ingemueris, tunc salvus eris*: ubi notanda est quàm maximè particula, *tunc*, quâ significatur, nullam interponi moram, inter reversionem peccatoris per contritionis gemitum, & salutem ejusdem, per justificationis gratiam collatam, ut interpretantur SS. PP. Sic Leo Papa epist. 91. *Misericordiæ Dei, nec mensuras possumus ponere, nec tempora definire, apud quem nullas patitur veniæ moras vera conversio, dicente Spiritu Dei per Prophetam: cum ingemueris, tunc salvus eris*. Item Coelestinus Papa in epist. ad Episc. Galliæ cap. 2. *Vera conversio, mente potius, quàm tempore metienda est, dicente Propheta: Si conversus fueris, salvus eris*. Unde statim, atque David per veram contritionem 2. Reg. 12. dixit: *Peccavi Domino, audivit à Nathan, Dominus quoque transtulit peccatum tuum*: quod etiam expressè docet D. Thomas citat. num. 286.

num. 286. & Chrysostomus hom. 7. in 2. ad Tim. *Ubi charitas est, omnia sublata sunt mala*: & infra: *Cuncta nempe scelera, quæ pacem perturbant, ubi charitas fuerit, solvuntur*. Vide plura alia testimonia apud Vazqu. 1. 2. disp. 103. cap. 4.

352. Probatur secundò ex illis Tridentini verbis, sæpè à nobis repetitis sess. 14. c. 4. *Etsi contritionem hanc aliquando charitate perfectam esse contingat, hominemque Deo reconciliare, priusquam sacramentum hoc actu suscipiatur*: ubi pro eodem à Concilio usurpatur justificare ante sacramentum, & contritionem esse charitate formatam; particula enim illa, *aliquando contingat*, non est posita à Concilio, ut doceat, contritionem charitate formatam, aliquandò justificare; aliquandò verò non; sed quia cōtritio usurpabatur à Trid. universalitèr, ut habetur in ipsius capitis initio, prout abstrahit à perfecta, & imperfecta, quasi diceret: dolor de peccatis, aliquandò est perfectus, & tunc actu ante sacramentum justificat; aliquandò verò imperfectus, & hic non nisi intra sacramentum: hanc enim fuisse Concilii mentem, nullus, qui illud legerit, negare potest: ergo perfecta contritio

statim secum affect remissionem omnium peccatorum .

353. Confirmatur primò ex ipso Tridentino sess. 13. cap. 7. ubi necessitate urgente sacerdoti existenti in lethali , & destituto copiâ confessarii, conceditur facultas celebrandi cum sola cōtritione; etsi postea teneatur, quāprimùm possit, confiteri: ergo ex mente Concilii , statim apposita contritione , confertur gratia ; aliter non permetteret sacerdotem sui lethalis conscium , accedere ad Eucharistiam , quod quàm contrarium sit ipsi Concilio , & toti Ecclesiæ, nullus ignorat. Patet Consequentia, quia illa obligatio confitendi postea, oritur ex speciali præcepto, Ecclesiastica consuetudine , satis nobis cognito, & à Tridentino declarato; non autem ex eo, quod ille sacerdos contritus gratiam non obtinuerit : Sic qui invincibiliter oblitus alicujus lethalis, confitetur reliqua, & obtinet gratiam in Sacramento Pœnitentiæ ; si antequàm ad Eucharistiam accedat , illius lethalis recordetur, non excusatur ab obligatione illud confitendi, antequàm recipiat Eucharistiam, ut declaravit Inquisitio Hispana condemnans contrariam aliquorum sententiam.

Con-

Confirmatur secundò ex Catechismo Romano, titulo *De pœnitentia*, dicente: *vehementer proderit, contritionis vim, & utilitatem sæpiùs proponere. Quin etiam statim, ut eam mentibus nostris concepimus, peccatorum remissionem nobis à Deo tribui, alio loco ejusdem Prophetæ, verba illa declarant: Dixi: confitebor adversum me injustitiam meam Domino, & tu remisisti impietatem peccati mei Ex quo licet cognoscere, veræ contritionis, de qua supra dictum est, eam vim esse, ut illius beneficio, omnium delictorum veniam statim à Domino impetremus: ergo, &c.*

354. Respondebis primò cum Estio, Castoriensi, & Lovaniënsibus recentioribus apud ipsum: in peccato mortali duo distinguenda esse, nimirum aversionem à Deo, & reatum poenæ æternæ. Contritione verò perfectâ, ait, solùm tollitur aversio à Deo, reatus autem poenæ, seu obligatio mortis æternæ tollitur, accedente absolutione sacramentali. Unde fit, ut beneficio contritionis, homo vivere Deo incipiat, & vi absolutionis perfectè vivificetur; Deo quidem vi contritionis vivere incipit, quia dolor ille, & amor, quo jam uni Deo servire studet, & in ejus viis ambulare

lare, alicujus vitæ actus, & signa sunt; adhuc tamen æternæ damnationis, quæ animæ secunda mors est, reus manet, donec reatus ille, & poenæ acerbissimæ onus, sacramento dissolvatur: reatus enim ille non dissolvitur, nisi meritum Passionis Christi applicetur, quod non intuitu contritionis perfectæ; sed solùm intuitu sacramenti applicatur, ideoque beneficium contritionis est distinctum à beneficio remissionis. Quapropter In novæ, & juxta Augustinum, magnæ est misericordiæ; quod peccatoribus jam conversis, Deus peccata condonet. Hæc est summa doctrinæ Lovaniensium.

355. Contra tamen primò. Quando adversarii dicunt contritionem tollere aversionem à Deo, & absolutionem sacramentalem solvere reatum, seu debitum poenæ æternæ; vel sensus est, quod contritio tollat reatum culpæ, & peccati maculam; sacramentum verò reatum poenæ æternæ; vel sensus est, quod cōtritio tollat solùm aversionem actua-lem; absolutio verò sacramentalis peccati maculam deleat, ac debitum simul æternæ mortis extinguat? Si primum: hoc salvâ fide sustineri non potest, cum reatus poenæ æternæ
simul

simul cum culpa remittatur, sive remissio fiat cum sacramento in re, sive cum sacramento in voto, ut definit Trident. citat. num. 334. Si secundum: insoluta manent argumenta à nobis confecta, ex ipso Tridentino à n. 352. Constat enim ex Tridentino, elicitâ contritione perfecta, hominem extra sacramentum justificari, atqui hominem justificari est recipere gratiam, quâ remittitur culpa, & extinguitur poena æterna: ergo, &c. Contra secundò: licet peccator non mereatur auxilia efficacia ad eliciendam contritionem, adeoque sit beneficium, quòd Deus illi talia auxilia conferat: & licet contritio non habeat tantam bonitatem, quantam malitiam habet peccatum, adeoque sit diversum beneficium, quòd positâ contritione, Deus promiserit peccatum remittere, illudque remittat; attamen in hac Divina Providentia, collato primo beneficio, Deus ex sua promissione confert secundum; ut constat ex testimoniis adductis: ergo, &c.

356. Contra tertio. Pretium satisfactionis Christi non solum applicatur nobis in susceptione sacramentorum, sed in omnibus supernarum virtutum operibus, etsi aliter, & ali-

& aliter applicetur; Sic applicatur in jejunio, eleemosynâ; mœrore animi, corporis maceratione, quibus Deo pro illatis injuriis satisfacimus, ejusque justitiam mitigamus. Quamobrem Trid. sess. 6. cap. 14. *De pœnit.* Christiani hominis dicit, continere *satisfactionem per jejunia, eleemosynas, orationes, & alia pia spiritualis vitæ exercitia*: ergo contritioni disponenti ad justificationem applicatur pretium satisfactionis Christi. Contra quartò. Per ultimam dispositionem ad justificationem accedit homo ad Deum, tanquam filius ad Patrem; atqui accedere non potest, nisi per ipsum Christum dicentem: *Nemo venit ad me, nisi per Patrem*: ergo, &c. Contra quintò ex D. Gregorio in cap. 2. lib. 1. Reg. dicente: *Nullus hominum, neque Angelorum est sanctus, nisi per Christum*: atqui positâ ultimâ dispositione ad justificationem, homo recipit sanctitatem: ergo illi dispositioni applicatur pretium satisfactionis Christi.

§. II.

357. Respondebis secundò ex Castoriensi: contritionem perfectam nunquam delere peccatum, nisi continendo votum Sacramenti

menti Pœnitentiæ ; adeoque infusionem gratiæ , & exclusionem peccati , contritioni simul , & sacramento tribuendam . Quemadmodum, ait hic Author, antiquis Patribus, intuitu Christi meritorum, iustitia , & sanctitas conferebatur , quamvis illi Christi venturi tempora longo intervallo anteirent ; Ita dici potest, virtute Sacramenti Pœnitentiæ, homines Deo reconciliari , licet huiusmodi reconciliatio absolutionis exercitium antecedit . Responsio ista plura continet vera admixta falsis, quæ maximè oportet in præsentī separare, & dilucidare, ut adversariorum sensus patefiat . Quapropter

358. Contra primò . Contritionem perfectam esse votum sacramenti , eâque ratione conferre gratiam , non potest significare, conferre solùm gratiã ex vi sacramenti prævisi absolutè futuri , sicut conferebatur gratia SS. PP. ex meritis Christi prævisis absolutè futuris ; sed solùm potest significare, quod quamvis statim , atque apponitur contritio, gratia conferatur, non exinde liberatur homo ab obligatione confitendi, si possit, sua peccata suo tempore, imò est formale, vel virtuale propositum ea confitendi: ex quo apparet

paret diversus modus, quo contritio est votū cōfessionis, & votū restitutionis, aut quid simile: nā condonato debito, non tenetur homo ad restitutionē; condonato verò peccato tenetur ad confessionē: modò sic. Quamvis peccator, qui modò elicit contritionem, & recipit gratiam, nūquam possit postea per totam vitam suscipere Sacramentum Pœnitentiæ, vel quia statim moritur, vel ob quemcumque alium inculpabilem titulum, haberet remissionem peccati, & pœnæ æternæ, non quidem per sacramentum in re, vel ut prævisum absolutè futurum, sed per sacramentum in voto, quod non dicitur causare ex opere operato, sed ex opere operantis: ergo quando homo, per contritionem perfectam, justificatur extra sacramentum, non potest ea justificatio attribui tantum sacramento, quantum voto sacramenti.

359. Contra secundò. Ex eo gratia collata antiquis PP. procedebat ex meritis Christi, tanquam causa moralis, quia causa moralis meritoria movet ut cognita, in suâque differentia temporis absolutè extitura, & Deus antequam antiquis PP. eas gratias conferret, jam videbat pro sua differentia tēporis absolute

lutè exitura merita Christi, ex quibus eas gratias conferebat: atqui non confertur gratia ex vi contritionis, eo quod prævideatur Sacramentum Poenitentiae absolutè exiturum, ut patet in homine, qui post elicitam contritionem moritur inter barbaros, copiâ confessarii destitutus, aut in altero, qui antequàm cubitum discedat, conscientiam examinans, & lethalem suam culpam agnoscens, veram elicit contritionem; moxque inter dormiendum, apoplexiâ extinguatur, & sic de millenis aliis: isti enim cùm post elicitam contritionem nunquam suscipiât Sacramentum Poenitentiae in re, recipere non possunt gratiam, ex vi talis Sacramenti prævisi absolutè futuri, aliter scientia divina esset falsa, quod blasphemum est: ergo ex vi contritionis confertur gratia ex opere operantis, tanquam ex vi dispositionis, cui annexa est divina promissio de gratia conferenda.

360. Probatur tertiò Concl. ex definitionibus Pontificiis: etenim Pius V. & Gregorius XIII. in Bulla contra Michaëlem Bajum, qui, ut ait Arriaga, fuit professor Sylvii, & à quo hic eam doctrinam didicit, damnarunt 79. propositiones, quas cum Pontificum Bul-

lâ

lâ habes apud Exim. Doctorem, to. i. de gratia prolegom. 6. cap. 2. quarum 31. sic habebat : *Charitas perfecta , & sincera , quæ est ex corde puro, & conscientia bonâ, & fide non fictâ, tam in Cathecumenis, quàm in pœnitentibus, potest esse sine remissione peccatorû: & 32. Charitas illa, quæ est plenitudo legis , non est semper conjuncta cum remissione peccatorû: & 70. Homo existens in peccato mortali , sive in reatu æternæ damnationis, potest habere veram charitatem, & charitas etiam perfecta potest consistere cum reatu æternæ damnationis: & 71. Per contritionem etiam cum charitate perfectâ, & cum voto suscipiendi Sacramentum conjunctâ, non remittitur crimen extra casum necessitatis, aut martyrii sine actuali susceptione Sacramentorum : quæ videtur ipsissima Sylvii doctrina: ergo &c.*

361. Respondebis: in his propositionibus, Pontifices solùm damnare, posse habituales charitatem stare cum peccato. Contra tamen primò: nam Bajus, quem damnare intendunt Pontifices, loquitur in citatis propositionibus de charitate actuali: de ea enim charitate loquitur, quæ ut dispositio prærequiritur ad remissionem peccatorum in Sacramento obtinendam, ut constat ex propositione-

sirione septuagesima prima, sed hæc est actualis, cum ad Sacramenta suscipienda non disponamur per habitus, sed per actus: ergo loquitur de charitate actuali. Contra secundò: loquitur de charitate, quâ lex, & præcepta adimplentur, ut constat ex propositione 32. atqui hæc non est habitualis, sed actualis, dum non per habitus, sed per actus præcepta adimpleantur: ergo &c.

362. Probatur quartò Conclusio ex duplici usu Ecclesiæ, quæ primò permittit, ut peccatores sibi conscii peccati mortalis accedant ad sacramenta; etiam illa, quæ quia per se supponunt statum gratiæ, vivorum appellantur, dummodò præmittant actum contritionis, quod à Clemente VIII. in Pontificali Romano traditur: Exceptâ Eucharistiâ, de quâ tamen id etiam permittit in casu necessitatis, ut constat ex num. 353. ergo Ecclesia supponit, eos per contritionem statim justificari sine Sacramento Pœnitentię. Rursus Summi Pontifices indulgentias sæpè concedunt solis contritis, & non confessis: ergo hæc concessione supponunt, posse peccatores per solam contritionem consequi remissionem peccatorum, & statum gratiæ, qui
neces-

necessarius est ad fructum indulgentiarum percipiendum. Confirm. Contritio non minorem habet virtutem in lege evangelica, & post institutionem Sacramenti Pœnitentiæ, quàm habuerit in lege naturæ, & in lege Mosayca ante hujus Sacramenti institutionem: si autem assignent adversarii, ubinam privaverit Deus hoc fructu contritionem: atqui in lege naturæ, & in lege Mosayca contritio habebat vim statim justificandi, & remittendi peccata: tunc enim nullum supererat Sacramentum, quod redderet de attrito contritum: ergo contritio eâdem virtute pollet in lege evangelica, subinde quæ ad obtinendam remissionem peccatorum Sacerdotis absolutionem non expectat.

S E C T I O V I I I .

Solvuntur opposita.

363. **O**BJICIES primò ex D. Thom 3. parte quæst. 72. art. 7. ad secundum, de confirmatione dicente. *Si aliquis adultus in peccato existens, cujus conscientiam non habet, vel si etiam non perfectè contritus accedat,*

cedat, dummodo non fictus accedat, per gratiam collatam in hoc Sacramento consequetur remissionem peccatorum: ergo contritio non conjungitur semper cum remissione peccatorum. Confirmatur: contritio ex Divo Thoma præcedit tempore justificationem: atqui si conjungeretur statim cum gratia, non præcederet tempore justificationem: ergo &c. Resp. concedo Antecedens, & distinguo Conseq. Contritio imperfecta, sive attritio, concedo: contritio perfecta, nego Conseq. quia D. Thom. ibi agit de Sacramentis vivorum causantibus per accidens primam gratiam; ut constat ex num. 292. de Sacramentis: hanc autem non causant cum contritione perfecta, sed cum imperfecta, quæ extra Sacramentum sæpe reperitur absq; remissione peccatorum. Sed quid exinde ad casum nostrum de contritione perfecta? Ad Confir. dist. eodem modo Ma: contritio imperfecta, concedo: perfecta, nego Ma: & dist. Mi. nego Conf. quia in doctrina S. Th. contritio perfecta non præcedit tempore justificationem, sed in eodem instanti cum ipsa conjungitur, ut constat ex num. 284. & 286.

364. *Objicies secundò: Christus Domi-*
De Pœnit. Pars I. C c nus

nus Luc. 7. postquam asseruit, Magdalenam dilexisse multum, ait: *remittuntur ei peccata multa, quia dilexit multum*: ergo dilectio perfecta præcessit tempore remissionem peccatorum, aliter non dixisset Christus, remittuntur, sed remissa fuere peccata, quoniam dilexit. Resp. nego Conseq. quia illa verba Christi non significabant, peccata lethalia remitti Magdalene, eo ipso tempore, quo illa Dominus proferebat, sed ex communi modo loquendi Hebræorum significabant declarationem internæ remissionis factæ, statim atque fuit verè contrita, cujus expositionis veritas ex ipso textu manifestè colligitur: nam ea verba protulit Christus, Simonem alloquens versic. 47. & postea interjecto aliquo temporis spatio, conversus Christus ad Magdalenam versic. 48. iterum dixit ei: *remittuntur tibi peccata tua*: cum autem ista verba, adhuc apud ipsos adversarios, non significant remissionem, quæ tunc fiebat, cum saltem jam remissa essent peccata, quando Christus ea verba primò protulit, ea de causa necesse non est, ut significarent remissionem, quæ tunc fiebat, quando primâ vice illa protulit Christus.

365. Significabant ergo utrobique illa verba declarationē externam remissionis factæ internæ, & totum illud tempus præsens, quo Magdalena flere, dolere, & amare incæpit: sicuti Marci 5. dixit Christus mulieri, multo tempore postquam eam à fluxu sanguinis sanaverat: *esto sana à plaga tua*. Unde quando dixit Augustinus de Magdalena: *accessit ad Dominum immunda, ut rediret munda: accessit ægra, ut rediret sana*: non debet intelligi accessus ille, quasi corporaliter, sed spiritualiter, quasi diceret: quando voluit accedere per fidem, antequam perfectam haberet charitatem, tunc erat ægra, & accedendo per charitatem, sanata est. Sic Aug. tract. 48. in Joan. circa initium, de Judæis nolentibus ad Christum accedere, ait: *Hyems erat, & frigidi erant: ad illum enim divinum ignem accedere pigri erant: Si accedere est credere, qui credit, accedit, qui negat, recedit. Non movetur anima pedibus, sed affectibus, friguerant diligendi charitate, & ardebant nocendi cupiditate, longè aberant, & ibi erant; non accedebant credendo, & premebant persequendo*. Potest etiam dici, quòd primò remissa fuere Magdalenæ lethalia, statim atque elicit contri-

tionem, deinde quando ad Christum cum augmento contritionis, remissa fuisse alia, & alia venialia, quæ licet non sint mors, sunt tamen animæ immunditia, & ægritudo ex num. 254. Videatur Bellarm. lib. 2. *De pœnitentia* cap. 14. Vide aliam solutionem infra num. 224. *De sacramento*.

366. Objicies tertio ex Aug. tract. 13. in Jo. dicente: *Quantumcūque cathecumenus proficiat, adhuc sarcinam iniquitatis suæ portat: Non illi dimittitur, nisi cum venerit ad Baptismum. Quomodo non caruit populus Israël populo Ægyptiorum, nisi cum venisset ad mare rubrum; sic nec pressuris peccatorum nemo caret, nisi cum ad fontem Baptismi pervenerit: ergo pariter peccata post Baptismum commissa, non remittentur, antequam perveniat ad Sacramentum Pœnitentiæ*. Resp. cum Bellar. suprâ cit. nego Conf. quia non solum in homine baptizato remittuntur omnia lethalia, statim atque datur perfecta contritio, sed etiam in cathecumeno. Augustinus enim ibi non loquitur de cathecumeno eliciente perfectam contritionem, sed de illis, qui ad Baptismum accedere negligunt culpabilitèr, de quibus verè dicit, non obtenturos justificationem sine Baptismo,

imo : quantumvis in aliis operibus moralibus proficiant : hæc enim expositio colligitur ex ipso textu , ubi ait : *Ne quis arrogans, eo quod habeat abundantiam alicujus gratiæ, dedignaretur baptizari Baptismo Domini* : post quæ statim subdit : *quantumcumque enim cathecumenus proficiat* , &c. Scio aliquos respondere , Augustinum loqui de his , quæ communiter contingunt , adeoque cùm communiter non contingat , cathecumenum elicere contritionem ante baptismum , rectè inferitur non justificari ante baptismum . Verùm mihi conformior Augustino videtur nostra expositio .

367. Objicies quartò . Si elicitâ contritione justificaretur peccator , non teneretur confiteri postea peccata : atqui tenetur : ergo quando elicit contritionem , non justificatur . Retorqueo argumentum . Si quando peccator in Sacramento Pœnitentiæ invincibiliter obliviscitur alicujus peccati , nihilominus justificaretur , non teneretur confiteri postea illud peccatum ; atqui tenetur , ut constat ex Trident. sess. 14. cap. 5. ergo quando invincibiliter obliviscitur in Sacramento Pœnitentiæ alicujus peccati , non justificatur .

Cc 3

Resp.

Resp. deinde, nego Ma. quia obligatio confitendi postea, ea peccata, venit ex præcepto Christi, quo tenemur, clavibus Ecclesiæ ea subicere: unde Tridentinum loc. cit. ita definit: *Universa Ecclesia semper intellexit, institutam etiam esse à Domino integram peccatorum confessionem, & omnibus post Baptismum lapsis, jure Divino necessariam existere.* Quapropter ipsa contritio, ut ait idem Concilium præcedenti cap. 4. continet votum illa confitendi, adeoque contritio nequaquam excusat à peccatorum confessione.

368. Objicies quintò. Si sola contritio peccata deleret, non requireret Tridentinum sess. 13. cap. 7. ad Eucharistiam dignè suscipiendam, præter contritionem, sacramentalem etiam confessionem: ergo per solam contritionem, non delentur peccata. Resp. nego Antec. quia ad suscipiendam Eucharistiam, propter reverentiam tanto sacramento debitam, adest speciale præceptum confessionis sacramentalis, Ecclesiasticâ consuetudine satis notum, ut ait ibi Tridentinum: *Ecclesiastica autem consuetudo declarat, eam probationem necessariam esse, ut nullus sibi conscius mortalis peccati, quantumvis sibi contritus videat-*

videatur, absque præmissa sacramentali confessione ad sacram Eucharistiam accedere debeat. Unde in solo casu urgentis necessitatis, ut ibi loquitur Concilium, permittitur accessus cum sola contritione, etsi sacerdos teneatur, postea, quamprimùm possit, confiteri. Ex quo rectè deducitur, contritionem satis esse ad recipiendam gratiam, cum in nullo casu permittatur homo accedere in mortali cognito ad Eucharistiam. Quinimò ad reliqua sacramenta vivorum, licitè quis accedere potest cum perfecta contritione, quod illicitum esset, si elicita contritione, gratia non conferretur. Ex quibus satis apparet, quàm vera, & certa sit nostra sententia, quâ præmissâ facilis, jam patet aditus ad novam disputationem.

DISPUTATIO VI.

De Attritione.

369. **E**X dictis tota disputatione præcedenti clarè constat, attritionem theologicam esse dolorem animi supernum detestativum peccati commissi cum proposito

sito non peccandi de cætero; elicitedum non quidem ex motivo charitatis; sed ex quocumque alio motivo ad illius elicentiam sufficienti, & satis approximato. Quapropter cum solus amor ex motivo charitatis sit amor Dei super omnia; secus autem ex alio inferiori motivo, cum nullus actus excedat vim sui motivi, à quo accipit suam efficaciam; ita pariter sola detestatio ex motivo charitatis erit detestatio peccati super omnia; secus autem detestatio habita ex quocumque alio motivo inferiori. Exinde cum attritio nunquam possit esse amor Dei, aut detestatio peccati appetitativè super omnia, neque poterit unquam fieri contritio, ex dictis num. 246. & 257. Quinimò aggregatum ex puro amore Dei super omnia, & attritione adhuc non contineret totum constitutivum perfectæ contritionis: quia licet contineret formalitatem amoris Dei super omnia, non contineret formalitatem detestationis peccati super omnia, ex qua utrâque formalitate constituitur perfecta contritio, ex dictis à numero 287. Quando autem homo eliciens attritionem, simul elicit amorem Dei super omnia, talis amor non est purus amor, sed

etiam

etiam dolor detestativus peccatorum: tunc enim, cùm eliciat contritionem, habet cognitionem peccati, sine qua contritio elici nequit: Repugnat autem, quod quando homo amat Deum super omnia, utpote volens Deo bonum, quia ipsi bonum, non detestetur etiam, quod cognoscit, esse malum Dei, quia ipsi malum, ut constat à n. 269. His præmissis, præcipua hujus disputationis difficultas, ex qua ad reliquas quæstiones dissolvendas facilis erit progressus, consistit in attritione concepta ex metu gehennæ, pro qua pugnandum est nobis, partim contra hæreticos, negantes eam esse supernaturalem, & honestam; & partim contra aliquot catholicos, negantes sufficere ad justificationem cum sacramento; ut utrumque præstemus, sit.

S. E C T I O I.

An attritio ex metu gehennæ concepta sit actus honestus, & supernaturalis?

§. I.

370. **L** Utherani omninò damnant, non solum operationem ex timore pænæ, sed

sed etiam timorem ipsum, ut diximus n. 23. Nonnulli verò catholici, qui ante Tridentinum scripsere, quanquam timorem reprobare non audeant; tamen operari ex timore, tanquam ex fine proximo, sive non ultimato, judicant esse malum, ut Gregorius in 2. dist. 26. quæst. 1. art. 3. Almainus tract. 1. *Moral.* cap. 3. dub. ult. Adrianus Quodlib. 4. qu. 2. Post Trid. verò Estius, Sylvius, & Jansenius; aliique perpauca cum ipsis, etsi enim concedere videantur, attritionem, quâ quis dolet de peccato ex solo timore gehennæ, esse actum bonum, & honestum, negant tamen, illam esse sufficientem dispositionem ad dignè suscipiendum Sacramentum Pœnitentiæ, ejusque effectum consequendum. Reliqui autem ferè omnes Theologi docent, attritionem ex metu gehennæ esse honestam, & laudabilem, & ad justificationem cum sacramento sufficientem.

371. Afferro primò cum doctrina catholica. Attritio ex metu gehennæ est actus bonus, laudabilis, & utilis ad salutem. Probatur primò, ex Scriptura: Prov. 1. dicente: *Timor Domini principium sapientiæ*: & Psal. 110. *Initium sapientiæ timor Domini*: quæ testimo-

stimonia explicant SS. PP. de timore servili; hic enim sapientiam inchoat; non filialis, qui illam perficit, & consummat. Sic Aug. ser. 18. *De verbis Apostoli*, dicit, hunc timorem esse custodiam animæ, non salutem: en ejus verba: *Timor enim iste, quo gehennam times, & ideo mala non facis, cōtinet te, & sic volētem peccare, animo interiore non sinet; est quidem custos timor, quasi pædagogus legis, littera est minans, nondum gratia juvans. Custodiat tamen timor iste, dum non facis timendo, & veniet charitas.* Idem docent Cypr. Hier. Tertul. Crysoft. & Ber. apud Exim. Doct. disp. 5. sect. 2. Sic dicitur Ecclesiastici primo: *Timor Domini expellit peccatum: nam qui sine timore est, non poterit justificari;* quod saltem regulariter, & dispositivè intelligi debet, quatenus timor ad justificationem, & expulsionem peccati disponit, adeoque attritio ex metu gehennæ verè disponit ad justificationem, atqui actus ad justificationem disponens est bonus, laudabilis, & utilis ad salutem: ergo &c.

372. Probatur secundò ex Aug. tom. 8. ad illa verba psal. 127. *Beati omnes, qui timeant Dominum*: ubi exponendo discrimen inter amorem servilem, & filialem, sic habet: Il-

le au-

le autem timor nondum castus præsentiam Domini, & pœnas timet, timore facit quidquid boni facit, non timore amittendi bonum illud, sed timore patendi illud malum: non timet, ne perdat amplexus pulcherrimi sponsi, sed timet, ne mittatur in gehennam: bonus est & iste timor, utilis est, non quidem permanebit in sæculum sæculi, sed nondum est iste castus permanens in sæculum sæculi: ergo, &c. Confirm. Christus non hortabatur homines ad mala, sed ad bona: atqui hortabatur ad timorem gehennæ, Matt. 10. *Timete eum, qui potest corpus, & animam perdere in gehennam*: ergo talis timor non est malus, sed bonus. Quapropter Tridentinum nostram definivit sententiam, & contrariam damnavit sess. 6. can. 8. *Si quis dixerit, gehennæ metum, per quem ad Misericordiam Dei, de peccatis dolendo, confugimus, vel à peccato abstinemus, peccatum esse, aut peccatores peiores facere, anathema sit*. Quod etiam constat ex Alexandro VIII. cit. num. 344.

373. Probatur tertiâ ratione: Actus conformis naturæ rationali, ut rationali, non est malus, sed honestus, ut constat à num. 8. sed fuga gehennæ, quæ habetur per attritionem ex metu gehennæ conceptam, est actus
con-

conformis naturæ rationali , ut rationali : ergo , &c. Probatur Mi. status gehennæ est magnum malum naturæ , ut rationalis ; affert enim secum plura naturæ , ut rationali difformia , & proximas occasiones peccandi : sed valdè conforme est naturæ , ut rationali fugere ipsius malum : ergo , &c. Confirmatur primò : fugere mala , quæ torquent naturam sensitivam , conforme est naturæ , ut sensitivæ : ergo fugere mala , quæ torquent naturam rationalem , conforme est naturæ , ut rationali . Confirmatur secundò . Amare , secundum rectam rationem , salutem , scientiam , & id genus alia , conforme est , apud ipsos adversarios , naturæ ; ut rationali , adeoque est etiam ipsi conforme fugere secundum rectam rationem opposita mala : ergo multò conformius erit fugere malum gehennæ , utpotè majus præ his omnibus malis . Ex dictis .

374. Fit primò : fugam peccati esse actum honestum : Ratio est , quia est actus naturæ , ut rationali valde conformis . Fit secundò : amorem Beatitudinis oppositæ malo gehennæ , esse etiam actum honestum : Ratio est , quia Beatitudo est bonum naturæ , ut rationali valde conforme . Ex quo ulterius
robo-

roboratur assertio Catholica de fugâ gehennæ, quia malum gehennæ est oppositum bono Beatitudinis: sed est honesta laudabilis, & naturæ rationali conformis fuga mali oppositi bono naturæ rationali: ergo fuga gehennæ est honesta, laudabilis, & conformis naturæ, ut rationali. Fit tertiò: attritionem conceptam, vel ex metu gehennæ, & poenarum, vel ex turpitudine peccati, vel ex amore Beatitudinis, dummodò sit uniuersalis, & theologica, sive sufficiens ad Sacramentum poenitentiae, non solum esse honestam, verum & supernaturalem, ex num. 22. Quapropter cum actus supernaturalis fieri nequeat sine gratia, ad illam attritionem eliciendam, opus est auxilio gratiae: Sic Tridentinum sess. 6. can. 3. *Si quis dixerit, sine præueniente Spiritûs Sancti inspiratione, atque eius adiutorio, hominem credere, sperare, diligere, aut poenitere posse, sicut oportet, ut ei justificationis gratia conferatur, anathema sit.* Cæterum, ut hæc clariora fiant.

375. Affero secundò cum D. Thom. Bonav. & communi Theologorum, quos citat, & sequitur Exim. Doct. disput. 3. sect. 6. contra Durandum, & Cajetanum.

Non

Non sufficit actus poenitentiae intrinsecè naturalis , & solū denominativè supernaturalis ad attritionem disponentē cum Sacramento ad justificationē , sed debet esse actus intrinsecè supernaturalis . Probatur primò ex scriptura & SS. PP. Actus, qui elici nequit sine gratia, aut Spiritūs Sancti inspiratione, est intrinsecè supernaturalis : atqui actus poenitentiae disponentis ad justificationem nequit elici sine gratia , aut Spiritūs Sancti inspiratione : ergo &c. Probatur Minor : ex Paulo 2. ad Tim. 2. dicente : *Nequandò Deus det illis poenitentiam ad cognoscendam veritatem, & resipiscant à Diaboli laqueis* : atqui Deum illis dare poenitentiam , quā resipiscant , sive poenitentiam salutarem, significat , talem actum fieri non posse sine gratia Dei , aut inspiratione Spiritūs Sancti , ut habet Leo Papa ep. 91. dicens : *Poenitentiam ex Dei credimus inspiratione conceptam, dicente Apostolo: nequando Deus det illis poenitentiam* . Sic etiam Aug. lib. 5. contra Julianum cap. 3. *Nisi ipse dederit , quis aget poenitentiam ?* ergo &c.

376. Probatur secundò: actus elicited ex gratia habitā per merita Christi , & sine gratia produci non potens, est intrinsecè supernaturalis.

naturalis: sed talis est actus pœnitentiæ disponentis ad remissionem peccatorum: ergo &c. Probatur Mi. ex illo Act. 5. *Hunc Principem, & Salvatorem Deus exaltavit dexterâ suâ ad dandam pœnitentiam Israheli, & remissionem peccatorum.* Quod olim promiserat Deus Ezech. 6. *Dabo vobis cor novum, & spiritum novum ponam in medio vestri, & auferam cor lapideum de carne vestra, & dabo vobis cor novum.* Ex quibus verbis infert Aug. lib. 1. contra duas epist. Pelagianorum cap. 20. actum pœnitentiæ fieri ex gratia: ergo &c. Confirmatur omnibus illis testimoniis, in quibus à Deo petimus, ut nos convertat: ea enim salutaris conversio fit per gratiam ex Christi meritis habitam, ut definit Trid. cit. num. 259. quod priùs docuerat Hier. ad illa Jeremiæ verba cap. 31. *Converte me, & convertar, quia tu Dominus Deus meus: postquam enim convertisti me, egi pœnitentiam.* Tum, & Coelestinus Papa in ep. ad Episcopos Galliæ cap. 11. quod & Ecclesia in plurimis orationibus sæpè repetit, dicens: *Per Christum Dominum nostrum: ergo &c.*

377. Prob. tertio ex Conciliorum definitione-

tionibus requiritur gratia , sive inspiratio Spiritus Sancti ad talem actum eliciendum : ergo &c. Probatur Antecedens ex Arausicano 2.can.4. *Si quis , ut à peccato purgemur, voluntatem nostram Deum expectare cõtendat ; non autem ut etiam purgari velimus per Sancti Spiritus infusionem , & operationem in nos fieri confitetur , resistit ipsi Spiritui Sancto per Salomonem dicenti : præparatur voluntas à Domino , & Apostolo salubriter prædicanti : Deus est , qui operatur in nobis , & velle , & perficere pro bona voluntate . Tum etiam can. 7. Si quis per naturæ vigorem bonum aliquod , quod ad salutem pertinet vitæ æternæ , cogitare , ut expedit , aut eligere , sive salvari , idest evangelizanti prædicationi consentire posse confirmat , absque illuminatione , & inspiratione Spiritus Sancti , qui dat omnibus suavitatem in consensiendo , & credendo veritati , hæretico fallitur spiritu , non intelligens vocem Dei in Evangelio dicentis : sine me nihil potestis facere , & illud Apostoli : nunquid idonei sumus cogitare aliquid à nobis , quasi ex nobis , sed sufficientia nostra ex Deo est : ergo . Confirmatur primò ex Trid. cit. n. 274. requirente gratiam ad eliciendum actum salutarem penitentiae , non*

*De Pœnit. Pars I.**D d**mi-*

minùs quàm ad eliciendum actum fidei : sed ex hoc actus fidei salutaris est intrinsecè supernus: ergo & actus pœnitentiæ salutaris. Confirmatur secundò ex Arausicano 2. can. 25. *Prædicare debemus, & credere, quod per peccatum primi hominis ita inclinatum, & attenuatum fuerit liberum arbitrium, ut nullus postea, aut credere in Deum, aut operari propter Deum, quod bonum est, possit, nisi gratia eum, & misericordia divina prævenierit: ergo &c.*

378. Respondebis: ad actum contritionis, sive salutaris pœnitentiæ non requiri, quod sit intrinsecè supernaturalis, sed satis esse, quod sit supernaturalis extrinsecè, prout talis denominatur ab acceptatione divina, vel à gratia justificante, quâ informatur. Hoc est totum adversariorum fundamentum. Contra tamen primò: Arausic. & Trident. clarè definiunt, non solùm requiri gratiam ad eliciendum eos actus fidei, dilectionis, & pœnitentiæ collectivè sumptos, sed etiam ad eliciendum unumquemque eorum, sicut oportet, aliter fieret contra Concilia, non esset de fide, opus esse gratiâ ad ita credendum, ad ita amandum, aut ad ita pœnitendum: Sed ex eo, quod sit necessaria gratia

tia ad eliciendum actum penitentiae salutarē, talis actus, utpote viribus naturæ non potens elici, est intrinsecè supernaturalis: ergo, &c.

379. Contra secundò, & explicatur vis hujus argumenti. Si actus poenitentiae salutaris, quoad omnia sua intrinseca, esset naturalis, solùmque diceretur esse supernaturalis per acceptationem extrinsecam Dei, sive quod idem est, quia acceptatur à Deo, exinde fieret, quod ad talem actum eliciendum non requireretur Spiritûs Sancti inspiratio, ejusque speciale adjutorium: sed hoc est contra Tridentinum num. 374. ergo, &c. Probat-ur Ma. Homo potest suis viribus elicere illum actum, & quidquid intrinsecè in illo est, cùm totum id sit purè naturale, ac proindè ad hoc non requiritur illa inspiratio, vel adjutorium. Rursus postquam homo suis viribus elicuit talem actum, Deus sua voluntate gratuita potest illum acceptare; atqui ad hanc acceptationem non est necessaria inspiratio, vel adjutorium Spiritûs Sancti, cùm ea acceptatio non sit operatio hominis, ad quam auxilia requiruntur, sed est sola Dei voluntas extrinsecùs acceptans: ergo, neque ratione actûs, neque ratione denominationis

desumptæ ab acceptatione divina, requiretur illa Spiritûs Sancti inspiratio, & speciale adjutorium. Idem fit argumentum pro informatione gratiæ sanctificantis: nam hæc solùm consistit in infusione habitualis gratiæ, quæ sanctificando personam, morali quodam modo, dignificat, & sanctificat actum, ac proinde ad talem informationem nihil novi operatur homo, sed passivè se habet, supposita priori efficientia actûs: ergo si actus est intrinsecè naturalis, neque ad eliciendum actum, neque ad illius informationem, erit necessaria gratia excitans, vel adjuvans. Exinde

380. Contra tertiò: vel actus pœnitentiæ salutaris acceptatur à Deo, seu informatur gratiâ, quia supernaturalis est; vel è converso; ideò tantùm est supernaturalis, quia acceptatur à Deo, & informatur gratiâ? Si primum: ergo supernaturalitas actus non consistit in sola acceptatione, vel informatione extrinseca, sed in natura intrinseca actus prævi ad acceptationem, & informationem. Si secundum: ergo ad eliciendum talem actum, necessaria non est gratia excitans, vel adjuvans: quòd manifestè pugnat contra Concilia superiùs allata. Contra quartò.
Non

Non minùs requirit Trident. gratiam, ad eliciendum actum poenitentiae, quàm actum fidei salutaris, ut constat ex num. 374. atqui actus fidei salutaris, non dicitur pendens à gratia à posteriori, quatenus supervenit gratia acceptans, & informans, sed quatenus necesse est, quod præcedat gratia, ut ipse actus eliciatur: ergo eodem modo pendet à gratia actus poenitentiae salutaris, adeoque non minùs, quàm actus fidei erit intrinsecè supernaturalis. Probatur Mi. ex Arausicano can. 25. dicente: *Gratiâ salvi facti estis per fidem, & hoc non ex vobis; Dei enim donum est. Et quod de se ipso ait Apostolus: Misericordiam consecutus sum, ut fidelis essem: non dixit, quia eram, sed ut essem: ergo, &c. Ex dictis.*

381. Fit primò: non sufficere ad valorem sacramenti attritionem purè naturalem, explicatam num. 170. Ratio est, quia forma justificans est intrinsecè supernaturalis; attritio autem, cùm sit dispositio ad talem formam, debet esse ad illam proportionata; nulla quippe esse potest dispositio ad ullam formam, quæ cum illa non habeat proportionem: hæc autem proportio inter alia exigit supernaturalitatem, ut ex adductis Scripture,

& Conciliorum testimoniis , satis constat . Quapropter Innocentius XI. inter propositiones, quas damnavit , attinentes ad Sacramentum Pœnitentiæ , damnavit 57. quæ sic habebat : *Probabile est, sufficere attritionem naturalem modò honestam .* Quid autem sit ens supernaturale , prout à naturali distinctum ? hoc opus , hic labor . Non enim est facile breviter definire, est quidem negotiũ magni moliminis apud Theologos, pro quo plures valdè insudarunt, & magna volumina impleverunt . Nihilominus ne rem adeò celeberrimam insalutatam relinquamus ; quæ latius olim tradidi , paucis modò illationibus comprehendam , quæ satis sint ad explicandos terminos, & ad rem abstrusissimam, non absque aliqua claritate enodandam ; pro quo

382. Fit secundò : Distinctivum entis naturalis à supernaturali theologico desumendum esse ex doctrina Conciliorum, & Patrum . Ratio est , quia licèt vox ista *supernaturale* , originem debeat scholis, & auctoritatem Sanctis Patribus scholæ stylo loquentibus, præsertim Cyrillo Alexandrino , ut constabit num. 389. Tum etiam Pio V. &

Gre-

Gregorio XIII. in Bulla contra Bajum citatum. 360. secundum, quod sæpiùs definierunt Arausicanum, & Milevitanum; vocis tamen significatum eò tendit, ut ordo creatus gratiæ intrinsecè conducens ad Dei possessionem, sive ad regnum Cœlorum, & vitam æternam, in Sacra Scriptura, Conciliis, & Patribus nobis expositus, contradistinguatur ab ordine naturæ: unde aggregatum, & ordo rerum creatarum, contradistinctum ab eo ordine gratiæ, vocari debet natura theologicè sumpta; quidquid autem extra illud habet esse creatum, cum per se conducat ad illū ordinem gratiæ, sive visionis beatificæ, & est, & vocari debet ens supernaturale theologicum. Cæterum quamvis hæc, primo quasi intuitu, satis clara conspiciantur, sunt & multæ, & non leves difficultates, quibus tota hæc perspicuitas obscuratur:

383. Ratio est, quia in aggregato, & ordine rerum creatarum, per se non pertinentium ad ordinem gratiæ, aut visionis beatificæ, reperiuntur plura entia supernaturalia: etenim qualitas torquens animas in Inferno est supernaturalis, & tamen per se, neque disponit, neque conducit ad gratiam.

Sic etiam resurrectio mortui , curatio cæci nati, volatus hominis per aëra supernaturalia sunt, nec tamen conducunt per se ad ordinem gratiæ: Sic etiam casu, quo Deus revelaret Petro, nullum sibi dandum auxilium conducing ad ordinem gratiæ; & Petrus per actum fidei crederet Deo revelanti, talis actus fidei esset supernaturalis, quin per se ad ordinem gratiæ conduceret: unde aggregatum rerum creatarum per se non pertinentium ad ordinem gratiæ, continet plura entia supernaturalia, adeoque tale aggregatum nequit esse natura theologicè sumpta, supra quam debeat esse ens supernaturale. Cum ergo ens supernaturale debeat esse supra naturam, quid intelligitur pro natura? quid pro ente supernaturali?

384. Explicatur ulterius maxima hujus rei difficultas: nam pro natura nequit intelligi aggregatum omnium rerum de facto creatarum: est enim de fide, inter res de facto productas esse aliquas supernaturales. Rursus pro natura nequit intelligi natura hominis, aliter quidquid vires hominis excedit, esset supernaturale, adeoque cum homo volare nequeat, & avis possit volare, vola-

volatus avis esset supernaturalis, tum etiam Angelus excedens hominem supernaturalis esset, quod est absurdum. Pariter nequit pro natura intelligi Angelus; aliter quidquid excederet vires Angeli esset supernaturale, adeoque sensatio, generatio, & id genus alia, ad quæ est impotens Angelus, essent superna: tum etiam quæcumque creatura possibilis perfectior Angelo esset supernaturalis, quod absurdissimum est, cum intra naturæ ordinem habeat Deus infinitas creaturas possibiles Angelo perfectiores: imò supernaturalitas non est metienda cum perfectione rei entitativa: perfectio enim entitativa, & physica Angeli, quinimò & perfectio entitativa hominis, major est perfectione physica, & entitativa auxilii gratiæ, sive ipsius gratiæ habitualis, ut defendunt Vazquez, Fonseca, Ripalda, Arriaga, pluresque theologi: cum homo, & Angelus possint Deum possidere; secus gratia habitualis. Exim, autem Doct. lib. 6. *De gratia* cap. 13. nu. 12. ait, rem hanc sibi incertam esse: cum autem non sit incertum, sed omninò certum, dari ens supernum; non quidem ex perfectione physica, sed ex alio capite ostendendum est, quid, & quale sit.

fit. Ex quo crescit difficultas in decernendo, quid sit natura, intra quam non continetur ens supernum, & quid sit ens supernum, quod continetur extra, & suprâ naturam.

385. Pro clara, & solida decisione, in nitendo semper doctrinâ Scripturæ, Conciliorum, & Patrum, judico distinguendum esse duplex ens supernaturale, alterum philosophicum, & alterum theologicum. Ens supernaturale philosophicum, quod præternaturale vocatur ab Eximio Doctore lib. 8. *De Angelis* cap. 14. num. 48. est illud, quod advenit rei creatæ, aut contra, aut suprâ suam exigentiam, in circumstantiis, in quibus effectus per se non conducens ad ordinem gratiæ, specialitèr tribuitur causæ primæ, ad eum modum, quo tribuuntur causæ primæ opera miraculosa. Sic restituere visum cæco, vitam mortuo, & id genus alia, sunt philosophicè superna. Quinimò cum hæc in duplici differentia sint miraculosa: alia enim sunt miraculosa quoad modum, & alia quoad substantiam; ea de causa sunt in duplici differentiâ entia supernaturalia philosophicè sumpta; alia quidem superna quoad modum, & alia superna quoad substan-

stantiam , ut ex philosophia satis notum suppono . Unde cùm effectus, qui posset provenire in aliis circumstantiis à causis secundis applicatis ad operandum , modò ab illis non proveniat , sed specialitèr à causa prima; exinde , quamvis in aliis circumstantiis talis effectus non diceretur supernaturalis philosophicè; in his autem circumstantiis est philosophicè supernus; tum etiam & ipsa approxinatio causarum , quotiescumque est miraculosa , est etiam philosophicè superna. Quapropter natura philosophicè sumpta cōprehendit omnes causas creatas , juxta regularem suum modum, cum universali Dei concursu, operantes; Ens verò philosophicè sumptum est supra talem modum operandi causarum . Exinde si aliquid reverà non esset miraculosum , sed appareret solùm miraculosum ; pariter neque esset reverà philosophicè supernum , sed appareret solùm philosophicè supernum .

386. Ens verò supernaturale theologicum est donum creatum, intrinsecè pertinens ad intuitivam visionem , sive ad intimam Dei possessionem , vel identicè , ut ipsa visio, & amor beatificus ; vel ordinativè , ut auxilia,
habi-

habitus per se infusi, actus meritorii, & id genus alia; vel proprietativè; sicut enim ens naturale habet suas proprietates naturales, ita ens supernaturale habet suas proprietates. v. g. actus illi connexi cum visione beatifica, tãquam proprietates ipsius, characteres sacramentales, qui ut veri sacramentorum effectus, connectuntur ex intrinsecis suis cum sacramentis, ut operantibus ad vitam æternam, si ex parte suscipientis non deficiant, ut latè constat ex toto tractatu *De sacramētis*. Unde ens creatū, quod ex intrinsecis suis non conducit ad vitam æternam, neque identicè, neque ordinativè, neque proprietativè, non est ens supernaturale theologicum, sed de constitutivo naturæ theologicè sumptæ: natura enim theologicè sumpta est aggregatum rerum creatarum ex intrinsecis suis non pertinentibus ad intuitivam visionem, sive ad intimam Dei possessionem.

387. Ratio fundamentalis est: quia sensus, quem habent verba Scripturæ, Pontificum, Conciliorum, & SS. PP. circa ens supernaturale theologicum, eò tendit, ut sciamus, ens supernaturale theologicum esse naturæ indebitum, & pertinere ex intrinsecis suis

suis ad visionem, sive intimam Dei possessionem, hoc est ad gloriam, & vitam æternam: atqui in re dogmaticâ nobis non licet sumere voces in alio sensu, quàm in sensu, quem habent in Scriptura, Conciliis, & SS.PP. ergo &c. Conseq. tenet, & Mi constat ex 6. Synodo generali act. 12. dicente: *omninò necesse est, non solum secundum sensum sequi SS.PP. dogmata, sed iisdem vocibus uti cum illis, nihilque pœnitùs innovari.* Ma: verò probatur ex Arausic. can.7. definiente, ens supernaturale non posse haberi per naturæ vigorem, quod his verbis exprimit: *Si quis per naturæ vigorem bonum aliquod, quod ad salutem pertinet vitæ æternæ cogitare, ut expedit, &c. ut habetur num. 377. ubi pro eodem sumitur ens intrinsecè supernaturale, ac intrinsecè pertinet ad vitam æternam.* Id ipsum explicant Milevitanum, Moguntinum, & Tridentinum per ea, quæ repetunt verba, *prout oportet, id est, prout conducit ad vitam æternam, ut notavit Exim. Doct. disp. 3. de pœn. sect. 6. Sic etiam Fulgent de Incar. & grat. cap. 21. Nemo sine gratia aliquid boni potest velle, quod pertinet ad vitam æternam: quod priùs jam etiam dixerat cap. 16. & 19. Tum etiam Aug. lib. 4.*

lib.4. contra Julianum cap.3. Supernaturalia dona explicans, ait: *per quæ solùm potest homo ad æternum Dei donum, regnumque perducì. Et S.Thom. 1. 2. quæst. 109. art.2. ad primum, explicans excessum charitatis supernaturalis à naturali, ait: Charitas diligit Deum super omnia eminentiùs, secundùm quod est objectum beatitudinis, & secundùm quod homo habet, supernaturalem quandam conjunctionem cum Deo: ergo &c. Exinde.*

388. Fit tertio: repugnare substantiam creatam intellectivam, aut volitivam intrinsecè, & theologicè supernaturalem. Ratio est, quia substantia creata intellectiva, aut volitiva, si esset intrinsecè supernaturalis, ex intrinsecis suis ordinaretur ad Dei possessionem, cùm conceptus iste sit de essentia entis supernaturalis, ut constat ex num. 386. adeoque cum aliunde sit capax possidendi Deum per intuitivam visionem, & amorem beatificum, non esset supra conditionem suæ naturæ ita possidere Deum: atqui ita possidere Deum est supra conditionem cujuscunque naturæ creatæ: ergo &c. Prob. Mi: Quæcumque natura rationalis creata essentialiter est serva Dei, & Deus essentialiter est Dominus

cujuscumque creaturæ; visio autem intuitiva Dei est hæreditas propria filii, ut constat ex Paulo ad Rom. 8. *Si autem filii & hæredes: hæredes quidem Dei, cohæredes autem Christi.* Quam hæreditatem in visione intuitiva reponit Apostolus 1. Cor. 13. dicens: *Videmus nunc per speculum in enigmate, tunc autem facie ad faciem:* atqui ex ipsis terminis implicat, quod servus, ut talis ex intrinseca natura sua exigat, & habeat jus ad possessionem Domini propriam filii, & quod tale ens non sit supernaturale, sive supra conditionem servi, ut servi: ergo &c. Ex quo præoccupata manent, quæ opponit Ripalda disp. 23. de supernaturalitate sect. 4. & plures recentiores ex ipso: nulla quippe fieri potest paritas ex substantia irrationali, v.g. unione hypostatica, quia natura irrationalis, sicuti est incapax servitutis, & amicitiae cum Deo, ita est incapax videndi Deum, illumque intuitivè possidendi, adeoque cessat ratio, ob quam rationalis creatura esse non potest intrinsecè supernaturalis.

389. Confirmatur primò ex Aug. lib. 12. de Civit. Dei, cap. 1. dicente: *Non est creatura rationalis, vel intellectualis bonum, quo beata fit;*

fit ; nisi Deus . Itaque quamvis non omnis beata possit esse creatura : neque enim hoc munus adipiscuntur , aut cupiunt feræ , ligna , saxa , & si quid hujusmodi est , ea tamen , quæ potest , non ex se ipsa potest , quia ea nihilo creata est : ergo ipse titulus creaturæ præfert secum non ordinari ex intrinsecis suis ad possidendum Deum . Confirmatur secundò ex Cyrillo Alex. lib. 1. in Ioan. Evang. cap. 13. dicente . Ascendamus igitur ad supernaturalem dignitatem per Christum : non ut propriè sicut ille , sed ut similitudine illius per gratiam filii Dei simus : verus enim ille filius Dei Patris est ; nos verò misericordiâ ejus adoptati per gratiam audiivimus : ego dixi : Dii estis . Creatura autem cùm serva sit , natu solùm , & voluntate Patris ad supernaturalia vocatur : ergo ratio servitutis essentialis creaturæ rationali impedit , ne ex natura sua ordinetur ad ita possidendum Deum , ac proinde ne sit intrinsecè ; & theologicè supernaturalis . Vide ipsum Cyril. cap. 8. propè medium .

390. Confirmatur tertiò ex Pio V. & Gregor. XIII. damnantibus has Michaëlis Baji propositiones, quarum 22. sic habebat:
Humana naturæ sublimatio , & exaltatio in

con-

consortium Divinae naturae, debita fuit integritati primae conditionis, & proinde naturalis dicenda est, & non supernaturalis 24. Absurda est sententia eorum, qui dicunt, hominem ab initio dono quodam supernaturali, & gratuito super conditione naturae fuisse exaltatum, ut fide, spe, & Charitate Deum supernaturaliter coleret: 25. A vanis, & otiosis hominibus secundum insipientiam philosophorum excogitata est sententia: hominem ab initio sic constitutum, ut per dona naturae superaddita fuerit largitate Conditoris sublimatus, & in Dei filium adoptatus: 27. Integritas primae conditionis non fuit indebita humanae naturae exaltatio, sed naturalis eius conditio. 34. Distinctio illa duplicis amoris; naturalis, ut quo Deus amatur, ut author naturae; & gratuiti, quo Deus amatur, ut beatificator, uana est, & commentitia, & ad illudendum Sacris litteris, & pluribus Veterum testimonijs excogitata. 62. Illa quoque distinctio, quae opus dicitur bifariam bonum, vel quia ex objecto, & omnibus circumstantiis rectum est, & bonum, quod moraliter bonum appellari consuevit; vel quia est meritorium praemii aeterni, eo quod fit à vivo Christi membro per spiritum Charitatis, reiicienda putatur. Ex quibus patet, Ens supernaturale theologicum esse

se naturæ indebitum, & exaltativum illius, conducens ex intrinsecis suis ad uitam æternam, sive ad intimam Dei possessionem: ergo.

391. Fit quartò: Ens supernaturale Theologicum excedere appetitum naturæ rationalis innatum, non verò naturalem elicatum effectivè inefficacem; neque connexionem naturæ, in sententia aliquorum, quoad esse possibile; benè verò quoad esse actuale: Ratio eorum est, quia connexio cum termino, præcisè ut possibili, non impedit, nè talis terminus sit donum omninò gratuitum, si conferatur; connexio verò naturæ cum termino, ut actuali, impediret, ne esset donum omninò gratuitum, si naturæ conferretur; adeòque impediret, ne esset supernaturale. Qua de causa Ens supernaturale Theologicum excedit vires inductivas naturæ rationalis tam phycas, quàm morales, sicque apertè est suprà naturæ ordinem. Vndè si principium supernaturale produceret actum aliquem naturalem, actus non haberet connexionem cum eo principio, sed posset elici ab alio principio purè naturali: actio verò cum eo principio connexa esset supernaturalis, licèt connecteretur cum termino naturali; actio enim

enim supernaturalis connecti potest, & exigere ex intrinseca natura sua terminum naturalem, non è contra: Sic unio hypostatica ex natura sua exigit Humanitatem; Humanitas verò ex natura sua nequit exigere unionem hypostaticam. Fit quintò: Ens supernaturale Theologicum comprehendere sub se plura entia creata, secùs prædicata divina: Ratio est, quia vocis significatum extendi non debet ultrà instituentium intentionem: atqui ex Pontificibus, Conciliis, & PP. supra adductis vox ista *supernaturale* in sensu Theologico instituta est ad significandum ea entia, quæ naturales vires, & iura excedunt, naturamque elevant ad certum gradum se habendi, aut vivendi planè gratuitum, simulque sunt dona à Divina Uoluntate stricte pendentia, quæ procul sunt à Divinis prædicatis: ergo &c. Videatur Ruiz de Montoya disput. 29. de Provid. sect. 2. num. 22., ubi 50. colligit loquendi modos ad significandam supernaturalitatem Theologicam, ex Concilijs, & PP. enti creato purè convenientibus: v. g. dona Spiritûs Sancti, infusio bonorum, promissa pretiosa, inspiratio, illustratio, & id genus alia.

392. Fit sextò: Deum non vocari Ens supernaturale cum ea restrictione, aut philosophicè, aut theologicè; cùm ejusmodi restrictiones contrahant illud ad ens creatum ex dictis: etehim, ut ait Ex D. Tract. de Angelis cap. 28. n. 1. Deus excellentiori modo est supra naturam omnis creaturæ, sive absolutè absque ulla restrictione supernus. Qua de causa aptiùs vocatur auctor naturalis, & auctor supernaturalis: naturalis quidem in ordine ad dona naturalia, actusque naturales; Supernaturalis verò in ordine ad dona supernaturalia, & actus supernaturales: cùm autē eadem realis, & virtualis Omnipotentia Uirtus, quā Deus constituitur author naturalis, sit etiam virtus, quā constituitur author supernaturalis, effectus creati, qui cōnectuntur cum auctore naturali, connectuntur etiam cum supernaturali; secus autem inter se effectus naturalis cum supernaturali: nam effectus ex intrinsicis suis non conducens ad vitam æternam existit absque dependentia ab effectu ex intrinsicis suis ad vitam æternam conducente: Sic visio humana existit absque dependentia ab auditione, & è contra; quamvis ab eodem homine utraque pendeat, idem-
que

que evenit in omnibus effectibus disparatis, ab eodem indivisibili principio procedentibus. Ex quibus omnibus patet, attritionem, seu contritionem sufficientem ad valorem Sacramenti, non solum esse honestam, sed etiam theologicè supernaturalē, cum ex intrinsicis suis conducat ad justificationem, sive ad intuitivam visionem, intimamque Dei possessionem.

S E C T I O I I.

Solvuntur Opposita.

§. I.

393. **O** Bjic. primò, contra primam Assertionem ex Hæreticis. Qui ex solo metu Gehennæ dolet de peccatis, peccat: ergo attritio ex metu Gehennæ non est actus honestus. Probatur Antecedens ex Augustino dicente, quod si fur desinat furari, ex eo solum quod videtur, furti est conscius: ergo similiter qui dolet de peccato, & desinit peccare, ex eo solum, quod timeat Gehennam, peccati conscius est. Confirmatur primò. Attritio pura ex metu Gehennæ est actus, quo

E e 3

quis

quis magis dolet de pœna , quàm de culpa ; ergo est actus vitiosus . Confirmatur secundo . Attritio pura ex metu Gehennæ includit virtualiter hunc affectum : *peccata non detestarer , si nulla eis esset imposita pœna* ; ergo est vitiosa . Confirmatur tertio . Dolor ex timore mundano non est honestus ; ergo neque dolor ex timore servili , qualis est attritio ex metu Gehennæ . Confirmatur quarto . Attritio non est actus virtutis : ergo neque actus honestus .

394. Respondeo , nego Antecedens : ad probationē , nego Consequentia : Nam D. Aug. dum ait , quod si fur desinit furari , ex eo quod videtur , peccati est conscius , supponit , quòd talis fur habeat intentionem furandi , & quod retineatur solùm ab externa executione ex timore aliorum ; at verò , qui detestatur peccatum propter pœnas Inferni , non retinet amplius voluntatē peccandi : ad fugiendum enim Infernum coram Deo , qui scrutatur corda , non satis est abstinere ab opere externo , si adest peccatum internum , adeoque attritio , de qua loquimur , non solùm est impossibile cum peccato externo , sed etiam cum interno , ac proindè excludit omnem voluntatem

tatem peccandi, ut ex toto tractatu satis constat, & docet August. cit. num. 372. Ad primam Confirmationē, distinguo Antecedens: magis dolet de poenā appretiatiuē, sive præferendo malum poenæ malo culpæ, nego, non appretiatiuē, sed per affectum rectum compossibilem cum actu, quo magis doleat de culpa, quàm de poena, transeat Antecedens, & nego Consequentia, quia huiusmodi actus non est vitiosus, sed virtuosus, ut clarè constat ex num. 344. & 348.

395. Ad secundam Confirmationem, nego Antecedens: attritio enim excludens omnem voluntatem peccandi, & compossibilis cum contritione perfecta, qualis est ista, de qua agimus, nequaquam præferet illam tendentiam conditionalē peccandi, si non esset poena: imò potiùs illā excludit ex n. 233. Ad tertiam Confirmationem, nego Consequentiam, quia pro timore mundano intelligitur timor creaturæ, cuius affectu non veretur homo offendere Deum; qui quidem timor non tollit affectum peccandi, sed potiùs est causa peccati, adeòq; est malus; timor verò servilis, quem attritio vera præferet, est timor Dei, quē homo timet offendere metu poenæ, quā Deus peccatis in-

fligit; qui cum peccato, & affectu peccandi incompossibilis est, adeoque non est pravus, sed honestus. Ad quartam Confirmationem, nego Consequentiam: quia licet attritio se sola non sit actus virtutis exigentis formari charitate, est actus virtutis disponens ad habendam charitatem, ut constat ex num. 341. adeoque ex intrinsicis suis est naturæ, ut rationali conformis, & exinde virtuosus ex num. 12.

396. Objic. secundò ex Iansenio, Lupo, & Lovaniensibus: Attritio ex metu Gehennæ retinet intus voluntatem peccandi, & solum reprimat ab opere externo ob timorem gehennæ: ergo est vitiosa. Probatur Antecedens ex August. tract. 9. in Epist. Ioan. ubi peccatores, ita timentes, atque à peccato ita abstinentes, comparat adulteræ, quæ habens animû adulterandi, abstinet solum ab opere, timens, ne à marito deprehendatur, & seuerè puniatur; vel Lupo invadenti ovile, metuque canum, & pastorum recedenti, sine præda quidem, sed non sine affectu auferendi, si potuisset: ergo talis attritio de metu gehennæ retinet interiùs voluntatem peccandi. Confirmatur primò ex Augustino, qui timorem servilem distinguit à filiali pœnès foedum animum, quo
quis

quis à conspicuis, idest externis peccatis, ob annexi illius mali poenalis metum abstinet; sed timor gehennæ est timor servilis: ergo solum abstinet à peccatis conspicuis, sive externis, secus autem ab internis.

397. Confirmatur secundò. Iuxta omnes Philosophos: *metus causat involuntarium*: & ea, quæ aguntur purè ex metu, secundum se spectata, sunt involuntaria, esto prout hic, & nunc aguntur, sint voluntaria, sicque evadunt mixta ex voluntario, & involuntario, adeoque ea, quæ ex puro metu fiunt, hunc sibi actum habent conjunctum: *nollem hoc facere, nisi mali impendentis metu cogerer*: ergo, qui proponit servare mandata ex puro metu gehennæ, involuntariè proponit, & hunc animū necessariò habet conjunctum: *Non proponerem, nec mandata servarem, si Infernus non esset; vel nisi metus Inferni cogeret*: qui quidem actus, ut ex terminis constat, malus est.

398. Resp. nego Antecedens. Ad probat. distin. Antecedens: Comparat adulteræ peccatores timentes poenam infligendam à Iudice, secreta cordis ignorante, concedo, poenam infligendam à Deo secreta cordis vidente, nego Antecedens, & Conseq. Ratio est, quia Augusti-

gustinus, quando agit de timore servili veræ attritionis, quando homo abstinet à peccato, ne incurrat pœnam infligendam à Deo secreta cordis vidente, clarè fatetur, illum rectè timere, eumque timorem esse bonum, & excludentem omnem voluntatem peccandi ex num. 372. Quando verò agit de timore servili malo, agit de eo, quo quis abstinet ab opere externo, ne incurrat pœnam ab hominibus: cùm autē propter peccatum internum talem pœnam non incurrat, ea de causa retinet affectum pravum internum, & ille timor est malus: Sed quid exindè ad rem præsentem? Planè huiusmodi argumentatio, non solùm contra Augustinū, & contra testimonia Scripturæ, & Conciliorum adducta militat; verùm etiā contra ipsum lumen naturæ: timor namque efficax pœnæ necessariò apponit media, quibus pœna vitatur: adeòque carentiā actionum, ob quas pœna incurritur: cùm autem vitatio peccati externi sit medium ad non incurrendam pœnam infligendam ab homine, secūs autem vitatio peccati interni, ea de causa talis servilis mundanus timor solùm removet peccata externa, secūs autem interna: ad fugiendam verò pœnam infligendam à Deo, non

non solum requiritur vitatio peccati externi, sed etiam interni, adeoque talis timor servilis Dei non solum vult vitare peccata externa, sed etiam interna. Exinde.

399. Ad primam Confirmat. distin. Ma: timorem servilem mundanum, omitto, servilem efficacem erga Deum, nego Ma; & distin. Mi: nego Conseq. quæ omnino falsa est ex num. superiori. Ad secundam Confirmat. dist. Antecedens, causat involuntarium, eumque actum conditionatum aliquando, omitto; semper, aut in nostro casu præstat utrumque, nego Antecedens, & Conseq. Explico solutionem. Quando intervenit metus libertatem non evertens, potest homo operari, vel contra metum, vel iuxta metum: v.g. potest committere peccatum non obstante metu Inferni, & hoc est operari contra metum, vel potest abstinere ratione metus à peccato, & hoc est operari iuxta metum. Aliquando verò evenit, ut intercedente metu velit homo efficaciter id, ad quod inclinat metus, licet habeat volitionem inefficacem oppositam: v.g. quando mercator projicit merces in Mare propter metum submersionis in tempestate, habet volitionem efficacem projiciendi merces, & ineffi-

inefficacem retinendi, & tunc projectio à voluntate efficaci projiciendi dicitur simpliciter voluntaria, & ab inefficaci opposita dicitur secundùm quid involuntaria, adeòque mixta ex voluntario, & involuntario. Pariter qui non obstante metu Inferni efficaciter peccat, quamvis ratione metus inefficaciter displiceat in peccato, elicit peccatum simpliciter voluntarium, & secundùm quid involuntarium, ac proindè mixtum ex voluntario, & involuntario. Cæterùm si volitio illa inefficax sit absolutè libera, simulque sit affectus conditionatus faciendi oppositum, si non esset metus, si illud oppositum sit peccatum, talis volitio re ipsa est formale peccatum.

400. Quando verò nulla datur volitio inefficax ad oppositum, sed solùm datur volitio efficax operans iuxta metum, sicuti regulariter Christiani dolent de peccato ex solo metu Inferni, absque aliquo actu amoris ad peccatum, & absque actu nolitionis talis doloris, actus attritionis, quem habent, non est ullo modo involuntarius. Sic viri cordati, famæ, ut par est, consulentes, consideratâ sola infamiâ ex furto proveniente, à furto abhorrent, quin tamen foveant in animo affectum ullum

ullum furandi, si non esset infamia. Quinimò (quod notare maximè oportet) volitio inefficax metui opposita non causatur ab eo metu, sed ab alio comitante. Sic quando ex metu tempestatis aliquis, ne submergatur, projicit merces in Mare cum voluntate inefficaci, quâ nollet projicere, voluntas illa inefficax retinendi, & non projiciendi merces non causatur à metu submerfionis, sed ab alio metu paupertatis, & damni in projiciendo merces. Undè timor poenæ Inferni non causat involuntarium, sed timor amittendi propriū commodum, & præsentem voluptatem, aut quid simile: Qua de causa cessante alio contrario motivo, potest actus esse omninò voluntarius, absque mixtione involuntarii; sicuti est in illo, qui ex timore infamiæ furari non vult, quin habeat ullam volitionem furandi, si non esset infamia.

401. Ratio à priori horum omnium est, quia poena, quæ timetur, v.g. Infernus, mors, aut infamia, allicit, & impellit voluntatem ad absolutam nolitionem furandi, eo quod malum illud furto incurrat; non autem allicit ad volitionem furandi, si abesset periculum illius mali, nec ad hanc volitionem inducendam habet

habet ullam proportionem: quia actus ille conditionatus, nec necessarius, nec utilis est ad evitandam illam pœnam, adeoque quando elicitur, aliundè provenit, quàm ex eo metu. Undè licèt dùm voluntas operatur ex metu injusto, vel sibi involuntario impellente, possit esse, & sæpè adfit voluntas in oppositum conditionata, nimirum si proponatur ab intellectu aliud huius voluntatis motivum: at cùm contingens sit, quod hoc aliud motivum proponatur, exindè evidentè apparet, opus non esse, ut sit volitio contraria, eamque, cum adest, non sequi ex eo metu, iuxta quem quis operatur, sed ex alia causa, & motivo.

402. Rursus (quod maximè nota) quando quis efficaciter operatur iuxta metum, nūquam subsequi potest volitio opposita secum afferens malum, quod efficaciter à voluntate vitatur; aliter voluntas efficaciter vellet illud malum vitare, & efficaciter vellet illud malum incurrere; quod in ipsis terminis evidenter implicat. Quapropter cùm quis ex timore gehennæ efficaciter detestatur, & fugit pœnam gehennæ, cohibet voluntatem ab omni eo, quo incurritur pœna gehennæ. Cùm autem pœna gehennæ incurratur per voluntatem

tatem conditionatam, quâ diceret; *Si non esset gehenna, peccarem*, eâ de causâ illa volitio efficax ex timore gehennæ cohibet, & excludit talem voluntatem conditionatam, adeoque excludit omnem voluntatem peccandi, ut constat ex Trident. adducto sess. 14. cap. 4. Nec video quomodo Adversarii oppositum concipere possint, nisi destituti sint istis principiis lumine naturæ notis, in Philosophia, & Theologia æquè firmissimis: laborant enim plures hac ingenti æquivocatione, rem rudi Minerva decidentes, & tanquam veritatem per se notam admittentes istam propositionē: *Metus causat involuntarium*, quæ si non explicetur, maximis erroribus viam aperiet.

403. Quapropter cū aliquis ex metu gehennæ efficaciter fugit poenam gehennæ, solum potest cum ea volitione efficaci componere oppositam inefficacem volitionem, quâ poenam illam non mereatur. Sic componi possunt propensio, & affectus indeliberatus erga res illas, quæ ex metu abdicantur: naturalis sensus, & displicentia doloris, qui ab earum rerum abdicatione efficitur. Hujusmodi enim animi motus indeliberati, cū sint omninò naturales, & in anima sentien-

tiente excitentur, sunt omninò, tùm culpæ, tùm laudis expertes: Sic viri Sanctissimi hujusmodi motus citrà omnem culpam in se ipsis experiuntur. Quis enim neget, homines pœnitentes, voluntarias corporis macerationes; Martyres verò, Cruces, patibula, equuleos ex naturali doloris sensu exhorruisse. Quinimò Paulus ipse profitetur ingenuè, Roman. 7. *Video autem aliam legem in membris meis repugnantem legi mentis meæ.* Equidem & Paulo custodia divinæ legis in rebus asperis, & martyribus cruciatus, graves, ac molesti erant, carnemque, & animam sentientem affligebant. Nemo tamen dixerit, ob eam molestiam animi, & angorem, viris illis Sanctissimis, & fidei defensionem, & in cruciatus perferendis constantiam non fuisse voluntariam, aut fuisse coniunctam cum voluntate peccandi, nisi majoris mali metus obstaret.

404. Hujusmodi quidem affectus naturales, & indeliberati erga res, quæ ex metu abdicantur, adeò longè abest, ut imputentur ad culpam, quin & occasio esse soleant, ut pœnitentiæ meritum augeatur; ad eum modum, quo Theologi communiter asserunt,

opera

opera externa occasionem esse, ut satisfactio-
nis vis, ac pretium augeatur: quia videlicet,
cùm voluntas ex metu à rebus jucundis absti-
net, ad quas magnam habet propensionem;
aut cùm malum aliquod subit, à quo maxi-
mè abhorret, major conatus adhibendus est
ad illam propensionem, eumque horrorem
coërcendum, atque ex eo mentis fervore, &
voluntatis contentione fit, ut opus Deo ma-
gis acceptum existat, eiusque Iustitia æqvio-
ra præmia solvat. Unde timor ille laudabilis
conjungibilis est cum vero Dei amore, &
perfecta charitate. Quinimò & imperare
potest perfectum charitatis actum, ut utilem
ad finem suum obtinendum ex dictis à nume-
ro § 5. adeòque nullam secum affert volunta-
tem peccandi ex dictis nu. 344. & 349. sed ex-
cludit quamcumque peccandi voluntatem,
ut requiritur ad veram attritionem, non mo-
dò quando est purè voluntaria, verùm etiam
quando est mixta ex voluntario, & involun-
tario, ut clarè patet ex dictis.

§. II.

405. Objicies tertiò, ex Lupo, alijsque
Lovaniensibus: qui ex metu operatur, non

tam vult operari, quàm fugere malum imminens, ad hoc enim operatur, ut malum illud fugiat: ergo qui ex servili metu operantur, vellent, quod nulla esset punitio, nullæ leges vetantes, & punientes, nulla Iustitia poenarum inflictiva, adeoque qui ex metu gehennæ proponit servare mandata, potius vult gehennam fugere, quàm rectè operari, affectumque habet, quo vellet nullam esse gehennam, nullas leges, nullam Dei Iustitiam poenarum intentatricem, quod malum est. Confirmatur: attritio ex metu gehennæ, quâ homo vult servare mandata, & Deum non offendere, non quia malum est Deo, sed quia timenti malum, est amor sui, & non Dei: sed amor sui, & non Dei præfert hominem Deo, quod malum est, eâque de causa amor sui radix est omnium malorum: ergo &c.

406. Resp. distinguo Antecedens: non tam vult operari modo, quo necessarium est ad fugiendum malum, quod timet, nego, modo, quo necessarium non est, concedo Antecedens, & nego Consequ., quia ad fugiendum gehennam necesse est fugere non solum opera externa, sed etiam volitiones peccaminosas

nosas internas: cùm autem illæ volitiones ab Adversarijs adductæ peccaminosæ sint, eas excludit timor, quo operamur ex metu gehennæ, ut constat ex dictis, & est expressa mens August. cit. num. 371. Ad Confirm. dist. Ma: est amor sui inordinatus, nego: ordinatus iuxta licitas rationis regulas, concedo Ma: , & dist. Mi: nego Conseq. Amor enim, quo aliquis sibi vult ea, quæ iuxtà rectas rationis regulas velle licet, & timet, quæ ita verè timenda sunt, nec malus, nec inordinatus, nec radix malorum est, sed honestus, & à Deo approbatus, ut constat ex num. 372. tunc quidem est malus, quando aliquis amat sibi, aut timet, quod iuxtà rationem rectam, Deique voluntatē, & præcepta amandum, aut timendum non est: talis autem timor quantum distet à vera attritione, nemo est, qui non videat. Imò, ut aiunt illi, qui Lutheri Sermonem de Pœnitentia, & Lipsicam disputationem legerunt, hæc omnia argumenta adducebat Lutherus contra Catholicos, ad probandum, attritionem esse vitiosam, ut exindè colligas, ex qua radice prodeant argumentationes adeò futiles: Videatur Maximilianus Ledent in Opusc. de attrit. ex metu gehennæ.

407. *Objicies quartò ex Castoriensi: At-
 tritio ex meru gehennæ non odit propriè, ne-
 que fugit peccatum, sed solùm odit, & fugit
 gehennam: ergo non est actus honestus in-
 composibilis cum peccato, sed vitiosus, se-
 cum afferens affectum ad peccatum. Pro-
 batur Antecedens. Illud non propriè odio
 habetur, quod non propter se, sed propter
 aliud odio habetur: Sic homines non pro-
 priè odio habentur, dum propter sua vitia
 odio habentur. Pariter via Lupis infesta non
 propriè horretur, dum nonnisi propter Lu-
 pos horretur: ergo horror, quo peccatum pro-
 pter Infernum exhorrescimus, non propriè
 peccatum, sed Infernum exhorrescit, adeò-
 que non odit propriè, neque fugit peccatum,
 sed Infernum, secumque retinet affectum ad
 peccatum. Resp. nego Antecedens: Ad proba-
 tionem distin. Antecedens: non propriè odio
 habetur, modo, quo necessarium est ad finem
 obtinendum, nego: modo, quo necessarium
 non est, concedo Antecedens, & nego Con-
 sequent. ex num. 402. hæc enim argumentatio
 magnam patitur æquivocationem, nec capio
 quomodò efformari possit, nisi ab ijs, qui in
 principiis Theologicis, & Philosophicis clau-
 dica-*

dicare velint : Incipiamus à philosophi-
cis.

408. Res nota est in Philosophia , quam
Tyrones , qui eam à limine salutarunt , non
ignorant ; duplex nimirum esse objectum ,
aliud materiale , aliud formale ; ita ut materia-
le verè , & propriè attingatur , quanquam
propter formale attingatur : nam licèt obje-
ctum formale , seu virtus illa , quæ primariò
mouet ad amorem , aut odium , sit aliquando
extra materiale objectum ; attamen ita deno-
minat illud vel physicè , vel moraliter , ut di-
gnum reddatur , vel amore , vel odio , sive
amplexione , vel fuga : Sic ægrotus medica-
mentum expetit propter sanitatem ; sanitas
verò non est forma physica , quæ medica-
mento inhæreat , sed quâ illud respicitur , &
denominatur vtile ad finem obtinendum , &
consequendam sanitatem : ea autem conve-
niens denominatio facit , ut desiderium ægro-
ti , simul in medicamentum , & in sanitatem
feratur ; in sanitatem quidem vt finem ; in me-
dicamentum verò , ut medium : adeoque eo
modo , quo necesse est ferri in illud ad finem
obtinendum : cum autem non sit necessa-
rium ad finem obtinendum , ferri in medica-

mentum, excludendo voluntatem conditionatam, quâ ægrotus dicat: non sumerem medicamentum, nisi timerem ægritudinem, sufficiatque ad finem obtinendum illud sumere, quamvis sit cum ista volitione conditionata, ea de causa intentio efficax talis finis non excludit eam voluntatem conditionatam.

409. Pariter qui efficaciter fugit viam, quia Lupis infestam, verè fugit viam, licet retineat illam voluntatem conditionatam, quæ non obstat ad finem intentum obtinendum: Voluntas autem fugiendi viam, in eo casu, solùm excludit voluntatem impossibilem cum consecutione finis, nimirum voluntatem arripiendi viam inter cani partē, quæ adhuc patet Lupis infesta: ex quo apparet euidenter nostra ratio fundamentalis, cur scilicet attritio ex metu gehennæ excludat non solùm peccata externa, sed etiam interna, adeoque & omnem voluntatem conditionatam peccaminosam: nimirum quia ad obtinendum finem fugiendi gehennam, necesse est fugere omne peccatum, cum per quodcumque peccatum incurratur gehenna. Implicat enim, quod ego velim efficaciter gehennam

hennam fugere, quam non fugio, si vel unum lethale committam, & simul velim lethale committere, vnde excludo omnem voluntatem peccandi, ex num. 402.

410. Nec minùs nota est res ista in Theologia. Dogma quidem est in Theologia Christiana Sanctiilium, præter charitatem perfectam, quâ Deus diligitur propter se, genus esse aliud dilectionis (sive spem, sive amorem concupiscentiæ dixeris) quâ Deus propter beneficia nobis collata diligitur. Iam verò si admittatur Adversariorum principium, quòd res illa verè non ametur, quæ propter aliud amatur, sequitur omninò: cùm Deus Optimus propter sua in nos beneficia diligitur, diligi quidè Dei beneficia, vitam, incolumitatem, æternamque in Cœlis beatitudinem; Deum autem verè, & propriè non amari, ac proindè nullam aliam esse Dei dilectionem, quàm perfectam charitatem, quâ Deus propter semetipsum diligitur; omnemque aliam dilectionem esse dilectionem Mundi, & peccaminosam, quod damnauit Alexander VIII. in septima ex damnatis ab ipso propositionibus, quæ sic habebat: *Omnis humana actio deliberata est Dei dilectio, vel Mun-*

di. Si Dei, Charitas Patris est; Si Mundi, Concupiscentia carnis est, hoc est mala est.

411. Rursus, si nihil odio haberetur, nisi quod propter se odio habetur, exindè planè fieret, cùm quis, ob allatum sibi nocumentum, Proximum odio capitali prosequitur, non quidè Proximum, sed acceptum ab eo detrimentum averfari, & odio habere: atqui peccatum non est, horrere, odio prosequi, & averfari grande aliquod nocumentum: ergo Proximum odio prosequi peccatum non est, sive potiùs odium Proximi nunquam verè, ac propriè exercetur, adeòque nec divinâ lege vetandum fuit, nec in peccatorum numero reponendum. En quas in angustias, & quos in scopulos abripiat homines, vel una in principiis Philosophicis, & Theologicis æquivocatio. Non indiget sanè Divinus Amor adeò incongruo patrociniò: neque eius causam agunt, qui ad has angustias homines redigunt.

412. Objicies quintò, contra secundam Conclusionem ex Iansenio. Attritio ex metu gehennæ non est supernaturalis: ergo vel attritio non sufficit ad justificationem cum Sacramento, vel non requiritur actus superna-
tura-

turalis. Probatur Antecedens: Suppositâ Fide de gehenna incurrenda propter peccatum, naturalibus voluntatis viribus pullulare potest gehennæ timor : unusquisque enim naturaliter timet, quod sibi malum proponitur, sive per cognitionem naturalem, sive per supernaturalem proponatur : atqui timor, qui naturalibus voluntatis viribus pullulare potest, non est supernaturalis, sed naturalis: ergo &c. Confirmatur: timor de metu gehennæ non est ex gratia Christi Salvatoris: ergo non est supernaturalis. Probatur Antecedens: Gratia Christi Salvatoris præstat in voluntate affectum tali timori oppositum : est enim inspiratio coelestis delectationis, quâ incipit dulcescere Deus, quem timebat, quâque dulcedine perfusus animus, iam non formidine poenæ, sed iustitiæ delectatione operatur bonum : ergo &c. Hoc argumentum non capio, in quo distinguatur ab argumento Lutheri, ut constabit, num. 439.

413. Resp. nego Antecedens: ad probat. distin. Ma: pullulare potest gehennæ timor, prout oportet ad salutem, sive ex intrinsicis suis conducens ad intuitivam visionem, & intimam Dei possessionem, nego ma: prout
ita

ita non oportet, omitto Ma: & concessâ Mi: nego Consequen. Ratio est, quia timor naturalis nullam ex se habet connexionem cum illustratione superna: idem enim perseveraret, manente naturali obiecti cognitione, quantumvis superna deficeret: actus quippè naturalis exigentiam ad superna nequaquam præfert: est enim ens supernum supra exigentiam Entis naturalis, ut constat à num. 391. & fatentur in ipso argumento Adversarii: timor autem supernaturalis non ita se habet, sed est affectus voluntatis exigens ad sui elicentiam præviam illustrationem supernam, cum qua connectitur: adeoque ad hunc elicendum est impotens natura suis viribus relicta, indigetque gratiâ, quâ potens reddatur: cum autem ex motivo gehennæ ita procedit timor, de quo præsens agitur controversia, tunc non est naturalis, sed supernaturalis. Quapropter Alexan. VIII. inter 31. propositiones damnavit 14. quæ sic habebat: *Timor gehennæ non est supernaturalis*. Ex quo apparet, quàm destituta maneat patrocinio adversa sententia. Vide à num. 417. Hinc.

414. Ad Confirm. nego Antecedens: ad Probat. nego Antecedens: gratia enim per
Chri-

Christum accepta , non solùm deservit ad eliciendum purum Dei amorem , quo dulcescit suaviter animus , sed ad eliciendum etiam actum timoris , prout oportet ad salutem , ut constat ex num. superiori , & habet expressè Trident. sess. 6. cap. 6. de modo præparationis ad justificationem, dicens : *Per Redemptionem, quæ est in Christo Iesu , & dum peccatores se esse intelligentes, à Divina Iustitiæ timore , quo utiliter concutiuntur, ad considerandam Dei misericordiam se convertendo .* Pariter August. lib. de Catechizandis Rudibus cap. 5. dixit : *Rarissimè accidit , imò verò nunquam, ut quisquam veniat volens fieri Christianus , qui non sit aliquo timore Dei percussus : timor autem utilis ad salutem supernaturalis est , neque fieri potest absque illuminatione , & inspiratione Spiritûs Sancti : qui enim contrarium docet, hæretico fallitur Spiritu, ait Arausic. citat. num. 377.*

415. Obijcies sextò , ex Gabriele : Actus naturalis , quatenùs acceptatur à Deo ad salutem, includit totam illam supernaturalitatē, quam Concilia exigunt ad actum salutarem : ergo actus poenitentiae, sive contritio perfecta, sive imperfecta sit, sufficiens ad valorem Sa-

cramenti, potest esse intrinsecè naturalis, & solùm extrinsecè supernaturalis ratione acceptationis Divinæ. Confirmatur primò ex Cajetano. Non solùm actus contritionis intrinsecè supernaturalis, verùm etiam actus intrinsecè naturalis fieri potest per speciale auxilium Dei: sed actus contritionis elicited ex speciali auxilio Dei, sufficit ad valorem Sacramenti: ergo actus contritionis intrinsecè naturalis, dummodò ratione auxilii Dei, à quo procedit, sit extrinsecè supernaturalis, sufficit ad valorem Sacramenti. Confirmatur secundò ex Durando: Actus contritionis naturalis, non solùm ab auxilio Dei, à quo procedat, potest denominari extrinsecè supernaturalis, sed etiam ab auxilio, cum quo extrinsecè conjungitur, sive ab occasione benè operandi præparata ex speciali Dei providentia: sed talis sufficit ad valorem Sacramenti: ergo &c.

416. Resp. nego Antecedens: quia supernaturalitas, quam exigunt Concilia in actu poenitentiae sufficientis ad valorem Sacramenti, talis est, ut ratione illius requiratur speciale Dei auxilium ad talem actum elicendum, ut constat à num. 375., quod ita non.

non esset , si actus esset intrinsecè naturalis, ut constat à num. 379. Ad primam Confirmat. dist. Ma: per speciale auxilium Dei , sine quo elici non posset , cum solo principio naturali, nego, sine quo posset elici, concedo Ma: & distinctâ Mi: nego Conseq. ut constat ex dictis . Ad secundam Confirmat. dist. eodem modo Ma: denominari extrinsecè supernaturalis per denominationem , quæ non impedit , ne tota entitas actûs eliciatur à principio purè naturali, concedo : quæ requirat ad sui elicentiam principium intrinsecè supernaturale , nego Ma: & dist. Mi: nego Conseq. Ratio est , quia ut ex Scripturis , Conciliis , & PP. supra adductis clarè constat , eo quod actus sit supernaturalis , omninò requiritur ad illum producendum principium supernaturale , quod verum non esset, si supernaturalitas esset extrinseca , & non intrinseca actui : tunc enim actus elici posset absque principio supernaturali , & cum solo principio naturali , neque opus esset ad illius productionem speciale adiutorium Spiritûs Sancti .

§. III.

417. Objicies ſeptimò. Actus contritionis excludens voluntatem peccandi, ſatis eſt ad valorem Sacramenti, atqui talis actus poteſt eſſe intrinſecè naturalis: ergo &c. Probatur Mi: Peccatum eſſe offenſam Dei, ratione naturali cognoscitur, adeòque prout ita cognitum ſub ratione univerſali, peccatum eſt verè deteſtabile: atqui deteſtatio peccati, prout naturaliter cogniti ſub ratione univerſali peccati, eſt deteſtatio naturalis excludens voluntatem peccandi: ergo &c. Confirmatur: Actus attritionis procedens ex virtute morali univerſali ſufficiens eſt ad valorem Sacramēti, ſed eſt intrinſecè naturalis: nullæ quippè ſunt virtutes per ſe infuſæ morales, à quibus talis actus intrinſecè ſupernaturalis procedat: ergo &c. Reſp. diſt. Ma: actus contritionis, ad cujus elicientiam requiritur ſpeciale Dei adiutorium, concedo: ad cujus elicientiam non requiritur, nego Ma: & diſt. Mi: nego Conſeq. Ad probationem diſt. Ma: eſt verè deteſtabile per deteſtationem requirentem ad ſui elicientiam ſpeciale Dei adiutorium, nego: non requirentem, concedo Ma: & diſt. eodem modo Mi: nego Conſeq. quæ falſa eſt, ut conſtat ex
nu ſu-

nu. superiori. Ad Confirmat. distinctis pariter præmissis, nego Conseq. licet enim à virtutibus naturalibus acquisitis possint procedere actus virtuosus naturales, actus verò virtutum moralium supernaturales, non quidem ab illis, sed ab auxiliis Divinæ gratiæ, & ab habitibus per se infusis procedunt, ex Uienensi cit. num. 62.

418. Neque omittendum est maximum, quod adest discrimen inter contritionem naturalem, & supernaturalem: contritio enim naturalis cum procedat à voluntate ex illustratione naturali intellectus, quam, & non supernam exigere valet ex viribus naturalibus, secum necessariò præsefert inefficaciam quādam in ordine ad propositum, propter quam, ut notavit Ex. Doctor, contritio naturalis absolutè inefficax dici solet. Homo enim viribus naturæ relictus non potest totam naturæ legem, multo tempore implere, adeoque ille actus non potest esse constans, nec diu suis contrariis resistere, cum non possit habere maiorem vim supra eam, quam à suis principiis, & motivis, cum quibus connectitur, desumit. Quapropter si propositum aliquomodo non nitatur, tanquam in prævia dispositione,

ne,

ne, in spe auxilii Divini naturæ indebiti ex num. 330. non potest omninò absolutè ferri in illud obiectum, quod homini secundùm se moraliter est impossibile: esset enim magna præsumptio, si aliquis judicaret, se solis suis viribus, omninò efficaciter victurum omnes occasiones peccandi, absque auxilio Dei, adeoque talis actus, neque esset honestus, neque vera contritio.

419. Supernaturalis verò contritio, cum ad sui elicentiam exigat illustrationē supernam, cum qua connectitur; & in spe auxilii Divini nitatur, & productivè procedat à principio superno, quod exigit; procedit omninò absoluta, adeoque omninò absolutè excludit voluntatem peccandi: Quinimò ut fatentur, Nominales, Durandus, vterque Hurtadus, Arriaga, & plures alii Theologi. Sicut ex actibus naturalibus voluntatis producitur habitus naturalis acquisitus proportionatus cum viribus naturalibus; ita ex actibus supernaturalibus producitur habitus supernus acquisitus proportionatus cū viribus supernaturalibus: undè contritio supernaturalis, & ex parte principii, quod exigit, & ex parte singularis efficacię sui modi tendēdi, & ex parte effectūs ab ipsa relin-

cti,

Ati, distinguitur à contritione naturali, adeòq; ista non elicitur, ut oportet ad salutem, benè verò cōtritio supernaturalis, ut definit Araus. cit.num. 377. & Trident. cit.num. 374. Qua de causa natura non potest mereri ens supernū; benè verò demereri, quia meritum respicit merentem, ut creditorem, ac proindè affert illi jus ad præmium; demeritum verò non respicit demerentem, ut creditorem, sed ut debitorem, adeòque non in demerente, sed in offenso datur ius ad puniendum, absque ulla demerentis exigentia: nullus quippè sui punitionem exigit: Sic per peccatum possumus demereri, quin per bona opera possumus mereri unionem Hypostaticam.

420. *Objicies octavò*. Repugnat attritio intrinsecè supernaturalis, cui non corresponsdeat objectum supernaturale: sed attritioni elicite à virtutibus moralibus universalibus voluntatis non correspondet objectum supernaturale: ergo &c. Probatur Mi: inductione: Objectum temperantiæ, v.g. est moderatio in cibis, quod absque dubio est objectum naturale: objectum Iustitiæ est compensare, & dare unicuique, quod suum est, v. g. pecunias Petro, & sic de aliis: ergo &c. Respondent

primò Scotus , Molina , Ripalda , Arriaga , aliique, negando Ma: quo tota argumenti vis evanescit . Ratio ferè omnium eorum est , quia actus supernaturalis ex intrinsecis suis habet connexionem cum duobus extremis , nimirum cum principio supernaturali , sive Deo , ut Authore superno operante ad sui elicentiam ; & cum objecto , quod attingit : Sic actus Fidei intrinsecè connectitur cum principio superno , sine quo elici nequit , & cum objecto credito : repugnat enim metaphysicè ex parte actûs Fidei tendere in objectum , quod non ita se habeat , ut ab ipso asseritur : ad hoc autem , ut actus sit supernaturalis , non requiritur , quod connectatur cum supernaturalitate ex parte utriusque extremi , sed sat est , quod connectatur cum supernaturalitate ex parte unius , nimirum ex parte principii .

421. Sic Unio Hypostatica respiciens Humanitatem, & Verbum supernaturalis est, licèt non connectatur cum extremo supernaturali ex parte Humanitatis, sed ex parte Verbi : Sic visio exterior , sensatio interior , apprehensio intellectualis humana , cognitio Angelica intuentes eandem albedinem . A. distin-

distinguuntur specie, non quidem per diversitatem objecti, cum objectum idem attingant, sed per diversitatem ex modo tendendi actus exigentis diversum principium. Pariter, inquiunt, actus supernaturalis, cum ex intrinsicis suis exigat principium supernaturale, quod non exigit actus naturalis, quam optimè distinguetur ab actu naturali ex parte Principii, licet ab illo non distinguatur ratione objecti, si uterque actus respiciat idem objectum. Quinimò, ut plures hujus sententiæ recentiores defendunt, actus naturalis, cum solum exigat connexionem cum principio naturali, solum arguit connexionem ex intrinsicis suis naturalem cum objecto: licet enim quandoque attingat objectum, quod Metaphysicè nequit aliter se habere, quam ut ab actu attingitur, id non se habet ex formali actus exigentia, sed ex necessaria exigentia objecti, ita ut si per impossibile objectum aliter se haberet, non exindè naturalis actus deficeret, sicut nec deficeret principium actus, ut patet in actibus attingentibus objectum aliter, ac est, quin ex eo deficiat virtus intentionalis naturalis.

422. Cæterum in actibus supernaturalibus

G g 2

bus

bus, è contra contingit, cùm ex intrinsicis suis exigant principium supernaturale non potens influere in actum, nisi objectum se habeat modo, quo ab actu attingitur, propter quod actus supernaturalis attingit maiori cum efficacia objectum, quàm actus naturalis. Sicuti actus Fidei attingit illud cum maiori infallibilitate, quàm actus scientiæ naturalis. Ex quo plurimi Theologi cum Ripalda lib. 3. disput. 45. sect. 5. & Borrull disputat. 18. de Visione Dei sect. 2. tenent, actum naturalem posse habere objectum formale supernaturale, quamvis ex suo modo tendendi, nullam possit includere cum tali objecto connexionem; adeòque distinguatur ab actu supernaturali versante circa idem objectum formale, cùm actus supernaturalis ex intrinsicis suis afferat connexionem cum suo objecto formali. Qua data solutione, nulla manet vis argumento. Verùm, ni fallor, opus non est tanta Doctrina ad argumentum dissolvendum: adhuc enim permiscâ Ma: nullatenùs tenet intentum adversariorum. Qua de causa.

423. Resp. secundò, omitto Ma: & nego Mi: Ad probat. dist. Antecedens: est objectum natu-

naturale, si volūtas feratur in illud, prout conforme dictamini, & legi naturali, concedo; prout conforme dictamini, & legi supernaturali, nego Antecedens, & Conseq. Ratio est, quia objectum temperantiæ, v.g. moderatio in cibis (idem suo modo esto de aliis) considerari potest, vel ut utile ad valetudinem, aut ne homo impediatur ad eliciendas actiones naturales honestas: & sic per naturale dictamen repræsentatum, manet secundum rectum, & obliquum purè naturale, atque illi correspondet virtus naturalis. Vel considerari potest, ut ex hoc objecto formali ordinabile per dictamen supernum ad Politicam supernaturalem agendam cum Sanctis, & Amicis Dei, quo in sensu dicit in obliquo terminū supernaturalem. Virtus autem supernaturalis moralis attingens objectum suum ita repræsentatum producit actum exigentem eam repræsentationem supernam ad sui elicentiam: Sicut enim voluntas, ut eliciat actum naturalem, debet illuminari per actum saltem naturalem intellectus; ita ut eliciat actum supernaturalem, debet illuminari per actum intellectus supernaturalē: cū autem denominatio ab ea ordinatione accepta sit.

supernaturalis, eamque attingat actus supernaturalis; exindè attingit saltem in obliquo objectum supernaturale, quod satis est, ut circa illud supernaturalis virtus se exerceat: nam licèt ille respectus sit extrinsecus objecto naturali, non est extrinsecus, sed intrinsecus actui attingenti, ex intrinseco, & essentiali suo modo tendendi, objectum illud cum eo respectu. Quæ est expressa mens D.Tho: cit. num. 387. & quæst. 1. de Virtutibus artic. 10. quem variis in locis latè exponit, & sequitur Ex. Doct. & innuit etiam in præsentī, disput. 3. de pœnitentia sect. 6. num. 9.

§. IV.

424. **Objicies nonò ex Arriaga, & Recentioribus, impugnando illationes doctrinæ nostræ. Non repugnat creatura rationalis intrinsecè supernaturalis: ergo supernaturalitas à nobis explicata nulla est: Probatur Antecedens: Non repugnat creatura rationalis ex intrinsecis suis sufficiens ad intuendum Deum: ergo &c. Probatur Antecedens. Non repugnat in Humanis Servus ex intrinsecis suis sufficiens ad intuendum Dominum: ergo neque repugnat creatura serva Dei ex intrinsecis**

fecis suis sufficiens ad intuendū Deum. Confirmatur primò à quodam Moderno, ut ipse ait, efficacius: Ratio servitutis non obstat, ne homo, cum gratia & lumine gloriæ, sit sufficiens ad intuendum Deum: ea enim dona hominem non extrahunt à ratione servitutis: ergo neque ratio servitutis obstabit, ne homo sine gratia sit sufficiens ad intuendum Deum. Confirmatur secundò ab aliis: Servitus naturalis non impedit, ne creatura rationalis sit potens se sola ad cognitionem Dei naturalem: ergo neque ad visionem intuitivam. Confirmatur tertio. Illa creatura non esset à se, sed dependeret à Deo: atqui creatura, quæ non esset à se, sed quæ dependeret à Deo, non repugnat: ergo &c. Confirmatur quartò. Cuicumque accidenti correspondet substantia, cui tale accidens debeat: sed Visio beatifica est accidens respectu substantiæ rationalis creatæ: ergo correspondet illi substantia rationalis creata, cui talis visio debeat.

425. Resp. nego Antecedens. ad probat. nego Antecedens, ad probat. concedo Antecedens, & nego Conseq. Ratio est, quia in humanis per visionē Domini, non habet Servus :

Beatitudinem, felicitatem, neque possessionem hæreditatis Domini, secus autem per Visionem intuitivam Dei, quæ est tota merces, & Beatitudo, ut constat ex Uerbis Christi. Matth. 5. *Beati mundo corde, quoniam ipsi Deum videbunt*: etenim ex vi illius visionis transformatur homo in imaginem supernaturalem Dei, ut docet Scriptura, 1. Joan. 3. *Similes ei erimus, quoniã videbimus eum sicuti est*, & 2. Corinth. 3. *Nos verò omnes revelatâ facie gloriam Domini speculantes in eandem Imaginem transformamur*. Quo explicatur diversitas Visionis, quâ facies Dei velata aliquando visa est, sicuti vidit Iacob, Gen. 32. Hæc enim dona adeò excedunt Creaturæ rationalis iura, ut non solum ad ea habenda, verum etiam ad ea verè cognoscenda se sola impotens sit, ut ait Augustinus: *Queris utrum possit Deus videri? Respondeo potest: Si quæras, undè sciam? Respondeo, quia in veracissima Scriptura legitur: Beati mundo corde, quoniam ipsi Deum videbunt. Hinc.*

426. Ad primam Confirmat. concedo Antecedens, & nego Conseq. quia ratio servitutis non obstat, ne Dominus pro sua liberalitate conferat beneficia, quæ seruo indepen-

pen-

pendenter à Domini beneficio non debentur; adeòque non obstat, ne conferat lumen gloriæ, quo reddatur potens ad visionem beatificam: at verò ea servitutis ratio obstat, ne seruo ratione sui ea elevatio debeat, quæ est propria filii, adeòque solùm haberi potest per beneficium illius, à quo elevatur ad gratiam filiationis: Sic Paulus ad Rom. 8. *Accipistis Spiritum adoptionis filiorum, in quo clamamus Abba (Pater): ipse enim Spiritus testimonium reddit Spiritui nostro, quod sumus Filii Dei. Si autem filii, & hæredes: hæredes quidem Dei, cohæredes autem Christi.* Hæc autem est ratio à priori, propter quam Humanitas creata assumi potest per Unionem Hypostaticam, quin ratio creaturæ ad hanc assumptionem, & elevationem obstet, quamvis eadem ratio creaturæ obstet, ne ipsa Humanitas exigat ex intrinsicis suis talem elevationem: ut videas, quàm inefficax sit hujus Recentioris efficacia, & quantum pugnet, non solùm contra authoritatem Cyrilli suprà citati, verùm etiam contra ipsam rationem Theologicam. Ad secundam Confirmat. concedo Antecedens, & nego Conseq. quia cognitio naturalis, nequaquam secum afferre possit

possessionem, & hæreditatem Dei, secùs autem visio intuitiva.

427. Ad tertiam Confirmat. distin. Ma: dependeret à Deo per prædicatū reale, nego: per prædicatum chymæricum ab arguente cōfictum, concedo Ma: & distin. Mi: nego Consequen. Ratio est, quia sicut quodvis prædicatum est strictè dependens à libera voluntate Creatoris, quoad produci, vel non produci, ita quodvis prædicatū essentialis servitutis ad Deum est strictè dependens à libera voluntate Dei, quoad exaltari ad superna, sive ad Domini possessionem, vel non exaltari, ut ex terminis constat, & aiebat Cyril. nu. 389. Vndè sicut casu, quo fingeretur Creatura sine libertate Dei ad illam producendam, vel non producendam, sed quæ essentialiter exigeret ex intrinsicis suis produci à Deo ab æterno, fingeretur dependens à voluntate Dei, non quidem per prædicatum reale, sed per prædicatum chymæricum, ita si fingeretur creatura rationalis sine libertate Dei ad illam elevandam, vel non elevandam ad superna, sed quæ essentialiter ex intrinsicis suis esset superna, fingeretur dependens à Deo, non quidem per prædicatū reale, sed per prædicatum chymæri-

maricum. Ad quartam Confirm. nego Ma: etenim de ratione accidentis, sicuti de ratione modi solùm est, quod modus, vel accidens substantiam exigit, non verò, quod substantia exigit tale accidens: Substantia enim solùm exigit accidens intra suam lineam, secùs autem illud, quod est suæ lineæ exaltativum. Sic unio Hypostatica Humanitatis humanitatem exigit; humanitas verò non exigit talem unionem. Sic etiam Visio beatifica, utpotè actus vitalis intellectûs, & accidens illius exaltativum, intellectum exigit; intellectus verò talem visionem exigere nequit.

428. Objicies 10. Plura sunt entia supernaturalia, quæ ut talia agnoscuntur, & admittuntur in Scholis, qualia sunt ea, de quibus diximus num. 383. sed illa non conducunt ex intrinsicis suis ad intuitivam Dei visionem, & possessionem: ergo malè à nobis assignatur iste conceptus pro constitutivo entis superni. Confirmatur: actus naturalis potest attingere ens supernum; sed non potest attingere ens naturæ exaltativum, sive conducens ex intrinsicis suis ad intuitivam visionem, sive ad intimam Dei possessionem: ergo ut ens sit supernaturale, non requiritur, quod

quòd conducat ex intrinsecis suis ad Dei possessionem. Resp. distin. Ma: quæ admittuntur in Scholis, vel ut supernaturalia Philosophica, vel ut Theologica, concedo: solùm, ut Theologica, nego Ma:& distin. Mi: Non conducunt, si sint supernaturalia solùm philosophicè, concedo: theologicè, nego Mi: & Conseq. Ratio est, quia nullum aliud agnoscimus Ens supernum theologicè, nisi quod à Scripturis, Pontificibus, Conciliis, & PP. agnoscitur, quando nobis Catholicam exponunt doctrinam. Cum autem ab his solùm proponatur Ens theologicè supernum, quod ex intrinsecis suis hanc habet conducentiam, ut constat ex num. 387. solùm est theologicè supernum, quod hujusmodi conducentiam præfert, adeòque alia, quæ superna vocantur, manent intra lineam supernaturalis philosophici, ut constat ex num. 385.

429. Ad Confirmat. distin. Ma: potest attingere, præseferendo connexionem cum ente superno; nego, sine connexionem cum ente superno, concedo Ma: & distinctâ Mi: nego Conseq. Ratio est: quia actus naturalis debitus est naturæ illum elicienti, adeòque si ille ex intrinsecis suis afferret secum ens superna-

tura-

turale, etiam istud deberetur naturæ, quod absolum est, & contra Concilia, & Testimonia adducta à num. 387. Quapropter actus naturalis ita attingit ens supernum, ut ex intrinsicis suis non exigat, quod objectum se habeat, ut ab ipso exprimitur, licet possit objectum, ex sua veritate objectiva, ita se habere: Sic quando per actum naturalem rusticus dicit: *Datur Trinitas, quia hic homo doctus dicit*: ille actus ex intrinseca sua expressione non exigat, quod Trinitas ita se habeat, ut ab ipso dicitur: eodem enim modo posset elicere actum, quo diceret: *Non datur Trinitas, quia hic homo doctus dicit; vel datur Quaternitas, quia iste dicit*: qui quidem actus, ut per se patet, non dicunt connexionem cum objecto, prout ab ipsis dicitur: actus vero supernaturalis ita attingit objectum supernum, ut cum eo dicat essentialem connexionem, ex quo patet magnum inter utrumque discrimen. Reliqua, quæ hic objici possent, præoccupata jam sunt, ex dictis à num. 385.

S E C T I O I I I.

An attritio generalis Superna, ex metu Gehennæ, ſit ſufficiens ad valorem, & fructum Sacramenti Pœnitentiæ.

§. I.

430. **P**Rima ſententia negat, docens, neceſſariam eſſe perfectam contritionem: ita Janſenius, & Lovanienses ſupra cit. cum paucis aliis Theologis. Secunda ait, ſufficere in re attritionem; debere tamen exiſtimari, & cognoſci, ut contritionem: ita Viſtoria, & Dominicus Soto. Tertia tenet, ſufficere attritionē etiam cognitam, ut talem, ita Ex. Doſtor, Vazquez, & ferè omnes Theologi poſt Tridentinum. Vide Elenchum à num. 446. Aſſero cum tertia ſententia. Attritio generalis ſuperna, ex metu gehennæ, cum ſpe veniæ ſufficit ad juſtificationem cum Sacramento Pœnitentię. Probatuſ primò ex Tridentino ſeſſ. 14. cap. 4. ubi Concluſionem noſtram apertè docet: nam poſtquàm in proœmio hujus ſeſſionis dixerat, velle in præſenti tradere exactiorem, & ple-

pleniorē definitionem ad convellendos universos errores, quo Catholica veritas perspicua fieret, ut constat ex num. 324. ad hoc munus præstandum in isto cap. 4. diuisit contritionem Theologicam universaliter sumptam in perfectam, quæ ex charitate procedit, ut constat à num. 247. & in imperfectam, quæ attritio dicitur, de qua sic habet Concilium: *Illam verò contritionem imperfectam, quæ attritio dicitur, quoniam vel ex turpitudinis peccati consideratione; vel ex Gehennæ, & pœnarum metu communiter concipitur, si voluntatem peccandi excludat, cum spe veniæ; declarat, non solum non facere hominem Hypocritam, & magis peccatorem, verum etiam donum Dei esse, & Spiritûs Sancti impulsus, non adhuc quidem inhabitantis, sed tantum moventis, quo pœnitens adjutus viam sibi ad Justitiam parat. Et quamvis sine Sacramento Pœnitentiæ per se ad Justificationem perducere peccatorem nequeat; tamen eum ad Dei gratiam in Sacramento Pœnitentiæ impetrandam disponit. Quibus verbis duplex inter contritionem, & attritionem discrimen assignat Sancta Synodus. Vnum, quod attritio tendit in peccatum ex motivo inferiori, quàm perfecta contritio, nimirum*

cx

ex motivo turpitudinis peccati , aut metu Gehennæ ; non autem ex motivo Dei summè dilecti propter se , quod sæpè suprà notavimus . Alterum , quod contritio perfectà per se sufficit ad Justificationem obtinendam , id est sine Sacramento , cum solo illius voto : attritio verò disponit quidem ad illam in Sacramento impetrandam , sed sine Sacramento re ipsa suscepto non sufficit : atqui hæc eadem est doctrina Assertionis nostræ : ergo .

431. Confirmatur, & explicatur hæc Ratio . Tridentinum hac sessione intendit tradere exactiorem , & pleniorē doctrinam , ac definitionem , ita ut Catholica veritas perspicua fiat , & illustris : Atqui dum agit de requisita dispositione pœnitentis ad Iustificationem cum Sacramento pœnitentiæ obtinendam , non meminit alterius contritionis , quàm imperfectæ , quæ ex turpitudinis peccati consideratione , vel ex Gehennæ , & pœnarum metu communiter concipitur , nullâ factâ mentione contritionis perfectæ , sive amoris Dei propter se dilecti : ergo talis contritio imperfecta , sive attritio certè sufficit cum Sacramento pœnitentiæ : aliter Sancta Syno-

Synodus, nec exactam, nec perspicuam tradidisset doctrinam, ut convellerentur universi errores, sed talem, quæ multos in errorem posset inducere, & de facto induxisset, si Conclusio nostra, ut ajunt adversarii, esset error intolerandus, & perniciosus: nam in eam inducti sunt ferè omnes Theologi hac tempestate ob authoritatem Tridentini, ut constabit à num. 448. ergo &c. Mirum est in quot, & quantos dicendi modos hæc nostra ratio fundamentalis contrarios dividerit.

432. Respondent primò adversarii, Concilium ibi non loqui de dispositione ultima sufficiente cum Sacramento, sed de dispositione remota, & insufficienti. Contra primò. Hæc responsio manifestè repugnat Tridentino explicanti in hoc cap. 4. præcipuam Sacramenti partem: titulus enim præcedentis cap. 3. est iste: *De partibus, & fructu hujus Sacramenti*, in quo hæc habet: *Sunt autem quasi materia hujus Sacramenti ipsius pœnitentis actus, nempe Contritio, Confessio, & Satisfactio: Qui quatenus in Pœnitente ad integritatem Sacramenti, ad plenamque, & perfectam peccatorum remissionem, ac Dei institutionem requiruntur,*

De Pœnit. Pars I.

H h

tur,

tur, hac ratione pœnitentiæ partes dicuntur. Ex quo manifestè apparet, Concilium loqui de dispositione proxima ex parte pœnitentis. Deindè sequenti cap. 4. hanc contritionem dividit in perfectam, quæ non solùm cum Sacramento disponit ad gratiam, sed etiam extra Sacramentum; & in imperfectam, quæ non extra, sed cum Sacramento disponit ad gratiam: ergo loquitur de attritione, tanquam de dispositione proxima. Contra secundò ex Tridentino: aliter attritio in Sacramento, & aliter extra Sacramentum ad Iustificationem disponit: sed extra Sacramentum remotè, & insufficienter disponit, quando aliquis ab illa ad contritionem perfectam ascendit: ergo ex Tridentino in Sacramento proximè, & sufficienter disponit ad Iustificationem. Contra tertio: Tridentinum loquitur de attritione, prout cum Sacramento disponit ad Iustificationem, sicut contritio sine Sacramento, sed contritio sine Sacramento, non quidem remotè, sed proximè disponit: ergo & attritio cum Sacramento.

433. Respondent secundò adversarii: Concilium, cùm ait, attritionem in Sacramento ad Iustificationem disponere, non loqui de illa

illa attritione, quæ ex metu Gehennæ, & poenarum est, sed de illa contritione, quæ ex charitate procedit, quæ quia non est valdè intensa, dicitur contritio imperfecta. Contra primò: quia hæc responsio apertè contraria est Concilii doctrinæ, & ab eius mente prorsus aliena: loquitur enim non de illa, quæ concipitur ex motivo charitatis, qualis est contritio minùs intensa, sed de illa, quæ ex Gehennæ, & poenarum metu communiter concipitur, ut expressè habet Concilium: ergo &c. Contra secundò: de illa contritione loquitur Concilium, de qua ait, non facere hominem hypocritam, sicut docuerat Lutherus: sed attritio, quam docuerat Lutherus facere hominem hypocritam, non erat illa, quæ ex charitate, sed ea, quæ ex Gehennæ, & poenarum metu concipitur, ex n. 370. & 393. & ex verbis etiam ipsius Lutheri constabit nu. 439. ergo &c. Contra tertio: Tridentinum loquitur de ea attritione, quæ est donum Dei, & impulsus Spiritûs Sancti, non adhuc quidem inhabitantis, sed animam moventis: atqui per contritionem ex motivo Charitatis Spiritus Sanctus iam inhabitat, ex num. 350. ergo &c. Contra quartò. Loquitur de attritio-

ne , prout habente motivum distinctum à contritione , ex num.430. sed ad hoc opus est, ut habeat distinctum motivum à motivo Charitatis , ex num.247.ergo &c.

434. Contra quintò . Postquam Concilium definivit, attritionem esse actum bonum ex impulsu Spiritus Sancti conceptum, atque ad Dei gratiam in Sacramento Pœnitentiæ impetrandam disponere, in fine ejusdem Capituli contra Lutherum , ejusque sequaces , sic concludit: *Quamobrem falsò quidam calumniantur Catholicos Scriptores , quasi traderint , Sacramentum pœnitentiæ , absque bono motu susipientium, gratiam conferre , quod nunquam Ecclesia Dei docuit, nec sensit* : atqui Hæretici ex eo occasionem captarunt ita calumniandi Catholicos Scriptores, quòd existimarunt, attritionem, quæ est ex metu gehennæ , & pœnarum non esse actum bonum, sed malum , atque reddere hominem hypocritam : ergo de attritione ex metu gehennæ , & pœnarum concepta, docet Concilium, disponere ad gratiam in Sacramento Pœnitentiæ obtinendam . Vndè Sancta Synodus sic tacitè argumentatur : attritio concepta ex metu gehennæ , vtpotè ex impulsu Spiritûs Sancti

Acti elicita, est actus bonus : ergo quando Catholici Scriptores dicunt, in Sacramento Pœnitentiæ conferri gratiam cum sola attritione, ex metu gehennæ concepta, nunquam docent, conferri gratiam absque bono motu suscipientis, adeoque impostura est, & calumnia, id illis tribuere. Certè cùm hæretici nunquam negaverint, amorem charitatis erga Deum, quantumvis remissum, esse actum bonum, si talis charitatis actus requireretur ad Iustificationem in Sacramento Pœnitentiæ, opus non erat, quod Concilium contra Hæreticos probaret, & definiret, esse actum bonum, adeoque nunquam conferri gratiam in Sacramento Pœnitentiæ absque bono motu suscipientis, quæ ratio mihi irrefragabilis apparet.

435. Respondent tertiò Lupus, aliique Lovanienses cum ipso: Concilium ibi non meminisse amoris Dei super omnia, quia id necesse non fuit, cùm per se manifestum sit, in omni pœnitentia debere reperiri amorem Dei super omnia. Contra tamen primò: quia id gratis dicitur, nec hoc, sed oppositum à Tridentino supponitur, & approbatur, ut constat ex numero superiori; ubi Tridenti-

num defendit Catholicos Scriptores, qui cum Roffensi docebant contra Lutherum, sufficere attritionem ad gratiam conferendam in Sacramento Pœnitentiæ: ergo &c. Contra secundò. Si iuxta mentem Tridentini, hæc attritio, etiam cognita, ut talis, certò non sufficeret ad gratiam conferendã in Sacramento Pœnitentiæ; Sententia Catholicorum id asserens esset unus ex præcipuis erroribus, & maximè perniciosus animarum saluti, quem errorem refellere deberet Sancta Synodus, cùm dicat, se velle convellere universos errores, qui ea ætate erant, circa Sacramentum Pœnitentiæ; adeòque Lutherus non falsò calumniatus esset Catholicos Scriptores, quasi tradiderint, Sacramentum Pœnitentiæ, absque bono motu suscipientium, gratiam conferre: atqui Concilium nullo loco, nullo Canone hunc errorem demonstrat, aut convellit, imò potius, ex num. 430. nostram sententiam apertè tradit, defenditque Catholicos Scriptores à calumnia, & impostura Lutheri, ut constat ex numero superiori: ergo &c.

436. Respondent quartò Lupus, ejusque sequaces: illa Tridentini verba de Contritio-

tione imperfecta: *Quoniam ex gehennæ, & poenarum metu communiter concipitur*, debere intelligi, non quidem de ipso actu, quo quis ex puro metu gehennæ peccata detestatur, sed de alio actu charitatis distincto: nam ille actus timoris est initium Sapientiæ, seu charitatis, ita ut actus charitatis introducatur per timorem, sicuti linum per setam, qua ratione in pannum, aut telam, filum acus inducit, ut explicat Augustinus. Vndè quando timor introduxit charitatem, iam duo sunt actus, sive simul, sive successivè; unus est purè timoris, alter charitatis pro motivo habens Deum, propter se dilectum: hic autem posterior actus, quia suo modo procedit ex timore, vocatur conceptus ex timore, timor verò vocatur concipiens. Quapropter, cùm ait Tridentinum, contritionem imperfectam conceptam ex metu gehennæ disponere ad Iustificationem cum Sacramento, non debet intelligi de primo actu timoris, sed de secundo actu charitatis, qui, quia ex timore procedit, vocatur à Sancta Synodo ex timore conceptus, & sufficiens ad Iustificationem in Pœnitentiæ Sacramento. Vndè attritio ex motivo gehennæ nunquam dicitur à Triden-

tino, disponere ad justificationem cum Sacramento. Hæc autem responsio, quantum distet à mente Augustini, à veritate, & à pura Tridentini doctrina, facile apparet ex dictis, Ex quibus

437. Contra primò : Tridentinum eo cap. 4. contradistinguit contritionem, quæ sufficit ad Iustificationem etiam extra Sacramentum, ab ea, quæ non sufficit, nisi cum Sacramento, ut constat ex illis verbis: *Et quamvis sine Sacramento pœnitentiæ per se ad Iustificationem perducere peccatorem nequeat; tamen eum ad Dei gratiam in Sacramento Pœnitentiæ impetrandam disponit*: atqui quævis contritio charitate perfecta, sive ex motivo charitatis procedens, sufficit ex Tridentino ad Iustificationem, etiam extrà Sacramentum, ut constat à num. 352. ergo contritio imperfecta, quæ ex Tridentino est dispositio cum Sacramento, non est actus charitatis, sed attritio ex timore gehennæ. Contra secundò: Tridentinum, postquam definivit, requiri ad contritionem universaliter sumptam, quòd sit animi dolor, ac detestatio de peccato commisso cum proposito nō peccandi de cætero, dividit perfectam ab imperfecta,

sta, ex eo quòd perfecta procedit ex motivo charitatis, imperfecta verò ex alio motivo, ex num. 247. & 430. & expressè habetur illis Concilii verbis: *Attritio dicitur, quoniam, vel ex turpitudinis peccati consideratione, vel ex gehennæ, & pœnarum metu communiter concipitur*: ergo non loquitur de illo actu charitatis ab adversarijs excogitato...

438. Contra tertio: quando homo dolet efficaciter de peccato per veram attritionem, & vult efficaciter peccati deletionem, potest id contingere, vel volendo deletionem statim, vel volendo efficaciter deletionem postea; sicuti possumus efficaciter velle sedere statim; vel sedere, ubi primùm ad domum accedamus: atqui quando est volitio delendi peccatum postea, non coniungitur cum deletionem peccati illa attritio, statim atque elicitur: deindè cum possit ab homine per contrariam volitionem revocari, non præfert secum necessariam deletionem peccati postea, adeòque neque perfectam contritionem: ergo attritio quæ attritio nunquam secum affert necessariò contritionem perfectam: undè solùm illam affert, quæ talis attritio, nimirum si velit homo extra Sacramentum

ex

ex timore gehennæ, statim peccatum delere per veram contritionem, cùm tunc facienti, quod est ex se, Deus non deneget gratiam; pro quo casu scitè, & acutè adhibet Augustinus comparisonem metum inter, & acum futoriam, cùm ait: *Sicuti acus filum sericum in pannum, ita timorem in animam Dei dilectionem inducere.* Sed quid indè ad casum nostrum, in quo homo eligat attritionem cum Sacramento? Tunc enim metus, sive attritio ex metu gehennæ, charitatis actum non inducit: atqui Tridentinum contradistinguens contritionem perfectam, quæ sufficit ad justificationem etiam extra Sacramentum, ab imperfecta, quæ non sufficit, nisi cum Sacramento, clarissimè loquitur de casu nostro, ut constet ex numero superiori: ergo &c. Contra quartò, & explicatur vis argumenti. Si attritio non solùm extra Sacramentum in casu assignato, sed etiam intra, & extra Sacramentum semper contritionem induceret; sicut acus filum in pannum, eâque solùm ratione gratiam impetraret, quod viam muniat ad charitatem, eandem quoque extra Sacramentum gratiam obtineret, cùm utrobique, ut ajunt adversarii, vim habeat ad charitatem,

tem, adeòque disponendi ad gratiam: sed hæc explicatio manifestè pugnat contra mentem Tridentini dicentis, attritionem disponen-
nem ad gratiam cum Sacramento; secùs sine illo: ergo &c.

439. Contra quintò, & explicatur ulterius verus Tridentini sensus. Eam attritionem approbat Tridentinum sufficientem cum Sacramento, quam reprobabat Lutherus, calumniando Catholicos Scriptores, ex num. 434. atqui Lutherus reprobabat attritionem conceptam, non quidem ex motivo charitatis, sed ex motivo gehennæ: ergo &c. Probatur Mi: verbis ipsius Lutheri Sermone secundo de Pœnitentia, quæ sic habent: *Contritio, sic enim capit vocari pœnitentia interior, duplici via paratur. Primò per discussionem, collectionem, detestationem peccatorum, quâ quis, ut dicunt, recogitat annos suos in amaritudine animæ suæ, ponderando peccatorum gravitatem, damnum, fœditatem, multitudinem, deindè amissionem æternæ Beatitudinis, ac æternæ damnationis acquisitionem, & alia, quæ possunt tristitiam, & dolorem excitare, Spe satisfaciendi per bona opera. Hæc autem contritio facit hypocritam, imò magis peccatorem, quia*

quia solum timore præcepti, & dolore damni id facit. Et tales omnes indignè absolvuntur, & communicantur. Et si liberè deberent (remoto præcepto, & minis pœnarum) confiteri, certè deberent dicere, certè dicerent, sibi non displicere eam vitam præteritam, quam sic coguntur displicere confiteri: imò quò magis timore pœnæ, & dolore damni sic conteruntur, eò magis peccant, & afficiuntur suis peccatis, quæ coguntur, non autem volunt odisse. Et hæc est illa contritio, quam ipsi vocant extra charitatem non meritoriam; alii vocant attritionem proximè disponentem ad contritionem, sic enim ipsi opinantur, quam opinionem errorem ego judico. Secundò paratur per intuitum, & contemplationem speciosissimæ justitiæ, quâ quis in pulchritudine, & Specie Justitiæ meditatus in eam ardescit, & rapitur, incipitque cum Salomone fieri amator Sapientiæ, cujus pulchritudinem viderat, & facit verè pœnitentem, quia amore Justitiæ id facit, & hi sunt digni absolutione. Hucusque Lutherus, ubi manifestè reprobatur, non quidem contritionem conceptam ex motivo charitatis, sed attritionem ex metu gehennæ conceptam: ergo &c.

§. II.

440. Probatur secundò Conclusio: Sacramentum poenitentiae est Sacramentum mortuorum, adeoque institutum à Christo ad conferendam per se gratiam peccatorum remissivam, ita ut absolutio Sacramentalis non sit nudum ministerium declarandi, peccata iam fuisse remissa, sed actio judicialis, quâ per se peccata verè delentur, & remittuntur peccatori accedenti, si apponat actus, ad quos ex Christi institutione tenetur in hoc Sacramento. Licet enim homo possit accedere ad Sacramentum poenitentiae, quando iam sunt ei omnia lethalia remissa, adeoque quando nullum actu remittitur; confertur autem augmentum gratiae remissivæ per se peccatorum, si inueniret. Quod autem non inueniat, valde per accidens se habet institutioni hujus Sacramenti, quod per se institutum est à Christo ad delenda peccata; atqui si non sufficeret attritio, sed requireretur contritio, ut homo accederet ad Sacramentum poenitentiae, non esset hoc Sacramentum per se mortaliū remissivum, neque absolutio esset actus judicialis per se remissivus peccatorum, f:d

sed esset purum ministerium declarandi, peccata iam fuisse per contritionem remissa: ergo ad fructum, & valorem Sacramenti pœnitentiæ ex Christi Domini institutione sufficit attritio, adeoque nequaquam requiri potest, ut necessaria, contritio. Consequentia tenet, & Mi: constat: nam quæcumque contritio, sive magis, sive minùs intensa, sive multùm, sive parùm temporis durans, sufficiens est ad remissionem mortalium, ex numero 284. eâ quippè elicitâ, statim confertur gratia ex Tridentini, & Summorum Pontificum doctrina, ex num. 350. adeoque si ad suscipiendam absolutionem peccator debeat contritionem elicere, deberet esse in gratia ad absolutionem suscipiendam, & exindè absolutio nunquam posset ex Christi institutione peccata remittere, aut peccatorem cum Deo reconciliare, solùmque esset nudum ministerium declarandi, ea peccata iam fuisse per contritionem remissa.

441. Ma: verò primi Syllogismi adeò certa est apud Theologos, ut nullus possit impunè dubitare. Cæterùm, quia in quodam recentiore, qui de hac re aureum opusculum edidit anno 1694. lego, circa verita-

tem

tem Maioris , aliquos alicubi mustitare , ut suam sententiam de necessitate perfectæ contritionis in hoc Sacramento defendant, operæ pretium erit breviter insinuare testimonia, quæ veritatem Majoris clarè demonstrent. Legatur Trident. sess. 14. cap. 6. ubi hæc habet: *Quamvis autem absolutio Sacerdotis alieni beneficii sit dispensatio; tamen non est solum nudum ministerium, vel enunciandi Evangelium, vel declarandi remissa esse peccata, sed ad instar actus judicialis, quo ab ipso, velut à Judice, sententia pronuntiatur, atque ideo non debet pœnitens adeò sibi de sua ipsius fide blandiri, ut etiamsi nulla illi adsit contritio, aut Sacerdoti animus seriò agendi, & verè absolvendi desit: putet tamen se propter suam solam fidem, verè, & coram Deo esse absolutum, & Can. 9. Si quis dixerit, absolutionem Sacramentalem Sacerdotis non esse actum judicialem, sed nudum ministerium pronuntiandi, & declarandi remissa esse peccata confitenti, anathema sit. Videatur Bellarmin. lib. 3. de pœnitentia, ubi contra Hæreticos hanc veritatem demonstrat ex Scripturis, Conciliis, & PP. primorum sæculorum.*

442. Quinimò verba Christi Domini instituen-

stituentis hujus Sacramenti ministros, adeo clara sunt, ut expositione non indigeant. Ait enim Joan. 20. *Quorum remisseritis peccata, remittuntur eis, & quorum retinueritis, retenta sunt.* Ex quibus sexta Synodus generalis Can. 102. *Oportet autem eos, qui solvendi, & ligandi potestatem à Deo acceperere, peccati qualitatem considerare, & ejus, qui peccavit ad eam conversationem promptum studium, & sic morbo convenientem asferre medicinam.* Si enim iam liber esset, non opus esset medicina, & remedio, ex quo absolutio cum reliquis partibus constituens Sacramentum est causa moralis gratiæ per se peccatorum remissivæ, Deum movens ad delendam peccati maculam, hominemque pristinam in gratiam statim recipiendum. Quo in sensu judicium Sacerdotis prioritate naturæ præit judicium Dei. Sic Hilarius Can. 16. in Matth. de Petro Sacerdotum principe, ait: *O Beatus Celi janitor, cujus terrestre judicium præjudicata auctoritas sit in Cælo.* Et Hugo de S. Victore lib. 2. de Sacramento pœnitentiæ c. 8. *Sententiam Petri non præcedit, sed subsequitur sententia Cæli.* Videatur Trident. sess. 14. cap. 1. 2. & 3. tum etiam Can. 5.

443. Ratio autem Theologica idipsum demonstrat, quam ad hunc syllogismum reduco: Certissima est Augustini regula lib. i. de Doctrinâ Christianâ ab ipsis Herherodoxis Sacramentorum hostibus impensè laudata, nimirum Christo loquenti, utpotè Sapientissimo Legislatore eam reverentiam deberi, ut ejus verba in proprio, ac naturali sensu accipiantur, nisi necessitas cogat ea ad metaphoram, aut alienam aliquam sententiam detorquere; puta si hujusmodi verba, absque metaphora exposita, res inter se pugnantes, aut rationi, ac bonis moribus contrarias continere videantur; atqui neque cum bonis moribus, neque cum ratione ullatenus pugnat, quod Christus numero superiori Joan. 20. loquens uni homini potestatem dederit alterius hominis peccata suo nomine condonandi: ergo verba, quibus dicitur, Christum Sacerdoti potestatem contulisse delictorum veniam penitentibus indulgendi in germana, & naturali significatione intelligenda planè sunt, adeoque cum verbis illis perspicuè significetur, concessam Sacerdoti potestatem, non declarandi remissa, sed verè remittendi peccata, omninò consequitur, potestatem hanc.

De Pœnit. Pars I.

I i

con-

condonandi peccata Sacerdoti fuisse collatam.

Confirmatur ad homines contra eos Catholicos innuentes, esse meram potestatem declarandi, peccata iam esse remissa: minùs quippè concurreret Sacerdos ad remittenda peccata, si solùm declararet, iam esse remissa, quàm concionator excitans fidem, quâ solâ auditorum peccata delerentur: sed ex illis verbis Christi Domini, habetur contra Lutheranos, potestatem à Christo Sacerdotibus datam esse ad remittenda peccata, non ad excitandam fidem, quâ solâ peccata remittantur: ergo ex eisdem verbis non minùs perspicuè habetur, talem potestatem non conferri ad declaranda peccata esse remissa, sed ad ea verè remittenda. Qua de causa Tridentinum testimonio citat. num. 441. ex Christi verbis, utriusque sententiæ falsitatem damnavit. Exindè Univerſitas Sorbonica censurâ notavit duas propositiones Segvenoti, nimirùm eam, quæ dicit, non sufficere attritionem cum Sacramento, & illam, quæ asserit, absolutionem solùm esse declarationem juridicam peccati iam remissi. Sic enim habet ejus decretum promulgatum, die 1. Julii

anno

anno 1638. *quæ tradit auctor de contritionis insufficientia, & contritione ex perfecta charitate absoluta necessitate ad Sacramentum Pœnitentiæ recipiendum; & quæ addit, & approbat de absolutione, quod nihil aliud sit, quàm declaratio juridica peccati iam remissi, damnavit quoque facultas, & censuit, has propositiones quietis animorum perturbativas, communi, & omni tutæ, praxi Ecclesiæ contrarias, efficaciæ Sacramenti Pœnitentiæ imminutivas, & insuper temerarias, & erroneas. Ut videas, quàm immeritò adversarii dicant, nunquam contra suam sententiam Universitates reclamasse. Vide à num. 448.*

Probatur tertiò Conclusio. Onus legis evangelicæ suavius, & facilius est onere legis antiquæ ex illo Christi. Marth. 11. *Iugum meum suave est, & onus meum leve; sed si in lege evangelica ad reconciliationem peccatoris cum Deo non sufficeret attritio cum Sacramento, & requireretur adhuc cum Sacramento contritio, onus legis evangelicæ gravius, & difficilius esset onere legis antiquæ: ergo &c.* Probatur Mi: quia Sacramentum pœnitentiæ affert in lege evangelica onus confessionis omnium peccatorum mortalia-

lium post Baptismum commissorum secundum speciem, & numerum, & circumstantias saltem mutantes speciem, quo onere nullum in lege nova gravius, ac difficilius est plerisque Christianorum; in veteri autem lege hoc onus non erat, sed sufficiebat sola contritio, ad obtinendam remissionem peccatorum, & reconciliationem cum Deo: ergo si ultra confessionem requireretur in lege evangelica etiam contritio, esset onus gravius onere legis antiquæ. Confirmatur. Speciale beneficium Sacramenti pœnitentiæ, iuxta commune Theologorum axioma, est, quod facit ex attrito, contritum, quatenus attritio cum Sacramento æquivalet contritioni, & tam benè confert gratiam, & remissionem peccati, quàm ipsa contritio; atqui si requireretur contritio, beneficium in hoc nullum esset, falsumque esset Theologorum axioma: ergo &c.

Respondent adversarii. Contritionem perfectam requisitam cum Sacramento non esse adeò intensam, ut se sola posset sine Sacramento gratiam causare, adeoque esse speciale beneficium, quod eam causet cum Sacramento. Contra tamen primò: quia
in

in lege veteri nulla unquam assignata fuit distinctio inter contritionem minùs intensam, & magis intensam, sed quaecumque ex illis ad remissionem peccati satis erat: ergo etiam in lege evangelica quaecumque contritio perfecta, sive magis, sive minùs intensa, se sola sufficiens est ad justificationem obtinendam. Contra secundò. Illa dispositio sufficiens est ad justificationem extra Sacramentum obtinendam, quâ posita Deus in hac Providentia justificationem promisit; atqui posita extra Sacramentum contritione perfecta, absque exceptione ulla inter magis, & minùs perfectam, Deus promisit justificationem, ut ex Tridentino, & SS.PP. constat ex dictis à num.284.& 350.ergo &c. Contra tertio: actus, quo Deus super omnia appretiamur, sufficiens dispositio est ad justificationem extra Sacramentum ex num. 287., sed ita se habet actus Charitatis, sive perfectæ cōtritionis, quantumvis remissus, ut constat ex ibi dictis, & patet ex S.Thom.3.par.quest.70. artic.4.in corp.dicente: *Minima gratia potest resistere cuilibet concupiscentiæ, & vitare omne peccatum mortale, quod committitur in transgressione mandatorum legis: minima enim chari-*

tas plus diligit Deum, quàm cupiditas nimia auri, & argenti: ergo &c. Ex dictis plurimæ inferri possunt illationes, non modò utiles, verùm etiam omninò necessariæ pro praxi. Objectiones, quæ fieri hìc possent, commodiùs dissolventur infrà, à num. 470. Nunc pro praxi sit.

SECTIO QUARTA.

*Prolegomenon pro praxi Ecclesiæ inve-
stiganda.*

444. **D**Uplicem in amore magnitudinem, *intensivam* videlicet, & *appretiati-
vam*, tum Philosophi, tum Theologi agno-
scunt, ex dictis n. 281. Discrimen autem inter
utramque maximum si quis ignoret, mini-
mè poterit præsentis controversiæ statum
agnoscere: quamobrem necesse est accura-
tiùs in præsentì terminos explicare. *Appre-
tatio* enim est de actûs essentiâ, adeò ut si
actus in gradu remisso suum non appretiet
objectum super omnia, illud certè numquam
super omnia appretiare possit, ad intensissi-
mum licèt usque gradum se protrahat. *In-
tensio*

tensio verò est id, ex quo actus additamentum illud, ac detrimentum, sive *magis & minus* suscipit, eòdem tamen semper tendendo, sive appretiatiuè, sive aliâ prorsùs tendat viâ. Vndè planè consequitur, actum, qui ex se perfectæ charitatis formam non induit semel, illam induere nunquam, quâcumque demùm intendatur vehementiâ. Quæ porrò est ratio D. Thomæ in supplemento quæst. 1. artic. 3. docentis, attritionem nunquam posse fieri contritionem. Actus autem remissus (quis inficietur?) fieri potest intensus.

Cæterùm cùm actus perfectæ charitatis non possit non esse appretiatio Dei super omnia, ut docet Catechismus Romanus in primam petitionem Dominicam dicens: *Nec verò ex animo, & unice potest amari Deus, nisi rebus, ac naturis omnibus ejus honor, & gloria preponatur*; cumque appretiatio Dei super omnia maximus sit erga Deum amor, idcirco ex se ille valdè vehemens, acer, & incensus erga Deum sit amor, oportet: non aliter, ac prophanus amor pluris creaturam faciens, quàm Deum, amor ex se valdè vehemens, acer & incensus erga creaturam appellatur. Quod ipsissimum Augustinus tom. 8.

Enarratione in Psal. 121. in hunc planè modum asseruit : *Sicut amor immundus inflamat animam , & ad terrena concupiscenda , & peritura sectanda vocat perituram , & in ima precipitat , atque in profunda demergit ; sic amor Sanctus ad superna elevat , & ad eterna inflamat :::: duobus præceptis dilectionis Dei , & proximi volat . Quò nisi ad Deum ascendit volando , qui ascendit amando .* His accinit D. Thomas in supplemento quæst. 1. artic. 2. *Sicut inflammatio propriæ voluntatis ad malum faciendum importat , quantum est ex se , malum ex genere , ita illius voluntatis annihilatio , & comminutio quædam de se importat donum ex genere , quia hoc est detestari propriam voluntatem , quâ peccatum est commissum . Et ideò contritio , quæ hoc significat , importat aliquam reformationem voluntatis .*

445. Exindè facilè noveris, cùm contritio tantoperè sibi displiceat in malo, quantum placuerat peccatum, esse nullum actum posse, aut perfectam charitatem, aut contritionem, nisi Deum rebus omnibus præhabuerit. Sic D. Thomas in Supplemento quæst. 3. artic. 1. in corpore : *Respondeo dicendum , quod sicut supra dictum est , in contritione est duplex dolor,*

dolor, unus est in ipsa voluntate, qui est essentialiter ipsa contritio (non ait intensivè, sed essentialiter) quæ nihil aliud est, quàm displicentia præteriti peccati, & talis dolor in contritione excedit omnes alios dolores, quia quantum aliquid placet, tantum contrarium ejus displicet. Finis autem super omnia placet, cum omnia propter ipsum desiderentur. Quibus profectò verbis S. Thomas apertissimè fatetur, contritionem, quòd aliis major confurgat doloribus, non ex sui intensione, sed ex essentiâ suâ hoc planè habere; exindèque dolorem valdè vehementem, valde acrem, valde incensum à Theologis passim perhiberi, quin ulla indigeat intensione, cùm id habeat ex essentiâ suâ: non minùs quàm minima scintilla ignis Inferni, adeò vehemens, acris, & incensa est, ut quamcumque nostri ignis intensiorem exsuperet.

Hujusmodi autem dolor tantus est, excellentisque adeò nobilitatis, ut vel cùm in humili, omniumque maximè remisso gradu se continet, ad ipsius aspectum non audeat peccatum accedere, minimèque possit cum ipso conjungi. Statim quippè gratissimam gratiæ formam induendo, acerrimam illam exercet, impacabilemque cum peccato inimicitiam.

citiam. Ut laudatus D. Thomas in Supplemento quæst. 5. artic. 3. §. Sed contra concludit: *Quælibet gratia gratum faciens delet omnem culpam mortalem, quæ simul stare cum eâ non potest: sed quælibet contritio est gratiâ gratum faciente informata: ergo quantumcumque sit parva, delet omnem culpam.* Quapropter Magister Prado Tomo de Pœnitentia quæst. 1. de Contritione dubio 3. §. 2. folio 494. D. Thomæ vestigiis inhærens, ita habet: *Asserendum est in omni eventu contritionem quamlibet perfectam quantumvis minimo charitatis actu, afferre secum statim, & semper remissionem peccatorum, & oppositam sententiam non solum esse periculosam, & parum in fide tutam, sed & temerariam, & scandalosam.* Ex his se se ultrò profert, aperitque illud discriminis, quod nuper admonebam, contritionem nimirum esse valdè vehementem, acrem & incensam, sibi que ex se hoc omninò deberi, ut ipsa sibi constet; aut esse valdè intensam, quod quidem ipsi, tanquam extimum quoddam additamentum accidit, atque iam constitutæ supervenit. Unde quando Catechismus Romanus titulo de Pœnitentiæ Sacramento, ait: *Ut enim hoc concedamus, contritione peccata deleri, quis igno-*
rat

rat illam adeò vehementem , acrem , incensam esse oportere , ut doloris acerbitas cum scelerum magnitudine equari, conferrique possit ? Valde immutata quidè fertur aliis , qui hæc Catechismi verba afferendo , particulam incensam omittunt, illiusque loco substituunt intensam. Quare Synodus Agathensis celebrata Anno 1681. ab Illustrissimo & Reverendissimo Domino D. Iacobo Circio à Monte Regali , & impressa Romæ in Typographia Reverendæ Cameræ Apostolicæ , cap. 10. de Pœnitentia , sic ait : Et sat est ad veram contritionem detestatio super omnia , licèt dolor non sit ita intensus , ut alicujus mali temporalis .


446. Verùm enim verò , ut hæc veritas clarioribus adhuc insignita votis appareat, simulque constet , quàm conformis sit Ecclesiæ praxi Assertio nostra , quam præcedenti sectione docuimus propugnantes , non requiri ad fructum Sacramenti pœnitentiæ contritionem perfectam , sive magis , sive minùs incensam , sed sufficere supernaturalem attritionem ex alio motivo conceptam , cum spe veniæ ; illam à Tridentini Concilii publicatione , ad hæc nostra usque tempora in Ecclesiæ praxi fuisse ostendemus , utque verum impro-

improbari non possit, quod omnibus verum, vel ferè omnibus visum fuit, Elenchum in hac sectione subnecto ex toto Orbe Christiano collectum, Authorum, Vniversitatum, Facultatum, Synodaliū, Catechismorum, & id genus aliorum, quin possit ex adverso à Tridentini publicatione usque ad annum 1640. longus Authorum syllabus reponi, qui hac de re, vel dubitaverint.

Moneo tamen, Censuras latas adversus contrariam opinionem ab aliquibus Authoribus, quos hinc indè refero, verba ipsorum adducendo, nequaquam à me adduci animo censurandi, à quo maximè abstineo, nec intendo ullo modo censurâ inurere sententiam contrariam: quod quidem prohibitum est iure merito ab Alexandro VII. Tantùm ergo refero, ne omittantur Authores, qui à publicatione Concilii Tridentini, usque ad Alexandri VII. decretum scripsere, utque constet, qualis per hæc omnia tempora fuerit Authorum sensus. Catalogum subtexo ordine alphabetico, quem jam subjicio.

Ada-

A



ADAMUS Tannerus Societatis Jesu tom.4. disp.6. de pœnitentia qu.6. dub.4. *Ad valorem, & effectum hujus Sacramenti non requiritur perfecta contritio, aut re ipsâ existens, aut existimata, sed sufficit attritio etiam cognita: ita habet nunc communis, & quasi omnium doctorum sententia.*

Ægidius de Coninck Societatis Jesu tom.1. de sacr. quæst.62. art.1. dub.2. postquam exposuit attritionem ex alterutro ex his motivis conceptam, ita habet. *Ad gratiam per baptismum, vel pœnitentiam suscipiendam post peccatum mortale commissum, tam ex parte mediæ, quàm præcepti sufficit perfecta attritio, etiam cognita talis.*

Ægidius Estrix Societatis Jesu in lib. cui titulus. *Decertatio historico-theologica pro mente Concilii Tridentini de vi attritionis sine amore amicitiae in sacramento: & in altero, cui titulus: Confutatio suppositæ veritatis, & charitatis: doctrinam nostram, ut certam, & tutam omninò defendit post Tridentinum.*

Ale-

Alexander Madernus Barnabita 3. par. tr. 4. quæst. 2. art. 16. num. 1. pag. 519. ita habet. *Jansenius verò, quem sequuntur Janseniani, vult, non sufficere attritionem ex metu gehennæ, sed requiri contritionem ex amore procedentem: communis tamen vera, & certa sententia docet, sufficere attritionem ex metu gehennæ.*

Alphonfus Mendoza Ordinis Eremit. S. Augustini Salmanticensis Doctor in relectione de regno Christi quæst. 2. §. 8. de hac attritione ait: *Esse actum sufficientem, ut gratia sanctificationis per sacramentum peccatori conferatur.*

Alphonfus Salmeron Societatis Jesu, Theologus ad Concilium Tridentinum à Summo Pontifice missus, tom. 11. tract. 22. de attritione, quæ non habetur ex charitate, sed ex timore justitiæ Dei, ita pronunciat: *Hic dolor, etsi per se sit imperfectus, in sacramento tamen conjunctus remissionem efficit peccatorum.*

Alphonfus Antonius de Sarasa Societatis Jesu, tom. 2. cui titulus: *Ars semper gaudendi*, tract. 14. §. 2. sic asserit. *Attritio sola sufficiens est dispositio ad justificationem, & remissio-*

missionem peccatorum in sacramento pœnitentiæ recipiendam. Actus autem charitatis inefficax , qui præterea à quibusdam requiritur, merum est figmentum , & quidè m Neoterium .

Alphonfus Vega in summa Hispana hæc in Latinum conversa habet . *Attritio est dolor imperfectus ex metu gehennæ, & pœnarum inferni conceptus juxta Concilium: alterum est, quod Theologi communiter dicunt , nimirum quod intercedente sacramento pœnitentiæ, qui suscipit illud , fit de attrito contritus . Attritio fit contritio , non intrinsecè , hoc est ratione objecti, sed extrinsecè, hoc est ratione gratiæ supervenientis .*

Angelus Maria de Vernicelli in quæst. moral. tom. 1. tract. 2. quæst. 38. num. 8. ait : *oppositum esse falsum, temerarium, & erroneum.*

S. Antoninus Archiepis. Florent. Ord. Prædic. 3. parte tit. 14. cap. 19. §. 5. *Attritus accedit ad confessionem, ex quo ibi fit contritus, ex quo fugatur fictio, & sic non habet dubium, quia & sacramentum suscipit, & effectum ejus, scilicet remissionem peccatorum, unde non tenetur iterare, fit similiter, imò fortiùs, si accedit contritus .*

An-

Antoninus Diana Clericus Regularis, 1. parte summæ editæ Lugduni 1644. verbo *Attritio*. num. 3. *Ecclesia in Tridentino docet, ad salutem sufficere Attritionem cognitam cum Sacramento: & num. 8. Certum autem est, Attritionem ad Sacramentum Confessionis sufficere.*

Antonius Bonettus Societatis Jesu in Tract. de Timore Pœnitente integrum Librum impendit, probans doctrinam nostram esse tutam in praxi.

Antonius de la Parra Ordinis Clericorum Minorum Tom. de Sacram. tract. 2. disp. 3. quæst. 2. artic. 1. de nostra sententia ait: *Sibi videri jam definitam in Tridentino.*

Antonius de Escobar, Societatis Jesu lib. 14. de Sacramen. Pœnit. sect. 1. cap. 5. num. 25. *Attritio cum Sacramento peccatorem justificat.*

Antonius de Litteratis, in summa Compendiosa Sacramen. Ecclesiæ, parte 1. cap. 32. *Hæc tamen attritio non est mala, quia timor iste servilis comparatur setæ Sutoris, quæ filum introducit, ut dicitur de Pœnitent. dist. 2. cap. Sicut seta, ut inquit Sotus in 4. sentent. distinct. 14. quæst. 2. artic. 5. & hanc attritionem*

tionem, inquit Concilium Tridentinum, esse donum Dei, & impulsus Spiritus Sancti, non adhuc inhabitantis, sed tantum moventis, quo pœnitens adjutus, viam sibi ad justificationem parat, modò duo concurrant: primum, quod hic timor excludat voluntatem peccandi: secundum, ut sit cum spe veniæ, nam tunc adjuncto Sacramento sufficit ad veniam peccati.

Antonius Fernandez de Moûre, in Examine Theologiæ Moralis. par. 3. cap. 6. §. 5. *Quid est Attritio? Respondeo: difficillima est in hac questione resolutio, rectè tamen sic potest constitui, Attritio est dolor, per quem nobis displicet peccatum à nobis commissum super omne odibile cum proposito vitandi illud supra omne vitabile propter aliquod motivum supernaturale, quod non sit Deus ipse, quatenus est summè bonus, à quo peccatum avertit, quem dolorem appellant Theologi imperfectum, quia per eum non statim justificatur attritus, ut justificatur per contritionem, perfectum dolorem: hæc est descriptio, per quam meliùs declaratur essentia attritionis, quâvis aliâ descriptione: circa ea multa sunt adnotanda certa, & indubitanter asserenda. Primum est, hanc contritionem esse dispositionem ad gratiam: ita Concil. Trid.*

De Pœnit. Pars I.

K k

sess. 14.

sess. 14. cap. 4. Quid est hoc motivum supernaturale attritionis ? Respondeo . Duplex; nimirum metus gehennæ , & scœditas peccati: ita Concil. Trident. sess. 14. cap. 4.

Antonius à Spiritu Sancto ex Ordine Carmelit. Discalc. Episcopus Angolensis Tract. 5. Directorii disput. 3. sect. 2. affirmat: *Contrariam sententiam, saltem post Tridentinum, non esse probabilem .*

Antonius Corduba, qui Concilio Tridentino interfuit, lib. 1. Quæst. Theolog. quæst. 2. opinione 3. postquam doctrinam nostram ex Trident. sess. 14. cap. 4. probaverat, ita infert: *Igitur taliter attritus, utiliter, & fructuosè confitetur, & virtute Sacramenti justificatur, nam non potest decretum hoc aliter intelligi, cum in ultimis verbis expressè dicat, quod in Sacramento, & non extrà, illa attritio ad gratiam obtinendam disponit .*

Armalduus Joannes S.R.E. Cardinalis de Richelieu, in tract. de Perfectione Christiana, cap. 10. ex Gallico in Latinum, sic habet: *Contritio perfecta habet Deum pro unico, seu ad minus pro principali objecto: talis dolor non est absolutè necessarius ad obtinendam remissionem peccatorum cum Sacramento Pœnitent-*

sentia, quia ex se ipsa contritio peccata remittit. ::: Tertia est Attritio, quæ est media inter perfectissimam, & invalidam, est illa, quæ est necessaria, & sufficiens ad obtinendam remissionem peccatorum in Sacramento Pœnitent. iste dolor communiter concipitur ex apprehensione gehennæ, privationis cœlestis Paradisi, & turpitudinis peccati.

S. Augustinus Hipponensis Episc. quamvis exigat contritionem perfectam ad justificationem extra Sacramentum, sive ad obtinendam gratiam per pœnitentiam, quam agimus, solum exigat attritionem ad Sacramen. Pœnit. quod suscipimus: cùm nullam aliam exigat ad obtinendam gratiam per Sacramentum mortuorum: ait enim Tom. 4. lib. de Catechizandis rudibus cap. 17. non esse Christianum verum (id est bonum, ut patet ex contextu) qui ex motivo temporalis commodi accedit ad Baptismum; benè verò qui ex motivo gloriæ promissæ, & timore gehennæ Baptismum suscipit: en ejus verba: *Sunt enim qui propterea volunt esse Christiani, ut aut promereantur homines, à quibus temporalia commoda expectant, aut quia offendere nclunt, quos*
K k 2
timent,

timent, sed isti reprobi sunt ::::: qui autem propter beatitudinem sempiternam, & perpetuam requiem, quæ post hanc vitam Sanctis futura promittitur, vult fieri Christianus, ut non eat in ignem æternum cum diabolo, sed in regnum æternum intret cum Christo, verè ipse Christianus est. En attritionem cum spe veniæ, absque motivo charitatis sufficientem ex Augustino ad Sacramentū Baptismi fructuosè recipiendum, ac proindè sufficientem ad conferendam gratiam cum Sacramento Pœnitentiæ, cùm eadem utrobique ratio militet.

B

B Artholomæus Mastrius Ord. Min. tom. 4. in 4. disput. 5. de Pœnit. quæst. 6. artic. 1. num. 137. *Attritionis duplex assignat motivum Tridentinum: unum ex turpitudinis peccati consideratione, alterum ex pœnæ, & gehennarum metu, & quæst. 15. num. 413. Dicendum est, Attritionem in Confessione Sacramentali necessariam, & sufficientem, esse debere supernaturalem, & ex duobus motivis à Concilio Tridentino assignatis loco citato.*

Bar-

Bartholomæus de Medina Ordin. Prædicat. in Instructione, cap. 2. pag. 5. ex Hispano in Latinum conversa hæc habet: *Quamvis pœnitens accedat in peccato, cum sola attritione, recipit virtutem Sacramenti, gratiam, & remissionem, ut definit Sacrum Concilium Trident. sess. 14. cap. 4.*

Benedictus Pereyra Societatis Jesu in Promptuario Theologico-Morali, trac. 39. sect. 2. quæst. 3. num. 1149. *Attritio verò est quavis alia honesta, & supernaturalis detestatio ex motivo inferiori, scilicet peccati, quæ opponitur beatitudini æternæ, vel honestati virtutum: statimque subjungit: Dicendum tamen est, supernaturalem, & integram attritionem peccatorum mortalium, absolutè loquendo, sufficere ad valorem, & effectum Sacramenti Pœnitentiæ.*

C

Concilium Dioecesanum Agathense, ab Illustrissimo & Reverendissimo D. Jacobo Circio à Monte Regali, Romæ ex Typographia Reverendæ Camerae Apostolicæ, Anno MDCLXXII. de Sacram.

Pœnit. titulo 26. cap. 10. sic habet: *Peccatum contritum, confessum, & satisfactioni expositum, est materia proxima hujus Sacramenti; est autem contritio, præteriti peccati, ut est Dei offensa, voluntaria super omnia detestatio, cum proposito futura vitandi, & commissæ confitendi: contritio propriè non est tristitia, aut dolor, sed actus, cujus comes dolor, ex quo nollet homo peccasse: sed considerans, non posse non esse factum, fit tristitia in sensu, & prorumpitur in lacrymas, & sat est ad veram contritionem detestatio super omnia, licet dolor non sit ita intensus, ut alicujus mali temporalis, & non aufert contritio totam pœnam, sed posset esse tanta, & talis, ut auferret, nec est necessaria singulorum mortalium particularis contritio, sat est una generalis: non tenetur quis conteri magis de uno, quàm de alio peccato, & cum in memoriam subit peccatum, non tenetur quis conteri, sat est in ipso non se complacere, & contritio de per se, etiam sine Sacramento, remittit peccatum mortale, dat gratiam, & si contritus moriatur, salvabitur: quando autem actus non est perfectus, dicitur attritio, ut si peccatum detestetur alio fine, quàm Dei offensa, vel non super omnia.*

Con-

Concilium Diœcesanum Alexandrinum, Anno 1602. sub Illustrissimo & Reverendissimo D. Petro Georgio Odescalco Episcopo Alexandrino, postquam Tit. de Pœnit. dixit, interrogandos esse pœnitentes, an doleant de peccatis, quia Dei offensa sunt, subdit: *Quod si perfecta hujusmodi displicentia in eo excitari minimè possit, ea saltem sit, ut Sacramenti virtute accedente, beneficium absolutionis impendi ei possit.*

Concilium Diœcesanum Placentinum celebratum 1589. sub Illustrissimo & Reverendissimo D. Philippo Sega Episc. Placentino tit. de Pœnit. circa initium, hæc habet: *Vt contritio, contemptis aliis Pœnitentiæ partibus, non delet peccatum, ita quamvis adsint aliæ partes, sine cordis contritione, vel saltem competenti attritione, non adimitur peccatum.*

Catechismus, cui titulus Praxis Catechistica, à Jacobo Marchant in communem fideiũ utilitatẽ deprompta, Venetiis, anno 1667. agens de Pœnit. Sacramen. lectione 3. & 4. hæc habet: I. *Quid si quis doleat propter pœnas Inferni, quas timet? Resp. tunc est solũ attritio.* I. *Poterit ne talis justificari? Resp.*

Poterit cum Sacramento absolutionis, si verè proponat emendationem.

Catechismus Romanus cap. de Pœnit. Sacramento, post definitam contritionem in communi, definit ita contritionem perfectam: *Perfecta contritio est charitatis actio, quæ ab eo timore, qui filiorum est, proficiscitur: & post pauca: Quamquam si id minùs consequi nobis liceat, ut perfecta sit, vera tamen, & efficax contritio esse potest.* En contritionem, & quidem efficacem, & partem Sacramenti, quæ non est contritio perfecta, hoc est: *Quæ non est charitatis actio, quæ ab eo timore, qui filiorum est, proficiscitur.* Neque effugium est in illis voculis, *si minùs*, cùm latinè locuti sint Catechismi Authores, tersi sermonis viri. Idem quippè illis fuit, *si minùs*, ac *si non*, quod & contextus ipse hoc loco declarat. Idem habet in quintam Petitionem: *Dimitte nobis &c.* sic exponens: *Hæc si nos minùs movent rupta fœdera charitatis, moveant certè calamitates, & ærumnæ, in quas per peccatum incidimus.* Continuò calamitates illas copiosè explicat, & subjungit: *Sed ne peccatorum pravitate deterritus populus, veniam impetrare posse*

se desperet , ipsum ad spem vocare Parochi debent, his rationibus , quòd & Ecclesiæ Christus Dominus potestatem dedit ad remittenda peccata .

Catechismus Compositus à Petro Antonio Preti Canonico, & Vicario Generali Sublaci, eiusque Abbatiae, Romæ editus, Anno 1667. Italicè sub hoc titulo: *Il Giovinetto addottrinato, ove con brevi, e semplici risposte s'insegna tutto quello si hà da credere, sperare, & operare da Cristiani. Ridotto in questa forma secondo la direttione del Catechismo Romano. Explicans attritionem, & quartum Ecclesiæ Sacramentum, ita habet: P. Se uno haveffe questo dolore per paura dell'Inferno? G. Non saria contritione, ma attritione. P. Cbe effetto fà l'attritione? G. Vnita con il Sacramento della penitenza, rimette li peccati .*

Catechismus ad Parochianos, & Scholares Scholarum Piarum, compositus à Rever. P. Philippo Angelini Ordinis Prædicat. Parrocho S. Mariæ supra Minervam, in editione Romana Anni 1627. sub hoc titulo: *Avuiamento chiaro, e facile al Sacramento Santo della Confessione &c. ubi per interroga-*
ga-

gationes Magistri; & Discipuli Responsiones, Ecclesiæ praxim ostendit, titulo autem de Contritione hæc habet: *M: Ma* chi del peccato commesso il dolore, ed il proposito di non più peccare, così grande non potesse havere, e se pure l'havesse, non fosse per Iddio, cioè perche il peccato è offesa di Dio, ma si dolesse per la bruttezza di esso, ò per la paura dell'Inferno, e delle pene sue, saria questo dolore alla Confessione sufficiente? *D.* Chi così del peccato si duole, ò per la bruttezza del peccato, ò per la paura dell'Inferno, e delle sue pene, e non si ferma qui vi, ma fa un passo avanti, ed anche esclude la volontà di più peccare, con isperanza del perdono, questo sì fatto dolore da Dottori chiamato attritione, che è (come afferma il Concilio Sacro di Trento) dono dello Spirito Santo, non per gratia habitante, mà movente alla gratia, saria bastante alla Confessione, ed un tal penitente nell'atto dell'assolutione di attrito diventaria contrito, cioè che in virtù delle chiavi della Chiesa, cioè dell'assolutione riceveria la gratia; e lo Spirito Santo, che era movente, si faria per gratia habitante in lui, come negl'altri giusti. *Quid quæso clariùs dici*

dici poterat , ad ostendendam in ipsa Romana Curia praxim Ecclesiæ .

Catechismus Joannis à S. Thoma , Ordinis Prædicat. ex Hispano idiomate in Italicum traductus à quodam ejusdem Ordinis Religioso , & Romæ , & Todi edito , per Vincentium Galatii , Anno 1678. cap. 10. fol. 66. ita habet : *D. Basta per il perdono del peccato qualsivoglia pentimento ? M. La vera contritione (che non è senza la carità) anche avanti di ricevere il Sacramento , è per se sola sufficiente al perdono de' peccati , con desiderio però , & obbligo di confessarlo , ma la attritione non basta senza il Sacramento .*

Catechismus compositus à D. Joanne Laurentio Guadagno Neapol. Theologo , editus Venetiis , Anno 1690. sub hoc titulo : *Tesoro della Dottrina di Cristo Nostro Signore : ubi explicando Confessionem Sacramentalem , hæc habet : Uno si pensa veramente essere attrito , & non è , se pecca , e se riceve la gratia , andandosi à confessare ? Rispondo . Colui non pecca per la buona credenza , con la quale si pensa essere attrito , ma non riceve la gratia , perchè non hà la dispo-*

dispositione , che si ricerca per ricevere questo Sacramento , che è la vera attritione .

- S. Carolus Borromæus in Sacramentali Ambrosiano eandem Ecclesiæ praxim supponit, dum sub eo titulo. *Quæ in ministratione sacramenti Parochus , & Confessarius observet , sic præscribit : Quod si pœnitens nullam contritionem , nec verò saltem attritionem , aut neque propositum abstinendi in posterum ab aliquo mortali peccato ostendet , eum minimè Confessor absolvet : quibus in verbis manifestè supponit praxim absolvendi , si pœnitens accedat cum attritione licèt non accedat cum contritione .*

Concilium, sive Synodus Catanensis, celebrata anno 1668. die 11. 12. & 13. Maji ab Illustrissimo, & Reverendissimo Michaële Angelo Bonadies Episcopo Catanensi Comite Mascalarum Regio Consiliario sess. 1. decreto 6. de sacram. pœnitentiæ sub titulo, Materia proxima, nu. 5. fol. 117. post pauca . *Si verò angor ille ob patrata crimina ex inferiori motivo nempè , vel ex gehennæ , & pœnarum metu, vel æternæ gloriæ jactura , aut ipsius peccati turpitudine oriatur, erit imperfecta contritio reputanda ,*
atque

atque attritio communiori voce dicenda, quæ quidè m, & sine actuali sacramenti susceptione, hominem per se justificare nequit, nihilominus si peccandi voluntatem excludat, veniæque spem obtinendæ adnexam habeat, illum ad Dei gratiam in sacramento pœnitentiæ impetrandam disponit, & quidè m dispositione ultimâ, & proximâ; unde illud vulgare emanavit effatum: homo sacramentali confessione ex attrito fit contritus.

Concilium, sive Synodus Parmensis 1690. & promulgata 1691. primo decreto de sacram. pœnit. hæc habet. *Actus odii in peccatum propter summam charitatem erga Deum, vel ob timorem gehennæ, & turpitudinem culpæ elicitos, si cum absolutione sacerdotis conjungantur, ad dignitatem sacramenti producentis infallibiliter gratiam Jesus Christus in novo Testamento elevavit.*

Concilium, sive Synodus insignis Abbatix Sublacensis, nullius Diœceseos celebrata per Eminentissimum, & Reverendissimum D.D. Carolum Barberinum S.R.E. Cardinal. 1674. sub titulo de sacram. pœnit. cap. 11. hæc habet. *Quos animi sensus, si confessarius pœnitentem, nec habere, nec in*

eo excitari animadvertat, eum iterum, atque iterum opportunè, & importunè arguat, obsecret, increpet, in omni patientia, & doctrina, donec aut contritionem, aut certè attritionem eliciat, sed si frustra laborare se idem confessarius, agnoscat, caveat ne impœnitentibus beneficium absolutionis, etiam in ipso mortis articulo, impertiatur. Quod idem omnino repetit in Synodo Diœcesana Farfensi, cap. 11. de sacram. pœnit. Quid intelligat nomine attritionis? constat ex Catechismo ejusdem Abbatiæ superiùs adducto. Christophorus Haunoldus Societatis Jesu lib. 4. theol. specul. tom. 4. num. 986. Dico ad sacramentum pœnitentiæ sufficere attritionem, cujus ne quidem partiale motivum sit, motivum charitatis, adeoque sufficere dolorem ex metu inferni, vel amore præmii, advertendo ad honestatem objectivam talis motivi.

Cursus Salmanticensis PP. Discalc. tract. 6. de Pœnit. cap. 1. puncto 4. Attritio Christiana dici solet, & est detestatio, & dolor imperfectus de peccato, qui non attingit ad fructum charitatis ::::: disponens tamen ad gratiam remotè, & insufficiens ex se sola, proxime

ximè, & sufficienter, cum Sacramento Pœnitentia.

D

Decretum Gratiani, emendatum, & Notationibus illustratum unâ cum glossis, Gregorii XIII. Pontif. Max. jussu editum: Romæ in ædibus Populi Romani Anno MDCXXXII. cum Bulla ejusdē Gregorii XIII. *Ad futuram rei memoriam*, quæ incipit: *Cùm pro munere Pastoralis*, in qua præcipit, ut Romæ typis detur, ut *hoc juris Canonici corpus fideliter, & incorruptè :::: imprimi possit*, In secunda autem parte hujus Decreti xxxiii. quæst. iii. quæ est Distinctio prima de Pœnitentia, cui titulus: *Utrum solâ cordis contritione, & secretâ satisfactione, absque oris confessione, quisque possit Deo satisfacere &c.* ad hanc Glossam: *Dic, quod, nec cordis contritione, nec oris confessione peccata dimittuntur, sed tantùm gratiâ Dei*: superaddita fuit jussu Pontificis Maximi in emendatione, hæc altera Glossa marginalis: *Idest solus Deus peccata dimittit: sed per meritum Christi, & ministerium Sacerdotis, atque in pœnitente requirit contri-*

contritionem (aut saltem attritionem, quæ deindè virtute clavium fit contritio) confessionem, & satisfactionem &c. Rursus ibidem ad illam ultimam tituli Glossam: *Si tamen subtiliter intueamur, gratiæ Dei, non contritioni est attribuenda remissio peccatorum, ut dixi &c.* Hęc altera marginalis Glossa adjuncta fuit. *Adde multò tutiùs hominem sibi posse persuadere, post confessionem se esse contritum, & in ipsa confessione, & absolutione collatam sibi esse gratiam, quàm antea, nam sæpè virtute clavium ex attrito fit contritus: Vide S. Thomam 4. distinct. 17. quæst. 2. artic. 1 quæst. 1. ad 3. Quibus ex Glossis, & quidèm jussu Gregor. XIII. Pontif. Max. superadditis perspicuum fit: non solùm accedentem ad Sacramentum Pœnit. cum contritione; verùm etiam accedentem cum attritione suscipere gratiam.*

Didacus de la Fuente Hurtado, Societatis Jesu, in Theologia Reformata, in qua exponit propositiones ab Innoc. XI. damnatas dissertat. 6. cap. 4. num. 32. de Attritione non includente dilectionem ex charitate, ait: *Posita vera attritione non requiri, quod illa existimetur vera contritio ad valorem,*
aut

aut fructum Sacramenti, & hoc est, quod ex Concilio efficaciter colligitur.

Didacus de Oropega in lib. cui titulus: *Confutatio libelli Anonymi*, toto cap. 2. de attritione, ut certam in praxi hanc Assertionem defendit: *In Sacramentis mortuorum sufficere attritionem etiam ob pœnas peccati à Deo infligendas.*

Didacus à Sancto Portiano Ordinis Prædic. in 4. distinct. 17. quæst. 1. explicat Attritionem distinctam ratione motivi à contritione, quia ex motivo pœnæ concipitur, quo præmisso distinct. 18. quæst. 2. ita asserit: *In Pœnitente, antequam actualiter suscipiat Sacramentum Pœnitentiæ, quandoque præcedit sufficiens dispositio, delens culpam, & conferens gratiam, & tunc Sacramentum superveniens culpam non aufert, quia non invenit, nec gratiam confert, sed prius collatam auget, quandoque verò non præcedit sufficiens contritio, quæ culpam deleat, sed Attritio, quæ superveniente Sacramento, virtute clavium efficitur sufficiens, & tunc per Sacramentum Pœnitentiæ actu susceptum, & deletur culpa, & confertur gratia.*

E

E Mmanuel Rodriguez Ordinis Minorum in summa casuū, approbata anno 1592. cap. 50. *Ad recipiendum hoc Sacramentum sufficit attritio agnita pro tali, sic enim dicunt Canus, Medina; quæ & videtur approbata à Concil. Trident. ob quod debet teneri.*

F

Florimondus Plessæus Doctor Pictaviensis lib. cui titulus *Veteres Theologi*, pag. 220. magna eruditione probat ex veteribus theologis sufficientiam attritionis ad gratiam causandā in sacramento pœnitentiæ. Facultas Sorbonica Anno 1638. has duas sequentes propositiones damnavit, his verbis: *Quæ tradit Author de attritionis insufficiencia, & contritionis ex perfectâ charitate absoluta necessitate, ad recipiendum Sacramentum Pœnitentiæ, & quæ addit, & approbat de absolutione, quod nihil aliud sit, quàm declaratio juridica peccati jam remissi, damnavit quoque Facultas, & censuit, has pro-*
po-

positiones esse quietis animarum perturbativas, communi, & omni tutæ praxi Ecclesiæ contrarias, efficaciæ Sacramenti pœnitentiæ imminutivas, & insuper temerarias, & erroneas.

Franciscus Amicus Societatis Jesu disputat. 3. de Attrit. sect. 3. num. 31. *Sola attritio supernaturalis, quoad substantiam, est sufficiens dispositio cum Sacramento ad justificationem, ex Trident. sess. 14. cap. 4. & disput. 6. de Sacramen. sect. 4. de Baptismo, & Pœnitentia, ait: Dico secundò: non est necessaria contritio, sed sufficit attritio ad effectum horum Sacramentorum consequendum, ita puto, ex Tridentino manifestè deduci, ut oppositum nequeat hoc tempore sine nota defendi.*

Franciscus Araujus Episcopus Segobricensis Ordinis Prædicat. in disputat. Moralibus, disput. 9. de textu Civili. Assert. 3. num. 21. *ait: Quod contrariæ opinioni videtur adversari Concilium Tridentinum.*

Franciscus de Lugo Societatis Jesu lib. 1. de Sacramen. cap. 1. qu. 4. fol. 53. *Licetum esse, ac tutum præsertim post Trident. recipere pœnitentiæ Sacramentum cū attritione cognita,*

L1 2

quia

*quia sententia negans, illam sufficere, jam impro-
probabilis est, & communiter rejicitur.*

Franciscus Ortiz Ordinis S. Francisci, Cap. 23.
de Pœnit. num. 32. *Paraque la attricion
disponga en el Sacramento à la gracia, hà de-
tener un querer efficaz, y proposito firme, y
hà de ser dolor de todos los peccados, accorda-
dos, y olvidados ::::: dixe que la tal attri-
cion sea por penas sobra naturales, que nos
dize la fè.*

Franciscus Annatus Societatis Jesu, Tom. 2.
cui titulus: Augustinus à Bajanis vindica-
tus, hoc est Jansenianis, lib. 2. cap. 2. de ti-
more pœnæ, quærens quænam sit Attri-
tio sufficiens ad Sacramentum, ita habet:
*Ex verbis, tùm Lutheri, tùm Tridentini ma-
nifestum est, illam ipsam attritionem à Tri-
dentino adstrui, quam Lutherus impugnat: at-
qui est etiam evidentissimum, Lutherum impu-
gnasse Attritionem ex solo metu pœnarum, aut
ex peccati turpitudine, non verò ex amore ju-
stitiæ conceptam: ergo illa est, quam Triden-
tinum adstruit.*

Franciscus Pinthereau Societatis Jesu: Opu-
sculo de sufficientia Attritionis, per totum
Librum, doctrinam nostram latè propu-
gnat

gnat, & graves pariter pro ipsa Authores adducit.

Franciscus Suarez Societatis Jesu tom. 4. in tertiam partem, disput. 20. sect. 1. num. 10. de nostra sententia ait: *Hanc Conclusionem existimo hoc tempore, adeò certam, ut non possit, absque errore negari.*

Franciscus Toletus, S.R.E. Cardinalis, Societatis Jesu, in summa edita, Romæ an. 1601. lib. 3. cap. 11. *Si sit vera detestatio culpæ præteritæ, & propositum cavendi ob pœnas Inferni, puto, quod licet sciat homo, se esse attritum, est vera confessio, & accedentibus hoc modo, absolutio dat gratiam, ut colligitur, ex Concil. Trident. sess. 14. cap. 4.* Omitto plura alia ipsius testimonia, quæ habentur in scriptis illius originalibus in hoc nostro Collegio Romano servatis.

Franciscus à Victoria, Ordinis Prædicat. in summa Sacramen. postquam dixit, partes Sacramenti Pœnitentiæ esse, examen, Confessionem, & satisfactionem, accedit ad explicandam contritionem, & titulo de Contritione, paginâ mihi 140. hæc habet: *Potest tamen esse, quod ex voluntate non sit alius actus, quàm iste: doleo, quia*

offendi Deum, qui nec est elicitus, nec imperatus à charitate, & iste talis actus sine alia dilectione sufficit ad remissionem peccatorum.

G

Gabriel Vazquez Societatis Jesu tom. 4. in tertiam partem, quæst. 92. artic. 1. dub. 2. num. 2. agens de contraria sententia, ait: *Hæc sententia quàm sit periculosa, satis ostendimus, eo Artic. 3. ex ea enim probavimus, tolli efficaciam clavium, quam secundum fidem tenemur concedere.*

Gabriel à Sancto Vincentio Carmelit. Discalceat. disput. 2. quæst. 7. de Sacramen. Pœnitent. editionis Romanæ anno 1657. *Attritio, quæ est dolor de peccatis propter pœnas, v.g. Inferni primo, & secundo loco explicata, est actus bonus, & laudabilis, & sufficiens simul cum Sacramento, ad peccata quæcumque etiam ingentia delenda: Hæc Conclusio est Catholicorum sensus adversus nostri temporis hereticos, qui volunt, talem attritionem hypocrisim esse, & peccatum.*

Gaspar Hurtadus Societatis Jesu, Tract. de Pœni-

Pœnitentia, disput. 6. diffic. 2. ait: *Ad percipiendum fructum Sacramenti Pœnitentiæ, non prærequiri contritionem perfectam, sed sufficere imperfectam, seu attritionem, quod efficaciter deducitur ex Trident.*

Gaspar Sanchez Societatis Jesu. Conc. 5. fer. 4. post Dom. 1. Quadrages. commendata vehementer charitate, ita subjungit: *Fortassè dicet aliquis, dolor ille, qui ab animo proficiscitur, ex metu scilicet gehennæ, vel consideratione beatitudinis &c. ::::: nonnè bonus est? Deoque pergratus? Ita sanè: inficiari non possum, cum Concilium Trident. id satis esse declararet ad peccatorum veniam à Domino per Confessionem impetrandam.*

Georgius Gothardus, in Tract. de Confess. *Omnis Attritio, sive habeatur contritio, sive non, sufficit ad assequendam gratiam, unà cum Sacramento: dummodò habeat omnes conditiones ::::: conditiones autem hæ sunt. Primò talis dolor debet proficisci à turpitudine peccati, vel à metu interitus sempiterni. Secundò debet esse incussus à Deo. Tertiò debet habere spem veniæ, & desiderium perfectæ contritionis.*

Georgius Rhodes Societatis Jesu: de Pœni-

tentia, disput. 2. quæst. 3. sect. 2. §. 1. ait: *Attritionem etiam cognitam omninò ad Sacramentum Pœnitentiæ sufficere, & citatis auctoribus addit: Post Tridentinum, communissimâ voce, ferè omnes. Postea citatis verbis Tridentini sess. 14. cap. 4. subjungit: Quæ verba tam perspicuè rem definiunt, ut meritò neget Suarez, contrariam asseri posse sine errore.*

Gregorius de Valentia Societatis Jesu, tom. 4. disput. 7. quæst. 8. de Contritione, puncto 4. *Concilium autem illam attritionem, etiamsi nullum aliud objectum formale habeat, præterquàm peccatum, ut turpe, aut quatenùs inducens pœnæ reatum, asserit sufficere in Sacramento ad gratiam impetrandam.*

Gregorius XIII. Pontif. Max. hujus nostri Romani Collegii, ejusque Academiæ fundator, totiusque Societatis Jesu optimus Parens in Decreto Gratiani, sententiam nostram, ut tutam in praxi, satis indicavit. Vide supra verbo *Decretum Gratiani.*

Gregorius XV. in Lib. cui titulus: *Memoriale sciendorum à Confessariis, quod est Appendix ad Memoriale sciendorum à Clericis. Iussu Illustrissimi, & Reverendissimi Domini Ale-*

Alexandri Cardinalis Ludouisi, Archi: Bon. & Principis, qui postea fuit Papa Gregor. XV. editum, & indicat omnia scienda à Confessariis, ac præsertim Centum casus obligantes ad restitutionem. Firmi anno 1624. pag: mihi 180. cap. 3. de Contritione. Sic habet: De Contritione, quæ est prima pars materiæ proximæ, & propriæ Sacramenti pœnitentiæ, scire debet Confessarius præcipuè duo: Primò quid sit: Secundò quotuplex sit, atque utrumque discendum in primis est, ex Concil. Trident. sess. 14. cap. 4. Non omissis tamen iis, quæ utilia ad praxim adduntur à gravioribus DD. docet autem Concilium, contritionem esse dolorem, ac detestationem de peccato commisso, cum proposito non peccandi de cætero: esse verò duplicem, unam charitate perfectam, quæ delet peccata etiam ante Confessionem, non tamen absque voto, seu proposito confitendi, (& hæc sola absolutè contritio dici solet, & ita deinceps à nobis dicetur) alteram imperfectam, quæ attritio vocatur, & concipitur ex turpitudinis peccati consideratione, vel ex gehennæ, ac pœnarum metu, & hæc quidem ante Confessionem non justificat, ut facit contritio, sufficit tamen cum Sacramento ad justificandum, si vo-

si voluntatem peccandi excludat, cum spe veniæ. Hæc omnia docet Concil. Trident. citatum.

H

Hieronimus Llamas Ordin. S. Bernardi in methodo Curationis Animarum par. 2. cap. 2. §. 6. Colligitur secundò, quod quamvis attritio secundum sententiam Philosophicam, & Theologicam, nequeat fieri contritio, cum sint dolores specie diversi, sicut homo nequit equus fieri, tamen virtute Sacramenti, attritus homo fit contritus, ad quod parum facit, aut nihil, quod attritus sciat, vel cognoscat, vel suspicetur se attritum.

Henricus Henriquez, Societatis Jesu lib. 1. de Sacramen. Pœnitent. cap. 26. nostram sententiam ex Tridentino sess. 14. cap. 4. approbat, Scriptoribusque permultis citatis, sic adnotat: *Quod in publicis actibus Salmantic. Peña, & postea Gallo, Sancius, & alii doctissimi reputarunt, ita certum, ut sine temeritate, vel errore negari non possit, & idem planè fatetur Scotus distinction. 14. quest. 2.*

Henricus de Villalobos Ordinis Minorum, in
sum-

summa par.1. Tract.9. de Sacramen. Pœnitent. difficul.23. ex Hispano in Latinum, sic habet: *An Attritio cognita, ut talis sufficiat ad Sacramentum Pœnitentiæ? Conclusio est affirmativa, eamque defendunt S. Thomas, Scotus, Antoninus, Sylvester, Canus, Capreolus.*

Henricus Waghereck Societatis Jesu, in Cõmentario exegetico SS. Canonum, lib.4. tract.7. Controvers.2.num.986. Dico, *ad Sacramentum Pœnitentię sufficere attritionem, cujus ne quidem parziale motivum sit motivum charitatis.*

I

JACOBUS Illsung Societatis Jesu in theologia practica tract.6. disp.6. quæst.3.ar.2. *Ad valorem sacramenti, neque requiritur dolor nixus motivo perfectæ charitatis, ad æquatè movente ad detestationem peccatorum, neque etiam tantùm inadæquatè movente sed sufficit mera attritio etiam cognita, ut talis.* Ita in editione facta Dilingæ an.1693. Jacobus Latomus in tract. de secura confessione pag.107. *Ante confessionem non requiritur*

ritur charitas, neque contritionem tibi credas, futuram inutilem, nisi prius gratuitam Dei dilectionem, & procedentem ex ea peccati dolorem adeptus fueris, & pag. 108. col. 2. Igitur qui firmi propositi est abstinendi à peccatis, & de præteritis dolet, eo dolore, quem attritionem diximus, & accedat cum fiducia, & reverentia ad pœnitentiæ sacramentum per puram, & integram confessionem, tamquam ad vasa gratiæ divinitus constituta, ad humanæ fragilitatis subsidium, & penuriæ supplementum: hac enim ratione non tam gravis, quàm amabilis peccatori debet videri confessio, cui certa via ad gratiam, veniam, & absolutionem pertingendi.

Inquisitio generalis Hispana, ut habet Richardus Arsdekin tom. 2. par. 2. tractat. 1. cap. 3. quæst. 21. hanc propositionem damnavit. Confessio ex solo pœnarum metu facta, & non etiam ex amore Dei, nulla est, adeoque iteranda. Eadem generalis Inquisitio, ut habet Didacus de Oropega cap. 2. de attritione sub interminatione excommunicationis &c. prohibuit, quæ sequuntur: Potest statui duplex genus attritionis, unum, quo peccatum displicet, super omne odi-

odibile quidè m , & propter Deum summè dilectum , sed cum remisso , ac debili voluntatis conatu , & hujus generis attritio propriè dicta contritio censerì potest , & imperfecta , sufficiens ad hominem Deo reconciliandum , accedente sacramento . Alterum genus est , quo peccator , etsi peccatum detestetur , non tamen propter Deum , sed tantùm propter pœnas , aut propter Deum quidem , sed non summè dilectum , cujusmodi attritionem supra notavimus , non esse sufficientem ad hominem reconciliandum , ne quidè m accedente sacramento .

Joannes Azor Societatis Jesu par.1. institutionum moralium lib.2.cap.12. Cujus oppositum alii opinantes , dixerunt sufficere solam attritionem , etiamsi peccator , eam attritionem esse cognoscat ; dummodo tamen talis sit , quæ omnem peccandi voluntatem , & prævum affectum excludat , qualis est peccatorum dolor conceptus ex metu gehennæ , aut desiderio , & studio vitæ æternæ , aut odio turpitudinis peccatorum ex Spiritus Sancti dono , cum spe veniæ impetrandæ . Hoc tradit Canus de pœnitentia par.5. versiculo Deindè etiam attritio efficax . Primum non est dubium , tutius esse ; tamen secundum suadere , & eligere possumus

sumus , citra ullum animæ periculum .

Joannes Henrico Manigart Leodius S. Theol. Lovanii Licent. Pastor S. Remigii Leodii , & Exam. Synodalis , in praxi Pastoralis , part. i. cap. v. de Sacramen. Pœnitent. hæc habet : *Attritus in Sacramento semper fit contritus , quia infunditur gratia sanctificans , & habitus charitatis , & sic æquivalenter quasi , & quoad ultimum contritionis effectum fit contritus , quia remissionem peccati , & justitiam consequitur .*

Joannes Benedicti Seraphici Ordinis eruditus scriptor , in summa de peccatis ex Gallico in latinum sic de attritione loquitur . *Non procedit ex charitate , neque ex timore filiali , sed ex timore servili , tamen dicit sacrum Concilium Tridentinum , bona est , & habet donum à Deo qua attritione peccator adjutus se disponit ad justificationem , cum ipsa ex se sufficiens non sit ad illam impetrandam , ut contritio , nisi juncta cum sacramento confessionis .*

Joannes Caramuel Episcopus Vigevanensis Ordinis S. Benedicti in theologia fundamentalis anno 1619. *In lege naturæ debebat , Deo peccator contritionis lachrymas , seu dolorem*

rem: & modò satisfacit, si confessionem cum attritione ponat .

Joannes de Cardenas Societatis Jesu , tomo posthumo crisis theologicæ dissertat. 2. quæst. 1. num. 64. de nostra sententia ait. *Respondeo; non obstante ea opinione Lovaniensium , nostram doctrinam esse certam, & omninò tutam .*

Joannes de la Cruz Ord. Prædic. in directorio conscientiaë par. 2. quæst. 3. de confessione. *Alius dolor attritionis est perfectus, & efficax, excludens omninò affectum peccati, & inducens voluntatem absolutam vitandi omnia peccata : iste dolor , non solùm est pars constituens sacramentum validũ, ut prior: sed etiam est sufficiens dispositio ad effectum gratiaë in sacramento .*

Joannes de Dicastillo Societatis Jesu de Poenitentia disput. 6. num. 34. *Post Tridentinum oppositam sententiam non esse probabilem, quod etiam mihi placet & num. 142. Res tam clara est (ex Tridentino) ut quamvis non sit res de fide, non relinquat locum prudenti dubitationi: quam moralem certitudinem fatentur Salas, & Coninck .*

Joannes Duns Scotus, Doctor subtilis Ordin. Mi-

Minorum in quartum diſt. 14. quæſt. 4. ar. 3. de homine abſque contritione, cum ſola attritione accedente ad ſacramentum pœnitentiæ, ait: *Recipit non ex merito, ſed ex pacto divino effectus iſtius ſacramenti*: quare Doctorem ſuum intelligunt in ſenſu à nobis expoſito Scotiſtæ, ex quibus ſolis longiſſimus, & graviſſimus Auctorum catalogus efformari poſſet pro noſtra ſententia.

Joannes Henriquez Ord. Eremit. S. Auguſt.
Stà definito nel Concilio di Trento.

Joannes de Lugo S. R. E. Cardin. Societatis Jeſu tom. de pœnit. diſp. 4. ſect. 9. num. 137.
Suppoſitâ ergo doctrinâ certâ, & communi, quod attritio ex illis motivis poſitis à Tridentino ſufficiat ad juſtificationem in ſacramento, etiamſi non adſit dolor propter Deum ſummè dilectum.

Jonnes Præpoſitus Societatis Jeſu de pœnit. quæſt. 2. de contritione nu. 56. *Reſpondeo nihilominùs licere, quia ut ex dictis facile patet, noſtra ſententia ita videtur certa, ut moraliter loquendo, non ſuperſit ſolida ratio, quæ oſtendat, contrarium eſſe vel tenuiter probabile: ex hac autem morali certitudine poſſumus ad praxim procedere.*

Joan-

Joannes Puteanus Ordinis Erem. S. August. in Commentariis par. 1. in supplemento, dubio 1. *Concors est omnium sententia, attritionem cum sacramento sufficere ad justificationem impii.*

Joannes Martinon Societatis Jesu, disput. 22. de Sacramen. sect. 8. num. 101. *quartò certum esse quoque debere censeo: Attritionem supernaturalem perfectam, idest excludentem peccandi voluntatem, cum spe, & desiderio veniæ, sufficere ad justificationem obtinendam, per Sacramentum Baptismi, & Pœnitentiæ.*

Joannes à S. Thoma de Sacramen. Pœnitent. quæst. 84. disput. 23. artic. 4. §. 1. *Oportet, Ministrum esse valdè vigilantem, præsertim cum hominibus rudibus, ut accedant cum dolore supernaturali, hoc est regulato per fidem, seu concepto ex motivis, quæ docet fides, ut ex timore Inferni, turpitudine peccati, amore ipsius Dei, & virtutis.*

Joannes Baptista Bizozero, in tract. de septem Ecclesiæ Sacramentis, par. 5. cap. 8. num. 8. *Ultimò Contritio semper constituit hominem in gratiâ, & propterea nunquam potest esse informis, idest sine gratiâ. Attritio verò*

De Pœnit. Pars I.

M m

non

non constituit hominem in gratiâ , & propterea , si illi non addatur Sacramentum , quod facit de attrito , contritum , potest esse informis .

Joannes Baptista Corradus Ordin. Prædicat. in Responsionibus editis Anno 1603. q. 58. *An ad Justitiam , & remissionem peccatorum in Sacramento Pœnitentiæ , satis sit habere attritionem cognitam , etiamsi pœnitens non existimet probabiliter , eam esse contritionem ? Respondetur Affirmativè .*

Joannes Baptista Gonet Ord. Prædic. tom. 5. disput. 7. de Contritione artic. 2. num. 30. ita de contraria sententia pronuntiat : *Verùm post Tridentinum communiter rejicitur à Theologis , qui unanimi ferè consensu docent , attritionem ex metu gehennæ , non solum esse actum bonum , & honestum , sed etiam ad Dei gratiam , in Sacramento Pœnitentiæ impetrandam , disponere , eique sententiæ videtur apertè favere Concilium sess 14. cap. 4.*

Joannes Gabriel Boyvin Ordin. Minorum , in Theologia Quadripartita Scoti , Tract. de Sacramen. quæst. 3. *Ad remissionem peccati sufficit attritio cum Sacramento ; undè homo attritus potest recipere fructuosè absolutio-*
nem

nem à peccatis : sic Concilium Trident. sess. 14. cap. 4.

Joannes Martinez de Ripalda, Societatis Jesu, disput. 17. de Spe, totam sectionem decimam impendit, probans, contra Michaëlem Bajum, Conclusionem nostram, quam sub hoc titulo apponit: *Refutatur Bajana sententia, quia attritio non elicit ex Cbaritate, sed ex metu gehennæ concepta, confert, cum Sacramento gratiam.*

Josephus Maria Requesenius Societatis Jesu, in opusculis Theologicis, opusc. 2. de attritione, & contritione, disput. 2. sect. 4. *An Attritio supernaturalis sufficiat ad valorem Sacramenti Pœnitentiæ? Partem affirmativam amplector, ad cujus evidentem probationem, &c. & infra sic concludit: Hinc infero, attritionem supernaturalem non necessariò indigere consortio amoris formalis, ut sit sufficiens ad causandam gratiam in Sacramento.*

L

LEANDER à Sanctissimo Sacramento,
Ordinis Sanctissimæ Trinitatis. Tomo
M m 2 in

in septem Ecclesiæ Sacramenta, par. 1. tract. 5. de Sacramento Pœnitentiæ disp. 7. quæst. 8. *An ad recipiendum effectum Sacramenti Pœnitentiæ, sufficiat habere Attritionem? Sed jam certissimè Respondeo sufficere, quia sic clarè colligitur ex Tridentino ::::: & jam communis omnium, ut dicunt Bonacina, Ægydius, & Layman relati à Palao Tomo 4. tract. 23. puncto 3. num. 2.*

Lælius Zecchus, Tract. de Pœniten. cap. 7. *Attritio, accedente Sacramento, verè justificat.*

Leonardus Lessius Societatis Jesu, in Additionibus ad D. Thomam, quæst. 1. num. 13. de Attritione, vel ex metu gehennæ, vel ex turpitudine peccati concepta, ait: *Certum est, eam attritionem sufficere cum Sacramento Pœnitentiæ.*

Ludovicus Abelly Doctor Parisinus, & Episcopus Ruthenensis, in Medulla Theologiæ, ex Sacris Scripturis: Concil. PP. &c. par. 2. cap. 5. de Sacramento Pœnit. sect. 10. *Quod verò sufficiat Attritio quinto modo sumpta, id est quatenùs per auxilium gratiæ concipitur ex motivo aliquo bono supernaturali, quodcumque illud sit; evidens est,*
tum

- *tum ex verbis Concilii Tridentini, tum ex rationibus.*

Ludovicus Granatensis Ord. Prædic. Tom.2.
Concionum de Tempore, Conc.2. de Pœnitentia par.2. puncto 3. Sunt quidam, qui magis suppliciorum metu concutiuntur, quàm Dei amore alliciantur: nùm igitur istos à spe salutis, & consequendæ veniæ excludemus? Nequaquam: horum enim solatio Tridentina Synodus providisse videtur, quæ sic ait: Illam verò contritionem imperfectam &c. ex quibus virtus Sacramenti Confessionis aperte colligitur, quæ ex attrito contritum hominem facit.

Ludovicus Molina Societatis Jesu, quæst.14. artic.13. disput.45. de Attritione ex timore servili orta, §. Quod si quis: hæc habet:
Eo autem timore liberum arbitrium adjutum, & excitatum elicere potest dolorem supernaturalem de peccatis ex Dei timore, ac gehennæ; qui dolor est Attritio supernaturalis, cum Sacramento sufficiens ad gratiam justificationis comparandam.

Ludovicus Bail Abbavilleus Doctor Theologus, ac Propænitentiarius Parisiensis, in lib. cui titulus de Triplici Examine Ordinando-

M m 3

rum

rum Confessariorum, & Pœnitentiũ par. 3. pag. mihi 727. Ut omninò certam supponit sententiam docentem, sufficere attritionem ex metu gehennæ conceptam ad causandam gratiam in Sacramento Pœnitentiæ. Sic enim ait: Definitum est siquidè à Facultate Parisiensi in Comitibus ordinariis, quibus aderam, habitis die 3. Maii Anno 1638. in Aula Collegii Sorbonæ, contra Librum inscriptum: De la Sainte Virginitè: non necessariò requiri contritionem perfectam, ut quis particeps efficiatur Sacramenti; & concludit, apponendo censuram supra à nobis adductam.

M

MARTINUS Becanus Societatis Jesu, Tom. 1. cap. 35. de Sacramentis in specie, quæst. 6. *Omnes fatentur, contritionem non esse necessariam in Sacramen. Pœnitentiæ, quia ibi sufficit attritio.*

Martinus Bonacina, disput. 5. de Sacramen. Pœnitentiæ, quæst. 3. sect. 5. puncto 3. *Tertia Propositio: Non quælibet Attritio sufficiens est ad gratiam, & ad fructum in Sacramento Pœnitentiæ suscipiendum, sed requiritur,*

tur, & sufficit attritio supernaturalis, & efficax.

Martinus de Esparza Societatis Jesu, Tom.2. lib.10. quæst.89. artic.8. ait: *Apparet itaque, quod præcipuè intentum est, per omnia, quæ hucusque præmissa sunt, non solum repugnare Concilio Tridentino, sed etiam dissonare optimæ rationi Theologicæ necessitatem formalis dilectionis Dei, conceptæ immediatè ex motivo charitatis, & insufficientiam puræ attritionis honestè, ac laudabiliter conceptæ ex solo metu pœnarum, vel ex sola consideratione turpitudinis peccati, ad valorem, & effectum hujus Sacramenti.*

Matthæus de Moya Societatis Jesu, in quæstionibus Moralibus selectis, Tract. 3. de Sacramen. Pœniten. disput. 5. quæst.1. Suppono primò ex communi Theologorum: *Attritionem sufficere ad valorem Sacramenti, & distingui à Contritione per ordinem ad diversa motiva; contritio enim est dolor de peccatis propter Deum summè dilectum. Attritio verò est dolor de peccato propter ejus turpitudinem, vel ex metu gehennæ, & pœnarum, seu amittendæ beatitudinis conceptus. Qui in eadem disputat. plurimos pro hac senten-*

tia citat Authores. Nimirum Cardin. de Lugo dicentem, *Oppositum esse Improbabile*. Joannem Martinez de Prado asserentem quod, *Oppositum non sit opinabile*. Vincentium Baronem asserentem, *Oppositum esse apud Theologos improbabile*. Verricelli, qui oppositum vocat, *falsum temerarium, & erroneum*: & tandem num. 7. ita concludit: *Hæc est communis Doctorem sententia, quam cum D.Thoma, Capreolo, Durando, Antonino, & Sylvestro, tenent Suarez, Vazquez, & alii, quos citatos sequitur Leander.*

Mauritius Philippy, Ordin. Minorum, in directorio Conscientiæ, quæst. 3. de Pœnitent. Conclus. 2. *Attritio cum Sacramento Pœnitentiæ est proxima dispositio ad justificationem. D.Thomas 3.par.quæst. 80.artic. 4.ad 2. Patet ex Concilio Tridentino.*

Maurus Antonius Berardusius, S.Th. Doctor, in libro, cui titulus, *Summa Corona &c.* edito Neapoli, Anno 1581. cap. 3. fol. 44. *Sextò quandòque dolor est sufficientissimus: non tamen est propter Deum, idest, quia Deus non est offendendus, ut requiritur ad veram contritionem: sed dolet de præteritis, etiam cum*
pro-

proposito abstinendi in futurum, vel quia peccata sunt contra bonum virtutis, vel propter pœnas temporales, quas incurrit propter peccata, scilicet in Bonis, corpore, aut in fama, vel propter propter pœnas Inferni, vel denique propter amissionem beatitudinis. Iste dolor per se non est sufficiens ad deletionem peccatorum; cum absolutione tamen sufficit, quia tunc accedente absolutione, virtute Sacramenti pœnitens ex attrito fit contritus.

Melchior Zambranus in decisione **Casuum Conscientiæ**, cap. 6. de Pœniten. dub. 1. sic habet: *Dico tertio: extra articulum mortis non est peccatum mortale absolvere pœnitentem cum sola attritione, etiam cognitâ; scilicet propter metum gehennæ, vel amissionis gloriæ, vel gratiæ, hoc enim sonat in Trident. sess. 14. de Pœniten. cap. 4. Turpitudine peccati, id est macula, quæ est privatio gratiæ.*

Maximilianus le Dent Societatis Jesu, pluribus in Opusculis, & præsertim in Lib. cui titulus: *Ad Epistolam Familiarem*, & in alio, cui titulus: *De Attritione ex metu gehennæ*: nostram sententiam defendit, ut tutam, & pro ea citat Joannem Fischerum Episcopum Roffensem, Tilmannum Seger-

gerbergensem, Paulum Cortesium, Cunerum Petri, Thomam Stapletonum, Mercerum, Guidum de Monte Rocherii, & alios.

Melchior Canus Ordinis Prædicat. de Pœnit. par. 5. versiculo *Deindè etiam Attritio efficax*, nostram sententiam nervosè probat, & defendit, dicens, *Communis Ecclesiæ sensus id confirmat.*

Michaël de Palacio, Tom. 2. in 4. dist. 17. disput. 1. *Attritio fruens Sacramento pœnitentiæ, sufficit homini justificando, iuxta decretum Concil. Trident. sess. 14. cap. 4.*

N

NICOLAUS Ysambertus Doctor Sorbonicus, Tom. 3. disput. 14. de Pœnit. artic. 4. & sequentibus, fusissimè, ac doctissimè ostendit, nostram sententiam ex Tridentino clarè deduci.

P

PAVLVS Layman Societatis Jesu, Tract. 6. de Pœniten. cap. 1. num. 2. *Non est necessaria-*

cessaria vera contritio homini suscipienti Sacramentum Baptismi, vel Pœnitentiæ, sed sufficit attritio etiam cognita.

Paulus Mezger Ordinis S. Benedicti, Tom. 4. edito Dilingæ, Anno 1695. tract. 15. disputat. 46. artic. 2. §. 1. *Attritio absque motivo dilectionis Dei est sufficiens dispositio adquirendam gratiam justificationis intra Sacramentum: ita Authores priùs citati, & censet Amicus hic disput. 12. post Concilium Trident. non posse in dubium revocari.*

Paulus de Palacio, Enarratione in cap. 16. Matthæi: *Certissima sententia est, Petrum absolvere eum, qui vinculis peccatorum ligatus venit, modò dolorem quendam adducat, quem Theologi dicunt Attritionem, & super hac re jam opinari non licet: est enim definita à Concilio Tridentino, ubi habetur, eum, qui dolet de peccato, vel propter peccati turpitudinem, vel propter gehennæ metum, vel propter pœnarum timorem, quem Niniviti habuerunt, si voluntatem peccandi excludat, & à Sacerdote absolvatur, absolutum coram Deo esse.*

Paulus Segneri Societatis Jesu, in Lib. cui titulus: *Il Penitente istruito à ben confessarsi,*

sarsi, cap.6. Del dolore richiesto nel Penitente, ita habet: Che se l'Anima in ritornare à Dio, si lascia guidare, non dall'amore, ma ò dalla speranza de' beni promessi à buoni, ò dal timore de' mali minacciati à i cattivi, ò veramente dalla bruttezza, che porta seco il peccato, e per questi motivi detesta le sue colpe; all'hora si dice avere Attritione, cioè una contritione imperfetta, e un dolore imperfetto de' suoi peccati, ma per motivo soprannaturale, la quale dispone l'Anima à ricever la gratia per mezzo della Confessione, ma essa senza la Confessione non la conferisce.

Paulus Rosmer Societatis Jesu, disputat. de dolore Sacramentali, artic.2.fol.64. Infero secundò: hoc Sacramentum conferre gratiam homini attrito immediatè, neque ideò giustificare hominem, quatenùs disponit illum ad habendum novum actum contritionis, vi cuius justificetur: hoc clarè patet ex dictis.

Petrus Arcudius, in Concordia Ecclesiæ Occidentalis, & Orientalis: Porrò circa materiam hujus Sacramenti nulla prorsùs est difficultas; confitentur enim pœnitentes singillatim sua peccata, à quibus requiritur contritio, seu saltem attritio.

Pe-

Petrus Binsfeldius, par. 1. cap. 9. §. 4. *Quæ est ista salutaris attritio, virtute cujus, accedente Sacramento, homo ex attrito fit contritus secundum probatam Doctorum sententiam, & Concilii Tridentini? Sic describi potest ex dicto Concilio sess. 14. cap. 4. Est dolor minus perfectus ex turpitudinis peccati consideratione, vel ex gehennæ, & pœnarum metu communiter conceptus.*

Petrus de Comitibus Ordinis Eremit. S. Augustini, in Cursu Theologico. Tract. de Pœnitentia, disput. 7. de Contritione, art. 3. *Attritio, hoc est dolor de peccatis, proveniens ex metu gehennæ, & amissionis gloriæ, non solum est actus in se bonus, & laudabilis, sed etiam est ex se sufficiens ad valorem Sacramenti, & articulo 4. ait Attritio, ut formaliter sufficiens Sacramento Pœnitentiæ, non necessariò involvit dilectionem Dei.*

Petrus du Fay Ordinis Prædicat. de Pœniten. quæst. 9. artic. 1. disput. 3. *Prima Conclusio: Ut Sacramentum Pœnitentiæ conferat gratiam, sufficit attritio perfecta, & cognita. Tertia Conclusio: Præter motivum Fidei, & Spei supernaturalis, requiritur, quod Attritio sit supernaturalis obiectivè; videlicet*

cet, quod quis doleat propter pœnas Inferni ; aut alias cognitas lumine supernaturali.

Petrus à Sancto Ioseph Congregationis Fulienfis in summulis casuum cap. 2. de secundo Ecclesiæ præcepto, art. 3. *Etsi peccator, cum accedit ad Confessionem, debeat conari ad concipiendam veram contritionem peccatorum ; valebit tamen illius Confessio, effectumque obtinebit, si accedat cum vera Attritione supernaturali per fidem concepta ex metu gehennæ, vel ex amore cœlestis beatitudinis : ille enim est communis Ecclesiæ sensus, ut apertè sumitur ex Concilio Tridentino sess. 14. cap. 4.*

Petrus de Ledesma Ordinis Prædicat. Tract. de Sacramen. Pœnitentiæ, cap. 7. de hac nostra doctrina ait: *Hanc Conclusionem docent omnes Theologi moderni, & maximè Thomistæ : & sanè quod ad secundum Attritionis modum attinet, illud expressè definit Concilium Tridentinum, ubi supra.*

Petrus Marchant Ordinis S. Francisci, in Tribunali Sacramentali, Tract. 4. tit. 2. quæst. 4. *Attritio est actus supernaturalis hominis pœnitentis, quo dolet, & detestatur peccatum contra legem Dei commissum ; non ex motivo dile-*

dilectionis Dei super omnia , sed ex alio supernaturali , & salutari , excludens omnem voluntatem peccandi , cum spe veniæ , & proposito firmo de cætero non peccandi . Ex dictis patet , minùs benè expendere naturam Attritionis , qui eam à sufficienti medio cum Sacramento ad remissionem peccatorum excludunt : est enim medium sufficiens : & §. 3. Attritio non ab amore , sed à turpitudine peccati , vel à timore , & metu pænarum oritur propter Deum justum judicem &c.

R

RAYMUNDUS Capisucchus S. R. E. Cardinalis Ordinis Prædicat. apud Didacum de Oropega , cap. 2. de Attritione , consultus à Sebastiano du Pasquier S. T. Doctore , ita respondit : *Ad gratiam in Sacramento Pœnitentiæ obtinendam requiritur , & sufficit amor erga Deum , qui dicitur Concupiscentiæ , quo scilicet homo Deum , ut bonum ipsius hominis , amat.* En clarè sententiam nostram .

Raphael Aversa Clericus Regularis , de Pœnitentia , quæst. 11. sect. 5. de Attritione , quæ

quæ habet poenas Inferni pro motivo, ait: *Constans tamen esse debet, hunc modum attritionis, & doloris sufficere, stante quod Attritio sufficiat, ut dictum est.*

Richardus Arfdekin Societatis Jesu, Tom.2. par.2. Tract.1.cap.3.quæst.21. de sententia nostra, ita loquitur: *Nam si tam pauci ante Tridentinum pro illa sententia suffragium tulerunt, & tamen post cognita Concilii decreta teste Alexandro VII. capit illa esse communior inter Theologos, quorum aliqui etiam Synodo interfuerunt; necessarium profectò est, illos, ex actis Concilii, omninò collegisse, pro Attritionis formidolosæ sufficientia in eo absolute pronuntiatum fuisse.*

Robertus Bellarminus S.R.E. Cardinalis, Societatis Jesu, lib.2. de Pœnitentia, cap.18. *Una quidè m adhuc quæstio tractari potuisset: An videlicet Attritio, sive imperfecta Contritio, quam certum est, sine Sacramento non sufficere ad justificationem, sufficiat cum Sacramento, ita ut pœnitens ex attrito, virtute absolutionis, fiat contritus, & justificetur. Lutherus enim id aliquando negavit, ut perspicuum est ex ejus responsione ad Dialogum Sylvestri Prieratis, ubi de Conclusionè sexta loquens:*

loquens: Error est, inquit, quod attritus fiat contritus virtute Clavium: Discipuli ejus, qui contritionem in terroribus constituunt, & soli fidei, ex verbo absolutionis conceptæ, quæ terrores illos consequitur, justificationem adscribunt, nullo modo negare possunt, quin Attritio sola non sufficiat, & cum absolutione sufficiat, ut in Concil. Trident. sess. 14. cap. 4. declaratum est. Idem in additionibus ad cap. 4. sess. 14. Concilii Tridentini, ita loquitur: Illud certum videtur, Attritionem hanc, de qua in textu (nimirum ex turpitudinis peccati consideratione, vel ex gehennæ, & pœnarum metu conceptam) sufficere ad gratiam consequendam cum Sacramento Pœnitentiæ.

Rodericus Arriaga, de Pœniten. disputat. 11. sect. 7. subsect. 2. num. 41. Si verò justificatio ea intra Sacramentum Pœnitentiæ contingat, sufficere, si post illum timorem, aut amorem beatitudinis, & odium peccati, ob aliquod ex illis motivis confiteatur suum peccatum, & accipiat absolutionem, eo enim ipso sine ulteriori actu justificabitur.

Ruardus Tapperus Doctor Lovaniensis, pag. 111. col. 1. Attritio verò ex timore pœ-

De Pœnit. Pars I.

N n

na-

*narum supernaturalium idonea dispositio est ad Sacramentorum Baptismi, & Pœnitentiæ gratiam percipiendam, ut cùm quis detestatur omnia peccata mortalia, & propterea confite-
tur, ne per peccatum excludatur à gloria, vel ne in supplicium ignis sempiterni conjiciatur. Cui adjungi possent plures alii, & antiquiores, & moderniores idem sentientes, ut Fisscherus Roffensis, Joannes à Davenportia, Tilmannus Segebergensis, Paulus Cortesius, Jacobus Latomus, Gabriel Biel, Petrus Guerrerus, Dominicus Soto, Ambrosius Catharinus, Lindanus, Cuneus Petri, Ludovicus Lopez, Stapletonus, Henricus de Conf, S. Theologiæ Doctor in Vniversitate Duacena, & alii non pauci.*

S

SERAPHINVS à Conceptione Ordinis Carmelit. Discalceat. de Pœniten. lib.2. disput.4.dub.1.num.251. *Secunda Conclusio: Ad effectum hujus Sacramenti consequendum, non requiritur formalis contritio perfecta, sed sufficit attritio: hanc Conclusionem puto cer-*

certissimam , eandemque communiter docent Doctores .

Sylvester de Prieras , Ordinis Prædicat. verbo *Confessio* , §. 21. *Sufficit, si quis vellet habere displicentiam , & à Deo gratiam cavendi in posterum : quia talis est attritus virtualiter , id est displicentiam habens : cum nulli placeat displicentia rei placitæ , & habet etiam voluntatem cavendi , licet imperfectam : unde in Confessione virtute clavium justificatur , nisi obicem ponat , quia de attrito faciunt contritum secundum doctrinam Sanctorum ; maxime S. Thomæ .*

Stephanus Fagundez Societatis Jesu , Tract. in secundum Ecclesiæ præceptum lib. 2. cap. 5. num. 11. *Dicendum tamen est , in his duobus Sacramentis , Baptismo videlicet , & Pœnitentia , notam attritionem esse debitam dispositionem , ut peccatores per ejusmodi Sacramenta fructum gratiæ recipiant , & postquam plures Authores citaverat , addit : & patet ex Concilio Tridentino sess. 14. cap. 4.*

T

S THOMAS de Aquino, Doctor Angelicus, in quartum distin. 6. quæst. 1. artic. 3. quæstiun. 1. ad quintum, agens de Baptismo, de quo eadem est ratio, ac de Pœnitentia, sic habet: *Ad hoc, quod homo præparet se ad gratiam in Baptismo percipiendam, præexigitur fides; sed non charitas, quia sufficit attritio præcedens.* Quod etiam de Pœnitentia tradit, ibid. distin. 17. quæst. 3. artic. 5. Quæstiun. 1. in Corp. & dist. 22. qu. 2. artic. 1. & 3. Par. quæst. 80. artic. 4. ad 2. dum ait: *Baptismus, & Pœnitentia sunt, quasi Medicinæ purgativæ, quæ dantur ad tollendam febrem peccati.* Quàm perspicua sit authoritas D. Thomæ, agnoscunt Adversarii, eaque de causa D. Ægidius de Witte, cùm ei objiceretur Doctoris Angelici authoritas, responsum paucis absolvit, *se non jurare in verba S. Thomæ.* Exindè ferè omnes Discipuli S. Thomæ, & ferè omnes Scholæ hanc doctrinā sequuntur. Quamobrem Marcus Serra, Ordinis Prædicar. in 3. par. S. Thomæ, quæst. 69. art. 9. hæc habet:

Dicen-

Dicendum est secundo: sufficere ad prædictum effectum, attritionem supernaturalem, etiam cognitam. Docent hoc communiter Theologi asserentes, hanc attritionem sufficere ad Sacramenta mortuorum, & eorum effectum suscipiendum.

Theophylus Raynaudus, Societatis Jesu, Tom.2. Heteroc. Spir. puncto 8. num.21. *Contraria sententia, quæ agnoscit, absque contritione perfecta singula peccata distinctè recogitata ex motivo charitatis detestante, imò cum sola attritione cognita Sacramentum pœnitentiæ posse esse validum, certa est. Quod etiam latè ostendit, Tom.18. Theol. Polemicæ à pag.250.*

Thomas Hurtado Ordinis Cleric. Minorum, Tom.2. Resolut. Moral. Tract.ultimo: Sufficientiam attritionis ad causandam gratiam cum Sacramento latè defendit.

Thomas Comptonus, Societatis Jesu, disp.87. de dolore ad hoc Sacramentum requisito, sect.1. de Attritione ex metu gehennæ concepta, ait: *Hic actus non est dilectio Dei, sed ex longè inferiori motivo conceptus; ergo ad Sacramentum pœnitentiæ, non requiritur actus, vel contritionis, vel dilectionis Dei,*

no 1575. in Academia Valentina, teste Navarro, Sacræ Theologiæ Gymnaſtes egregius, reprehendit: *Navarrum*, ut ipſe in ſumma fatetur, vel hoc nomine, quod docuiſſet, non ſufficere in Sacramento Attritionem cognitam, contendente Juſtiniano ex decreto Concilii Tridentini ſeſſ. 14. cap. 4. eam ipſam ſufficere, quæ eſſet expers amoris, ut intelligitur ex Reſponſionibus Navarri.

Z

ZACHARIAS Paſqualigus, Clericus Regul. in Sacra Morali doctrina diſputat. 80. ſect. 6. *Secunda ſententia aſſerit, ſufficere veram attritionem.* Ita D. Thomas, 3. Par. quæſt. 80. artic. 4. ad 2. Scotus in 4. diſtin. 14. quæſt. 4. artic. 3. Capreolus, Artic. 3. ad 4. Durandus, & alii communiter: *Dicendum eſt, ad validitatem, & effectum hujus Sacramenti ſufficere veram attritionem: ita determinatum eſt in Tridentino ſeſſ. 14. cap. 4.*

S E C T I O V.

Illationes doctrinae nostrae.

§. I.

447. **F**IT primò, ex dictis: Assertionem nostram datam num. 430. posse privatis Authoribus esse certam certitudine Theologicâ privatâ, quamvis certa non sit certitudine theologica authentica. Ratio est: quia, ut esset certa certitudine authentica; requirebatur, quod opposita non posset publicè, absque digna censuræ notâ, defendi: in nostro autem casu, absque digna censuræ notâ, defendi potest opposita, in quem finem, ad extinguendas lites, & pacem fovendam, expedivit decretum Alexander VII. die 5. Maii 1667. in quo facta partibus potestate sentiendi, quod vellent; prohibuit, ne altera alteri ullam contumeliæ notam inureret, hanc ibi rationem assignans: *Enixè cupiens, pacis vinculum inter fideles servari, omnem scissuræ fomitem extinguere (idque præcipit) donec ab hac Sancta Sede fuerit aliquid in hac re definitum.* Undè opinio requirens aliquam dilectio-

sed alius sufficit substantialiter multò his inferior .

Thomas Tamburinus , Societatis Jesu , in Opusculis, lib.1.cap. de dolore, §.1. *Dolor ad Sacramentum pœnitentiæ requisitus , vel esse Contritio potest , vel Attritio etiam cognita .*

Thomas Zerola Episcopus Minoren.in Praxi Sacramenti Pœnitentiæ, cap.6 de Attritione à nobis explicata, ait: *Cum hac ergo accedens pœnitens ad suorum peccatorum integram Confessionem , fit de Attrito Contritus virtute absolutionis : ista patent ex communi sententia D.Thomæ, &c.*

Thyrus Gonzalez de Santalla , Societatis Jesu Generalis, Tom.3. Selectarum Disputat.disput.41.sect.3.num.19. *Concilium nomine Contritionis non intelligere contritionem illam perfectam, quæ dolet de peccatis propter Deum summè dilectum, & essentialiter distinguitur ab Attritione , panès motivum : sed intelligere contritionem quandam communem Contritioni perfectæ , & Attritioni , quæ intra Sacramentum sufficit ad causandam gratiam , ad illamque sufficienter disponit .*

V

VINCENTIVS Baronus Ordinis Prædicat. 1. par. Theologiæ Moralis, disputat. 2. sect. 1. artic. 3. ait, oppositum, post Tridentinum esse apud Theologos improbabile.

Viuentius Filliucius Societatis Jesu, tom. 1. quæstio: Moral. tract. 7. de Confess. cap. 6. *Quartò quæro, an attritio cognita sit sufficiens medium ad effectum Confessionis? Respondeo Affirmativè ex Doctõribus citatis, & est practicè certa ex Suario disput. 20. num. 20.*

Vincentius Candidus Ordinis Prædicat. Sacri Palatii Magister, in Compendio Disquisitionum Moralium, Disquisit. 31. de Dolo-
re requisito in Confessione Sacramentali artic. 3. *An ad recipiendum Sacramen. pœnitentiæ, & ejus effectum consequendum, sufficiat attritio? Respondeo sic, quia licet ex se sola non sufficiat, sufficit cum Sacramento: ita Concil. Trident. sess. 14. cap. 4. & D. Thomas 3. par. in Addit. quæst. 1. art. 1. & 3. par. qu. 80. artic. 4. ad 2. & in 4. distin. 27. quæst. 3. artic. 1. quæstiun. 1.*

Vincentius Justinianus Ordinis Prædicat. An-

sed alius sufficit substantialiter multò his inferior .

Thomas Tamburinus , Societatis Jesu , in Opusculis, lib. i. cap. de dolore, §. i. *Dolor ad Sacramentum pœnitentiæ requisitus , vel esse Contritio potest , vel Attritio etiam cognita .*

Thomas Zerola Episcopus Minoren. in Praxi Sacramenti Pœnitentiæ, cap. 6. de Attritione à nobis explicata, ait : *Cum hac ergo accedens pœnitens ad suorum peccatorum integram Confessionem , fit de Attrito Contritus virtute absolutionis : ista patent ex communi sententia D. Thomæ, &c.*

Thyrus Gonzalez de Santalla , Societatis Jesu Generalis, Tom. 3. Selectarum Disputat. disput. 41. sect. 3. num. 19. *Concilium nomine Contritionis non intelligere contritionem illam perfectam, quæ dolet de peccatis propter Deum summè dilectum, & essentialiter distinguitur ab Attritione , panè s motivum : sed intelligere contritionem quandam communem Contritioni perfectæ , & Attritioni , quæ intra Sacramentum sufficit ad causandam gratiam , ad illamque sufficienter disponit .*

V

VINCENTIVS Baronus Ordinis Prædicat. 1. par. Theologiæ Moralis, disputat. 2. sect. 1. artic. 3. ait, oppositum, post Tridentinum esse apud Theologos improbabile.

Viucentius Filliucius Societatis Jesu, tom. 1. quæstio: Moral. tract. 7. de Confess. cap. 6. *Quartò quæro, an attritio cognita sit sufficiens medium ad effectum Confessionis? Respondeo Affirmativè ex Doctõribus citatis, & est practicè certa ex Suario disput. 20. num. 20.*

Vincentius Candidus Ordinis Prædicat. Sacri Palatii Magister, in Compendio Disquisitionum Moralium, Disquisit. 31. de Dolo-
re requisito in Confessione Sacramentali artic. 3. *An ad recipiendum Sacramen. pœnitentiae, & ejus effectum consequendum, sufficiat attritio? Respondeo sic, quia licet ex se sola non sufficiat, sufficit cum Sacramento: ita Concil. Trident. sess. 14. cap. 4. & D. Thomas 3. par. in Addit. quæst. 1. art. 1. & 3. par. qu. 80. artic. 4. ad 2. & in 4. distin. 27. quæst. 3. artic. 1. quæstiun. 1.*

Vincentius Justinianus Ordinis Prædicat. An-

sed alius sufficit substantialiter multò his inferior .

Thomas Tamburinus , Societatis Jesu , in Opusculis, lib.1.cap. de dolore, §.1. *Dolor ad Sacramentum pœnitentiæ requisitus , vel esse Contritio potest , vel Attritio etiam cognita .*

Thomas Zerola Episcopus Minoren.in Praxi Sacramenti Pœnitentiæ, cap.6. de Attritione à nobis explicata, ait : *Cum hac ergo accedens pœnitens ad suorum peccatorum integram Confessionem , fit de Attrito Contritus virtute absolutionis : ista patent ex communi sententia D.Thomæ, &c.*

Thyrus Gonzalez de Santalla , Societatis Jesu Generalis, Tom.3. Selectarum Disputat.disput.41.sect.3.num.19. *Concilium nomine Contritionis non intelligere contritionem illam perfectam, quæ dolet de peccatis propter Deum summè dilectum, & essentialiter distinguitur ab Attritione , panès motivum : sed intelligere contritionem quandam communem Contritioni perfectæ , & Attritioni , quæ intra Sacramentum sufficit ad causandam gratiam , ad illamque sufficienter disponit .*

V

VINCENTIVS Baronus Ordinis Prædicat. 1. par. Theologiæ Moralis, disputat. 2. sect. 1. artic. 3. ait, oppositum, *post Tridentinum esse apud Theologos improbabile.*

Viucentius Filliucius Societatis Jesu, tom. 1. quæstio: Moral. tract. 7. de Confess. cap. 6. *Quartò quæro, an attritio cognita sit sufficiens medium ad effectum Confessionis? Respondeo Affirmativè ex Doctõribus citatis, & est practicè certa ex Suario disput. 20. num. 20.*

Vincentius Candidus Ordinis Prædicat. Sacri Palatii Magister, in Compendio Disquisitionum Moralium, Disquisit. 31. de Dolo-
re requisito in Confessione Sacramentali artic. 3. *An ad recipiendum Sacramen. pœnitentiæ, & ejus effectum consequendum, sufficiat attritio? Respondeo sic, quia licet ex se sola non sufficiat, sufficit cum Sacramento: ita Concil. Trident. sess. 14. cap. 4. & D. Thomas 3. par. in Addit. quæst. 1. art. 1. & 3. par. qu. 80. artic. 4. ad 2. & in 4. distin. 27. quæst. 3. artic. 1. quæstiun. 1.*

Vincentius Justinianus Ordinis Prædicat. An-

sed alius sufficit substantialiter multò his inferior .

Thomas Tamburinus , Societatis Jesu , in Opusculis, lib.1.cap. de dolore, §.1. *Dolor ad Sacramentum pœnitentiæ requisitus , vel esse Contritio potest , vel Attritio etiam cognita .*

Thomas Zerola Episcopus Minoren.in Praxi Sacramenti Pœnitentiæ, cap.6. de Attritione à nobis explicata, ait : *Cum hac ergo accedens pœnitens ad suorum peccatorum integram Confessionem , fit de Attrito Contritus virtute absolutionis : ista patent ex communi sententia D.Thomæ, &c.*

Thyrus Gonzalez de Santalla , Societatis Jesu Generalis, Tom.3. Selectarum Disputat.disput.41.sect.3.num.19. *Concilium nomine Contritionis non intelligere contritionem illam perfectam, quæ dolet de peccatis propter Deum summè dilectum, & essentialiter distinguitur ab Attritione , pænès motivum : sed intelligere contritionem quandam communem Contritioni perfectæ , & Attritioni , quæ intra Sacramentum sufficit ad causandam gratiam , ad illamque sufficienter disponit .*

V

VINCENTIVS Baronus Ordinis Prædicat. 1. par. Theologiæ Moralis, disputat. 2. sect. 1. artic. 3. ait, oppositum, post Tridentinum esse apud Theologos improbabile.

Viucentius Filliucius Societatis Jesu, tom. 1. quæstio: Moral. tract. 7. de Confess. cap. 6. *Quartò quæro, an attritio cognita sit sufficiens medium ad effectum Confessionis? Respondeo Affirmativè ex Doctõribus citatis, & est practicè certa ex Suario disput. 20. num. 20.*

Vincentius Candidus Ordinis Prædicat. Sacri Palatii Magister, in Compendio Disquisitionum Moralium, Disquisit. 31. de Dolo-
re requisito in Confessione Sacramentali artic. 3. *An ad recipiendum Sacramen. pœnitentiæ, & ejus effectum consequendum, sufficiat attritio? Respondeo sic, quia licet ex se sola non sufficiat, sufficit cum Sacramento: ita Concil. Trident. sess. 14. cap. 4. & D. Thomas 3. par. in Addit. quæst. 1. art. 1. & 3. par. qu. 80. artic. 4. ad 2. & in 4. distin. 27. quæst. 3. artic. 1. quæstiun. 1.*

Vincentius Justinianus Ordinis Prædicat. An-

no 1575. in Academia Valentina, teste Navar-
 varro, Sacræ Theologiæ Gymnaſtes egre-
 gius, reprehendit: *Navarrum*, ut ipſe in
ſumma fatetur, vel hoc nomine, quod docuiſ-
ſet, non ſufficere in Sacramento Attritionem
cognitam, contendente Juſtiniano ex decreto
 Concilii Tridentini ſeſſ. 14. cap. 4. eam ipſam
ſufficere, quæ eſſet expers amoris, ut intelli-
 gitur ex Reſponſionibus Navarri.

Z

ZACHARIAS Paſqualigus, Clericus
 Regul. in Sacra Morali doctrina diſpu-
 tat. 80. ſect. 6. *Secunda ſententia aſſerit, ſuffi-
 cere veram attritionem*. Ita D. Thomas,
 3. Par. quæſt. 80. artic. 4. ad 2. Scotus in 4. di-
 ſtin. 14. quæſt. 4. artic. 3. Capreolus, Artic. 3.
 ad 4. Durandus, & alii communiter: *Dicen-
 dum eſt, ad validitatem, & effectum hujus Sa-
 cramenti ſufficere veram attritionem: ita
 determinatum eſt in Tridentino ſeſſ. 14.
 cap. 4.*

S E C T I O V.

Illationes doctrinae nostrae.

§. I.

447. **F**IT primò, ex dictis: Assertionem nostram datam num. 430. posse privatis Authoribus esse certam certitudine Theologicâ privatâ, quamvis certa non sit certitudine theologica authentica. Ratio est: quia, ut esset certa certitudine authentica; requirebatur, quod opposita non posset publicè, absque digna censuræ notâ, defendi: in nostro autem casu, absque digna censuræ notâ, defendi potest opposita, in quem finem, ad extinguendas lites, & pacem fovendam, expedivit decretum Alexander VII. die 5. Maii 1667. in quo facta partibus potestate sentiendi, quod vellent; prohibuit, ne altera alteri ullam contumeliæ notam inureret, hanc ibi rationem assignans: *Enixè cupiens, pacis vinculum inter fideles servari, omnem scissuræ fomitem extinguere (idque præcipit) donec ab hac Sancta Sede fuerit aliquid in hac re definitum.* Undè opinio requirens aliquam dilectio-

lectionem Dei ſuper omnia ad valorem Sacramenti non eſt authenticè falſa; adeòque neque opinio negans eſt authenticè vera, ex quo, abſque ullâ cenſuræ nota, manet utrique parti poteſtas ſentiendi, quod velit.

448. Verùntamen, ut doctrina noſtra certa ſit privatis Doctõribus certitudine privata theologica, ſatis eſt, quod per privatum diſcurſum ex infallibili Eccleſiæ doctrina, hanc colligant veritatem, clarè diſſolvendo quæcumque in oppoſitum objici poſſent, ſimulque probando, ſtare non poſſe verum ſenſum principiorum illorum infallibilium, quin Concluſio ex illis deſcendat. Quod maiorem planè vim obtinebit, ſi talem eſſe demonſtretur communem totius Eccleſiæ ſenſum. In re autem noſtra, utrumque, ni fallor, mihi præſtitum eſſe videtur: Indagavimus enĩ genuinum Tridentini ſenſum, ex quo Concluſionem noſtram intulimus: expendimus omnia argumenta, quæ huc uſque ab adverſariis tanto labore, & ingenio conquiſita ſunt. Sanctorum Patrum, & præcipuè D. Thomæ doctrinam pro nobis ſtare, demonſtratum eſſe, non ambigo: nec dubito, noſtrum eſſe communem totius Ec-
cle-

clesiæ sensum, ut ex tota sectione superiori satis constat.

Quin potiùs, etsi authenticè loquamur, dubitare minimè possumus, sententiam nostram inter omnes probabiles probabilissimam esse: idque satis in suo decreto insinuavit Alexander VII. dum eam ad praxim deduci in Ecclesia permisit: non enim permisisset, cum periculo frustrationis Sacramenti; sciens sententiam nostram esse apud Doctores, eo tempore, communem: ait enim, *quæ hodiè inter Scholasticos communior videtur.* Suadet hoc ipsum Concilii Tridentini doctrina hùc usque exposita, & Ecclesiæ praxis allata: sed certum est, posse nos uti opinione practicè probabili inter omnes probabiles probabilissima, ut constat ex Alexandro VIII. inter triginta unam propositiones, damnante tertiam, quæ sic habebat: *Non licet sequi opinionem, vel inter probabiles probabilissimam:* ergo certum est, posse nos practicè sententiam nostram licitè sequi. Rursùs quòd nequaquam aliter, nisi recurrendo ad solutionem nostram, adversarii possint impunè defendere, sufficere amorem Dei super omnia, sive attritionem cum eo amore conjunctam, ut

ut Sacramentum pœnitentię validè conficiatur, ex eo patet, quia plures Doctores negant id sufficere. Lodolphus enim, Raymundus, & Sylvester citati num.99. requirunt ad valorem Sacramenti actum, qui procedat ex motivo omnium virtutum, cùm nullum agnoscant actum proprium Pœnitentię, qui ex tali motivo non procedat. Canus autem; Richardus, & alii citati num.102. requirunt ad verum actum pœnitentię, quando opportunitas adest, tot detestationes, quot sunt peccata commissa.

Cajetanus verò, & alii citati num.105. hoc omninò exigunt ex præcepto ad Sacramentalem Confessionem. Tannerus citatus, num.312. exigit ad actum verum pœnitentię, atque adeò sufficientem ad pœnitentię Sacramentum, dolorem procedentem, non quidem ex sola charitate, aut alia quavis virtute, nisi ex speciali præ aliis virtute morali pœnitentię. Alii citati num.81. de Pœnitentię Sacramento defendunt, satis non esse dolorem subsequenter confessionem, quantumvis ex perfecta charitate eliciatur, sed necessariò requiri dolorem præcedentem, à quo confessio sit dolorosa. Modò sic: Adversarii
do-

docentes, sufficere contritionem perfectā ex motivo divinæ Bonitatis elicitā, non possunt certò procedere certitudine authentica, cū contrarię sententię ab Auctōribus Catholicis defendantur, nec ab Ecclesia Catholica, hūc usque damnatę sint: ergo solūm possunt certò procedere certitudine privata, vel certitudine ex communi Ecclesię praxi desumpta, prout expositum est à nobis. Sin autem; quæso ab ipsīs, quānā alia via securè possint incedere?

449. Qua de causa quamvis aliqua principia ab adversariis assumpta defendi amplius non possint post Alexandrum VIII. ex num. 345. ex quo sententię nostrę robustiores vires accrescunt; nihilominus ob reverentiam Sedi Apostolicę debitam, nulla censurā hūc usque dignam oppositam sententiam arbitramur, quamvis nostram certam esse non dubitemus: sed totum iudicium nostrum, infallibili Sedis Apostolicę decisioni libenter submittimus. Quo in sensu Censeo cum Cardenas supra propositiones ab Innocentio XI. damnatas dissertat. 2. num. 64. ubi.

450. Hæc habet: *Respondeo: non obstante ea opinione Lovaniensium, nostram doctrinam esse certam, & omninò tutam propter suprā dicta*

Ita . Quod autem Pontifex jussit , neutram quæstionis partem censurari , aut iniuriâ affici , non probat , illam esse probabilem , quia solùm intendit Pontifex compescere dissidia , quæ violant charitatem , & pacem , ut constat ex illis verbis decreti : enixè cupiens pacis vinculum inter fideles servari &c. Ex quo minimè infertur , nostram doctrinam esse incertam , sed solùm voluisse Pontificem consulere paci fidelium , & relinquere hanc materiam sub iudice . Cum hoc tamen stat , quod privati Doctores habeant principia certa ab intrinseco : Hùc usque Cardenas , qui num. 61. benè notaverat , decretum Innocentii XI. prohibentis , in administratione Sacramentorum usum opinionis probabilis , relictâ tutiori , solùm tendere contra opiniones merè probabiles ; secùs autem contra certas , sive certitudine privata , sive certitudine authentica : etenim opiniones merè probabiles , quantumvis illæ , quæ veræ sunt , quia res ita se habet , ut ab ipsis dicitur , adeòque sint objectivè tutæ ; nihilominùs non sunt formaliter tutæ , sive quoad nos : quo incasu tenemur tutiorem eligere , nimirùm & objectivè , & formaliter tutam quoad nos .

451. Aliâ incedit viâ quidam Recentior in opusculo cui titulus Timor poenitens, ut ostendat, nequaquam pugnare privatam certitudinem cum decreto Alexandri VII. nam in illo decreto nulla habetur mentio de dilectione Dei super omnia, tanquam necessaria ad Sacramentum, sed de aliqua dilectione Dei, quam aliqui Theologi, Tridentini sensum exponentes, & cum ipsius definitionibus ab ipso traditis comparantes, necessariam autumant cum attritione; sive dilectio illa spectet ad charitatem; sive ad spem pertineat. Hæc autem sententia, licet inter Theologos non sit communior, neque ab hoc recentiore defendatur; apparet tamen verior, si doctrina tradita sess.6. cum ea, quæ traditur sess.14. rectè comparetur, & expendatur: cum autem hæc opinio nequaquam sit censurâ digna, quia probabilis est, ait ille recentior (etsi addere debuisset, quia absolute verisimilior, & probabilior apparet, ex num. 330.) ea de causa decretum Alexandri VII. nequaquam favet adversariis, dilectionem Dei super omnia cum Sacramento exigentibus. Quod autem iste sit verus decreti sensus, patet ex ipsius Decreti verbis.

Quid

Quid enim ibi prohibet Pontifex censurare? En verba. Alterutram sententiam, sive negantem necessitatem aliqualis dilectionis Dei, in præfata attritione ex metu gehennæ concepta, quæ hodiè inter Scholasticos communior videtur, sive asserentem: Ad hoc autem, ut sit aliqualis Dei dilectio sufficit, quod talis sit, vel in re, vel in voto, quam admittunt omnes, qui generalem attritionem cum Sacramento requirunt. Rursus, ut sit formalis, sufficit, quod talis sit, vel ex charitate, vel ex spe, quam admittimus, cum pluribus recentioribus, ex num. 330. adeoque huic sententiæ favet Pontifex; secus autem exigenti dilectionem Dei super omnia, de qua decretum non loquitur.

452. Quidquid tamen de hoc sit, certum est, non licere censurâ inurere sententiam oppositam ex decreto Innocentii XI. publicato 3. Martii 1679. ubi post damnatas 65. propositiones concludit per hæc verba: *Tandem ut ab injuriosis contentionibus Doctores, seu Scholastici, aut alii quicumque in posterum se abstineant, & ut paci, & charitati consulatur, idem Sanctissimus, in virtute sanctæ Obedientiæ, eis præcipit, ut tam in Libris imprimendis, ac manu-*
scri-

scriptis, quàm in Thesibus, disputationibus, ac prædicationibus, caveant ab omni censura, & nota, necnon à quibuscumque conviciis contra eas propositiones, quæ adhuc inter Catholicos, hinc inde, controuertuntur; donec à Sancta Sede recognita, super eisdem propositionibus iudicium proferatur. Quapropter nihil detrahère intendimus sententiæ oppositæ, neque illam, ut authenticè falsam rejicimus, sed ut nobis licet, intendimus, certitudinem privatam nostræ sententiæ per privatum discursum inferri.

S. II.

453. Fit secundò: attritionem ex peccati turpitudine conceptam sufficere ad valorem Sacramenti, eadem certitudine, ac sufficiat attritio concepta ex metu gehennæ, & poenarum, cùm utrumque eodem modo constet ex Tridentino citato num. 430. Fit tertio: attritionem conceptam ex metu poenæ temporalis, ut ab hominibus infligendæ, sufficientem non esse. Ratio est: quia timor poenæ, ut ab hominibus infligendæ, licèt satis sit ad fugienda peccata externa, est insuficiens ad fugienda interna, ex num. 398. adeoque non excludit voluntatem peccandi:

De Pœnit. Pars I.

O o

sed

sed attritio sufficiens cum Sacramento excludit voluntatem peccandi, ut constat ex Tridentino sæpè citato: ergo &c. Quapropter in contraria opinione non invenio fundatam adhuc speculativam probabilitatem, sicuti neque in illa, quam cum Soto, Cano, Durando, Capreolo, pluribusque aliis, defendebat Thomas Hurtado tom.2. variarum Resolut. tract.vlt. à num. 504. quæ docebat, sufficere attritionem naturalem. Ratio est: quia Innocentius XI. non solum damnavit usum, verum etiam opinionem dicentem, *probabile esse sufficere attritionem naturalem*, ex numero 381. ergo talis opinio, non solum practicè, verum neque speculativè est probabilis.

454. Fit quartò: opinionem docentem, attritionem conceptam ex metu poenarum temporalium, ut à Deo infligendarum, sufficere ad Justificationem cum Sacramento poenitentiæ, esse verè speculativè probabilem, non autem practicè. Ratio est, quia ut aliqua sententia sit practicè probabilis in confectione Sacramentorum, adeò certa esse debet, ut non exponat Sacramentum frustrationi, juxta dicta à num. 302. de Sacramentis,

tis, sed ista opinio non nititur principio infallibiliter certo, sed solùm probabili, neque ut certa, sed ut probabilis à suis Authoribus reputatur: docent quidèm plures Doctores, eam non sufficere; neque ex timore poenæ temporalis concipi dolorem supernaturalem; ergo talis opinio non est practicè probabilis. Cæterùm cùm alii gravissimi Doctores probabilissimè doceant, eam posse esse supernaturalem propter rationes insinuatās à numero 420. idque valdè probabiliter colligatur ex Tridentino insinuante, motivum gehennæ contradistinctum esse à motivo poenarum; cùm ibi in exemplum adducat poenitentiam Ninivitarum, quæ concepta fuit ex metu suæ Urbis excidii, quod Deus comminatus fuerat, quod exemplum solùm afferri potest in ordine ad attritionem, de qua ibi agit Concilium; secùs in ordine ad contritionem, ad quam postea progressi sunt: nam ista justificavit extra Sacramentum, non verò cum Sacramento, quod postea institutum fuit ad faciendum de attrito, habitualiter contritum, quæ quidèm attritio excludit omnem voluntatem peccandi, licèt non sit concepta ex metu poenarum æternarum damni, &

sensus, sed ex metu poenarum temporalium, ut à Deo infligendarum, ex num. 398. adeoque sententia docens, sufficere hujusmodi attritionem, est verè speculativè probabilis, & ut talem eam defendunt Exim. Doctor disputat. 5. de poenitentia sect. 2. Lessius, Granado, Reginaldus, Lugo, Leander, & alii quamplures, quos sequitur P. Matthæus de Moya disput. 9. quæst. 4. num. 5.

455. Quapropter hujusmodi opinio, sicut & aliæ verè speculativè probabiles, pluribus in casibus deservire possunt, juxta plures Doctores, ad praxim; non quidem, ut aliquis scienter accedat ad Sacramentum, defendendo, licitum esse, cum ea, ut tali cognita, accedere: tunc enim peccaret, cum scienter exponeret frustrationi Sacramentum: deserviet tamen ad hoc, quod si bona fide inculpabiliter confessus est cum ea sola attritione, non teneatur postea iterum declarare peccata, nec repetere eam confessionem: quia quando est verè probabile, fecisse bonam confessionem, non tenetur eam repetere: Quod maximè notare debent Confessarii, ne obligent ad repetendas confessiones, quas poenitens repetere non tenetur. Ex quo Cardenas dis-

differtat.2.cap.6. à num.74.docet , non teneri ad repetendam confessionem illum , qui bonâ fide confessus est sola venialia , sine explicito , & cum solo implicito supernaturali dolore incluso in voluntate confitendi ea peccata , licèt ita confiteri cum sola probabilitate cognita illius doloris, sit peccatum mortale ; sicuti in aliis pluribus casibus , quos illi afferunt : undè sententia dicens, licitum esse facere advertenter confessionem venialium , absque aliquo dolore explicito, incurrere damnationem comprehensam in prima ex propositionibus damnatis ab Innocentio XI. ac proindè non est practicè probabilis : sententia verò docens, non esse obligationem repetendi eas confessiones inculpabiliter factas, damnationem illam non incurrit, quia est verè speculativè probabilis . Verùm de his agemus latius in tractatu de Sacramento, & ex professo in tractatu de Conscientia .

456. Fit quintò, cum Exim.Doctore, Vazquez , & aliis, quos citat , & sequitur Lugo disputat.14.num.70.contra Durandum , Sylvestrum , Navarrum , & alios , quos citat Exim.Doctor disput.20.sect.4.nu.3. & Quintanadueñas tom.2. singularium , tractat.3.

singulari 26. non sufficere ad valorem Sacramenti attritionem existimatam, quæ verè attritio non sit. Ratio est, quia nullum Compositum existere potest, absque suis partibus essentialibus: sed vna ex partibus Sacramenti pœnitentiæ, est vera saltem attritio, sive animi dolor, ac detestatio de peccato commisso cum proposito non peccandi de cætero, ex Tridentino sess. 14. cap. 4. ergo &c. Confirmatur: quando dicit Concilium, contritionem Charitate perfectam justificare extra Sacramentum; non potest intelligi de contritione existimata; neque quando dicit, per absolutionem remitti peccata; intelligi potest de absolutione existimata: ergo quando dicit, attritionem disponere ad Justificationem cum Sacramento; non potest intelligi de attritione existimata; aliter si ita liceret viro Theologo impunè discurrere, eadem libertate dici potest, sufficere ad Baptismum aquam existimatam, & ad consecrationem Panem triticeum existimatum, vinumque existimatum de vite, quod absurdissimum est.

457. Fit sextò, contra Authores secundæ sententiæ citatæ num. 430. sufficere ad
valo-

valorem, & fructum Sacramenti poenitentiae attritionem cognitam, ut talem, quin opus sit necessitate Sacramenti, ut existimetur contritio. Ratio est, quia ad valorem, & fructum Sacramenti Poenitentiae sufficit dispositio à Christo instituta, & requisita ad valorem, & effectum Sacramenti: atqui dispositio à Christo instituta, & requisita, est, non solum contritio, sed etiam attritio, ut satis constat ex dictis: ergo &c. Confirmatur ex Exim. Doctore disput. 20. sect. 1. à num. 20. Existimatio illa, quâ quis judicaret, se habere contritionem, quando re vera non habet nisi attritionem, non potest esse necessaria, ut det sufficientiam, & efficaciam attritioni: cum enim sit existimatio falsa, nullam dare potest sufficientiam, aut virtutem attritioni, quam ista vel ex se, vel ex Christi institutione non habeat, solumque posset deservire ad vitandum peccatum, si esset praeceptum accedendi cum contritione. Deinde nullibi constat de tali praecepto accedendi cum contritione, neque in Scriptura, neque in Conciliis, neque in Sanctis Patribus, neque in Ecclesiae traditione; imò potius oppositum constat ex dictis cum Tridentino: ergo ex

nullo capite est necessarium, quod attritio existimetur contritio, adeoque attritio, ut talis existimata (extra casum moribundi, de quo à num. 459.) sufficiens est ad valorem, & fructum Sacramenti, & sententia id docens est practicè certa, ut ait Exim. Doctor, vbi supra, ideoque contrariam post Tridentinum improbabilem appellavit, numero 13.

458. Ratic autem doctrinæ nostræ est, quia existimatio illa falsa non est necessaria ad dandum valorem attritioni, ut constat ex numero superiori. Rursus, ut ibi diximus, necessaria non est ratione præcepti; imò potius, licet esset probabile, extare præceptum de illa elicienda; id non obstaret certitudini practicæ nostræ doctrinæ: nam cum illud præceptum non tendat ad valorem, sed ad licitum usum; quomodocumque homo excusetur à transgressione præcepti, apponendo attritionem cognitam, ut talem, apponit actum requisitum ad valorem: à transgressione autem præcepti excusatur per principia sententiæ nostræ, quæ est valdè probabilior oppositâ, utpotè fundata, in eo quod Sancta Sanctè tractanda sunt. Ex quo malè infer-

fertur, debere peccatorem prudenter existimare, se habere contritionem, quando accedit ad Sacramentum poenitentiae, ut excusetur à Præcepti transgressionem; ad hoc enim, ut Sancta Sanctè tractentur, satis est, ut tractentur sanctè, vel præsuppositivè, vel concomitanter, juxta Sacramenti naturam; adeoque ut homo licitè accedat ad Sacramenta vivorum, debet prudenter judicare, se esse in gratia præsuppositivè: ut autem accedat ad Sacramenta mortuorum, satis est, quod prudenter judicet, se apponere quidquid debet, ut concomitanter maneat in gratia virtute Sacramenti, quod suscipit. Quapropter Corduba præcipuus sententiae adversæ patronus lib. i. quæstion. Theologicarum quæst. 2. benè notavit, quacumque ratione homo excusetur ab actuali peccato, sive per ignorantiam facti, ut quia putat se esse contritum, vel per ignorantiam Juris, ut quia inuincibiliter credit, se licitè accedere cum sola attritione, consequi effectum Sacramenti: ergo in nostra sententia, cum attritione, ut tali, certissimè consequetur homo effectum Sacramenti. Exindè

§. III.

459. Fit septimò : (quod notandum est quàm maximè) esse duo toto Cœlo diverſa in ſuſceptione , vel confectione Sacramentorum , requiri aliquid neceſſitate ſolâ præcepti , vel neceſſitate Sacramenti . Ratio eſt , quia quando aliquid requiritur ſola neceſſitate præcepti , quomodocumque inculpabiliter omittatur , non impedit fructum , & valorem Sacramenti ; ſi verò requiratur neceſſitate Sacramenti , impeditur valor , & fructus Sacramenti , quantumvis inculpabiliter omittatur : v.g. ad conficiendum Sacramentum Eucharistiæ , requiritur neceſſitate Sacramenti panis triticeus , ad conficiendum hoc Sacramentum non requiritur neceſſitate Sacramenti , ſed neceſſitate præcepti , quod homo jejunus accedat . Exindè ſi aliquis non jejunus invincibiliter oblitus , & judicans , ſe jejunum eſſe , accederet ad conficiendam Eucharistiā ; & conficeret Sacramentum validum ; & illud recipiendo , reciperet fructum Sacramenti . Si verò invincibiliter judicaret , ſe conſecrare hoſtiam triticeam , quando non habet , niſi hordeaceam , neque Sacramentum

tum validum conficeret, neque quando susciperet illam hostiam, reciperet fructum Sacramenti. Quod suo modo dicendum est de dispositionibus requisitis, vel necessitate medii, vel sola necessitate præcepti. Ex quo facile decidemus difficilem illam quæstionem de contritione requisita ad veram confessionem moribundi, quam plurimi minùs rectè decidunt judicantes, moribundum non conficere veram confessionem, absque contritione perfecta; citantes, tanquam præcipuum hujus sententiæ Patronum, Exim. Doctorem, quem inter alios citat Caramuel in Theologia fundamentali, à num. 524. & Diana 3. parte, tractatu 4. resolut. 78. immeritò tamen, quia Exim. Doctor nunquam exigit contritionem necessitate Sacramenti, sed necessitate præcepti, quod ad amorem Dei super omnia præsertim obligat in articulo mortis.

460. Neque agnoscit Exim. Doctor, ut probabilem sententiam contrariam, ut constat, ex num. 449. licèt ut probabiliorem agnoscat eam, quæ ex præcepto contritionem requirit ad confessionem in articulo mortis, quæ erat, apud antiquos, sententia com-

communis, & contraria eo tempore, nec valdè antiqua, nec multùm communis erat, ut ait disputat. 15. sect. 4. num. 17. adeòque tunc facilè generans morale dubium: cùm autem ille, qui cum morali dubio de sua obligatione, nollet præceptum implere, peccaret; exindè validam confessionem non efficeret. Si verò ab actuali peccato excusaretur in omissione contritionis, vel per sententiam verè probabilem, vel per ignorantiam juris, aut facti, salvaretur moribundus, ut habet ibi num. 20. rationem reddens per hæc verba: *Quia tunc necessitas talis actus non est necessitas medii in re ipsa omninò requisiti, sed præcepti, à cujus transgressione tunc excusabitur propter aliquam ex dictis circumstantiis.* Si autem hæc notassent Lovanienses, non allegarent pro se Exim. Doctorem. Quod autem Exim. Doctor ibi solùm exigat contritionem ex præcepto, & in moribundo; secùs autem ex necessitate Sacramenti, patet evidenter: quia quando agit infra de attritione requisita ex necessitate Sacramenti, eodem tomò disputat. 20. sect. 1. num. 10. Sententiam requiringentem solam attritionem vocat, adeò certam, ut non possit eo tempore, absque errore

rore negari: ergo, quando supra de præcepto dixit, sententiam negantem requiri contritionem non esse, eo tempore, valdè communem, non loquebatur de necessitate Sacramenti, sed de necessitate præcepti in moribundo propter ingentes rationes, quas attingemus, agentes de præcepto poenitentiae, & numero sequenti aliquid insinuabimus. Videatur Cardenas 2. par. Crisis Theologicae disputat. 49. num. 7. Exim. Doctorem defendens contra eos, qui sensum illius traducere volunt ad sententiam oppositam. Exindè.

461. Fit octauò: moribundum accedentem ad confessionem cum sola attritione cognita, ut tali, habere actum poenitentiae sufficientem ad valorem Sacramenti. Ex præcepto tamen Charitatis teneri ad dilectionem perfectam, adeòque si hanc culpabiliter elicere nolit, quando confitetur; neque eliciturum tunc attritionem, neque validè suscepturum Poenitentiae Sacramentum; benè verò, si eam tunc, ut contingere potest, omittat inculpabiliter. Ratio est, quia ex necessitate Sacramenti, solùm tenetur homo ad actus à Christo institutos ad valorem, & fru-

fructum Sacramenti, sed ad hoc instituta est attritio cum Sacramento, neque requiritur perfecta contritio, ut satis constat ex dictis: ergo moribundus ex necessitate Sacramenti non tenetur ad perfectam contritionem, sed sat est, quod cum Sacramento eliciat attritionem. Rursus certum est, teneri nos ex præcepto charitatis, sæpè Deum super omnia diligere: etenim Innocent. XI. inter 75. illas propositiones damnavit quintam, quæ sic habebat: *An peccet mortaliter, qui actum dilectionis Dei, semel tantum in vita, eliceret, condemnare non audemus.* Sextam. *Probabile est, ne singulis quidem rigorosè quinquenniis per se obligare præceptum charitatis erga Deum:* & septimam. *Tunc solum obligat, quando tenemur justificari, & non habemus aliam viam, quâ justificari possimus.* Ex quibus omnibus patet, frequenter in vita teneri nos elicere actum dilectionis Dei super omnia.

462. Si autem in aliquo tempore vitæ tenemur, maximè in articulo mortis, cum hoc sit tempus opportunissimum ad actum charitatis eliciendum; & præsertim pro eo tempore obliget præceptum charitatis erga nos, ad securitatem nostræ salutis procurandam,

dam, ob rationes insinuat, num. 303. ut docent Theologi in tractatu de Charitate: ergo si instet obligatio gravis eliciendi actum charitatis pro tempore, quo moribundus confitetur, vel quia antea non elicuit, vel quia prudentissimè timet, ne statim post susceptam absolutionem moriatur, aut rapiatur extra sensus, vel incidat in amentiam, aut propter aliam quamcumque similem rationem, & culpabiliter perfectam Dei dilectionem omittat, peccabit; ac proinde cum non possint, simul cum actuali peccato, stare vera attritio, neque vera confessio; ille moribundus non susciperet validum poenitentiae Sacramentum. Si autem moribundus ante plures dies elicuisset contritionem perfectam, ad satisfaciendum huic præcepto in illo articulo, & postea confiteretur cum sola attritione; tunc inculpabiliter omitteret contritionem, & reciperet validum Sacramentum, nec tenetur ad contritionem repetendam, quando prudentissimè judicat, se illam elicuisse. Secunda enim contritio non est medium securius, quàm prima; nec obligant præcepta, nisi ad illorum prudentem adimpletionem: aliter peccarent illi, qui non essent

essent in continuo cōtritionis exercitio: quod quàm absurdum sit, nemo est, qui non videat.

463. Fit nonò: neque ad fructum, neque ad valorem Sacramenti pœnitentiæ, sufficere solum dolorem ex motivo particulari de solis lethalibus, quæ menti occurrunt post diligens examen, quando propositum est etiam particulare, sed requiri saltem, vel dolorem ex motivo universali, qui est virtuale propositum sufficiens ad valorem, & fructum Sacramenti, ex dictis à num. 223. vel simul cum illo particulari dolore, propositum universale, quod tunc, eo quod dolorosè procedat, sit dolor virtualiter de omnibus lethalibus commissis, ex dictis num. 230. ita ut non extet valor Sacramenti absque dolore, vel formali, vel saltem virtuali de omnibus commissis. Ita cum pluribus Doctoribus Esparza quæst. 89. dicens, hanc esse communem sententiam. Ratio est, quia actus pœnitentiæ à Tridentino requisitus ad valorem Sacramenti, debet esse animi dolor, ac detestatio de peccato commisso, cum proposito non peccandi de cætero; adeoque propositum illud non solum tendit contra
pec-

peccata non commissa, de quibus homo non dolet, sed etiam contra peccata commissa, de quibus homo dolet: etiam ut sit propositum universale, se debet extendere non solum, ad non committenda ea, quæ homo, nondum commisit; verum etiam ad non committenda ea, quæ jam commisit, & de quibus dolet, ex quo propositum ad Sacramentum requisitum, dolorosè procedit; cum autem non possit dolorosè procedere, ex motivo universali, quin sit virtualiter dolor, de omnibus commissis, etiam de oblitis, quæ memoriæ non occurrunt; exindè propositum dolorosè procedens, est virtualis dolor de omnibus aliis peccatis: Sicuti dolor conceptus, ex motivo universali est dolor formalis, de omnibus peccatis commissis, quæ memoriæ occurrunt, & virtualis dolor de illis, quæ non occurrunt: atqui si dolor, simul & propositum conciperentur, ex motivo particulari non daretur virtualis dolor de omnibus commissis, adeoque neque, id quod exigit Tridentinum, ad valorem Sacramenti: ergo &c.

464. Confirmatur primò, Tridentinum scss. 14. cap. 4. de Contritione præscindente à

De Pœnit. Pars I.

P p

per-

perfecta , & imperfecta , quæ est pars Sacramenti pœnitentiæ , hæc habet : *Declarat igitur Sancta Synodus , hanc contritionem non solum cessationem à peccato , & vitæ novæ propositum , & inchoationem , sed veteris , etiam odium continere , juxta illud : projicite à vobis omnes iniquitates vestras , in quibus prævaricati estis , & facite vobis cor novum , & spiritum novum : ergo non solum ad fructum , verum neque ad valorem hujus Sacramenti sufficit , solum odium , & detestatio peccatorum , quæ menti occurrunt , sed etiam omnium commissorum , quæ menti non occurrunt , cum etiam ista peccata sint iniquitates nostræ , in quibus prævaricati sumus , adeoque si dolor sit particularis non se extendens , ad ea peccata detestanda , necessarium erit propositum virtuale dolorosè procedens , quo pœnitens ea peccata detestetur , ut detur actus pœnitentiæ sufficiens , juxta doctrinam Tridentini , ad valorem Sacramenti .*

465. Confirmatur secundò , juxta adversarios , & omnes Theologos , ad fructum Sacramenti pœnitentiæ , sive ad effectum remissionis peccatorum non sufficit dolor , de solis expositis in confessione , sed requiritur etiam

etiam dolor, virtualis de oblitis: atqui idem dolor, qui requiritur ad effectum remissionis in Sacramento poenitentiae, requiritur etiam ad valorem tanquam Sacramenti pars, ex Christi Domini institutione: ergo &c. Probatur Mi: ex Tridentino sess. 14. cap. 3. de actibus poenitentis dicente: *Qui quatenus in poenitente ad integritatem Sacramenti, ad plenamque, & perfectam peccatorum remissionem ex Dei institutione requiruntur, hac ratione poenitentiae partes dicuntur*: atqui requiri, ut partes eâ ratione, quâ requiruntur ad peccatorum remissionem, est requiri ad effectum remissionis eâ ratione, quâ requiruntur ad valorem, cum repugnet Sacramenti valor, sine suis partibus: ergo &c. Confirmatur tertio. Quotiescumque confessarius faciendo ex se, quod facere debet impertitur absolutionem, poenitens per se loquendo recipit gratiam, nisi velit ipse eâ fraudari, & Spiritui Sancto resistere: atqui si posset per se poenitens apponere actus sufficientes ad valorem, & non sufficientes ad remissionem peccatorum, contingeret quandoque in casu apposito, quod poenitens non reciperet gratiam, quin se ipsum vellet eâ fraudare, aut

perfecta , & imperfecta , quæ est pars Sacramenti pœnitentiæ , hæc habet : *Declaratur Sancta Synodus , hanc contritionem non solum cessationem à peccato , & vitæ novæ propositum , & inchoationem , sed veteris , etiam odium continere , juxta illud : projicite à vobis omnes iniquitates vestras , in quibus prævaricati estis , & facite vobis cor novum , & spiritum novum : ergo non solum ad fructum , verum neque ad valorem hujus Sacramenti sufficit , solum odium , & detestatio peccatorum , quæ menti occurrunt , sed etiam omnium commissorum , quæ menti non occurrunt , cum etiam ista peccata sint iniquitates nostræ , in quibus prævaricati sumus , adeoque si dolor sit particularis non se extendens , ad ea peccata detestanda , necessarium erit propositum virtuale dolorosè procedens , quo pœnitens ea peccata detestetur , ut detur actus pœnitentiæ sufficiens , juxta doctrinam Tridentini , ad valorem Sacramenti .*

465. Confirmatur secundò , juxta adversarios , & omnes Theologos , ad fructum Sacramenti pœnitentiæ , sive ad effectum remissionis peccatorum non sufficit dolor , de solis expositis in confessione , sed requiritur
etiam

etiam dolor, virtualis de oblitis: atqui idem dolor, qui requiritur ad effectum remissionis in Sacramento poenitentiae, requiritur etiam ad valorem tanquam Sacramenti pars, ex Christi Domini institutione: ergo &c. Probatur Mi: ex Tridentino sess. 14. cap. 3. de actibus poenitentis dicente: *Qui quatenus in poenitente ad integritatem Sacramenti, ad plenamque, & perfectam peccatorum remissionem ex Dei institutione requiruntur, hac ratione poenitentiae partes dicuntur*: atqui requiri, ut partes eâ ratione, quâ requiruntur ad peccatorum remissionem, est requiri ad effectum remissionis eâ ratione, quâ requiruntur ad valorem, cum repugnet Sacramenti valor, sine suis partibus: ergo &c. Confirmatur tertio. Quotiescumque confessarius faciendo ex se, quod facere debet impertitur absolutionem, poenitens per se loquendo recipit gratiam, nisi velit ipse eâ fraudari, & Spiritui Sancto resistere: atqui si posset per se poenitens apponere actus sufficientes ad valorem, & non sufficientes ad remissionem peccatorum, contingeret quandoque in casu apposito, quod poenitens non reciperet gratiam, quin se ipsum vellet eâ fraudare, aut

Spiritui Sancto resistere: ergo &c: consequentia tenet, & Mi: est adversariorum: Ma: vero constat, ex testimoniis Tridentini adductis, ex quibus, Catechismus Rom. titulo de Sacramentis, hæc habet: *Hi quidè ministri quoniam in sacra illa functione non suam, sed Christi personam gerunt, hinc fit, ut sive boni, sive mali sint, modò & formâ, & materiâ utantur, quam ex Christi institutione semper Ecclesia Catholica servavit, idque facere proponant, quod Ecclesia in ea administratione facit, verè Sacramenta conficiant, & conferant, ita ut gratiæ fructum, nulla res impedire possit, nisi qui ea suscipiunt, se ipsos tantò bono fraudare, & Spiritui Sancto velint obistere: ergo &c.*

466. Confirmatur quartò: ex Tridentino sess. 14. cap. 5. dicente: *Constat enim, nihil aliud in Ecclesia à pœnitentibus exigere, quam ut postquam quisque diligentius se excusserit, & conscientiae suae sinus omnes, & latebras exploraverit ea peccata confiteatur, quibus se Dominum, & Deum suum mortaliter offendisse meminerit; reliqua autem peccata, quæ diligenter cogitanti non occurrunt in universum eadem confessione inclusa esse intelliguntur: atqui non pos-*

possunt intelligi inclusa in ipsa confessione, nisi per dolorem virtualem de illis: ergo, sive ratione propositi virtualis, dolorosè procedentis, sive ratione doloris ex motivo universalis concepti, requiritur dolor virtualis se extendens ad peccata oblita, ut detur valor Sacramenti. Probatur Mi: examen conscientiae, & manifestatio, specifica & numerica omnium peccatorum requiruntur, ex divino præcepto, adeòque homo illud transgrediens nequit elicere veram attritionem, cum ista impossibilis sit cum actuali peccato: Si autem homo inculpabiliter omittat diligens illud examen, & specialem singulorum peccatorum manifestationem, ut contingere sæpè solet in moribundo, qui non habet tempus ad examen conficiendum, sed ad manifestandum se peccasse, & eliciendum contritionem generalem, sive perfectam, sive imperfectam, tunc quidè omnia sua peccata in illa confessione comprehenduntur; non autem ratione diligentis examinis, cum illud non potuerit conficere; non ratione confessionis verbalis, cum iam loqui non possit, nec numerum peccatorum definire, sed ratione contritionis generalis ad omnia pecca-

ta se extendentis, manifestatæ per signa, quibus petit absolutionem: ergo &c. Confirmatur quintò, qui confitetur peccata expressè, sine expresso dolore peccat, & non facit validum Sacramentum: ergo, qui ea confitetur virtualiter sine virtuali dolore peccat, & non facit validum Sacramentum. Exindè.

§. IV.

467. Fit decimò: propositum universale elicitum ab eo, qui expressè dolet de peccatis; quæ memoriæ occurrunt esse dolorem virtualem de oblitis. Ratio est, quia quando aliquis proponit, non iterùm facere ea, de quibus dolet, tale propositum, utpotè dolorosè procedens, est dolor expressus de his, quæ memoriæ occurrunt, ex num. 218. atqui dolor expressus de peccatis, quæ memoriæ occurrunt, si attingat illa, ex motivo universali, se extendente ad omnia peccata commissa, quæ memoriæ non occurrunt, est etiam dolor virtualis de oblitis: ergo &c. Mi: patet, quia hoc intelligunt Theologi nomine doloris virtualis: sic enim peccatorem, qui tria peccata commisit, & post diligentif-

tissimum conscientiae examen, solum recordatur duorum, quæ confitetur, si ex generali motivo, se extendente ad omnia peccata, eliciat dolorem formalem de illis duobus, ex vi talis actus fatentur, omnes habere virtutalem dolorem de peccato oblito: ergo, idem dicendum est, de proposito dolorosè procedenti, ex motivo universalis. Ex quo clarius apparet, quare Tridentinum, non solum exigit, ad valorem Sacramenti, iuxta Christi institutionem dolorem, utcumque sed poenitentiam, quæ sit dolor de peccatis commissis, cum proposito, nunquam peccandi de cætero: sine qua, siue per unum, siue per duos actus constituatur, ex num. 18. non datur Sacramentum Poenitentiae validum. Quando autem duo actus concurrunt, etsi physicè duo sint, constituunt tamen eundem poenitentiae actum adæquatè sumptum in consideratione Theologica, ut dicemus agentes de Sacramento, & constat, satis ex dictis.

468. Fit vndecimò. Propositum formale ex universalis motivo dolorosè procedēs, perinde se habere, quàm dolorem formalem ex motivo universalis procedentē. Vndè cum ille do-

lor sufficiens sit , ad reviviscentiam Baptismi
validi , & informis , ita & hujusmodi propo-
situm sufficiens erit . Quinimò ille dolor vir-
tualis , etsi philosophicè solùm dicatur vir-
tuale propositum ; in consideratione Theo-
logica acceptus vocari potest formale propo-
situm . Ratio est , quia nomine propositi in-
telligitur à Tridentino actus excludens o-
nem voluntatem peccandi , ut constat , ex
num. 223. sed talis dolor , ut ex ibi dictis , con-
stat , excludit omnem voluntatem peccandi :
ergo &c. Quapropter Authores requirentes
ad valorem , ex necessitate Sacramenti for-
male propositum intelligendi sunt , de propo-
sito Theologicè sumpto , secùs philosophicè
accepto . Vndè Soto , qui in quartum dixe-
rat esse perniciosum errorem docere , non re-
quiri necessitate Sacramenti formale propo-
situm , se postea explicans lect. 17. de Pœni-
tentia , ait illud intelligi , quando dolor non
est universalis ; nam quando est universalis ,
est , etiam sufficiens propositum . Quod etiam
fecit Adrianus in quartum quæst. 1. de pœni-
tentia exponens , quod dixerat Quodlibeto 5.
artic. 3. Pariter etiam se explicavit Medina
codice de pœnitentia tract. 1. quæst. 3. cum
id

id satis non declarasset, codice de Confessione, quæstione de Confessione ficta iteranda. Videatur Exim. Doctor disp. 4. de pœnitentia sect. 3. num. 2.

469. Quo in sensu intelligendus est etiam Bellarmin. lib. 2. de pœnitentia cap. 6. Requirit enim formale propositum Theologicè sumptum, prout excludit omnem voluntatem peccandi, sive prout contradistinguitur à dolore particulari. Dolor quidè̃m particularis, licet inseparabilis sit à proposito non committendi ea peccata, non tamen est inseparabilis, à proposito non committendi alia: adeòque non secùm affert debitum propositum, quod Concilia exigunt. Quando ergo dolor, est particularis, debet addi universale propositum; aliter frustrà exegissent Concilia propositum non peccandi de cætero; si sufficeret propositum particulare inclusum in eo particulari dolore, & ab eo inseparabile. Quod autem ista, sit mens Bellarmi-
ni apparet, ex ejus fundamentali ratione, quæ ita se habet: Nam cum propositum implicitum à peccati detestatione nullo modo separari possit; sine causa Concilia addidissent illa verba, cum proposito non peccandi de cætero. Evidens enim

enim est propositum non peccandi de cætero separabile esse à detestatione particulari peccati, adeoque quando docet non sufficere, illud propositum virtuale, clarè loquitur de proposito incluso in particulari detestatione, quod sanè insufficiens est, ut contra aliquos Recentiores, diximus à n. 152. Hæc autem est ratio, quare Bellarminus in Tridentino, adeoque versatus non objicit contra se Textum Tridentini dicentis, sufficere attritionem, si voluntatem peccandi excludat; nam talis attritio, jam dicitur propositum formale Theologicè sumptum, contra quod ipse non pugnat. Quinimò, si inadvertentia non adsit statim oritur ex illa attritione formale propositum, ut diximus, num. 224. quod etiam notat ipse Bellarminus cap. 7. ad tertiam object. dicens: *Dica igitur non posse fieri, ut verus sit animi dolor de peccatis admissis, quin continuo oriatur etiam propositum vitandi peccata futura*. Et quo si Authores in genuino sensu explicentur, vix aut ne vix quidè inuenies, qui sententiam nostram tanquam veram non supponat. Exindè facilis est via ad opposita argumenta dissoluenda. Pro quo sit.

SE-

S E C T I O VI.

Solvuntur opposita.

§. I.

470. **O**BJICIES primò. Supernaturalis attritio ex metu gehennæ concepta non est materia certa Sacramenti poenitentiae : atqui post damnatam ab Innocentio XI. primam illam propositionem: *Non est illicitum in Sacramentis conferendis, sequi opinionem probabilem de valore Sacramenti relicta tutiore*, tenemur apponere materiam certam : ergo licitum non est accedere ad Sacramentum Poenitentiae, cum sola attritione. Confirmatur præoccupando nostram ex Cōciliis solutionem: Concilia Æcumenica, quæ à Spiritu Sancto diriguntur, statuere nihil possunt, quod Dei Verbo scripto, aut tradito adversetur: atqui necessitatem Divini amoris super omnia, ad veram poenitentiam, & multa Scripturæ loca, & traditio ipsa confirmat: ergo &c. Probatur Mi: ea quæ à Christo, & Apostolis accepta unanimi ad nos consensu Patres, ac Theologi transmiserunt dicun-

dicuntur habita, traditione: atqui homini in veterum Scriptorum lectione versato, liquiddò constabit, Patres, ac Theologos, ferè omnes, qui à primis Ecclesiæ temporibus ad medium sæculum 16. floruerunt apertissimè docuisse, nemini, absque Dei dilectione super omnia, peccata in Sacramento pœnitentiæ condonari: ergo &c. Probatur Mi: adducendo longum catalogum Sanctorum Patrum, ac Theologorum, qui visi sunt huic sententiæ favere, ut demonstrat Joan. Lavanjus supra 40. testimonia numerans, quorum plura dissolvimus à num. 202. Altera præcipua hæc sunt.

471. Ex primo, quidè m sæculo Ignatius Martyr hæc habet: *Omnibus pœnitentibus remittit Deus, si pœniteant in unitatem Dei.* Ex secundo sæculo Justinus Philosophus, ac Martyr: *Qui diligit Dominum Deum, ex toto corde, & proximum sicut se ipsum, is demùm verè justus fuerit, tum Irenæus: Justis autem, & equis, & in dilectione perseverantibus; quibusdam quidè m ab initio, quibusdam ex pœnitentia vitam donans.* Ex tertio sæculo Clemens Presbyter Alexandrinus: *Absque charitate nihil gratum est Deo: tum & Tertullianus: Pœniteat*

teat errorum, repertâ veritate, pœniteat amasse, quæ Deus non amat. Demùm Origenes ad illa Christi Verba: Mandatum novum dò vobis: ita habet: Peccatori autem, & charitatis fœdera non servanti etiam Evangelica veterascunt. Ex tertio, ad quartum sæculum Hilarius in Evangelium Matth. Quia Charitas plurimum peccatorum tegit, novissimum pœnæ quadrantem solvemus, nisi pretio ipsius aliquantum criminum culpa redimatur. Tum etiam Ambrosius ser. 46. sic de pœnitentia Petri differens: Qui enim Dominum tertio negaverat, tertio confitetur, & quotiès culpam delinquendo contraxerat, toties gratiam diligendo conquirat: atqui in istis, aliisque similibus testimoniis, clarè docemur, non haberi pœnitentiam sufficientem ad Justificationem, absque dilectione Dei super omnia: ergo attritio ex metu gehennæ, absque dilectione Dei super omnia, insufficiens est ad justificationem, cum Sacramento Pœnitentiæ.

472. Respondeo distinguo Ma: Non est materia certa, certitudine authenticâ, concedo: certitudine privatâ, nego Ma: & distin. Mi: nego Conseq. Ratio est, quia pro sufficien-

ficientia attritionis habemus privatam certitudinem, quæ satis est, ad suscipiendum validè, & licitè Sacramentum, ex num. 447. Cæterùm quamvis, quæ ibi dicta sunt, satis superque sint ad clarè, & solidè dissolvendum argumentum, operæ pretium erit, breviter ostendere ipsos, adversarios teneri, velint, nolint solutionem nostram approbare, ipsosque potiùs contra se, quàm contra nos, sua ipsorum arma; ut se vulnerent, retorquere; Etiam tutius est, ad valorem Sacramenti elicere intensam dilectionem Dei super omnia, quàm dilectionem, minùs intensam. Quærimus modò, an ad Sacramentum pœnitentiæ adhibenda sit contritio charitate perfecta ea scilicet, quæ seorsim à Sacramento hominem potest cum Deo reconciliare? an sufficiens sit tenuis illa dilectio Dei super omnia? Respondent: sufficere istam tenuem, & neutiquam requiri aliam. Modò sic: Sententia requirens illam aliam contritionem perfectam tutior est, tum etiam charitas perfecta certior est pœnitentiæ materia, quàm tenue illud charitatis initium. Vndè igitur adversariis certò constat, charitatem tenuem, inchoatam, remissam sufficere, esseque certam,

tam , ac idoneam materiam Sacramenti? id enim nullo Tridentini , aut alterius Concilii decreto authenticè sancitur , neque ab ipsis adversariis , clarè & evidenter explicari potest , quæ sit natura hujusmodi charitatis inchoatæ , quæ habeat vim in Sacramento obtinendi veniam peccatorum , non tamen extra Sacramentum , immò latè probavimus , à num. 350. nullam talem extare dilectionem , in præsentique Providentia esse chimæram . Vndè ergo constat ipsis , certò extare? Vndè certò cum Sacramento sufficere? non quidè authenticè , cùm talis certitudo extare nequeat cum decreto Alexandri Septimi citato , num. 447. adeòque ad summum (quod ipsi nunquam probabunt) constare ipsis potest certitudine privata : dum autem dicant hanc privatam certitudinem sufficientem illis esse , ad non exponendum frustrationi Sacramentum , iam ipsorum arma contra ipsos retorta esse , nemo est , qui non videat . Hæc insinuasse sufficiat , quæ quisque facile potest , si velit ex dictis , longè latèque amplificare . Vide num. 448.

473. Ad Confirmationem, Concedo Ma: & nego Mi: Ad probat. concedo Ma: & ne-

go Mi: Ad probat. concedo Ma: quæ continet testimonia Sanctorum Patrum, & distin. Mi: non haberi pœnitentiam sufficientem, ad Justificationem, absque dilectione Dei super omnia, si sit pœnitentia, solum quam agimus, concedo, quam suscipimus, nego Mi: & Conseq. Ratio est, quia ut constat, ex Tridentino sæpè citato sess. 14. cap. 4. duplex est pœnitentia, sufficiens ad Justificationem alia quidè quam agimus, & hæc est contritio charitate perfecta sufficiens ad Justificationem, antequam Pœnitentiæ Sacramentum suscipiamus: altera vero quam suscipimus, nimirum Pœnitentiæ Sacramentum, hæc autem ita includit, ut partem pœnitentiam quam agimus, ut sine pœnitentia quam suscipimus, non satis sit, ad justificationem ex necessitate Sacramenti, ut ibidem habet ipsum Concilium. Et de qua loquitur Augustinus tom. 10. homil. 41. probans hominem debere abstinere à peccatis, rationem istam assignans: *Quia si ad ultimum vitæ steterit, nescit si ipsam pœnitentiam accipere, ac Deo, & Sacerdoti peccata sua confiteri poterit.* Quando vero Sancti PP. exigunt amorem Dei super omnia, ad Justificationem

nem

nem per pœnitentiam, loquuntur de pœnitentia, quam agimus, ut & loquitur ipsum Tridentinum, & adnotavimus, num. 254. Quando autem dicunt, utilem esse pœnitentiam habitam per timorem ex metu poenarum, uti habetur, à num. 371. loquuntur de utilitate ad Justificationem, cum Sacramento, sive cum pœnitentia, quam suscipimus; sicuti & loquitur ipsum Concilium: Nulla quippè melior, aptior, & dignior Sanctorum Patrum expositio excogitari potest, quàm quæ verum Oecumenici Concilii sensum secum admittit, Pontificiisque definitionibus aptè conformatur: neque enim quærendus est sensus, quo definitiones Ecclesiæ conformentur Testimoniis PP., quasi Ecclesiæ sensui prævalentibus, sed è converso. Quapropter Alexander. VIII. inter supradictas propositiones damnavit tertiam, quæ sic habebat: *Ubi quis invenerit doctrinam in Augustino clarè fundatam, illam absolutè potest tenere, & docere, non respiciendo ad ullam Pontificis Bullam?*

474. Cæterùm quod mirandum est, inter tot, & tanta testimonia, adeò laboriosè ab adversariis conquisita, nullum reperiri

testimonium, quod speciem difficultatis contra distinctionem nostram, à Tridentino traditam præseferat. Quorsùm verò tendat tam improbus labor, planè non capio, quamvis sciam præclarum esse industriæ specimen, quo exigua opuscula, dum tot, & tanta coagulantur Patrum testimonia, magno laboris impendio in molem ingentem excrecant. Sic conquestus est Augustinus contra Julianum Pelagianum tom. 7. lib. 3. cap. 10. *Per Scripturarum testimonia conaris ostendere, & laboras inaniter, non ut respondere nobis, sed ut libros possis implere.* At quis nescit libros æstimandos non esse molis pondere, sed pondere rationis. Planè si eandem eruditionis pompam amaremus, facile nobis esset recensere maiorem numerum PP. & Theologorum, qui salutarem poenarum timorem impensè commendant, hominesque in scelus omne ruentes hac Inferorum imagine, velut injecto fræno coërcent. Verùm quid ad rem præsentem juvaret tantus utrorumque conatus? neque enim agitur de præstantia, & utilitate, seu Dei dilectionis, seu timoris; sed solùm quæritur, quid juvent huiusmodi actus ad Sacramentum poenitentiae

tiae , an scilicet perfecta Dei dilectio ita necessaria sit , ut cā deficiente , etiamsi maximè adsit pœnarum metus , Sacramentum frustrationi exponatur . Hoc autem non modò non probant , sed nec attingunt quidè Patrum loca tanto apparatu , tantoque studio conquisita . Quod ut omnibus perspicuum fiat , expēdamus breviter sua speciosiora testimonia , num. 471. ab adversariis adducta .

475. Etenim Ignatius Martyr citatus pro primo sæculo , neque de pœnitentibus in Sacramento sine Charitate , neque de dilectione Dei super omnia , sine Sacramento ullam facit mentionem , sed de pœnitentia in unitatem Dei , quæ unitas habetur per gratiam . Si ergo hæc gratia acquiratur per attritionem cum Sacramento , jam acquiritur illa unitas . Quomodò ergo ex ea unitate probatur , necessitas dilectionis Dei super omnia , cum Sacramento ? Planè parvuli baptizati verè filii Dei sunt , illamque habent unionem cum Deo ratione gratiæ sanctificantis ; sicuti & iusti dormientes : ergo Deum super omnia diligunt ? En absurdam consequentiam , ex ipso adversariorum ratiocinio dedu-

etiam. Ut quid ergo citant pro se Ignatium Martyrem? Nec minùs incongruè citant pro se Justinum, & Jrenæum, ex secundo sæculo: Illa enim testimonia si ad Sacramentum pœnitentię transferantur, ex iis conficeretur, Justinum non modò Dei dilectionem, sed etiam charitatem erga proximum requisivisse ad Sacramentum, quod & ipsi adversarii dicere non audebunt, nec ulli hæc nùs venit in mentem. Pariter fieret, Jrenæum dilectionem actualem, & habitualem exegisse, hoc est perpetuam in gratia permanentem, quam perseverantiam vocant; quod quidè naturam everteret Sacramenti Pœnitentię, utpotè divinitus per se instituti, non ad eorum salutem, qui in gratia perseverant, sed eorum, qui in peccatum lethale prolapsi, à Sanctitate, & gratia exciderunt. Ut quid ergo pompa hæc testimoniorum extra rem, quam agimus?

476. In tertio autem sæculo Clemens loquitur de opere elicitò ab homine, quo fit gratus amicabiliter Deo; secùs de opere, quod Deo infra amicitiam placeat, aut simul cum Sacramento suscepto deserviat, ad amicitiam obtinendam: dicere enim, nullum
opus

opus placere Deo, nisi sit ex motivo charitatis, damnatum jam est ab Alexandro VIII. in decima propositione adducta, num. 344. Quod autem Tertullianus, & Origènes commendent poenitentiam, & reprehendant peccatorem divinæ amicitiae foedera disrumpentem, quomodo adducitur ad casum nostrum; quandoquidem de Sacramento Poenitentiae, sive de poenitentia, quam suscipimus, mirum est utrobique silentium? At quid mirum, quod hæc afferantur, si ex tertio ad quartum sæculum affertur Hilarius loquens ibi de charitate fraterna, ut manifestè probant Petri Apostoli verba (1. Petr. 4.) ad quæ Sapientissimus hic Pater alludit: *Ante omnia autem mutuam in vobis metipsis charitatem continuam habentes, quia charitas operitur multitudinem peccatorum.* Tandem Ambrosius non loquitur de confessione Sacramentali, sed de confessione fidei conjuncta, cum dilectione perfecta, quâ Petrus amissam gratiam obtinuit, & auxit. Sed quid exinde deducitur ad probandam necessitatem dilectionis Dei super omnia, ut obtineatur gratia simul cum Sacramento Poenitentiae? Ex his unusquisque videre potest, quàm de-

bilia sint testimonia contra nos conquistata.

477. Objicies secundò : Alexander VII. citatus num. 447. permisit, ut defenderetur sententia exigens dilectionem Dei super omnia, simul cum Sacramento Pœnitentiæ : ergo nostra sententia negans ejus dilectionis necessitatem non est certa, adhuc certitudine privata, ac proindè, neque in praxi tutata. Resp. Antecedens dubium esse, ut constat, ex num. 451. eo tamen permisso, nego Consequentiam, quia permissio facta ab Alexandro VII. eò tendebat, ut nullus censurâ inureret alterutram sententiam, reseruando sibi controversiæ decisionem authenticam, & diligentius exam. Propositiones autem, quæ ita relinquuntur, nullam accipiunt à Sancta Sede approbationem, sed relinquuntur in ea, quam habent, vel non habent, intrinseca probabilitate. Quod ut omnibus clarius constaret, Alexander VIII. post damnatas 31. propositiones in suo decreto, hæc addidit : *Non intendit tamen Sanctitas Sua, per hoc decretum alias propositiones in majori numero ultra supradictas 31. jam exhibitas, & in hoc decreto non expressas approbare.* Quapropter
uni-

unicuique licet sententiam suam , absque injuria alterius , promovere .

§. II.

478. Objicies tertio : præcipue contra illationes . Ex D. Thom. quæst. 9. supplem. artic. 1. ut habetur in quartum distin. 17. quæst. 3. artic. 4. quæstiunc. 1. ubi ait : *Confessio potest esse , etiam in eo , qui non est contritus , quia potest peccata sua confiteri Sacerdoti , & clavibus Ecclesiæ se subiicere , & quamvis tunc non percipiat absolutionis fructum , tamen recedente fictione percipere incipiet : & sic etiam in aliis Sacramentis . Vnde non tenetur iterare confessionem , qui fictus accedit , sed tenetur postmodum fictionem suam confiteri : ergo Sacramentum poenitentiae potest esse validum , & informe , quamvis poenitens accedat , absque vero dolore , & absque generali contritione , sive perfecta , sive imperfecta , cum D. Tho: de hac contritione à perfecta , & imperfecta præscindente , perspicue loquatur . Propter hoc argumentum defendunt communiter Thomistæ , Sacramentum Poenitentiae , validum & informe , pluresque ex illis , quos impugnavimus in illationibus , do-*

cebant, non requiri necessitate Sacramenti supernaturalis dolorem, sed sufficere displicentiam, sive dolorem naturalem, aut nullum, cum ex S. Thōma maneat, sine contritione Sacramentum validè constitutum. Cæterum hæc parum vrgent, quia D. Tho: sententiam illam retractavit. Quapropter.

479. Resp. cum Vazquez quæst. 92. artic. 2. num. 13. nego Conseq. quia D. Tho: infra in eodem tomo distin. 23. quæst. 1. num. 4. in corp. sententiam illam retractavit, docens contritionem esse de essentia Sacramenti pœnitentiæ. Quinimò mirari satis non possum Thomistas sic arguentes quandoque iidem Sacramento se obstringunt, ad defendendam quàm judicant D. Tho: doctrinam. Constans autem apud ipsos doctrina D. Th: est quæ habetur in partibus summæ Theologicæ, quàm confecit post expositos Libros sententiarum, adeoque tenentur, hanc defendere rejecta contraria, quandocumque in Libris sententiarum reperiatur. In summa autem Theologica 3. par. quæst. 85. art. 3. in corp. expressè docet actum pœnitentiæ Theologicæ elici ex motivo universalis, sive esse dolorem de peccato commisso, in quantum est offensa Dei,

ut

ut constat, ex num. 76. Rursus ibi quæst. 90. artic. 2. in corp. docet actum poenitentiae esse partem essentialem Sacramenti, per hæc verba: *Dicendum quod duplex est pars, ut dicitur in quinto metaphysicæ, scilicet pars essentiae, & pars quantitatis. Partes essentiae sunt naturaliter, quidè m forma, & materia, Logicè autem est genus, & differentia. Hoc autem modo quodlibet Sacramentum distinguitur, in materiam, & formam, sicut in partes essentiae: Vndè, & supra dictum est, quod Sacramenta consistunt in rebus, & verbis: Sed quia quantitas se tenet ex parte materiae, partes quantitatis sunt partes materiæ, & hoc modo Sacramento poenitentiae specialiter assignantur partes (ut dictum est) quantum ad actus poenitentis, qui sunt materia hujus Sacramenti. Supra quæ verba optimè notat Cajetanus non excludi ab essentia Sacramenti contritionem internam, quæ, utpotè materia, est pars essentialis Sacramenti, ut ait D. Tho: sed opera externa, quæ in satisfactionem intenduntur, & dicuntur partes quantitatis virtuteque clavium specialem hauriunt valorem, quod à Concionatoribus, sæpè repetendum, & prædicandum est, inquit, ibi Cajetanus. Ex quo D. Tho: nostram sententiam*

tiam expresse tenet, & retractat, quæ in quartum dixerat; Sicuti etiam eadem 3. par. qu. 70. artic. 4. in corpore, ait se ibi retractare sententiam contrariam, quæ prius ipsi placuerat.

480. Objicies quartò: Juxta traditam numero superiori D. Thomæ requiritur ad valorem sacramenti pœnitentiæ contritio perfecta ex charitate: ergo insufficiens est sola attritio. Probatur Anteced. dolor peccati debet proportionari cum accusatione peccati, ut eadem tendat viâ pœnitentia oris, & cordis: sed accusatio, utpotè de offensa Dei, procedit ex charitate: ergo dolor, qui etiam ex D. Thom. est de offensa Dei procedet ex charitate. Confirmatur peccator in hoc sacramento fit de attrito contritus; sed nō fit contritus nisi per contritionem: ergo requiritur contritio. Resp. nego Anteced. Ad prob. omitto Ma: & dist. Mi: procedit ex charitate si sit de offensa Dei, ut Deo mala, Concedo; ut mala pœnitenti, nego Mi & Conseq. quia liberum est peccatori elicere verum actum pœnitentiæ ad sacramentum suscipiendum sive contritionis, sive attritionis adeoque liberum illi est dolere de offensa Dei prout Deo

Deo mala, quod pertinet ad charitatem; vel prout mala poenitenti, quod pertinet ad virtutem distinctam à charitate ex num. 128. & 135. Ad conf. dist. Ma: fit de attrito contritus actualiter nego: habitualiter conced. Ma: & dist. Mi: nego Conseq. Cujus falsitas clarè constat ex num. 256.

481. Objicies quintò: præsertim contra necessitatem doloris superni, & doctrinam nostrarum illationum. Voluntas suscipiendi sacramentum poenitentiae, utpotè peccatorum destructivum, est in peccatore voluntas destruendi peccata: sed voluntas destruendi peccata sufficiens est ad valorem sacramenti poenitentiae: ergo voluntas suscipiendi sacramentum poenitentiae absque ullo alio dolore sufficiens est ad valorem sacramenti. Confirmatur primò: Per dolorem naturalem tollitur obex, sive peccatoris adhæsiō ad peccata præcedentia: atqui sacramenta ex Trident. sess. 7. Can. 6. conferunt gratiam non ponentibus objicem: ergo dolor naturalis sufficiens est ad valorem, & fructum sacramenti poenitentiae. Confirmatur secundò: dolor est pars sacramenti poenitentiae quatenus redditur sensibilis per confessionem

nem vocalem, aut alia signa externa pœnitentis: sed confessio vocalis aliaque signa externa non magis significant dolorem naturalem quam supernaturalem: ergo nō minus sufficit dolor naturalis, quam supernaturalis. Confirmatur tertio: Ad valorem baptismi nullus ex parte pœnitentis requiritur actus supernaturalis, adeoque & potest esse validus, & informis: ergo neque ad valorem sacramenti pœnitentiæ requiritur ex parte pœnitentis ullus actus supernaturalis.

482. Resp. omitto Ma: & dist. Mi: Voluntas destruendi peccata sufficiens est, qualis est à Christo instituta, concedo: Voluntas qualis à Christo instituta non est, nego Mi: & Conseq. Nam voluntas à Christo instituta est supernaturalis ex num. 375. & 381. adeoque debet esse honesta, & quæ ad sui elicentiam exigat prævenientem inspirationem Spiritus Sancti, ejusque adjutorium, firmitatemque ex parte motivi, quod longè abest à voluntate naturali ex num. 418. Quinimo voluntas naturalis suscipiendi pœnitentiam potest esse peccaminosa, ut patet in voluntate, qua peccator vult hodiè peccare, & crastina die confiteri, peccataque destruere: cum autem
talis

talís voluntas destruendi peccatum sufficiens non sit ad valorem sacramenti poenitentiae, ut & adversarii ipsi negare non possunt, exinde apparet manifestè non sufficere ad valorem sacramenti poenitentiae quamcumque voluntatem destruendi peccatum, sed requiri voluntatem, qualem Christus instituit.

483. Ad primam Confir. dist. Ma: tollitur obex adhæsionis actualis ad peccata præterita, conc. tollitur obex adhæsionis habitualis nego Ma: & dist. Mi: nego Conseq. nam absque poenitentia salutari, sive supernaturali nullum peccatū personale remittitur peccatori adulto in hac providentia, ut constat ex Tridentino cit. num. 377. Ad secundam confirm. dist. Ma: dolor à Christo institutus Conc. non institutus nego Ma: & dist. Mi: non magis significat in circumstantiis, in quibus sacerdos prudenter absolvit nego; seclusis illis circumstantiis permitto Mi: & nego Conseq. quia in illis circumstantiis, tenetur peccator elicere actum poenitentiae supernaturalem, & confessarius discurrens ex notis ad ignota prudenter judicat illum facere quod debet ad talem actum eliciendum. Cùm autem Deus facienti, quod est ex se non deneget gratiam, pru-

prudenter discurrit habere gratiam, quâ eliciat talem actum supernaturalem. Si autem judicaret pœnitentem non esse ita paratum, deberet illum instruere, nec posset licitè aliter absolutionem impendere.

484. Ad tertiam Confir. conc. Anteced. & nego Conseq. quia actus pœnitentiæ non est pars constitutiva sacramenti baptismi, adeoque potest dari totum essentiale constitutivum baptismi absque supernaturali actu pœnitentiæ, validum, & informe: voluntas enim suscipiendi sacramentum (quæ voluntas est purus terminus, sine quo baptismus in adulto non esset validus ex tractatu de sacramentis à num. 102.) solùm requiritur ut susceptio sit ipsi voluntaria, ad quem finem satis est voluntas naturalis, etsi ex alio capite peccaminosa: tunc enim daretur baptismus validus, & non conferret gratiam peccatori adulto ex defectu pœnitentiæ salutaris, quam, elicitâ salutaris pœnitentiâ, postea conferret, & baptismus revivisceret, ut constat à n. 215. de baptismo. At verò actus pœnitentiæ salutaris est pars sacramenti pœnitentiæ, ex numero 463. adeoque eo actu deficiente nequit dari sacramentum validum, repugnat enim
totum

totum constitutum deficiente parte constitutiva. Quinimo actus poenitentiae salutaris est dispositio ad gratiam ex num. 381. adeoque intrinsecè superna, secus autem confessio vocalis, aut materiae aliorum sacramentorum; quæ non sunt dispositio, sed res institutæ constituentes totum impetratorium cum Christi institutione, ut constat à num 193. de sacramentis adeoque entitativè possunt esse naturales.

§. III.

485. Objicis sextò: Dolor requisitus ad confessionem venialium nō debet excludere omnem voluntatem peccandi venialiter: ergo dolor requisitus ad confessionem mortaliū non debet excludere voluntatem peccandi mortaliter: ac proinde nō erit necessarius neq; ex formalitate propositi dolor universalis. Retorqueo argumentum. Venialia non sunt materia necessaria confessionis: ergo neque mortalia. Resp. deindè negando Conseq. quia ad valorem sacramenti poenitentiae requiritur contritio sive perfectæ; sive imperfectæ, sine qua nullum mortale in hoc sacramento remitti potest. Insuper cum nullum peccatum remitti possit sine dolore; & ad va-
lorem

lorem hujus sacramenti requiratur ex Tridentino citato nu. 465. de Virt. idem dolor ad valorem, qui requiritur ad fructum remissionis; exindè planè fit, contritionem ad hoc sacramentum requisitam debere esse universale de omnibus mortalibus: cumque non possit dari hoc sacramentum quin dentur per se partes à Christo Domino requisitæ, semper debet dari voluntas exclusiva omnis mortalis, ut detur valor sacramenti, quod ex Christi institutione semper est per se mortalium remissivum: nec adhuc per accidens potest illi deficere talis virtus, etsi possint per accidens non apponi mortalia non remissa, sed potius sola jam remissa, aut sola venialia. Unde qui sine hujusmodi voluntate accederet ad hoc sacramentum faceret illud irritum, & peccaret, adeoque sive confessio sit de mortalibus jam remissis, sive de solis venialibus, semper debet elici hic actus pœnitentiæ universalis, nempe dolor ac detestatio de peccato commisso cum proposito non peccandi de cætero ex Trid. sess. 14. cap. 4.

486. Cæterùm cum unum veniale remitti possit sine alio, qui confitetur sola venialia non tenetur supra illum actum à nobis expositum

fitum elicere alium actum doloris, & propositi universalis circa omnia venialia, sed satis est, ut habeat circa aliquod : sine dolore quippè, & pœnitentia peccati, nequit in hoc sacramento peccatum remitti, ut constans est graviorum Theologorum sententia cum Augustino cap. *Neminem* 43. de pœnitentia distinctione prima, dicente: *Neminem ab errore ad veritatem, vel à quocumque, seu magno, seu parvo peccato ad correctionem sine pœnitentia posse transire*; ac proindè qui sola venialia confiteretur sine ullo dolore peccaret mortaliter, eo quod frustraretur sacramentum; si autem haberet dolorem de uno cum voluntate exclusiva omnis mortalis, ille dolor jam esset propositum vitandi illud veniale, & cum haberet voluntatem simul exclusivam omnis mortalis jam apponeret materiam sufficientem sacramenti, adeoque & valorem, & fructum sacramenti reciperet: haberet quidem dolorem de peccato commisso, & propositum illud non committendi cum voluntate non peccandi mortaliter de cætero: quod satis est pro pœnitentia à Christo instituta in materiam hujus sacramenti. Qui-

nimo illud illud propositum universale, utpotè dolorosè procedens satis esset ad finem per se intentum ab hoc sacramento ex numero 463. ille verò efficax dolor de veniali, cum sit etiam propositum saltem non committendi illud peccatum jam esset pœnitentia sufficiens ad remissionem venialis, cum sit materia libera, possitque unum veniale absque alio remitti.

487. Non desunt tamen aliqui Authores, qui affirmant esse mortale accedere ad sacramentum pœnitentiæ sine attritione omnium venialium, saltem quæ clavibus subjiciuntur. Verùm de hoc, omnibusque pertinentibus ad remissionem. Venialium, agemus suo loco. Insinuabo modò ea solùm, quæ ex ratione fundamentali Authorum istius sententiæ possunt cum tractatu de sacramento aliqualem habere connexionem. Responsio igitur eorum Authorum est, quia qui non dolet de omnibus venialibus à se confessis, proponet pro materia sacramenti aliquod, quod non potest esse materia. Undè sicut graviter peccaret ille, qui hostiam papyraceam proponere-

poneret cum triticeis ad consecrandum ; sic ille , qui proponit in confessione aliqua venialia , de quibus non dolet , peccat mortaliter . Verùm hæc sententia ait Gonettus disputatione 7. articulo 4. num. 77. videtur nimis rigida , adeòque improbabilis . Planè in hoc authore majorem claritatem desiderarem , simulque omninò necessariam distinctionem pro praxi inter requisita necessitate præcepti , vel necessitate sacramenti . Etenim si loquamur de sententia requirente ex necessitate præcepti dolorem omnium venialium non est quare censeatur improbabilis : eam enim defendunt plures , quos inter Castro Palao tomo 4. tract. 23. disp. unic. punct. 7.

488. Opinio igitur docens requiri attritionem omnium venialium intelligenda est de necessitate præcepti , secus autem de necessitate sacramenti . Ratio est : quia ille , qui confitendo plura venialia efficaciter , & bonâ fide doleret de uno , & non de aliis , jam apponeret unum peccatum veniale cum attritione ; quod est materia sufficiens ad sacramentum , adeòque ex eo capite non frustraretur sacramentum . Ut

ſi quis adhibeat conſecrationi unam hoſtiam triticeam, & aliam papyraceam, validum eſſet ſacramentum circa hoſtiam triticeam . Pariter ſi confiteretur mortale, de quo dolet cum venialibus, de quibus dolorem non concipit, eſſet validum ſacramentum; cum eſſet materia ſufficienter certa abſolutionis. Quapropter noſtra ſententia eſt tuta in praxi . Sic Cardenas diſfert. 2. cap. 6. quæſt. 5. num. 83. dicens : *Dicendum tamen eſt eam ſecundam opinionem non ſubjacere huic damnationi . Ratio eſt clara , quia ſi pœnitens confiteatur unum peccatum veniale cum attritione , & reliqua ſine illa , præbet ſufficientem materiam ad abſolutionem , & ſi accedat bonâ fide per hanc ſecundam opinionem , quæ probabilis eſt etiam apud authores prioris ſententiæ , ſacramentum eſt certò validum . Non ergo verſatur quæſtio circa valorem ſacramenti , atque adeo ea ſecunda opinio non eſt minus tuta circa valorem .* Hæc Cardenas .

489. Quod autem per principia noſtræ ſententiæ poſſit aliquis abſque tranſgreſſione alicujus præcepti manifeſtare confeſſario plura venialia cum efficaci dolore unius, &

& non alterius, constabit alibi latè, & infer-
tur satis ex num. 486. ubi habetur ratio fun-
damentalis communis sententiæ Theolo-
gorum, quos citat, & sequitur Lugo dis-
putat. 14. num. 118. & Arriaga disputat. 31.
sect. 7. num. 53. ex qua fundamentali ratio-
ne conficitur, quod sicut non tenemur pec-
cata venialia confiteri, ita ea possumus, si-
ne debito dolore Sacerdoti manifestare, non
quidem ad petendam absolutionem de illis,
sed ad maiorem nostri confusionem, & eru-
bescentiam, dummodo ad validitatem sa-
cramenti de aliquo sufficientem dolorem af-
feramus juxtà dicta num. 486. illi enim qui
ita confitentur sua venialia, planè non id fa-
ciunt ex fine obtinendi absolutionem ab il-
lis, de quibus non dolent, ut praxis, & usus
demonstrat, adeòque ea non apponunt ipsi
pro materia Sacramenti, nec de illis pro-
priè confitentur, sed potius illa inter con-
fitendum exponunt, quod licitè facere
possunt ad sui confusionem, humiliatio-
nem, & ad maiorem sui notitiam con-
fessario dandam. Sicut etiam possunt ha-
bitus suos vitiosos, propensiones naturar-
les, & peccandi occasiones, & tentatio-

nes sibi occurrentes , aliaque multa , quæ peccata non sunt , nec materia absolutionis exponere licitè , & laudabiliter.

490. Confessio enim non solùm refertur ad absolutionem à peccatis , sed etiam tendit ad medendum infirmitatibus pœnitentis , ad regimen conscientia , novæque vitæ custodiam , ut ex Ecclesiæ praxi patet , & supponit satis aperte Tridentinum sessione 14. capite 8. dicens : *Habeant autem præ oculis , ut satisfactio , quam imponunt non sit tantum ad novæ vitæ custodiam , & infirmitatis medicamentum , sed etiam ad præteritorum peccatorum vindictam , & castigationem : nam claves Sacerdotum non ad solvendum dumtaxat , sed etiam ad ligandum concessas , etiam antiqui Patres , & credunt , & docent . Undè aliqua peccata venialia declarare possunt , quæ non proponuntur , ut materia Sacramenti Pœnitentiæ ; ac proindè , licet pœnitens de ipsis non doleat , non peccat mortaliter , dummodò atteratur , & doleat de aliis , ne frustretur Sacramentum , quod pro materia , habet dolorem , seu*
pec-

peccata , cum attritione , vel contritione confessa : ex quo patet disparitas ad exemplum , quod adducebant adversarii , de consecratione , numero 487. Nam consecratio Eucharistiæ refertur , solùm ad transubstantiationem , & effectiõnem Sacramenti . Undè non potest proponi , aliquod ut consecrandum , quod materia consecrationis non est , adeoque nec hostia papyracea , cum triticeis misceri , & ad consecrandum offerri . E' contra vero , cum confessio , non solùm referatur ad absolutionem à peccatis , sed etiam tendat ad medendum infirmitatibus poenitentis , ad regimen conscientiae , & novæ vitæ custodiam , licet in confessione exponere , quæ ad hunc finem conducunt , licet non exponantur pro materia , neque ad finem absolutionis .

491. Neque opus est , vt poenitens , qui certam materiam Sacramento apponit , anxius sit in explicando veniali , circa quod habet dolorem : Nam absolutio Sacramentalis ex Christi institutione cadit supra illam , & non supra aliam materiam : sensus enim illius est : Absolve

te à peccatis , quantum est ex me secundum Christi institutionem , idest à peccatis , quæ ritè confessus es , cum sufficienti dolore , & proposito , sive quæ in ipsa confessione directè , aut indirectè , ritè includuntur . Sicut enim , quando confessio est de mortalibus , ex eo quod non possint remitti , quæ manifestantur , quin etiam remittantur indirectè alia , si sunt inculpabiliter oblita , absolutionis vi remittuntur , non solùm directè ea , quæ manifestantur , sed etiam indirectè ea , quæ oblita sunt . E' conuerso , quando confessio est de solis venialibus , cum unum sine aliis remitti possit , non extenditur necessariò absolutio ad omnia , quæ manifestantur , sed ad ea , quæ ritè , & propriè confessa sunt , cum ad illud in eo casu , & ad hoc in isto se extendat Christi institutio , à qua Sacerdotis absolutio vim habet .

492. Casu autem , quo pœnitens non declaret , quænam sint ea venialia , de quibus dolet , poterit Confessarius imponere pœnitentiam correspondentem omnibus , ad aliquem saltem finem obtinendum

dum ex enumeratis . Quapropter Sacramentum ex nulla parte est irritum , cum nihil desit , quod necessarium sit ad illius valorem . Quod autem non habeat tantam efficaciam , quantam habere posset , si dolor fuisset universalis , id non est contra reverentiam debitam Sacramento , neque per se malum , cum non teneamur accedere ad Sacramenta , cum dispositione ad habendam efficaciam , quantam habere possunt . Sic non tenemur accedere ad Eucharistiam , cum summa dispositione , ut conferat gratiam , quantam conferre potest , neque ad poenitentiam , cum dilectione , Dei super omnia . Ex quibus præoccupata manent , quæ contra nostram doctrinam possunt adduci .

LAUS DEO.

Pag. Vers. Errata. Corrige.

3	23	umitur	sumitur
20	21	Ezechiei	Ezechia
30	13	amaritudne	amaritudine
30	20	pœuitentiæ	pœnitentiæ
64	2	in esse boni	esse boni
85	18	non solum	ita ut non solum
90	2	huiusmodi	cujusmodi
112	7	compatatio	comparatio
134	10	sa isfacerem	satisfacerem
153	14	justitiæ	injustitiæ
153	25	tenet hodie	tenet communis hodie
161	4	petendi	patiendi
204	8	Ecclesiæ	Eucharistiæ
208	9	charitatem	charitate
209	25	dispositione	desperatione
220	17	reconciliationis	regenerationis
221	11	prædicare	prædicaret
221	24	Epistola 7.	Homilia 10.
228	6	mal	mala
228	7	erga	ergo
228	8	peco	pec
232	16	fanet	fanem
251	24	posse	posset
256	22	ipsi	ipsum
351	12	Archidiaconus	Archiepiscopus
351	21	modo	quo modo
359	10	decisisse	decidisse
360	4	præcedat	procedat
399	8	dum	cum
400	14	quæ	que
404	15	ergo pariter &c.	ergo pariter &c.
414	5	rationali	rationalis
418	24	esset	esse
432	5	ea nihilo	ex nihilo
481	26	Dei institutionem	ex Dei institutione
491	4	nem	re
507	4	aliis	ab illis
511	16	Vernicelli	Verricelli
529	9	Didacus	Durandus
531	20	textu	statu
533	21	examen	contritionem
539	8	Waghereck	Wagnereck
559	25	Regularis	Minorum
581	11	incurrere	incurreret
597	3	virtualis	universalis

IN-

INDEX RERUM

Numerus subindicat
marginalem.

A



ACTUS Pœnitentiæ, quas nam formalitates includat? Numero 15.

Actus unus indivisibilis potest omnes pœnitentiæ formalitates complecti.

Numero 18.

Actus virtuosus pœnitentiæ est efficax. [Num.26.](#)

Amicitia erga Deum, in multis differt ab amicitia erga homines. [Num.272.](#)

[Attritio](#) naturalis non sufficit ad constituendum Sacramentum pœnitentiæ. [Num.375.](#)

Attritio supernaturalis ex metu gehennæ, cum spe veniæ, certò sufficit ad causandam gratiam cum Sacramento. [Num.447.](#)

Attritus quomodo fiat in Sacramento contritus. [Num.256.](#)

BEA-

INDEX RERVM.

B

BEAT I non habent Pœnitentiæ virtutem .
Num.222.

Bonitas moralis objectiva, in quo sita sit. Num. 9.

Bonitas creata est ultimum resolutivum virtutum purè moralium . Num. 97.

Bona plura sunt objectum materiale Pœnitentiæ, per modum prosecutionis . Num. 162.

C

CHARITATIS actus quomodo sit obedientialis Dei amor . Num.290.

Christus non habuit virtutem Pœnitentiæ .
Num.222.

Contritio perfecta , ex quo motivo procedat .
Num. 247.

Contritio perfecta non indiget intensione , aut duratione . Num.284.

Contritio perfecta, quantumcumque remissa, sat est ad justificationem . Num.444.

DE-

INDEX RERUM.

D

DEFINITIO Pœnitentiæ . Num.22.
Deipara non habuit virtutem Pœnitentiæ . Num.222.

Dilectio, quam exigit Tridentinum, cum Sacramento Pœnitentiæ, qualis sit . Num.328.

Dolor animi, in quo consistat . Num.218.

Dolor sufficiens ad valorem, sufficit quoque ad fructum Sacramenti Pœnitentiæ . Num.463.

Donum Spiritus Sancti, in quo differat à virtute . Num.3.

Duratio actûs non est de essentiâ perfectæ charitatis . Num.286.

E

EMENDATIO, aut pura mutatio vite, satis non est ad veram pœnitentiam . Num.23.

Ecclesiæ praxis in Sacramento Pœnitentiæ . Num.446.

FI-

INDEX RERUM.

F

FINIS intentus à Sacramenti pœnitentiæ præcepto, qualis sit. Num. 274.

Forma non denominat semper objectum suum per convenientiam; sed aliquando etiam per contrarietatem. Num. 39.

G

GRATIA justificans secum affert virtutum habitus, non modo in adultis, verùm etiam in parvulis. Num. 62.

Gratia justificans obtineri potest à moribundo, cum Sacramento pœnitentiæ, absque contritione perfecta. Num. 46 I.

H

HABITVS per se infusus, & acquisitus, in quo distinguantur. Num. 6.

Habitus pœnitentiæ, quare sit virtus. Num. 12.

Habitus purè deletivus peccatorum, minimè datur in hac providentiâ. Num. 89.

IN-

INDEX RERUM.

I

INFUSA gratiâ justificante, adsunt etiam infusi virtutum habitus . Num. [62.](#)

Innocentes non habent virtutem Pœnitentiæ .
Num. [222.](#)

Intensio non est de essentiâ amoris Dei super omnia , aut charitatis perfectæ . Num. [281.](#)

L

LUTHERANORVM resipiscentia sat non est ad actum veræ pœnitentiæ . Num. [23.](#)

M

MALITIA moralis objectiva , in quo sita sit . Num. [9.](#)

Methodus Scholastica , quomodo in hoc tractatu inchoanda . Num. [1.](#)

Metus non causat indispensabiliter involuntarium . Num. [399.](#)

Metus servilis non est indispensabiliter malus .
Num. [398.](#)

Moribundus non tenetur ad contritionem perfectam

INDEX RERUM.

Etiam necessitate mediæ, ut obtineat gratiam cum Sacramento pœnitentiæ. [Num.461.](#)

Motivum Universale, quomodo concurrat ad actum pœnitentiæ. [Num.67.](#)

N

NATURALIS contritio insufficiens est ad constituendum pœnitentiæ Sacramentum. [Num.22. & 381.](#)

Necessarium necessitate mediæ, aut necessitate præcepti, quomodo differant. [Num.459.](#)

Necessarius non est necessitate mediæ ad valorem Sacramenti pœnitentiæ, dolor de omnibus venialibus, quæ quis confitetur. [Numero 488.](#)

Nulla est offensa, quæ injuriam non afferat. [Num.122.](#)

O

OBJECTIVUM formale pœnitentiæ virtutis, multiplex. [Num.155.](#)

Objectum materiale virtutis pœnitentiæ, quæ talis, duplex, alterum fugæ, & alterum prosecutionis. [Num.149. & 162.](#)

Offen-

INDEX RERUM.

Offensa remitti non potest pro eo instanti , in quo committitur . Num. [143.](#)

P

P *ECCATA , quæ à pœnitente committi possunt , sunt etiam objectum materiale pœnitentiæ . Num. [149.](#)*

Peccatum quodcumque , est per veram pœnitentiam remissibile . Num. [191.](#)

Pœnitentia in tota sua latitudine sumpta , quid significet . Num. [2.](#)

Propositum non æquivalet dolori , sicut dolor proposito . Num. [229.](#)

Propositum formale ex universali motivo dolorosè procedens , perindè se habet , ac dolor formalis . Num. [468.](#)

Q

Q *UOMODO attingat perfecta contritio motivum charitatis . Num. [287.](#)*

Quot sint in viâ virtutes Theologicæ , per se infuse . Num. [59.](#)

RE-

INDEX RERUM.

R

RESIPISCENTIA à Lutheranis conficta , non est vera pœnitentiæ virtus .
Num. [23](#).

S

SACRAMENTUM Pœnitentiæ , absque dilectione Dei super omnia , certò causat gratiam . Num. [447](#).

Sacramentum pœnitentiæ , juxta Ecclesiæ præcipium , non exigit dilectionem ex charitate .
Vide Elenchum . Num. [446](#).

Super omnia diligere , quid significet . Num. [279](#).

Supernaturale Theologicum , per quid constituitur . [Num.386](#).

Supernaturale , duplex . Num. [385](#).

T

T[H](#)EOLOGICA Virtus , in quo differat à morali . Num. [95](#).

Timor servilis, laudabilis, & honestus. Num. [371](#)

Timor gehennæ, supernaturalis. Num. [413](#).

VE-

INDEX RERUM.

V

VERECVNDIA, cur non sit virtus. Num. 29.
Virtus, quomodo definiatur. Num. 3.

& 4.

Virtutes per se infusæ, aliæ sunt Theologicæ, & aliæ morales. à Num. 60.

Virtus pœnitentiæ restrictè sumpta, qualis sit. Num. 66.

Virtutes Morales, & Theologicæ, in quo distinguantur. Num. 95.

Vtilitas opinionis. verè speculativè probabilis. Num. 455.

F I N I S.





